

IVSTI LIPSI  
DISSERTATIVNCVLA  
APVD PRINCIPES:

item 36. 11. E. 12

C. PLINI PANEGYRICVS  
LIBER TRAIANO DICTVS,

Cum eiusdem LIPSI perpetuo COMMENTARIO.



*Biblioth.* ANTVERPIÆ, J. Plantin

EX OFFICINA PLANTINIANA, *Plantin*

*Schol.* Apud Ioannem Moretum.

clō. 100

Cum Privilegijs Casareo ac Regio.

THE UNIVERSITY OF CHICAGO

LIBRARY

1100 EAST 58TH STREET

CHICAGO, ILL. 60637

TEL. 773-936-5000

WWW.CHICAGO.EDU

CHICAGO, ILL. 60637

CHICAGO, ILL. 60637

CHICAGO, ILL. 60637

CHICAGO, ILL. 60637

CHICAGO, ILL. 60637

CHICAGO, ILL. 60637

CHICAGO, ILL. 60637

CHICAGO, ILL. 60637

CHICAGO, ILL. 60637

CHICAGO, ILL. 60637

SER.<sup>MS</sup> POTENTISSIMISQVE  
PRINCIPIBVS

2

ALBERTO MAXIMILIANI II.  
IMP. FILIO, FERDINANDI NEPOTI,  
RVDOLFI II. FRATRI:

ET

ISABELLÆ CLARÆ EVGENIÆ,  
PHILIPPI II. CATHOLICI REGIS FILIÆ,  
CAROLI V. IMP. ET REGIS NEPTI,  
PHILIPPI III. REGIS SORORI, INFANTI  
HISPANIARVM:

ARCHIDVCIBVS AVSTRIÆ,  
DVCIBVS BVRGVNDIÆ, PRINCIPIBVS  
DYNASTISQVE BELGARVM:-

IUSTVS LIPSIVS  
SESE ATQVE ISTA  
CVM ÆTERNA FIDE, CVLTV, OBSEQVIO,  
DEDICAT CONSECRATQVE.

† z

NAM



AM venit ad vos, PRIN-  
CIPES, *Dissertatiuncula* mea,  
an & vestram dicam?  
Vos iussistis, vos iuui-  
stis: nec nisi Genio illo  
Principum adspirante,  
vel tria verba hiscere potuissem, in tam  
clarâ luce subitò deprehensus. Et à me  
quidem, res parua est: splendorem ta-  
men à vobis habet: & (fas sit dicere) vos  
ab eâ aliquem. vt dimanet ad exteros aut  
posterios singularis hic vester in optimas  
artes vel amor, vel honor: dimanet in-  
quam, in laudem vestram, in aliorum  
exemplum. Quo solo fine & causâ fa-  
teor me edidisse. Nam me & famam  
meam si spectem, quid accedit? imò de-  
cedat fortasse. sed vt miles, qui in acie  
pro Principe suo honesta vulnera acce-  
pit, adeò non celat ea, vt etiam reuelet



ac iactet: sic mihi visum, gloriosam hanc  
 ignominiam subire, quæ seruiat nomini  
 vestro. Atquin aliud etiam visum adde-  
 re, quod non excuso: *Plinij*, inquam, *Pæ-  
 negyricum*, quem Traiano optimo Principi  
 optimum laudatissimúmque scripsit. Nec  
 id quidem magnum opus. tamen vt in  
 exiguam sæpe tabulam orbis & regio-  
 num magnitudo aut varietas includitur:  
 sic in hunc libellum, quidquid ad mu-  
 nus aut decus veri Principatus. Laudat  
 suum Traianum, non monet, fateor: sed  
 hoc quoque decorum apud Principes,  
 vt sub blando eo titulo, & boni quæ fa-  
 ciunt, recognoscant; & alij, quæ facere  
 deberent, cognoscant. Quid, quòd Tra-  
 iano dictus dicatúsque est, Hispano Prin-  
 cipi, & qui primus florentis imperij sce-  
 ptrum transtulit ad externam & suam  
 gentem? Et eius gentis tu maternâ ori-  
 gine,

gine, ALBERTE, & longâ etiam inhabita-  
tione es : tu ISABELLA , ortu & stirpe.  
Accipite ergo, PRINCIPES, & munuscu-  
lum hoc , & munus : quorum illud feli-  
cium Auspiciorum vestrorum memoriæ  
aliquid faciat ; istud, Principatus optimi  
( talem ab optimis speramus ) exemplo.  
Louanij, prid. Idus. Aprilis , anno Chri-  
stiano ∞. 1556.



AD

# AD LECTOREM.



*ABES duplex hic scriptum, Lector: etsi, ut rem dicam, neutrum propriè tibi scriptum. Nam illud prius subita benignitas Principum elicit: cum Athenaeum nostrum inopinatò visitantes, me quoque dicere aliquid subitarium voluissent, sine iussissent. Factum, dixi, edo, leuia & breuia: id est, illa ipsa qua dixi. Nam augere & polire, exemplo veterum, atque adèd Tullij & Plinij, poteram: sed in re quæ ad Principes, veritatem amari, & quidquid hoc fuit, damus sine colore aut fuce. Nec tibi tamen, ut aiebam, propriè damus. sed ut qui sagittam mittit, scopum intuetur, non circumstantes: sic mihi nunc Principes in oculis, non si quis aliàs fortè leges. Lege tamen me optante, & hoc saltem discè, magna quadam exempla cadere etiam in hoc auum. An aliud illustrius, quàm faminam (ALBERTVM enim nunc omitto) faminam inquam, inter Principes principem, venisse vltro ad has litterarias recitationes, sedisse, audisse? Fecit. quid nisi heroinam illam ISABELLAM, ataviam suam, imitata? qua adèd omnium rerum honestarum, tum etiam artium amore flagrauit, ut iam nupta & grandior Latinas litteras didicerit, cum intelligendi illo fine & fructu. O eat in sacula illud & hoc exemplum, & vnà cum bonâ famâ, Principes ament Fama & Aeternitatis istas artes! Sed alterum etiam scriptum non ex destinatione tibi.*

tibi damus. Priori illi in hac occasione subiunximus, & aptum putauimus Principibus in viâ regiâ & rectâ dirigendis. Vetus est, non nego. sed non ut aromata vim suam auo expirant; sic monita ista salubria & doctrina. imò contrâ, auctoritatem & fidem ab atate sumunt. Ac meo voto, prisca illa, & usu felicia ac gloriosa, reuocentur: præ nouitiis quibusdam, obliquis, callidis, & quæ speciem magis prudentiæ, quàm ipsam habent. Melius profectò equabiliusq; regatur res humana. Sed non huc eo. tibi si non laudatam, excusatam operam meam, Lector, uolui: quam nulla ambitio, sed sola pietas in Principes expressit. Louanij, prid. Idus Apriles anni ∞. I D C.



IUSTI LIPSI  
DISSERTATIONCVLA  
apud  
SERENISSIMOS  
ALBERTVM  
ET  
ISABELLAM  
BELGARVM PRINCIPES  
extemporanea:

*Postridie diei Auspicalis, qui fuit septimus  
Kal. Decembrium, anni MD. XCIX.*

THE HISTORY OF THE  
CITY OF LONDON  
FROM THE FOUNDATION  
TO THE PRESENT TIME

By JOHN STOW.  
The first Edition.  
Printed by I. I. for I. W. at the  
Sign of the Sun in St. Dunstons Church  
in London.  
1618.

6

S E R E N I S S I M I  
E T  
P O T E N T I S S I M I  
P R I N C I P E S,



Tsi fateor haud planè rùdem & tironem me esse indicendo; tamen hic splendor vester, qui oculis meis inopinatus apparuit, & hic insolens confessus, turbat me aliquid (non nego) sed & delectat. Sicut qui è tenebris & longo situ ad solem subitò educuntur, caligat ijs acies, & oculi præstringuntur: sic mihi euenit, & duo simul maxima sidera cùm video, hunc SOLEM, vt ita dicam, & hanc LVNAM, hebescit nonnihil ingenij acies, & linguæ hæc promptitudo retardatur. Quid tamen est? sicut idem ille sol excitat mox & recreat, & innatâ suâ vi dat vigorem: sic mihi sentio ab aspectu SER<sup>us</sup> V. alacritatem infundi, & iisdem, quibus terrebar, excitari. Itaque parebo libens SER<sup>ti</sup> V. quæ me voluit subitò & ex tempore pauca dicere: pauca certè erunt, & ideò excusata, quia subita & ex tempore. Non recedam autem longè (nam & sic iussistis) à more lectionis solitæ: *Annaum Senecam* (æternum Hispaniæ decus) in manus sumam, & pauca eius verba à confèssu & tempore hoc non aliena,

cum bonâ veniâ vestrâ PRINCIPES, cum bonâ  
gratiâ vestrâ reliqui AUDITORES, explicabo.  
Ait I. De Clementiâ. cap. III.

» *Illius demum Principis magnitudo stabilis fundatâ-*  
» *que est, quem omnes tam supra se esse, quàm pro se sciunt:*  
» *cuius curam excubare pro salute singulorum atque uni-*  
» *uersorum cotidie experiuntur. Quo procedente, non*  
» *tanquam malum aliquod aut noxium animal è cubili*  
» *prosilierit, diffugiunt: sed tanquam ad clarum & be-*  
» *nificum sidus certatim aduolant, obijcere se pro illo mu-*  
» *ronibus insidiantium paratissimi, & substernere cor-*  
» *pore sua, si per stragem illi humanam iter ad salutem*  
» *sternendum sit.*

Pauca verba, vt solet ille scriptor: sed magnæ rei  
inclusæ, & à me breuiter educendæ. Ait, *Illius de-*  
*mum Principis magnitudinem stabilem esse.*] Cuius?  
qui hæc faciet, quæ suggerit. Si quis ergo negligit?  
negat, & parum firmæ altitudini insistere eum pu-  
tat. Sicut domus, cui fundamentum non subster-  
nitur, caduca est: sic Princeps, cui non ista. quæ iam  
addit: *Quem omnes tam supra se esse.*] Dignitas Prin-  
cipis tangitur & eminentia. quis autem eam nescit?  
Ille est imago & exemplar Dei in terris, rerum mo-  
derator & arbiter, in cuius manu positæ opes, digni-  
tas, vita omnium nostrûm. Sicut anima corpori  
præest, & animæ ratio: sic Princeps hâc populum  
regit, & eadem illa ratio ipsum. Tolle, cadauer ac  
funus est hæc omnis multitudo: & vt Cyclops apud  
Homerum, amisso vnico oculo, huc illuc impingi-  
tur,



tur, & denique ruit: sic ista moles populi, sine lumine illo Principatus. Ergo *supra omnes* eum meritiò esse sciunt, & fatentur. quid amplius? *Pro se esse.* ] O monitum eximium! ò in duobus verbis inclusum finem, munusque Principatum! Non praeesse solum Princeps, sed prodesse debet: nec sibi tantum ciues datos, sed se etiam ciuibus arbitrari. Sicut sol ille (ne abeam ab hâc imagine) non lucet modò, sed fouet, vegetat, animat: sic verus ille populorum rector, in splendore suo commodat & iuuat. *Moderatori Reip.* (ait Cicero) *beata ciuium vita proposita est, ut ea sit opibus ampla, copijs locuples, virtute instructa.* Et Hadriani Principis laudata illa vox est: *Ita se remp. gesturum, ut sciret rem populi, non suam esse.* Sed quomodò hoc faciet, & eò veniet? addit noster: *Curam eius excubare pro salute etiam singulorum.* ] Itane excubare? & nec noctes vacuæ exceptæque sint? nec noctes. *Magna fortuna, magna seruitus est,* ait quispiam: & maximo cuique imperio maximam curam, atque adeò assiduam inesse, vos & animos vestros SER<sup>mi</sup> testor. Vt Palinurus ille in mari, non de die solum gubernabat, sed ipsâ nocte

— clauumque affixus & hærens:

Nusquam amittebat, oculosq; sub astra tenebat: tale in Principe, cuius *curam excubare* Seneca vult pro salute etiam *singulorum.* ] Quid tu ais? nec satis *uniuersorum*? Aio, inquit. & ut pater aliquis in magnâ familiâ, ad singulos animum atque oculos adicit, ita verus Princeps. Philippus Macedo, in-

ter laudatos olim reges, admonitus huius muneris  
sui à scœminâ etiam fuit. quæ ipsum adiens, desi-  
derium aliquod expositura, cùm reiceretur & *ne-  
garet sibi vacare*: animosè subiecit, *Noli ergo impe-  
rare*. Animosè, inquam, sed verè: & rex agnouit,  
sed monitus à scœminâ: ab ipso autem se Imp. R V-  
DOLFVS. ille dico, primus auctor & fons magni-  
tudinis vestræ, à quo inclita gens AVSTRIACA  
per annos iam plus trecentos in hoc æuum floret,  
& in omne (ita voueo) florebit. Is cùm tenuiores  
aliquot homines aditum ad eum captarent, & satel-  
lites aspernati hoc genus, reicerent: animaduertit,  
&, *Per Deum*, inquit (ipsa Annalium verba ponam)  
*finite homines ad me venire. Non enim ideo Imperator  
sum, ut in arculâ includar*. Vocem inclitam, vocem  
auream, vocem verè AVSTRIAM! & in quâ hoc  
de curâ (quid enim melius addam?) concludam.  
Pergit noster: *Quo procedente*.] Fructus est, qui Prin-  
cipes manet, ex hoc munere suo & curâ. Quis ille?  
duplex, Beneuolentiæ & Fidei, quam vtramque  
subditi præstant. De illâ, *Quo procedente*, inquit, *non  
tquam malum aut noxium animal* (tigris, lupus,  
serpens) *è cubili profilicris, diffugiunt*: quod in Caligulâ,  
Nerone, Domitiano aliquo obseruare licuit, qui  
nunquam è cubiculo, & ex illâ solitudine suâ in pu-  
blicum prodibant, nisi vt solitudinem, imò & soli-  
tudinem, facerent: sed *tanquam ad clarum & benefi-  
cium sidus certatim aduolant*.] Ita sanè, aduolant, non  
accurrunt; certatim, non lentè aut timidè, viâ, do-  
mus,

8  
mus, opida sunt angusta. Videtisne ô nostri PRINCIPES? tanquam ad clara & benefica duo sidera concurrimus: tanquam ad gemellos illos Castores respicimus, in diuturnâ hâc Belgicâ tēpestate. Illi cōspecti, nautas recreant, illi, cūm nauibus infederūt,  
— tumida æquora placant,

Collectasq; fugant nubes, Solemque reducunt: ita vos, qui infedistis, & corpore pressistis iam Belgicæ hanc nauim, è bellorum fluctibus, ex insidiarum procellis, subducetis eam in portum. Atque hæc igitur Beneuolentia est. de Fide sequitur: *Obiicere se pro illo mucronibus parati.*] Quidni faciant? in vobis, vt dixi, viuimus: animam & spiritum hunc in animâ Principum ducimus: & meritò ergo pro iis obiecturi ea, imò proiecturi. Ego SER<sup>mi</sup> PRINCIPES, publicâ Belgarum voce & sensu, vtrique hæc offero: Beneuolentiam, inquam, & Fidem. & simul sine iactantiâ addo, duas in nobis notas siue insignia ab antiquo esse: Fortitudinem, ac Fidem. *Fortissimos Gallorum Belgas*, Iulius Cæsar iam olim dixit: de Fide, idem & Plutarchus, DEVOVERE Gallos (qui mos & Hispanis) corpora vitamque suam Principibus solere: id est, ita consecrare, vt cum viuis viuerent, pro iis periclitarentur, morerentur, atque adedò cum iis. Nam superesse nefas erat. Magna fides, & nescio an alibi gentium lecta vel audita. Sed iam desino, memor apud quos dicam: & quàm breues sermones non solum apud Deum sæpe, sed apud Principes semper, grati decorique

A

corique sint. Gratias tantum ago, Athenæi huius  
 & meo nomine, quos tam clarâ istâ luce perpetuum  
 illustrastis. In eo quoque imitati magnos illos Prin-  
 cipes: ut Cn. Pompeium, qui è bello Mithridatico  
 victor, Rhodum veniens singillatim omnium Pro-  
 fessorum ædes circumiuit, iniuit, & fasces illos  
 laureatos priuatorum ianuis submisit. Quid Ti-  
 berius Imp<sup>or</sup> in eadem vrbe? *circa scholas & audi-*  
*toria Professorum* (Suetonij verba sunt) *assiduus fuit.*  
 Quid Claudius Imp<sup>or</sup>? ille verò inopinatus sæpè  
 recitantibus interueniebat: quod vos SER<sup>mi</sup> nunc  
 fecistis. Gratias igitur agimus, & voto eas claudi-  
 mus: ut felicibus auspiciis cœptum hoc imperium  
 diuturnum ac stabile vobis, & stirpi vestræ (ô Deus  
 eam donet!) sit, cum Dei ipsius, cum vestrâ gloriâ,  
 & publicâ Belgarum salute. D I X I.



C. PLINI

C. PLINI SECVNDI  
P A N E G Y R I C V S  
L I B E R,

Quem  
IMP. NERVAE TRAIANO  
OPTIMO PRINCIPI  
scripsit siue dixit:

Et ad eum I V S T I L I P S I  
COMMENTARIVS P. P.

## C V I S A L V ' S .



ABES his perpetuum, sed breuem  
 meum Commentarium, in Pli-  
 nij scitam, & super Gracas Lati-  
 nâsque laudatam, Laudationem.  
 Perpetuum ita, ut nec minora saepe  
 pigeat attingere, & discingere: quia  
 memini quibus, & cui generi, præcipuè hac scripserim.  
 nempe Palatinis nostris: quòs votum meum sit, præclara  
 hac legere, intelligere, atque utinam, bis utinam, obsequi  
 & audire. Itaque nec tenuia interdum transco: quia  
 plerosque illos transisse per hæc studia scio, vel festinantes,  
 vel occupatos. idèoque iuvandos à nobis, præsertim in  
 argutiis, aut ritibus: & utrorumque copia est in hoc scri-  
 pto. Sed breviter tamen hæc omnia. quod pro illorum  
 gustu arbitror, fortasse & usu: nec nimis nunc probo, qui  
 in singulis insistant, & uni alicui ritui explicando pagi-  
 nas donant. Modicè satis est, & quod in rem præsentem  
 sufficiat: plura, pompam magis habeant, quàm fructum.  
 Quid, quod nec Schemata, & ornatus illos florida ora-  
 tionis tango? nam visum mihi pertenuia hæc & Schola-  
 stica esse, qua didicisse oporteat magis quàm discere: aut  
 alio certè doctore discere, neque Aquila, ut in præscribto  
 est, captat muscas. Ergo Politica & graviora illa do-  
 gmata explicares, dicit alius: & conveniebat Aula, cui  
 A. 2 scribis.

scribis. Haud negauerim istud, illud non suscipio. quia etsi  
 talium monitorum cōberrima & pulcherrima hic seges;  
 tamen falcem meam nunc non sentiet, & satis atq; abun-  
 dē messuisse arbitror in POLITICORVM libris, qui  
 exstant. Singula in loco & tempore agere, mihi sententia  
 & votum est: atque igitur hic studui tantū, Plinia-  
 num textum diducere & reuelare, & verbis sensibusq;  
 eius lucem dare, nec ultra. Siquis plura atque alia vo-  
 let, ibit ad alios: qui compositē & industriē struere moles  
 operum solent. Casula hac mea est, subitaria & leui ma-  
 nu ad usum, non decus aut speciem, structa. cui Aristo-  
 phanaum illud inscribo:

Ὅς τις ἐν τοιούτοις γελᾷ, τοῖς ἐμοῖς μὴ χαίρεται.

Quisquis capitur illis talibus, his meis ne gaudeat.

Vale Lector, & Senecam nostrum (si Deus paucillum  
 etiam vita dat) expecta. Louanij, xv i. Kal. Mar-  
 tias ∞. 166.

5

# A R G V M E N T V M, C A V S S A, T E M P V S H V I V S S C R I P T I.



R G V M E N T V M & materies est, *Laudatio* Traiani. quam duplicem exsequitur, Publicæ vitæ & Priuatæ. Illam ordine quodam temporum peragit, orsus ab Adoptione ad tertium eius Consulatum: in quo hæc dixit, & ibi sistit. Quidquid igitur moderate intereà, liberaliter, benignè, vtiliter in publicum fecisset, recenset, diducit, ornat; sæpe floridè, & pœnè poëtarum in morem: quem stilum hoc Ornationum genus vsquequaque non spernit. Pleraque autem laudatio intra togam & pacem consistit: quia bella nondum attigerat, & magni ducis signa magis, quàm res adhuc erat. In Priuatâ deinde vitâ, compositam domum eius, vxorem, & sororem laudat: quòd amicos colat, liberos non colat, & quosque habeat suo loco. Hæc breuiter & summatim *Laudatio* continet: quâ C A V S S A aut occasione sic instituta? Quia Plinius Consul iam erat, & ex more veteri, imò ex Sc<sup>to</sup> (vt ipse loquitur) *Gratia agenda* optimo Principi erant. An autem hoc est gratias agere, sic laudare? Ita. nam duplex erat illa *Gratiarum actio*, quod ipse sub finem Panegyrici dicit: & Publica, & Priuata. Illa, reip. nomine suscepta: & aptissimè in laudationem ibat, beneficia recensendo, quæ contulisset. Imò quæ absque eâ commemoratione gratiæ dici poterant? Altera, quam Consules suo nomine dicebant. quæ prima



origo & caussa harum Orationum apud Romanos est, fateor: sed in leui tamen postea habita, & hic quoque à Plinio paucis lineis perstricta. En caussam igitur scripti: addo nunc TEMPV S. Aio Plinium Consulem, primo die cum iam inisset (id est, Kalendis Septembribus) hæc dixisse: non autem antè, neque designatum, vt vir doctus censet. Induxit eum epistola xxviii. libri vi. in quâ cum interrogasset quidam *designatus Consul, quid in honorem Principis censeret*: inter alia, respondet: *Designatus ego Consul; omni hac et si non adulatione, specie tamen adulationis abstinui*. Refert ad hunc Panegyricum, & errat: nec aliud ibi Plinius, quàm de sententiæ dictione, quam primi designati Consules rogabantur. Mos autem inualuerat, vt loco sententiæ, aliquid in honorem Principis censerent: quæ adulatio, etiam in hoc scripto, Plinio memoratur. Itaque nihila epistola ad rem præsentem: & ipse ostendit non semel, à *se Consule* hæc dici. Neque alius sanè mos erat. quem tangit lib. ii. epist. i. de Verginio Rufo: *Acturus in Consulatu Principi gratias*. Nota, in Consulatu. Et Spartianus in Aelio Vero: *Cum orationem pulcherrimam parasset, quâ Kal. Januariis Hadriano patri gratias ageret*. Ait *Kalendis*; ergo ipso primo die Consulatus. Sed iterum hic dubitatio, quando igitur Plinius Consul? In quarto Consulatu Traiani, scripsit nouiter vir inter æui nostri summos: & ita censet, quia Proconsulatus Plinij incidit in annum, post illum Traiani dictum. At ego bonâ veniâ eius dissentio, & in tertio Principis, hunc Consulem fuisse, cum Onufrio adfirmo. Quo argumento? imò argumentis, satis certis. Primum, ipse in hac Oratione, vbi æta Principis laudat: *Et non-*  
*dum*

dum, inquit, *de biennio loquor*. Quomodo hoc verè, si in quarto eius Consulatu dicit? certè triennium imperij iam erat. At in *tertio*, verissimè: quia agebatur post mortem Neruæ extremus alter annus. Item: *Quò iustius Senatus ut susciperes quartum Consulatum, & rogauit, & iussit*. In futurum hæc dicuntur, neque adhuc gerebat. Iterum apertius: *Atque ego video, proximo anno Consulatus recusandi hanc præcipuè fuisse rationem, quòd cum absens gerere non poteras*. Nota de anno proximo, & instanti: non ergo isto. Quid amplius? *absens*, inquit. Ita sanè, *absens*. nam ad bellum Dacicum iam se parabat: quod cum Decebalo fortiter & feliciter, ipso illo quarto Consulatu, gessit. Itaque ne adfuit quidem, cum hæc à Plinio dicerentur. Quid etiam, si adfuisset? credètne aliquis omissam pulcherrimam illam laudum materiem, victos hostes, supplicem regem, & meritissimum triumphum? Quomodo ipsa Plinij oratio exultasset in eo, ac pænè triumphasset? ut doleam Principis causâ, non sub id tempus hanc recitationem interuenisse. At de tempore victi Decebali, ambigi non potest, vel ex lapide qui exstat: IMP. CÆSAR. DIVI. NERVÆ. F. NERVA. TRAIANVS. AVGVSTVS. GERMANICVS, DACICVS. PONT. MAX. TRIB. POT. IIII. COS. IV. VICTO. DECEBALO. Et nummi idem dicunt. Adde & hæc Plinij, si libet: *Nondum biennium complectamur in officio laboriosissimo, cum tu nobis Consulatum obtulisti*. Quæ de Præfecturâ ærarij capienda, quam ab ipso Neruâ accepisse se fatetur. At si *nondum biennium* ab eâ, cum Consul est factus: quid clarius, quàm Traiano tertium Consule hæc fuisse? Quod ad Proconsulatū Plinij (quo argumento vir ille

ille nititur: ) is verò tardior, & post victoriam demum Dacicam. Exstat epistola XIII. Plinij, lib. x. ad Traianum, quâ gratulatur ei *maximam, pulcherrimam, antiquissimam victoriam*: neque aliam, quàm istam. Deinde autem, epistolâ XV. in Bithyniam prouinciam suam, venisse se nunciat: certè post victoriam. Ergo in quinto eius, aut circa, Consulatu. Neque sanè moris; illo Principum æuo, statim & quasi ex lege, finito Consulatu in prouinciam ire. Imò contraria lex erat, iam inde à Iulio, non ire, nec imperia aut honores continuare: etsi tamen tota res in arbitrio Principum, & illi aut sorte, aut imperio, quando & quò visum esset, mittebant. Quæ in Dione variis locis, sed hoc postremum libro LIII. in actis anni DCCXXVI. habes.



## ELOGIA super hoc libro.




**P**SE Plinius, libro III. epist. XLII. Librum, quonuper Optimo Principi gratias egi, misi exigenti tibi: missurus, etiamsi non exegisses. In hoc consideres velim ut. PVLCHRITVDINEM materix, ita DIFFICVLTATEM. In ceteris enim nouitas ipsa Lectorem intentum habet: in hoc, nota, vulgata, dicta sunt omnia. Quò fit, ut quasi otiosus securusque Lector, tantum elocutioni vacet. in quâ satisfacere difficilius est, cum sola æstimatur. Atque utinam ORDO saltem, & TRANSITVS, & FIGVRÆ simul spectarentur? Nam inuenire præclarè, enunciare magnificè, interdum etiam barbari solent: DISPONERE aptè, FIGVRARE variè, nisi cruditis negatum est.

*Iterum epist. XLVIII. eiusdem libri.* Officium Consulatus iniunxit mihi, ut Reip. nomine Principi gratias agerem. quod ego in Senatu, cum ad rationem & loci, & temporis, ex more fecissem; bono cui conuenientissimum credidi, eadem illa \* SPATIOSIUS & VBERIUS volumine complecti. Primùm, ut Imperatori nostro virtutes suæ veris \* Nota, non sic amplius dixisse. Laudibus commendarentur: deinde, ut FUTVRI PRINCIPES, non quasi à magistro, sed tamen SVB EXEMPLO PRAEMONERENTVR, quâ potissimùm viâ possent ad eandem gloriam niti. *Addit deinde, per triduum se recitasse amicis hunc librum, & valdè probasse. Vide pluscula.*

*Sidonius Apollinarius, lib. VIII. epist. X.* Caius Plinius pro Actiâ Variolâ plus gloriæ de Centumuirali suggestu do-

B mum

mum rettulit, quàm cùm M. Vlpio, incomparabili Principi, comparabilem Panegyricum dixit. Quo tamen in loco semper mihi visum (neque nunc muto) incomparabilem legendum: nec tam aut malignè, aut imperitè, super eximio hoc scripto Sidonium censuisse. At enim præfert illam pro Variolâ. sicut & Ciceronis pro Cluentio, omnibus aliis: non eloquij flore, aut acrimoniâ; sed inuentionum difficultate, & quia in rebus arctis caussisque arduis, magis sagax ingenium elucet. Ipsum lege.



C. PLINI SECVNDI  
P A N E G Y R I C V S  
T R A I A N O A V G. D I C T V S.

**B**E NE ac sapienter, Patres Conscripti, maiores instituerunt, vt rerum agendarum, ita dicendi initium, à precationibus capere: quòd nihil ritè, nihilque prouidenter homines, sine deorū immortalium ope, cōsilio, honore, auspiciarentur. Quī mos cui potius, quā Consuli? aut quando magis vsurpandus colendusque est, quā cum imperio Senatus, auctoritate Reip. ad agēdas optimo Principi gratias excitamur? Quod enim præstabilius est, aut pulchrius munus deorum, quā castus & sanctus, & dijs simillimus Princeps? Ac si adhuc dubium fuisset, forte casuque rectores terris, an aliquo numine darentur: Principem tamen nostrum liqueret diuinitus constitutum. Non enim occultā potestate fatorum, sed ab Ioue ipso corā ac palā repertus, electus est. quippe inter aras & altaria, eodemque loci, quem Deus ille tam manifestus ac præsens, quā cælum ac sidera in sedit.

C O M M E N T A R I V S.

**V**T R E R V M.] *Xenophontis præceptum. πρῶτα δὲ τοῖς ἀρχαῖς παρὰ τὸν ἔργον, ὡς τῶν θεῶν κυρίων ὄντων εἶναι τῶν ἱερῶν, ἢ τῶν πολεμικῶν ἔργων:* Conari omne opus cum diis aggredi. quia dii non sequius rebus civilibus, quam & bellicis præsunt ac dominantur. D I C E N D I I N I T I V M.] *Vetus mos Romanus, à precatione orationes ordiri. Cicero, Lilius, auctor ad Herennium, ostendunt.* A V C T O R I T A T E

REIPUBLICAE.] *Plinius* III. *epist.* XVIII. Ut reip. nomine Principi gratias agerem. ALIQUO NUMINE.] *Homerus*: *Ex δ' ἰδὲς βασιλῆες*: Ex Ioue sunt reges. *Plutarchus* in *Numâ*: *μὲν γὰρ ἔδωκεν δ' ὤνει*: Maximum & diuinum donum, *de regno*. ARAS ET ALTARIA.] *Distincta*, & Altare *augustinus* aliquid, & in quo *visitatio* adolentur: Ara etiam, in qua supplicatur, aut libatur tantum. Illud item *superorum* Deorum; hac etiam *manium* & *inferorum*. *Glossæ*: Altare, *ἑστῶς*: Ara, *βωμὸς*. Vide *Festum* in Altare, & Adolisco, *Seruum* in illud:

— en quattuor aras,

Ecce duas tibi Daphni, duoque altaria Phœbo.

TAM MANIFESTVS.] *Ob loci templiq; religionem, cum manifestate*. *Cicero*: In Capitolio, hoc est in terrestri domicilio Iouis.

QVO magis aptum piumque est te Iuppiter optime maxime, antea conditorem, nunc conseruatorem imperii nostri precari, ut mihi digna Consule, digna Senatu, digna Principe contingat oratio: utque omnibus quæ dicentur à me, libertas, fides, veritas constet: tantumque à specie adulationis absit gratiarum actio mea, quantum abest à necessitate. Equidem non Consuli modò, sed omnibus ciuibus enitendum reor, ne quid de Principe nostro ita dicant, ut idem illud de alio dici potuisse videatur. Quare abeant ac recedant voces illæ, quas metus exprimebat. nihil, quale antè dicamus, nihil enim quale antea patimur. nec eadem de Principe palam, quæ prius, prædicemus: neque enim eadem secretò loquimur, quæ prius. Discernatur orationibus nostris diuersitas temporum, & ex ipso genere gratiarum agendarum intelligatur, cui quando sint, hætenus ut deo, nunc nusquam ut numini blandiamur. Non enim de tyranno, sed de ciue, non de domino, sed de parente loquimur. Vnum illè se ex nobis, & hoc magis excellit atque erinet, quòd vnum ex nobis putat; nec minùs hominem se, quàm hominibus præesse meminit. Intelligamus ergo bona nostra,

dignos-

dignosque nos illius usu probemus: atque identidem cogitemus, si maius principibus præstemus obsequium, qui seruitute ciuium, quàm qui libertate lætamur.

APTVM, PIVMQUE.] Aptum, quia à te, & in tuo templo, ille Princeps: pium, quia agnoscere beneficium, neque ingrati esse debemus. CONSERVATOREM.] In Traiano. Plinius ad eum, in epistolâ: Diem domine, quo seruasti imperium, dum suscipis, celebrauimus. DE ALIO DICI.] E prioribus Principibus, apud quos blanda & humilis semper oratio. Martialis, lib. x.

Hoc sub Principe, si sapias, caucto

Verbis Roma prioribus loquaris.

SECRETO LOQVIMVR.] Seneca, de bono Principe: Eadem de illo homines secreto loquuntur, quæ palàm. QUANDO SINT HACTENVS.] Olim emendauimus: cui, quando, sint actæ. Nusquam ut Deo nunc, nusquam ut. Iterum Martialis concurret:

Frustrâ blanditiæ venitis ad me,

Attritis miserabiles labellis.

Dicturus Dominum Deumque non sum,

Iam non est locus hac in vrbe vobis.

ILLIVS VSU.] Traiani. Sed melius, aut fallor, quod olim ego: illis usu. Bonus illis dignos probemus, utendo. Libertas & veritas redeunt? vrsurpemus. SI MAIUS.] Vult intellegi, quod minus.

ET populus quidem Romanus dilectum Principem seruat, quantoque paullò antè concentu formosum alium, hunc fortissimum personat: quibusque aliquando clamoribus gestum alterius & vocem; huius pietatem, abstinentiam, mansuetudinem laudat. Quid nos ipsi? diuinitatem Principis nostri, an humanitatem, temperantiam, facilitatem, ut amor & gaudium tulit, celebrare vniuersi solemus? Iam quid tam ciuile, tam senatorium, quàm illud additum à nobis Optimi cognomen? quod peculiare huius & proprium, arrogantia priorum principum fecit. Enimuerò quàm commune, quàm ex æquo, quòd FELICES NOS, FELICEM ILLVM præ-



dicamus, alternisq̃ue votis, HAEC FACIAT, HAEC  
 AUDIAT, quasi non dicturi, nisi fecerit, comprecamur.  
 Ad quas ille voces lacrymis etiam ac multo pudore sus-  
 funditur. agnoscit enim sentitq̃ue sibi, non Principi di-  
 ci. Igitur quod temperamentum omnes in illo subito  
 pietatis calore seruauimus, hoc singuli quoque medita-  
 tiq̃ue teneamus: sciamusq̃ue, nullum esse neque sincer-  
 rius, neque acceptius genus gratiarum, quàm quod illas  
 acclamationes æmuletur, quæ fingendi non habent tem-  
 pus. Quantum ad me pertinet laborabo, vt orationem  
 meam ad modestiam Principis moderationemq̃ue sub-  
 mittam, nec minùs considerabo quid aures eius pati pos-  
 sint, quàm quid virtutibus debeat.

DILECTVM PRINCIPEM.] *Lego, Principum. Ipse populus, cui  
 minor sapientia, discrimen & dilectum habet in Principum laude: quid  
 non magis nos? CONCENTV.] Proprio ad rem verbo. Nam accla-  
 mationes illæ theatricæ, cum modulis & quodam velut cantuerant. Ta-  
 citus xvi. Annales: Plebs personabat certis modis, plausuq̃ue  
 composito. Ibi ego. FORMOSYM.] Domitianum. qui pulcher ac  
 decens (ait Suetonius) maxime in iuuentû. Martialis:*

Purpureum fundens Cæsar ab ore iubar.

*Et ipse de se illud Homericum vsurpat:*

Ὅυχ' ὁράας, οἷος καὶ γὰρ καλὸς τῶ μύθας τι:

Nónne vides tu, qualis ego magnusq̃; decensq̃ue?

GESTVM.] *Neronis, qui histrioniam exercebat. Ad eundem spectat,  
 de voce: quam cælestem & diuinam dici videriq̃ue volebat.*

OPTIMI COGNOMEN.] *Quando additum? Dionis compendium  
 ait, Armeniâ subactâ: & sanè lapides aut nummi (notabit mecum, qui  
 vult) rarè præferunt hoc, velut cognomen, ante vi. eius consulatum.  
 Exinde assidue. vt IMP. CAES. NERVAE. TRAIANO. OPTIMO.  
 Græcè etiam: NEP. TRAIANOC. APICTOC. Antè non meminisse  
 obseruare; sic inquam positum, nomini ipsi subiectum: dumtaxat, SE-  
 NATVS. POPVLVSQVE. ROM. OPTIMO. PRINCIPI. quasi in  
 laudationis loco. Tamen iam nunc ei datum (præter Dionis mentem) ar-  
 bigi ex Plinij his verbis nihil potest: et si in titulis fortasse nō sic vsurpauit.*

PECV-

PECULIARE.] *Adcò, vt Eutropius scribat, ad suam vsque etatem (Valentiniani Imp.) non aliter in Senatu Principibus acclamari, nisi, Felicior Augusto, MELIOR Traiano. ARROGANTIA PRIORVM.] Quid spreuerunt. FELICES NOS.] Infrà: Estne verum, quod inter ista clamauius, O nos felices! LACRYMIS ETIAM.] Gaudio expressis. Infrà: Vidimus humefcentes oculos tuos, demissumque gaudio vultum. SIBI, NON PRINCIPI.] *Gatba, apud Tacitum: Ceteri libentiùs cum fortunâ nostrâ, quàm nobiscum loquentur. ILLAS ACCLAMATIONES.] Quæ in liberâ rep. non sic fuere, sed sub Augusto ceperunt: nisi fallor, à theatris in Curiam inuicta, imitando. Earum exempla in Cesareis scriptoribus, & breuia & pleraque acuta.**

MAGNA & inusitata Principis gloria, cui gratias acturus, nō tam vereor, ne me in laudibus suis parcum, quàm ne nimium putet. Hæc me cura, hæc difficultas sola circumstat: nam merēti gratias agere, facile est, Patres Conscripti. Non enim periculum est, ne cū loquar de humanitate, exprobrari sibi superbiam credat, cū de frugalitate, luxuriam; cū de clementiâ, crudelitatem; cū de liberalitate, auaritiam; cū de benignitate, liuorem; cū de continentiâ, libidinem; cū de labore, inertiam; cū de fortitudine, timorem. Ac ne illud quidē vereor, ne gratus ingratusve videar, prout satis, aut parum dixerō. Animaduerto enim etiam Deos ipsos, non tam accuratis adorantium precibus, quàm innocentia & sanctitate lætari: gratioremq; existimari, qui delubris eorum puram castamque mentem, quàm qui meditatum carmen intulerit. Sed parendum est Senatufconsulto, quo ex utilitate publicâ placuit, vt Consulis voce, sub titulo gratiarum agendarum, boni Principes quæ facerent recognoscerent; mali, quæ facere deberent. Id nunc eò magis solenne ac necessarium est, quòd parens noster priuatas gratiarum actiones cohibet & comprimit: intercessurus etiam publicis, si permetteret sibi vetare, quod Senatus iuberet.



mantiq̃ue mihi Principem, quem æquata diis immortalibus potestas deceret, nunquam voto saltem concipere succurrit similem huic, quem videmus. Enituit aliquis in bello, sed obsoleuit in pace. alium toga, sed non & arma honestarunt. reuerentiam ille terrore, alius amorem humanitate captauit. ille quæsitam domi gloriam in publico, hic in publico partam domi perdidit: postremò adhuc nemo extitit, cuius virtutes nullo vitiorum confinio læderentur. At Principi nostro quanta concordia, quantúsq; concentus, omnium laudum, omnisq; gloriæ contigit? vt nihil seueritati eius hilaritate, nihil grauitati simplicitate, nihil maiestati humanitate detrahatur? Iam firmitas, iam proceritas corporis, iam honor capitis, & dignitas oris, ad hoc ætatis, inflexa maturitas, nec sine quodam munere deum festinatis senectutis insignibus, ad augendam maiestatem, ornata cæsaries: nonne longè lateq̃ue Principem ostentant?

[ÆQUATA DIIS.] *Psēta.* — cūm laudatur diis æqua potestas.

[ALIQVIS IN BELLO.] *Ab Homero, iam olim:*

Ἄλλος μὲν γὰρ ἔδωκε θεὸς πολεμικὰ ἔργα,

Ἄλλω δ' ὄρρησεν, ἑτέρω κίθαριν καὶ αὐδὴν:

Namque alij bellare Deus concessit, at illi

Saltare, atque alij citharâ cantúque valere.

*Claudianus, in Stiliconis laudibus, haussisse (ve alia) videtur à nostro:*

— Nunquam sincera bonorum

Sors vlli concessa viro. quem vultus honestat,

Dedecorant mores. animus quem pulchrior ornat,

Corpus destituit, bellis insignior ille,

Sed pacem fœdat vitis, hic publica felix,

Sed priuata minus. partitim singula quemque

Nobilitant.

[DOMI PERDIDIT.] *Ve Augustus, in filiâ, nepte, nepotibus, & totâ familia infelix.* [QUANTA CONCORDIA.] *Idem Claudianus:*

— sparguntur in omnes,

In te mixta fluunt : & quæ diuisa beatos  
Perficiunt, collecta tenes.

*Victor de Traiano:* Tantus erat in eo maximarum rerum modus, vt  
quasi inperamento quodam virtutes inmiscuisse videretur.

NIHIL SEVERITATI.] *Cicero, ad Brutum:* Quid tam distans,  
quàm à seueritate conitas? quis tamen vnquam te aut sanctior  
est habitus, aut dulcior? INDEFLEXA MATVRITAS.] *Nondum*  
*vergens, & adhuc in statu. Sumptum à Circo, vbi medio spatio flexus*  
*circum metam, & tum deflexus. Que igitur ætas nunc Traiani? ex Dio-*  
*ne, quadagesimusquattus annus. Nam illo auctore, imperium qua-*  
*dragesimosecundo cepit: atque hæc biennio potest circiter dicta. Errat*  
*aut dissentit Victor (& cum eo alij) qui L X I I I. annos vixisse prodit*  
*quod non potest, Dionis isto calculo; quia omnium consensu, non nisi no-*  
*uemdecim annos, vi. menses, dies xv. imperauit. Itaque Eutropius*  
*mibi verior, qui vita adsignat annos L X I I: etsi vel sic menses aliquot de-*  
*sint. SENECTVTIS INSIGNIBVS.] Non enim ipsa, vt iam dixi.*  
*Acclamationes igitur illæ Senatoria, in Tacito Popisci, Et Traianus se-*  
*nex ad imperium venit; pro re magis, quàm pro vero. PRINCI-*  
*PEM OSTENTANT.] Atque ipsis etiam hostibus. qui (in Dione) τῆς πο-*  
*λιᾶς αὐτοῦ τὸ γαῖον, & τὸ σημεῖον τῆς τοῦ προσώτου ἰδέσθαι, ὑπερήφανον εἶναι &*  
*λαῶ; caniciei eius lætitiā conspicati, & vultus maiestatem, suspi-*  
*cati sunt esse, qui erat.*

T A L E M esse oportuit, quem non bella civilia, nec ar-  
mis oppressa R. P. sed pax & adoptio, & tandem exorata  
terris numina, dedissent. An fas erat nihil differre inter  
imperatorem, quem homines, & quem dii fecissent?  
Quorum quidem in te, Cæsar Auguste, iudicium & fa-  
uor, tunc statim cùm ad exercitū proficisceretur, & qui-  
dem inusitato indicio enituit. Nam cæteros Principes,  
aut largus cruor hostiarum, aut sinister volatus auium  
consulentibus nunciauit: tibi ascendenti de moræ Capi-  
tolium, quanquam non id agentium ciuium clamor, vt  
iam Principi, occurrit. Siquidem omnis turba quæ limen  
insederat, ad ingressum tuum foribus reclusis, illa qui-  
dem vt tunc arbitrabatur Deum, cæterū vt docuit uen-  
tus,

tus, te consalutauit Imperatorem. nec aliter à cunctis omen acceptum est: nam ipse intelligere nolebas. recusabas enim imperare, recusabas quod bene erat imperaturo. Igitur cogendus fuisti. cogi porro non poteras, nisi periculo patriæ, & mutatione Reip. Obstinatum enim tibi non suscipere imperium, nisi seruandum fuisset. Quare ego illum ipsum furorem motumque castrensem teor extitisse, quia magnâ vi magnoque terrore modestia tua vincenda erat. Ac sicut maris cælique temperiem turbines tempestatesque commendant; ita ad augendam pacis tuæ gratiam, illum tumultum præcessisse crediderim. Habet has vices conditio mortalium, ut aduersa ex secundis, ex aduersis secunda nascantur. Occultat utroque semina Deus, & plerumque bonorum malorumque causæ sub diuersâ specie latent.

EXORATA TERRIS NYMINA.] *Orosius: Nerua Traianum adoptauit, per quem reuera afflicte reip. diuina prouisio consuluit. AD EXERCITVM.] A Domitiano, in Germaniam inferiorem missus, Legatus consularis. LARGVS CRVOR HOSTIARVM.] Nam hostiis cedebant, qui per haruspicinam consulebant de futuris. Aues inspiciebant, qui per augurium. Puto autem his verbis Plinium adspexisse ad omina Augusto facta, futuri Principatus. quæ sic in Suetonio: Primo Consulatu ei augurium capienti, duodecim se vultures, ut Romulo, ostenderunt: & immolanti, omnium victimarum iocinera replicata intrinsecus ab imâ fibrâ paruerunt. DE MORE.] Ad votanuncupanda, quæ solent ituri in prouincias, aut bella. TE CONSALVTAVIT IMPERATOREM.] Explicari hæc video: Populus salutauit Iouem optimum, maximum; tu autem postea dictus Optimus: ita in illo cognomine te salutarunt. Frigidè, & nihil ad Plinium. Res ita est. Turba Iouem salutauit, Imperatorem. nam ita & infra iterat: Qui te primi, eodem loco, salutauerant Imperatorem. Ergo in eâ voca allusio tota & omen. Quomodo? sciendum, præter Iouem illum Capitoli-  
trum, alium in eodem templo religiosè cultum, cognomine Imperatoris. Dicit hoc Lilius, libro vi. Triumphans (T. Quintus) signum, Præcæste deuectum, Iouis Imperatoris, in Capitolium tulit. Dedicatum*

tum est inter cellam Iouis ac Mineræ. *En, locum etiam signatè habes, ubi fuit. De eodem Cicero, in Verrem:* Tria ferebantur in orbe terrarum signa Iouis Imperatoris. vnum illud Macedonicum, quod in Capitolio videmus; alterum in Ponti ore & angustius; tertium quod Syracusis ante Verrem Prætorum fuit. Illud ita Flaminius ex æde suâ sustulit, ut in Capitolio, hoc est terrestri domicilio Iouis poneret. *Vbi tamen dissensum, in auctore, à Livio notes. nam Cicero T. Quintium Flaminiū ē Macedoniā tulisse vult: Livius T. Quintium Cincinnatum, Præfeste. Uter verior? nescio. dubitationem fuisse ex eo arbitror, quod T. Quintij nomine inscriptum signum fuerit & dedicatum, haud alio cognomine: atque ita alius aliud traxit. Sed pro Livio P. etiam Victor est, in descriptione urbis, qui regione VIII. Capitolij signat: Signum Iouis Imperatoris Præfeste deuectum. Atque illinc disce, post tot incendia, etiam infra Plinij ævum longè mansisse. Hæc historia sic posita, rem aperit. Ingressa turba, Salve Imperator clamavit: sed ad Iovem. Quia tamen ipso puncto ingressus Traianus, omen ad illu haud vanè tractum. BENE ERAT IMPERATVRO.] Nam si agnovisses, à tyrāno Principe discrimen aut mors tibi imminabat. Benè igitur eras, futuro Imperatori. Sed libri alij, imperaturi: quod sequentia magis approbant. & est sensus, Recusare imperium signū erat quod benè imperaturus esses. Nam qui ambitione affectant honores, rarè virtute gerūt: qui recusant & abnuunt, ij magis. Inde Imperatoris illa vox, Inuitos ad temp. adimouendos. FVROREM MOTVMQVE CASTRENSEM.] Qui talis. Cæso Domitiano, miles gravissimè tulit (Suetonij verba) paratus statim vlisci, nisi duces defuissent. Quieuit igitur, sed Nervā iam electo, sene, molli, & parum ad suum nomen; animos irasque sumpserunt, incendente Casperio Æliano, Prætorij Præfeto: qui idem munus & sub Domitiano habuerat. Inde in eum occultus favor, & miseratio: & impulsimilites, deponere ad cædem, cædis auctores. Factum turbidè & acriter: Nervæ resistit pariter, vsque ad ut iugulum nudum potius iis offretet ferendum. Non demouit tamen, & cūm perscuerarent surere, traditi cæsiq; sunt ij, quos depoposcerunt. Hæc ex Dione: & adde Vitiorem diffusius, Suetonium breviter tangentem, cap. XXIII. Domitiani.*

AC SICVT MARIS.] Cassiodorus VIII. Variar. Bonum insolitum plus amatur, & sequenti gaudio confert dulcedinem præmissa tristitia. HABET HAS VICES.] Certe habet, & Pindarus aptè cecinit: Ποιὶ δ' ἄλλοι ἄλλαι, Εὐθυμαί τε καὶ χ' ὀϊνὸν, ἱς αἰὶναι ἔβαι:

Fluctus



Fluctus alij alijs, Gaudiorum atque laborum, In homines veniunt. *Caput sapientie, id est Homerus:*

—— αἶψα θεὸς ἄλλοι' ἢ πρὸς ἄλλοις

*Zelus ἀνδρῶν τοιαύτης διδούει*

—— alijs Deus, illi alijsque,

Nunc bona, nunc mala dant.

NASCANTVR.] *Manilius:*

—— Tanta est rerum discordia in xuo,

Et subtexta bonis mala sunt, lacrimaeque sequuntur

Vota, nec in cunctis servat Fortuna tenorem.

*Nasci igitur alia ex alijs videntur, quia sic subtexta, ut ait, & inter se iuncta. Alij tamen libri, noscantur: nec male. Id esset, diiudicentur meritis & sentiantur, ex contrariorum sensu. OCCULTAT VTRORVMQUE SEMINA.] Dicit: Deus causasse rerum secundarum vel aduersarum, sub diuersa facie promit: & saepe letos effectus tristia initio, & contra tristes lata gignunt.*

MAGNUM quidem illud saeculo dedecus, magnum Reipub. vulnus impressum est. Imperator, & parens generis humani, obfessus, captus, inclusus: ablata micissimo seni seruandorum hominum potestas; ereptumque Principi illud in principatu beatissimum, quod nihil cogitur. Si tamen haec sola erat ratio, quae te publicae salutis gubernaculis admoueret: propè est ut exclamem, tanti fuisse. Corrupta est disciplina castrorum, ut tu corrector emendatorque contingeres: inductum pessimum exemplum, ut optimum opponeretur: postremo coactus Princeps quos nolebat occidere, ut daret Principem qui cogi non posset. Olim tu quidem adoptari merebare: sed nescissemus, quantum tibi deberet imperium, si ante adoptatus esses. Expectatum est tempus, in quo liqueret, non tam accepisse te beneficium, quam dedisse. Confugit in sinum tuum concussa Respub. ruensque imperium super Imperatorem, Imperatoris tibi voce delatum est. Imploratus adoptione, & accituses: ut olim duces ma-



gni, à peregrinis externisque bellis, ad opem patrię ferendam reuocari solebant. Ita filius ac parens, vno eodemq; momento, rem maximam inuicem præstitistis: ille tibi imperium dedit, tu illi reddidisti. Solus ergo ad hoc æui, pro munere tanto paria accipiendo fecisti, imò vltrà tantem obligasti: communicato enim imperio, sollicitior tu, ille securior factus est. O nouum atque inauditum ad Principatum iter! non te propria cupiditas, proprius metus, sed aliena vtilitas, alienus timor, Principem fecit. Videaris licet, quod est amplissimum, consecutus, inter homines; felicius tamen erat illud, quod reliquisti. sub bono Principe, priuatus esse desisti. Assumptus es in laborum curarumque consortium, nec te læta & prospera stationis istius, sed aspera & dura, ad capeffendam eam compulerunt. Suscepisti imperium, postquam alium suscepti pœnitebar.

PARENS GENERIS.] *Ausonius de ipso:*

Nerua senex, Princeps nomine, mente parens.

MITISSIMO.] *Ideò cognomento Tranquillus dictus. Panegyricus Theodosio:* Quando me Nerua Tranquillus, amor generis humani Titus, pietate memorabilis Antoninus teneret. *Sidonius:*

Post quem Tranquillus vix me inibi reddere Nerua  
Cœpit.

*Claudianus:* Tranquilli que, Pij, bellaroresq; Seueri.

TANTI FUISSE.] *Vel cladum illarum pretio emendum, vt tu Princeps esses. Lucanus simili colore, pulcherrime:*

Quòd si non aliam venturo fata Neroni  
Inueniẽre viam, magnòque aeterna parantur  
Regna deis, cælumq; suo seruire Tonanti  
Non nisi fauorum potuit post bella gigantum:  
Iam nihil ò superi querimur, scelus omne nefasq;.  
Hac mercede placent.

*Vtitur & Augustus apud Dionem, Oratione in Senatu, libro LIII. cum beneficia sua commemorasset, & bona presentis status: òmnia, addit, ciuio*

ποτα εἰς αὐτῶν πτωχούτων εἶναι τὴν αὐτῶν ἡμετέραν πόλιν, τίτοι αὐτῶν τὸ ἔσθαι ἀγαθὸν  
 αὐτοῦσθαι: adeo ut, si iterum in fatis sit Remp. nostram affligi &  
 ægrotare; oprauerit aliquis hoc eam modo turbari ac collidi. Sed  
 & princeps sure suo oratorum, Demosthenes, pro Rhodiorum libertate,  
 cum mala recensisset, quæ ei tulerant: Οὐδὲν δὲ δῖον λίγην, αὐτὸς ἡμετέραν  
 πόλιν ὅπως βουδύσται, ὡς & οὐκ ἔστιν αὐτῶν: propè tamen abest quin  
 dicam, si vos iis auxiliari decernitis, ex usu eorum fuisse hæc pati.  
 In diuersum sensum, ipsa figurâ & phrasi, Marialis:

Flauia gens, quantum tibi tertius abstulit heres,  
 Pænè fuit tanti, non habuisse duos.

CORRECTOR EMENDATORQUE.] Fecit, in istâ etiam re. Nam  
 Ælium, & Prætorianum præcipuos turbatores, ad se euocatos,  
 quasi operæ eorum usus, alium alibi sustulit. Dio. EXPECTA-  
 TVM EST TEMPVS: ] Palam igitur non initio statim imperij à Neruâ  
 sed eo inclinante, adoptatus est. At Onufrius (verus pater Principis hi-  
 storie & Fastorum) assuebat, Diem adoptionis, & Tribunicæ po-  
 testatis assumptæ, proculdubio fuisse xiiii. Kal. Octobris. Quid  
 illum primum imperij non potest. anno igitur post hoc propius ad verum,  
 sed quo tamen auctore, tam de finitè eundem statuât, requiro. Ego hoc sal-  
 tem inuenio (in Aur. Victore) tribus mensibus cum adoptato Ner-  
 uam vixisse. Atquin imperauit Nerva annum vnum, menses quat-  
 tuor, dies nouem: cæpit imperare cæd. xiiii. Kal. Octobris, cum Do-  
 mitianus cæsus: ergo, hoc calculo, adoptio Traiani incidas in vi. Kal. No-  
 uembris, aut circa. IMPLORATVS ADOPTIONE.] Cum ad abscen-  
 tem Homericum versus Nerva scripisset:

Τίς τινος διαβολὴν δ' ἀνέμω σὸν ἐβλήσας:

Has lactymas, Traiane, tuis vlciscere telis.

PARIA ACCIPIENDO.] Atqui reddendo paria sunt, & nomen  
 expungitur. Pulchrum acumen, vt centena in hoc scripto. ULTRA.]  
 Volebam, & nunc velim, vltro. PROPRIVS METVS.] Vt Tacitus,  
 de Qithone: Fungebat & in eum, quod in ægis concupisceret. PRIVA-  
 TVS ESSÊ.] Atqui Senator erat, & Consularis, & prouincia Præfex:  
 Nihil ad rem. more huius & superioris cui, omnes Priuati, qui non  
 Principes: Et solus ille ab hoc nomine exceptus. Tacitus de Galbâ: Ma-  
 ior priuato visus, dum priuatus fuit: & milles alibi. STATIO-  
 NIS: IS NIVS.] Suetonius, Claudio: Quod aliter peruenturus ad  
 susceptum, stationem non fuerit. Spartianus: Qui Principum  
 locum

locum in hac statione retentatum. *Lampridius*: Etiam in his artilex, quæ stationis Imperatoris non erant. & sapienti alibi, pro summo, hoc loco & Principali. *Quare?* ab militaribus stationibus datum puto, quia sicut illa in excubis contra hostem, ita Imperator quasi in perpetui vigilia & Reip. curâ. An non Vespasianus eò alluserit, cum extremum illud protulit? Imperatorem stantem mori oportere. Stabant enim in his Stationibus: et si ad aciem potuit etiam esse respectus.

NULLA adoptati cum eo qui adoptabat cognatio, nulla necessitudo: nisi quod uterque optimus erat, dignusque alter eligi, alter eligere. Itaque adoptatus es, non ut prius alius atque alius, in gratiam vxoris: adsciuit enim tefilium non vitricus, sed Princeps, eodemque animo diuus Nerva pater tuus factus est, quo erat omnium. Nec decet aliter filium adsumi, si adsumatur à Principe. An Senatui P. Q. R. exercitus, provincias, socios transmissurus vni: successorem è sinu vxoris accipias? summaque potestatis heredem, tantum intra domum tuam quæras? non per totam ciuitatem circumferas oculos? & hunc tibi proximum, hunc coniunctissimū existimes, quem optimum, quem diuissimum inueneris? Imperatorem omnibus, eligi debet ex omnibus. non enim seruilis tuis dominum, ut possis esse contentus quasi necessario herede, sed Principem ciuibz daturus Imperator. Superbum istud & regium, nisi adoptes eum, quem constet imperatorem fuisse, etiam si non adoptasses.

ALIVS, ATQUE ALIVS.} *Tiberius & Nero intelliguntur: ille ab Augusto, matris Liviae ambitu, hic à Claudio, Agrippina, ad imperium adscit.* TANTVM INTRA DOMVM.} *Galba apud Tacitum. Sed Augustus in domo successorem quæruit, ego in republica.* CIRCUMFERAS OCULOS.} *Hæc omnia pro Electione, & Politicis notanda sunt. Senator quissimus, apud Vopiscum, senem iam Tacitus uno loco eò hortatur: Quæde circumspecte, imitato Nerva, Traiano, Hadriano. Ingens est gloria morticis Principis, semper, magis amare, quam filios.* QVODAM VIT. I. IV. N. I. A. virtute, non à sanguine.

*Roma, de se, apud Claudianum:*

Hic illi mansere viri, quos mutua virtus

Legit, & in nomen Romanis rebus adoptans,

Iudicio pulchram seriem, non sanguine, duxit.

[SERVVLIS TVIS.] *Idem ille Senator, in Vopisco:* Ne sic temp. patresque conscriptos, & populum Romanum, vt villulam tuam, vt colonos tuos, vt seruos tuos, relinquas. NECESSARIO HEREDE.] *Statius:* — natos genuisse necesse est, At legisse iuuat. *Tacitus in oratione Galbe:* Sub Tiberio, & Caio, & Claudio, vnus familie quasi hereditas fuimus. CONSTET IMPERATVRVM.] *Gloriosè hoc erga Traianum, quassille, virtutis merito, ad imperium venturus, etiam non electus.*

FECIT hoc Nerua. nihil interesse arbitratus, generis an elegeris; si perinde sine iudicio adoptentur liberi, ac nascuntur. nisi tamen, quod æquiore animo ferunt homines, quem Princeps parum feliciter genuit, quàm quem malè elegit. Sedulò ergo vitauit hunc casum, nec iudicium hominum, sed deorum etiam in consilium assumpsit. Itaque non tua in cubiculo, sed in templo, nec ante genialem torum, sed ante puluinar Iouis optimi maximi adoptio peracta est: quâ tandem non seruitus nostra, sed libertas, & salus, & securitas fundabatur. Sibi enim dii gloriam illam vindicauerunt: horum opus, horum illud imperium: Nerua tantùm minister fuit. Vterque, qui adoptaret tam paruit, quàm tu, qui adoptabaris. Allata erat ex Pannoniâ laurea, id agentibus diis, vt inuicti Imperatoris exortum victoriæ insigne decoraret. hanc Imperator Nerua in gremio Iouis collocarat: cùm repentinè solito maior & augustior, aduocatâ hominum concione deorumque, te filium sibi, hoc est vnicum auxilium fessis rebus assumpsit. Inde quasi deposito imperio, quâ securitate, quâ gloria latus (nam quantum refert deponas, an partiani imperium: nisi quod difficilior hoc est?) non secus ac præsentis tibi innixus: tuis

D

hume-

humeris se patriamque sustentans, tuâ iuuentâ, tuo robore inualuit: statim confedit omnis tumultus. Non adoptionis opus istud fuit, sed adoptati: atque adeo temerè fecerat Nerua, si adoptasset alium. Obliti ne sumus, ut nuper post adoptionem non desierit seditio, sed cœperit? Irritamentum istud irarum, & fax tumultus fuisset, nisi incidisset in te. An dubium est, ut dare non posset imperium Imperator, qui reuerentiam amiserat? auctoritate eius effectum est, cui dabatur. Simul filius, simul Cæsar, mox Imperator, & consors Tribunicie potestatis, & omnia pariter & statim factus es: quæ proximè parens verus tantum in alterum filium contulit.

SINE IUDICIO.] Nam hoc est, quod discrimen facit inter Adoptionem & Genituram: & quo titulo huic vult præferri. Hadrianus morturus, apud Dionem: Mihi, ô anuci, liberos gignere natura non dedit, sed lege & adoptione vos mihi dedistis. Differt autem hoc ab illo, quod nati quidem liberi, quales deo cumque visum est, gignuntur & crescunt; at adoptione, quales quisque vult, pro arbitrio adificiit. Ita à naturâ sæpe corpore aut mente imminutum habes; ab adoptione & iudicio, viroque perfectum, si voles.

SED IN TEMPLO.] In Capitolio. Dio Cassius: Νερούας ὅς τ' ὃ γῆρας κατὰ φρονίμους ὄν, αἰτέη τε ἰς τὸ καπιτώλιον, καὶ ἐκὼν γαμνήσας, Ἀγαθὴν τὴν ἡ τε βουλὴς, & ἡ δῆμος καὶ Ῥωμαίων, & ἱμὲς αὐτὸς, Μάρκον Οὐλαπίον Τραιανὸν εἰσπορεύσασα, & μὴ ταῦτα ἐν πρὸ συναδρίκῃ καίσασα, τα αὐτὸς αἰτιδ' ἐβλεψε: Nerua ob senium iam contemptui, in Capitolium ascendit, & magnâ voce inclamans dixit, Quod felix faustumque Senatui, Populoque Romano, mihi que sit, M. Vlpium Traianum adopto. Et post hoc eundem Cæsarem in Senatu designauit. EX PANNONIA LAVRVS.] Georgius Cedrenus: Εξ Παννονίας δὲ ἀγγεῖλτα ἐν τιμῇ ἐλθόντι τοῦ ὁγεγενημένου: E Pannoniâ victoriæ nuntius à Traiano venit: et si saluitur de Traiano. nam ille nunc alibi, & in coloniâ Agrippinâ. IN GREMIO IOVIS.] Quod in triumphis factum, atque etiam ubi victoria non digna triumpho. Suetonius, Domitiano: De Cattis triumphauit, de Sarinatis Lauream in modò Ioui Capitolino rettulit. Plura nos ad 1. Annalem Taciti. HOMINVM CONCIONE.] Itaque & tribu-

tribunal ascendit, quod sic Cedrenus: *Αναστὰς ἐπὶ τὸ βῆμα, καὶ ἐπὶ δίκα-  
τον, παραδὼν τὸν ἐπὶ τῷ Ἀγαθῷ νόμον, Νικολάου Τεγιάδα ὑπονομοφύτα*: Thure  
cū supplicasset, stans in suggestu clamauit, Quod faustum se-  
lixque sit, Nerua Traianum adopto. **DIFFICILIS HOC EST.**]  
Nam ut ille ait, Nec regna socium terre, nec tædæ sciunt. **TVA  
IUVENTA.**] *Suprà de aetate dixi. At Romanis Iuniores, ex Seruij scito,  
ad annum XLV. vltra Seniores. Martialis etiam Iuuenem dixit, his  
versibus:*

Et fortem, iuuenemque, Martiumque.

In tanto duce militem videret.

**NUMPER POST ADOPTIONEM.**] *Pisonis à Galbâ factam: neque  
aliter acceperis. Qui volunt à Neruâ ipso alium aliquem adoptatum, tunc  
verbo dicam, blatiunt nugas. DARE NON POSSET.*] Haud impro-  
ba sententia. Possétne dari imperium alteri, qui ipse iam panè amiserat?  
non posset. At libris tamen aliis abest negatio: ac tunc legendum conti-  
nuatione, An dubium est, ut dare posset imperium Imperator, qui  
reuerentiam amiserat, auctoritate eius effectum esse, cui dabatur?  
magisque hoc placet. Sed magis etiam: An dubium est: ut dare posset  
imperium I. q. r. a. auctoritate eius effectum est, cui dabatur.

**PARENS VERVS.**] *Vespasianus, qui Titum consortem imperij acce-  
pit, seposito Domitiano, cuius superbia & propter ambitionem timebatur.  
Suetonium vide.*

**MAGNUM** hoc tuæ moderationis indicium, quod  
non solum successor imperij, sed particeps etiam sociusq;  
placuisti. nam successor, etiam si nolis, habendus est; non  
est habendus socius, nisi velis. Credéntne posterì, patri-  
cio & Consulari & Triumphali patre genitum, cū for-  
tissimum, amplissimum, amantissimum sui exercitum  
regeret, Imperatorem non ab exercitu factum? eidem  
cū Germaniæ præsideret, Germanici nomen hinc mis-  
sum? nihil ipsum ut Imperator fieret agitalle, nihil fecis-  
se? nisi quod meruit, & paruit. Paruisti enim Cæsar, & ad  
Principatum obsequio peruenisti: nihilque magis à te  
subiecti animo factum est, quàm quod imperare coepis-  
ti. Iam Cæsar, iam Imperator, iam Germanicus, abiens

& ignarus, & post tanta nomina, quantum ad te pertinet, priuatus. Magnum videretur si dicerem, nescisti te Imperatorem futurum: eras Imperator, & esse te nesciebas. Vt verò ad te fortunæ tuæ nuncius venit, malebas quidem hoc esse quod ficias, sed non erat liberum. An nō obsequeris Principi ciuis, Legatus Imperatori, filius patri? Vbi deinde disciplina, vbi mos à maioribus traditus, quodcunque Imperator munus iniungeret, æquo animo paratoq; subeundi? Quid enim si prouincias ex prouinciis, ex bellis bella mādaret? eodē illo vti iure possē putes, cū ad Imperium reuocet, quo sit vsus cū ad exercitum miserit: nihilq; interesse, ire Legatum, an redire Principem iubeat. nisi quòd maior sit obsequij gloria in eo, quod quis minùs velit. Augebat auctoritatem iubentis, in summum discrimen auctoritas eius adducta: utq; magis parendum imperanti putares, efficiebatur eo, quòd ab alijs minùs parebatur. Ad hoc audiebas, Senatus populiq; consensum. non vnus Neruæ iudicium illud, illa electio fuit: nam qui vbique sunt homines, hoc idem votis expetebant; ille tantū iure Principis occupauit, primusq; fecit, quod omnes facturi erant. Nec hercule tantopere cunctis factum placeat, nisi placuisset antè quàm fieret.

NON SOLVM SVCCESSOR.] Id est, non Casarem te tantū designauit, & filium fecit; sed Imperatorem appellauit, & Tribunicie potestatis collegam. Ad dē de modestiā tuā consilijs est, nec timuit ne his elatus, aliquid super ipsum, aut contra ipsum, velles.

ETIAMSI NOTIS.] Nemo enim (aiebat ille) successorem suum tollit. PATRICIO.] Eutropius ait, Traianum ex familiā antiquā magis, quàm clarā natum. Et sanè Patriciatus iste, in homine Hispano, non potuit nisi nouus esse: puto à Vespasiano, qui patricias gentes allexerit. CONSULARI.] Ita infra, Consularis viri triumphalisq; filius. Sed quando fuerit, haud liquet: & confusa res in consulibus tantō numero suffectū.

TRIVMPHALI.] Vbi mirus? Infra lege: Cū puer



puer admodum Parthicâ lauro gloriam patris augens. *Itaque dicat in Parthiâ rem gessisse, comite filio puero, & illinc triumphalia retulisse. Enimvero bella cum Parthiis sub Nerone, duce Corbulone: ac pueritia Traiani incidit in illud tempus. Potest & in Iudæâ etiam meruisse, cum Tito, cui Legatus Prætorius fuit, legionem pugnacissimæ Decimæ præfektus. Iosephus lib. 111. Iaphan ab eo captam narrat, & diserte Tegyada & Duxæ-rou resuatur & in quoniam appellat: Decimæ legionis Præpositum, siue Legatum. FORTISSIMVM, AMPLISSIMVM.] Nam, ut addit, Germaniæ inferiori præfidebat: in quâ legiones quattuor, cum auxiliis suis, aliisque. GERMANIÆ.] Nostre huius, inferiori. Eutropius: Imperator in Galliis, apud Agrippinam ciuitatem factus. Orosius: Apud Agrippinam, Galliarum urbem, insignia sumpsit imperij. Sædonius: Vlpianus inde venit, quo formidata Sicambri*

Agrippina fuit.

*Dio Cassius: ἡγετὸς τῆς γερμανίας: Præfuit Germaniæ. Ac diutius hic præfuisse, Claudianus indicat:*

Cedant Druse tui, cedant Traiane labores.

Vestra manus dubio quidquid certamine gessit,

Transcurrens egit Stilico: totidemque diebus

Edomuit Rhenum, quot vos potuistis in annis.

*Monumenta eius sunt, Vlpia castra haud longè à Veteribus; & ad Maxium fluium, Munimentum Traiani, quod commemorat Ammianus initio libri XVII. GERMANICI NOMEN.] Quod inter titulos imperij erat, eoquæ vsi omnes, qui Germanicum Cæsarem sanguine vel adoptione contingerent: ut Caius, Claudius, Nero. postea & Vitellius, etsi aliâ causâ: item Domitianus, & nunc Traianus. Notavi aliquid ad locum Taciti 1. Annalium: In suum cognomen adscisci Imperatores. HVC MISSVM.] Nam ambitiosi Præsides, copius subnixi, ipsi se Principes creabant. Ita Galba, Vitellius, cum successu: absque eo, Scribonius, & L. Antonius, conati. SVBIECTI ANIMO.] Quia in ipso animo tuo imperare spernebas: fecisti tamen, sed quia iussus.*

*EODEM ILLO.] Malui, illum. POPVLIQUE CONSENSVM.] Ita Galba magnificè, in Tacito: Me decorum hominumque consensu ad imperium vocatum.*

At quo, dii boni, temperamento potestatem tuam fortunamque moderatus es? Imperator tu titulis, & ima-

D 3 gini-



ginibus, & signis: cæterum modestiâ, labore, vigilantia, Dux, & Legatus, & miles, cum iam tuæ vexilla, tuas aquilas magno gradu anteires: neque aliud tibi ex illâ adoptione, quam filij pietatem, filij obsequium adfereres, longamque huic nomini ætatem, longam gloriam precarere. Iam te providentia deorum primum in locum prouexerat, tu adhuc in secundo resistere atque etiam senescere optabas. priuatus tibi videbaris, quamdiu Imperator & alius esset: audita sunt vota tua, sed in quantum optimo illi & sanctissimo seni utile fuit; quem dii cælo vindicauerunt, ne quid post illud diuinum & immortale factum mortale faceret. Deberi quippe maximo operi hanc venerationem, vt nouissimum esset, auctoremque eius statim consecrandum, vt quandoque inter posteros quæreretur, an illud iam deus fecisset. Ita ille nullo magis nomine publicus parens, quam quia tuus, ingens gloria, ingensque fama, cum abundè expertus esset, quam benè humeris tuis sederet imperium, tibi terras, te terris reliquit; eo ipso carus omnibus ac desiderandus, quod prospexerat ne desideraretur. Quem tu lacrymis primum, ita vt filium decuit, mox templis honestasti, non imitatus illos qui hoc idem, sed aliâ mente fecerunt. Dicauit cælo Tiberius Augustum, sed vt maiestatis numen induceret: Claudium Nero, sed vt irrideret: Vespasianum Titus, Domitianus Titum, sed ille vt dei filius, hic vt frater videretur. Tu fideribus patrem intulisti, non ad metum ciuium, non in contumeliam numinum, non in honorem tuum, sed quia deum credis. Minus est hoc, cum sit ab his, qui & sese deos putant. Sed licet illum aris, puluinariibus, flamine colas, non alio magis tamen deum & facis & probas, quam quod ipse talis es. In Principe enim qui electo successore fato concessit, vna itemque certissima diuinitatis fides est, bonus successor.

TITVLIS, IMAGINIBVS, SIGNIS.] *Inscriptionibus, tabulis aut clypeis, statuis. Esse verius fortasse, Signa referri ad militaria illa, quibus nomina inscripta Imperatorum, & imagines ex auro argentoque innexe. Docui in Militiâ Romanâ. MODESTIA.] Hyſterologiâ, ſingula ſingulis ſequentibus neſciuntur. Modestiâ miles, labore Legatus, vigilantia Dux. GRADV ANTEIRES.] Pedibus, more Romano. Lucanus, de Catone: — præcedit anhelis Militis ora pedes. Tacitus de Othone: Nec illi ſegne, aut corruptum luxu iter, ſed ſoricâ ferreâ vſus, & ante ſigna pedeſter. Spartianus, de Hadriano: Vicina millia pedibus armatum ambulasse. CAELO VINDICAV-  
RUNT.] Splendide loquitur, quia conſecratus. Conatus Hadrianus hunc nuncium perſerre, de quo ſa Spartianus: Traiano a Neruâ adoptato, ad gratulationem exercitus miſſus, in Germaniam ſuperiorem tranſlatus eſt. ex quâ feſtinavit ad Traianum, vt primus exceſſum Neruæ nunciaret. Quod libentiùs noto, vt ſciatur interuallum aliquod inter adoptionem & mortem fuiſſe (ſuprà à me notatum) neu quem fallant hæc Pliniana, auctorēque eius ſtatim conſecrandum: & plura, coloratē & oratoriē diſta. ABVND EXPERTVS.] Quo-  
modo autem, niſi interuallum fuiſſet, vt dicimus? SEDERET IMPE-  
RIVM.] Firmiter innixum. Seſſio perpetuitatem notat. MAIESTA-  
TIS NVMEN.] An noimen, an magis ciuiment? nam & hoc vltimum in quibuſdam libris. Conſtat ſub Tiberio publicam poenē rabiem (lo-  
quor cum priſco ſcriptore) fuiſſe accuſandi: & pleraque crimina omnia, inſcripta titulo Maieſtatis. Quidquid diſtum, ſæſtūve, Auguſtum aut eius ſtirpem vel leuiter tangeret, crimen æſtūius erat, Impietatis, vt Græci, ſive Maieſtatis, vt Latini. VT IRRIDERET.] Palam qui-  
dem. cum & Boletos, deorum cibum diceret; & plura huic rei in Suetonij Nerone. cap. xxxiii. NON AD METVM.] Vt Tiberius. ſicut de Contumeliâ, quod ſequitur, ad Neronem ſpectat: de Honore, ad Tatum & Domitianum. QVIA DEVM CREDIS.] Et virtu-  
eſbus calum meruiſſe. Seneca, de Clem. Deum eſſe, non tanquam iuſſi credidus, bonum Principem Auguſtum. FLAMINE CÔLAS.] Proprio ſacerdote. Vide notata nobis ad 1. Annalem Taciti.*

NVM ergo tibi ex immortalitate patris aliquid arro-  
gantitæ acceſſit? num hos proximos, diuinitate parentum  
deſides ac ſuperbos, potiùs, quàm illos veteres & anti-  
quos

quos æmularis? qui hoc ipsum imperium peperere, quod inodò hostes inuaserant contempserantque. cuius pulsi fugatique, non aliud magis habebatur indicium, quam si triumpharetur. Ergo sustulerant animos & iugum excusserant, nec iam nobiscum de suâ libertate, sed de nostrâ seruitute certabant: ac ne inducias quidē, nisi æquis conditionibus, inibant, legesque ut acciperent, dabant. At nunc rediit omnibus terror & metus, & votum imperata faciendi. Vident enim Romanum ducem, vnum ex illis veteribus & priscis; quibus imperatorium nomen addebant contesti cadibus campi, & infecta victoriis maria. Accipimus obsides ergo, non emimus, nec ingentibus damnis immensisque muneribus paciscimur, ut vicerimus. rogant, supplicāt, largimur, negamus, vtrumque ex imperij maiestate: agunt gratias qui impetrauerunt, non audēt queri quibus negatum est. An audeant? qui sciāt te adsedisse ferocissimis populis, eo ipso tempore, quod amicissimum illis, difficillimum nobis: cū Danubius ripas gelū iungit, duratusque glacie ingentia tergo bella transportat: cū feræ gentes, non telis magis, quam suo cælo, suo sidere armantur. Sed vbi in proximo tu, non secus ac si mutatę temporum vices essent, illi quidem latibulis suis clausi tenebantur; nostra agmina percurfare ripas, & alienâ occasione si permitteres uti, ultroque hiemem suam barbaris inferre gaudebant.

HOSTES INVASERANT.] *Daci, Sarmatæ, Sueui, Catti, sub Domitiano.* \* *CVIVS PULSI.*] Ego verò hiatum esse video, & firmat etiam vetus codex (Io. Liuinio visus) qui lacunam præfert. Ille tamen mederi se putat, rescribendo: quod modo hostis inuaserat contempseratque. cuius pulsi: nempe, inquit, hostis. Parcite manes, alia mens longè Secundi. Tangit palàm Domitianum, cuius hæc demens vanitas, ut cū malè pugnasset ipse aut Legati, tunc denique Romæ triumphum instrueret, quasi victor. De Catti, Tacitus: Proximisque temporibus (Domitiani) triumphati magis, quam victi sunt. Idem, in *Apricolâ*:  
Derisui

Derisui fuisse falsum eius (Domitiani) è Germaniâ triumphum. At de Dacâ, Orosius: Præmissimâ iactantiâ elatus, sub nomine superatorem hostium, de extinctis legionibus triumphauit. Dio similia habet, & nos aliquid infra. Hac igitur sententia, & pro eâ reformari possit: cuius non pulsi. Sed non placet, atque aliquid omnino delinquit.

SI TRIUMPHARETUR.] Nempe Roma, à Domitiano. At alij libri, si ab illis triumpharetur: falsò, magisque tunc, de illis. NISI AEQVIS CONDITIONIBVS.] Hòcne ergo adeò iniquum, si æquis? Ita, quia dignatio Romana & potentia maior, quàm ut barbari æquarentur. Neq; malè tamen alterutrâ voculâ reiectâ legeris: ac ne inducias quidem æquis conditionibus; vel, inducias quidem, nisi conditionibus. Dispice: & fateberis fortius sic efferrî, magisque indignanter. Atque adeò sequentia dicunt, nec æquas conditiones fuisse, sed quas iis lubitum imponere. TERROR ET METVS.] Quid? vine hostes nos terream? minime. sed terror à nobis ad ipsos venit, habentque & vnâ metum. Sic infra iungit: Neque enim adhuc ignauit cessauimus: terror & metus monebant à rep. animos auertere minus. Alioquin labebar legero, omnibus terris & metus &: sed puto, labebar. VIDENT ROMANVM DVCEM.] Ista & Martialis versibus amplexus, in Traiani popularis sui laudem:

Terrarum dea gentiumque Roma,  
Dixit Præfide gloriosa tali:  
Parthorum procetes, ducésque Serum,  
Thracæ, Sauromatæ, Gotæ, Britanni,  
Possum ostendere Casarem, venite.

NON EMIMVS.] Factum Domitiano, qui & falsos captiuos emit, ad instrumentum triumphi. Tacitus Agricola: Emptis per commercia, quorum habitus & crines in captiuorum speciem formarentur.

INGENTIBVS DAMNIS.] Pecuniariis. Sed hæc, priora, & subiungenda lucem accipiant à Dionis loco, qui in Fulvianis Fragmentis publicatus. Ait, me vertente: Domitianus victus à Marcomannis & fugatus, misit illic ad Decebalum Dacorum regem, eumque ad pacem inuitauit. Quam ille suscepit, nec sic tamen ut ipse ad Domitianum veniret: sed Diegem quandam misit, qui arma paucæ & viros, quasi captiuos, traderet. Eoque facto, Domitianus, ut verè victor, diadema Diegi imposuit (nempe illi, sed in vicem nomenque absentis Decebali) tanquam & ipse regem Dacis dare posset: & mi-

litibus coronas, & dona pecuniaria, diuinit. Romam etiam quasi victor, cum alia inisset, tum & Legatos, vt à Decebalo, & epistolam ab eodem (quam ipse tamen ferebatur confinxisse:) & pompam triumphalem splendidè adornauit. non ex iis sanè, quæ ipse ab hostibus cepisset: nam omnia aliter erant. atque adeò multam pecuniam ad pacem hanc emendam & statim effudit, & in posterum etiam daturum se promisit; præterea artifices & operarios omne genus, vel paci vel bello utiles Decebalo donauit: non, inquam, ex hostium spoliis, sed ex Principalibus tributis instruxit. *En pacem à Domitiano emptam, en inimicos triumphos! Atque ab his principis (ô Romani, quò iussis:) passim postea Barbari auro redempti & adstricti. Attila rex faceret id obiecit & sugillauit, narratione vultu veteris scriptoris, apud Suidam: Cùm Mediolanum, inquit, cepisset, vidissetque ibi in picturâ, Romanos Principes solio aureo insidentes, Scythas autem iis ad pedes iacentes; ipse contrâ, sese iussit pingi, solio sublimem, Romanos autem Imperatores sacculos humeris baiulare, & aurum effundere ad eius pedes. Hæc Suidas, in xepores.*

ROGANT, SUPPLICANT. ] Dio in Fragmentis: ἐν τῇδε τῇ ὁδοῦ τοῦ Τριανῶνος ὁ βασιλεὺς ἔδωκεν τοῖς βαρβάρων ἀλλὰ καὶ τοῖς Ἰνδοῖς ἀργύρον. Quod varij multiq̃ue Legati, cum ab aliis Barbaris, tum & ab Indis ad Traianum venerint. *Et si hæc magis postea gesta: sicut & illud, quod in Dionis compendio est, Traianum grauatum dare pecuniam, quam Daci annuatim capiebant, ad bellum se parasse, timente Decebalo: qui rem sibi fore, non cum Domitiano, sed cum populo Romano, & Principe iustitiâ, robore, & militiâ claro. Nam id bellum, anno post hæc Pliniana, cepit. Porro similia istis, sed in viro dissimili, Stilonis suo, tacet Claudianus:*

Illi terribiles, quibus otia vendere semper  
Mos erat, & fœdâ requiem mercede pacisci,  
Natis obsidibus pacem, tam supplice vultu  
Captiuoque rogant, quàm si post tetra reuincti  
Tarpeias pressis subeant ceruicibus arces.

TE ADSEDISSE. ] *Castra & prætenturas habuisse, in fluminum ripâ. Quia enim ibi quies, ipsa castra etiam Sedes posteriore isto auro dicta.*

QVOD AMICISSIMUM ILLIS. ] *Claudianus, diligens Plinij lektor, & imitator: — quòd gentibus illis*

Frigore consuetis fauet inclementia cæli.

RIPAS GELV IVNGIT.] Sic & pontibus iungi dicuntur, cum scilicet commeari licet & adire, ut iunctas. De re ipsa, & unam hoc frigore, & piose Herodianus libro vi. quem vide. Aut, inter alia, virtumque fluuium, & Rhenum & Danubium, per hiemem sic gelasce-  
re, ut camporum in morem perequenterentur. Esse autem adeo solidam firmamque glaciem, ut non pedibus modo vngulisque hominum & equorum subsistat; sed qui hausuri aquam sunt, non tam vmas aut vasa secum afferant, quam secures & dolabras, ut excisam aquam, quasi lapidem, sine vlllo vase, asportent. Quae pos-  
srema tangere Catonem in fragmento Originum, quod apud Nonium est, scio: Qui aquatum, ut lignatum, videntur ire. securim atque lo-  
rum ferunt, gelum crassum excidunt, cum loro colligatum aufe-  
runt. De Rheno, opinor, dixit. SVO CAELO.] In Taciti Germa-  
nia: Martiaci, ipso adhuc terra suae solo & caelo acius animan-  
tur. Sidus autem, Arctūm certum est capi. LATIBVLIS.] Subter-  
rancis suis specubus, quos contra hiemem aperunt: Tacitus. HIEMEM  
SVAM INFERRE.] Poëticae sunt haec omnia, & floride tumentia.  
Dicit, milites paratos uti occasione luens & glaci, ac transire fluuium:  
quod antea illi in nos solent.

HAE C tibi apud hostes veneratio, quid apud milites?  
quam admirationem, quem admodum comparasti? cum  
tecum in eadem, tecum ferrent sitim; cum in illa medita-  
tione campestri militaribus turmis imperitorum pul-  
uerem sudoremque misceres, nihil à cæteris nisi robore  
ac præstantiâ differens; cum libero Marte nunc cominus  
tela libares, nunc vibrata susciperes. alacer virtute mili-  
tum & lætus, quoties aut cassidi tue aut clypeo grauior  
ictus incideret, (laudabas quippe ferientes, hortabarisq;  
ut auderent, & audebant iam;) cum spectator modera-  
torque ineuntium certamina virorum, arma compone-  
res, tela tentares, ac si quod durius accipienti videretur,  
ipse vibrares. Quid cum solatium fessis, agris opem fer-  
res? Non tibi moris tua inire tentoria, nisi comilito-  
num antè lustrasses, nec requiem corpori, nisi post om-  
nes, dare. Hac mihi admiratione dignus Imperator non

videretur, si inter Fabricios, & Scipiones, & Camillos talis esset. tunc enim illum imitationis ardor, semperq; melior aliquis, accenderet. Postquam verò studium armorum à manibus ad oculos, ad voluptatem à labore transfatum est; postquam exercitationibus nostris non veteranorum aliquis, cui decus, muralis aut ciuica, sed Græculus magister assistit; quàm magnum est vnum ex omnibus patrio more patriâ virtute lætari, & sine æmulo ac sine exemplo secum certare, secum contendere; ac sicut imperat solus, solum ita esse qui debeat imperare?

TECYM INEDIAM.] *Præcipit Honorio ita pater Theodosius, apud Claudianum:*

Inuentis vtare cibis. solabere partes

Æquali sudore tuas.

MEDITATIONE CAMPESTRI.] *Exercitio in campo, μάχη. De istâ, eiusque modis, scripsi affatum lib. v. De militiâ. LIBERO MARTE.] Sine tui reuerentiâ. cùm quasi miles in militem esses compositus.*

NUNC VIBRATA.] *Imò libtata. AEGRI OPEM.] Ars Imperatoria, valde ad beniuolentiam parandam. Velleius, de Tiberio: Per omne belli Pannonici tempus, nemo è militibus, cuiuscumque gradus, imbecillus fuit; cuius salus & valetudo non ita sustentaretur Cæsaris curâ, tanquam distractissimus ille tantorum operum mole, huic vni negotio vacaret animus. Erat desidetantibus patatium iunctum vehiculum, lectica eius publicata: cuius vsu cùm alij, tùm ego sensi. iam in edici, iam apparatus cibi, iam in hoc solum importatum instrumentum balnei, nullius non succurrit valetudini. At de nostro Traiano, Dio in compendio: cuius tamen verba plura & meliora leguntur in Suidâ, istæ: Τραϊανὸς ὁ βασιλεὺς τοὺς ἐν πολέμῳ τρωμένους ἐδιέστυχε. ἐπὶλεν πάντας δὲ σφᾶς τῶν ἐπιδέσμων, ἡδὲ καὶ ἑαυτῷ ἐπὶ τῷ ἐξήκοντο, ἀλλ' εἰς τὰ λεπτάδια αὐτὴν κατέτινασθαι: Traianus Princeps milites in prælio vulneratos curabat. cùm autem fasciæ & volumina deficerent, nec suæ quidem vesti pepercit, sed eam totam in ligamenta & fomenta discidit. O factum (quid enim aliud possim?) verè Traiani! quod tamen & femina simile, ante eum, usurparat Agrippina, Germanici vxor. in Tacito: Sed femina ingens animi munia*



munia ducis per eos dies induit, militibusque, ut quis inops aut saucius, vellem & foimenta dilargita est. *Macte & tu, alio patre & patris, quam Tiberio digna.* INIRE TENTORIA. ] *Ausonius, de Gratiano: Vidi te circumire tentoria; Satin' saluæ? quætere, tractare vulnera sauciorum, & ut salutiferæ apponerentur medelæ instare.* A MANIBVS AD OCYLOS. ] *Quas manus non in pugna, sed in theatris Circûque mouemus. Ibi gladiatores, ibi bestiarios depugnantes oculis vsurpamus: & in Stadiis, athletas.* AD VOLVPTATEM. ] *Sine obcausam iam dictam: sine quia tangit gymnasia, Græcorum ritu vsurpata.* GRAECVLVS MAGISTER. ] *Pro gymnasies, vel aliptes, Græcis item vocibus. Nam prohi facinus (ait Seneca in istâ re) ne Romanis quidem vitiis laboramus: nempe in ceromate dedimus & baphe. Enimuerò Plutarchus, etsi Græcus, facit Palæstram effeminasse corpora, & ad mollium deduxisse specie exercendi.*

PATRIO MORE. ] *Quid ergo? quid à se disco Plini? Traianum è Romanis aut Italis esse? Victoris epitoma hoc etiam dicat, in quâ scribitur: Vlpianus Traianus, ex vrbe Tudertinâ. Atqui Tuder in Italia Vmbria est. Si tamen hoc, quid fiet Dioni, qui disertè scribit, ὅτι τῆς Τραϊανῆς, ἢ τῆς Ἰταλῆς, ἢ τῆς Ἰταλικῆς ἦ: quòd Hispanus esset Traianus, & nec Italus, nec quidem Italicus. Potèstne clariùs Hispanum asserere, & nec Italum, nec Italo patre natum? Es addis: πονδὺς λίθου ἀλλοτρίου τὸ ἦν ποταμῶν καὶ ἰσχυρῶν: Nemo antea alienigena & exterius Romanum imperium est adeptus. Et pondus lapidis accedit, quod non amolare, sic insculpsi:*

IMP. CAES. NERVAE. TRAIANO. AVG. GERMANIC.

DACIC. PARTHIC. PONT. MAX. TR. POT. IV. COS. VI. P. P.

DE. ROMANO. IMPERIO. DE. PATERNA. ET. AVITA

HISP. PATRIA. ET. DE. OMNI. HOMINVM. GENERE. MERITISS.

POPVLARES. PROVINC. AREVATVM. OPTIMO. PRINCIPI.

Et verò origine Hispanâ fuisse, patremque salem, nihil ambigo: de ipso, suspendit me ipse lapis, dum serueor. Nam nominat Hispaniam, paternam & auitam eius patriam: cur non eius simpliciter, sibi natus? Considera, & momentum hoc est ad inclinandum: sicut & Victor alter ortum dicit Italicâ, non etiam natum. Sed nec Panegyricus satis aperte, qui Theodosio dictus: Hæc (Hispania) Traianum illum, hæc Hadrianum dedit imperio. Imò si ita intellegit datum, ut Hadrianum: profecto origine tantum Hispanus sit, non etiam natiuitate. Nam ille (in Spar-



tiano) parentes quidem ab Italicâ Hispaniæ habuit, natus tamen Romanus. Hoc iterum si verum: quid Dionis superior assertio, nonne concutitur ab ipso Dione qui in Hadriano scribit, *αὐτὸς τὸν Τραιανόν, id est, ciuem & ex eadem urbe, misse*: Ergo vterque Romanus. Contrâ tamen, liquido Eutropius, & ex eo Eusebius ut solet, natum Italicæ in Hispaniâ, affirmât. Distrahi me fateor. & quod ad Victorem, parata correctio nulla erat, ex urbe Turdetanâ: etsi lapis tuus etiam turbat, qui Arcuatae (Ptolomeo Arcuacas) populares Traiani facit, aut certe videtur: illi autem in diuerso Hispaniæ tractu, & prope Cluniam, in eius medietullo, ponuntur. O in viro tam illustri pudendas tenebras! Vbi estis Graeci Latiniq̃ue, qui vitam & res huius Principis scripsistis? supra decem fuisse scio, sed (ô dolor) fuisse. Pergamus in Plinio: qui aut verè Romanum eum habet, aut callide ubique dissimulat Hispanum fuisse.

NONNE incunabula hæc tibi, Cæsar, & rudimenta, cum puer admodum Parthicâ lauro gloriam patris augens, nomenq̃ue Germanici iam tum mererere? cum ferociam superbiamq̃ue Parthorum ex proximo auditus magno terrore cohiberes, Rhenumq̃ue & Euphratem admirationis tuæ famâ coniungeres? cum orbem terrarum non pedibus magis, quàm laudibus peragrare, apud eos semper maior & clarior, quibus postcâ contigisses? & necdum Imperator, necdum dei filius eras. \* Germaniamq̃ue cum plurimæ gentes, ac propè infinita vastitas interiacentis soli, tum Pyrenæus, Alpes, immensiq̃ue alij montes nisi his compararentur, muniunt diimuntq̃ue. Per hoc omne spatium cūa legiones duceres, seu potius (tanta velocitas erat) raperes: non vehiculum vnquam, non equum respexisti. leuis hic, non subsidium itineris, sed decus, & cum cæteris subsequebatur: ut cuius nullus tibi vsus, nisi cum die statiuorum proximum campum alacritate, discursu, puluere attolleres. Initium laboris mitter, an finem? multum est quod perseverasti, plus tamen quod non timuisti, ne perseverare non posses. Nec dubito, quin ille qui te inter illa Germaniæ bella ab Hispaniâ  
vsque

vsque, vt validissimum præsidium, exciuerat, iners ipse alienisq̃ue virtutibus tunc quoque inuidus imperator cum ope earum indigeret, tantam admirationem tui non sine quodam timore conceperit: quantam ille genitus Ioue, post labores duraq̃ue imperia, regi suo indomitus semper indefessusq̃ue referebat, eum aliis super alias expeditionibus itinere illo dignus inueniretis.

PARTHICA LAVRO.] Nihil hac de re legi: comitem patri fuisse, id apparet. Mox velim scribi, augeres. GERMANIAMQ̃UE.] Desertum aliquem video, sed leuem. TYM PYRENAEVS.] Itane Pyrenæus inter Germania terminos? ita, sed latè illius sumpta, vt Gallias etiam comprehendat. Nec id nouum est: & sicut Celtas eos præci Græci communiter vocarunt, sic Latini modò Germanos, modò Gallos alternant. Plura exempla sunt: sed hoc Seneca huc aptissimum, Consolat. ad Heluiam: Pyrenæus Germanorum transitus non inhiuit: vbi de gentium migratione agit. Ergo Germani in Hispaniam non, quod sciam: sed Galli, id est Celte, à quibus & Celtiberia nomen habet. NON VEHICVLVM.] Nota duritiem & perperationem laboris in Principe de qua etiam Dio: Εὐδοκίᾳ αἰὲς ἡ γὰρ ἀρετὴ τῷ σπάρτῳ μᾶλλον, τῶν τε ποταμῶν, ὅταν γὰρ ὁμιλοῖ, καὶ ὅταν δίσκῃσι: Pedibus ibat, iuxta actoris exercitus: & quoscumque fluuios illi, etiam ipse pedester transibat. At Velleius in Tiberii laudibus ponit, quod solus semper equo vectus sit, in bello Germanico: quo colore aut causa? Quod molliores Principes vehiculo semper aut lectica, & durior est equus. Suetonius de Domitiano: In expeditione & agmine, quo rariùs, lecticâ assidue vectus est. Neq̃, nonnes sanè Traiani fuerunt, cuius factum ore qui subannat, animo miretur.

ILLE QVI TE.] Domitianus, dum bella parum prospera cum variis Germania gentibus habet. Sed accutim ait, ab Hispaniâ. Vnde nunc ergo, aut quare illuc? Existimo post Consulatum (quem gessit sub Domitiano, anno DCCCXLIH.) missum in Hispania aliquam partem, vt præficeret. Illinc nunc cum legionibus excitum. REGI SVO.] Eurystheo, qui talia imperabat. ITINERE ILLO.] Tam longo, difficili. Sed magis arridet, quod libri alij, munete alio habent. Per munera & Præfectoras, quas sustinebas, gerendo probabas te aliis maioribusq̃ue suffulurum.

TRIBV-

TRIBUNVS verò, disiunctissimas terras, teneris adhuc annis, viri firmitate lustrasti: iam tunc præmonente fortunâ, ut diu penitus perdisceres, quæ mox præcipere deberes. Neque enim prospexisse castra, breuè inque militiam quasi transisse contentus: ita egisti tribunum, ut esse statim dux posses, nihilque discendum haberes tempore docendi. Cognouisti per stipendia decem mores gentium, regionum situs, opportunitates locorum, & diuersam aquarum cælique temperiem, ut patrios fontes patriumque sidus, ferre consueuisti. Quoties equos, quoties emerita arma mutasti? Veniet ergo tempus quo posterius visere, visendum tradere minoribus suis gestient, quis sudores tuos hauserit campus, quæ refectiones tuas arbores, quæ somnum saxa prætexerint, quod denique rectum magnus hospes impleueris: ut tunc ipsi tibi ingentium ducum sacra vestigia, iisdem in locis, monstrabantur. Verùm hæc olim. in præsentia quidem, quisquis paulò vetustior miles, hic te commilitone censetur. quotus enim quisque, cuius tu non antè commilito, quàm Imperator? Inde est, quòd propè omnes nomine appellas; quòd singulorum fortia facta commemoras: nec habent adnumeranda tibi pro rep. vulnera, quibus statim laudator & testis contigisti.

TENERIS ADHUC ANNIS.] Nam Tribuni, illo æuo, adolescentes fiebant. Hadrianus de iuribus instituit, neminem Tribunum, nisi plenâ barbâ, fieri. Spartianus. PRAEMONENTE FORTUNA.] Le-go, præmuniente, vel præmoliente. Nam Deus, inquit, iam tunc disposuit & præstruxit, ut adolescens disceres, quæ exercenda aut iubenda Princeps haberes. PER STIPENDIA DECEM.] Totius militiæ non puto, sed Tribunatus. Nam si puer admodum (ita Plinius) militiæ Parrhica interfuit, si à teneris annis Tribunus militum; si denique anno XLII. ad imperium venit: quomodo probabile, decem tantum annos militasse? At Polybius ita de Equitibus. Scimus: sed hoc quoque, licuisse & receptum fuisse, ut ultra; & denique hoc æuo, illa Polybiana in obliuio-

nem & situm abisse. MORES GENTIVM.] Cum illo Ulyssē,  
 — ὅς μάλ' ἀ πολλὰ πάγχθη: &, Παλλὰς δ' ἀρ' ἑρωπων ἰδὲ  
 ἄσπερ, & νόον ἔγνω: — qui per sola multa laetatus —

Multorumque hominum mores atque opida nouit. *Cassiodorus*: Interdum expedit patriam negligere, ut sapientiam quis possit acquirere. Ulyssēs Ithacus nisi hoc fecisset, in laboribus (*scribe*, laribus) propriis forsitan latuisset. REGIONVM SITVS.] Quod utilissimum futuro Duci. *Plutarchum* in *Philopœmene* vide.

AQVARVM CAELI QVE.] Cur de aquis? quia Romani milites aquam aceto mixto, vulgò bibeant. CAMPVS.] In quo te exercuisti.

REFECTIONES TVAS ARBORES.] Pro rustico & militari item ritu, qui cibos capiebant,

Propter aquæ riuos, sub ramis arboris altæ.

SOMNV M SAXA.] Cred. m'ne? credamus, & res est: duces militesque olim, non in culcitis, sed in terrâ aut gramine, & (ut magnum) in antro aut specu, saxo impendente ac tegente, dormisse. *Marius* in *Sallustio*: At illa multo optima edoctus sum, hiemem & æstatem iuxta pati, humi requiescere. MAGNVS HOSPES.] *Clandianus*:

— stat pallidus hospite inagno Pastor. IMPLEVERIS.] Aut magnitudine (nam & corpore talis) aut cerè maiestate.

PROPE OMNES NOMINE APPELLAS.] Mirum, tam berceles quàm in *Cyro*, qui milites in numerofo exercitu omnes nomine compellasse dicitur. Sed hoc studium in togâ & militiâ Romanis, hac comitate erga inferiores uti, & sic deuincire. Mox *infrâ*. ADVNMERANDA TIBI.] Non opus recenseant, aut suggerant: cùm tu plerisque factis praeclaris interfueris. His rebus effectum, ut milites vnice amarent *Traianum*, neque vnquam (*Dionis scriptum*) contemptus aut seditio eum militaris exceperit: qua laus & *Annibali* tributa.

Sed tanto inagis prædicanda moderatio tua, quòd innutritus bellicis laudibus pacem amas: nec quia vel pater tibi triumphalis, vel adoptionis tuæ die dicata Capitolino Ioni laurus, idcirco ex occasione omni quæris triumphos. Non times bella, nec prouocas. Magnum est, Imperator *Auguste*, magnum est, stare in *Danubij* ripâ, si transeas, certum triumphi, nec decertare cupere

F cum

cum recusantibus: quorum alterum fortitudine, alterum moderatione efficitur. Nam ut ipse nolis pugnare, moderatio; fortitudo tua præstat, ut neque hostes tui velint: Accipiet ergo aliquando Capitolium, non inaneis currus, nec fallæ simulacra victoriæ, sed Imperatore veram, ac solidam gloriam reportante, pacem, tranquillitatem, & tam confessa hostium obsequia, ut vincendus nemo fuerit. Pulchrum hoc omnibus triumphis. neque enim unquam, nisi ex contemptu imperij nostri factum est, ut vinceremus. Quod si quis barbarus rex eò insolentia furorisque processerit, ut iram tuam indignationemque mereatur; ne ille, siue interfuso mari, seu fluminibus immentis, seu præcipiti monte defenditur, omnia hæc tam prona tamque cedentia virtutibus tuis sentiet, ut subdidisse montes, flumina exaruisse, interceptum mare, illatasque sibi non classes nostras, sed terras ipsas arbitretur. Videor iam cernere non spoliis provinciarum, & extorto sociis auro, sed hostilibus armis, captorumque regum catenis, triumphum grauem. Videor ingentia ducum nomina, nec indecora nominibus corpora noscitare. Videor intueri immanibus ausis barbarorum onusta fercula, & sua quemque facta vincis manibus sequentem; mox ipsum te sublinem, instantemque curru domitarum gentium tergo; ante currum autem clypeos, quos ipse perfoderis. Nec tibi opima defuerint, si quis regum venire in manus audeat, nec modò telorum tuorum, sed etiam oculorum, minarumque coniectum toto campo, totoque exercitu opposito, perhorrescat. Meruisti proximam moderatione, ut quandocunque te vel inferre, vel propulsare bellum cogerit imperij dignitas, non idèò vicisse videaris, ut triumphares, sed triumphare, quia viccis.

MODERATIO TVA.] Item Dion laudat Εὐδὲν Φιλοπόλεον ὅτι  
ἀλλὰ τῇ τι κατὰ φύσιν, καὶ τῇ ἐχθρῶν μὴ κατὰ φύσιν, τοῦ σπουδῆς δὲ ἀνέχοντος ἑαυτοῦ

Et si

Etiā autem militaris gloriæ cupidus erat, tamen victoriâ contentus, & hostes depreſſiſſe, ſocios ſubleuaſſe, ſatis habebat. *NO INANES CVRRVS.*] Iterum hæc in Domitianum. Inanes autem, ſpoliis vacuus. Propertius :

Quā videam ſpoliis oneruo Caſatiſſime,  
Ad vulgū plauſus ſæpe deſiſtare equos.

Poſſis & vniuerſe referre ad currus, qui cum ſpoliis ſolent præire, grandi numero. Vide Plutarchum in *Emilio*. *SIMVLACRA VICTORIAE.*] Imagines & iconiſmi pugnarum, quæ in ſerculis. *SED IMPERATORE.*] Malum, Imperatorem, & mox, reportantem, diſtinctiunculis mutatis leuiter. *BARBARVS REX.*] Decabalus, cum quo bellum iam in opinione, & anno ſequenti inchoatum. *PRAECIPITI MONTE.*] Hoc quoque ad ipſum. Nam Dacia montana, & ibi in prærupto arceſ. *Dio Caſſius :* ἐπὶ τῶν ὄρεων αὐτῆς οὐκ ἔστιν ὁρμήν, ἀλλὰ ὄρεα ὅλα ἐκείνη : Τάκτινος ὀνόματι ἐκείνητος ἐπέειπεν. *Et Statius :*

Quæque ſuum Dacis donat clementia montem.

*EXTORTO SOCIIS AVRO.*] Omnia in Domitianum. Aurum porro Coronarium intellegit, quod prætaxæ viſſoris acerbè exigebant, nec ut collationem (uaſulum) ſed ut tributum. Vide me in *Adſpirandis*, lib. II.

*REGVM CATENIS.*] Solenne, ad pompam & ſpeciem. *Ouidius :*

Vinſſæque captiua reges ceruice gerentes,

Ante coronatos ite videbis equos.

*Albinouanus Pedit :*

Aſpiciam regum iuuentis colla catenis,

Duræque per ſeuas vinſſula nexa manus.

*Vopifſcus Aureliano :* Incedebat etiam Zenobia gemmis ornata, catenis aureis, quas alij ſuſtentabant. Ad id prætaxæ ſerſſes catena iſte, ut ſupportande eſſent. *Vetus planctus, & Dionyſius in triumpho T. Quir. Etj Cincinmati :* τὸ τε καὶ τὸ τοῦ πολέμου, καὶ τοῦ ἀλλοῦ ἐπὶ τῶν ἀνδρῶν, ἀλλοτρίων δὲ δεινότητος : Ducem hoſtium, alioſque illuſtrauit, catenis vinſſos ante ſe egit. *NEC INDECORA CORPORA.*] Nomina magna, & in ſamâ omnium, & corpora item magna reſpondebant. At nomina magna, longa & polyſyllaba : ut Decabalus, & talia Barbarorum. *ONVSTA PERCVTA.*] Id eſt in ipſiſſis ſerculis expreſſa ſcimitora audacia Barbarorum. Nam ibi ſumina, vrbes, pugnae, quidquid ſingulare, populo oſtendebatur. *Tacitus .ii. Annal. de Germanici triumpho :* Vecta ſpolia, captiua, ſimulacra inſignium, ſumumum, præ-

horum. *Propertius*: — & titulis opida capta legam. *Claudianus*:

Hi famulos traherent reges, hi facta metallis

Opida, vel montes, captiuâq; flumina ferrent.

Metallis aut facta, id est auro vel argento, sed & ebore, citro, aut siquid aliud carum vel rarum. Vide *Suetonium Iulij* cap. xxxvii. *Dionem* xliiii. qui hæc *Fercula*, *ποικίλιν* vertit, id, quæ imponit ἱερὰ εἰκόνα, factorum imagines: sed ante omnes *Iosephum*, in *Iudæico triumpho*, qui *Pegmata* ea dicit. VINCTIS MANIBVS SEQVENTEM.] Nota morem triumphalem. Facta ipsam ferculis, auctores præcipui eorum iuxta ea sequebantur. Aut etiam in ipso ferculo impositi, sublimes ita monstrabatur. *Iosephus* clarè: τὸ ἑνὸς δὲ τοῦ ἐκείνου τῶν πηγμάτων οὗ τῆς ἀλίσκομένης πόλεως ἐστίν, &: Impositus erat in vnoquoque pegmatum dux urbis captae. *Seneca*, *De vitâ beata*: In alienum imponat ferculum, exornaturus victoris feri pompam. *Propertius*: Et subter captos arma federe duces. Nam habitu ita maslo & supplece representabantur. PROXIMA MODERATIONE.] Cum ad Danubium sederes, certus victorie, si transisses.

ALIVD ex alio mihi occurrit, quàm speciosum est enim, quod disciplinam castrorum lapsam extinctamque refouisti, depulso prioris sæculi malo, inertiam & contumaciam, & dedignatione parendi? Tutum est reuerentiam, tutum caritatem mereri: nec ducum quisquam, aut non amari à militibus, aut amari timet. & inde offensæ gratiæque pariter securi, instant operibus, adsunt exercitationibus, arma, mœnia, viros aptant. Quippe non is Princeps, qui sibi imminere, sibi intendi putet, quod in hostes paretur: quæ persuasio fuit illorum, qui hostilia cum facerent, timebant. Eodem ergo tempore militaria studia, nec animos modò, sed & corpora ipsa languescere, gladios etiam incuriam hebetari retundiq; gaudebant. Duces porrò nostri, non tam regum exterorum, quàm suorum Principum insidias, nec tam hostium, quàm comilitonum manus ferrumque metuebant. Est hæc natura sideribus, ut parua & exilia validiorum exortus obscurer: similiter Imperatoris aduentu legatorum dignitas in-

umbra-



umbratur. Tu tamen maior omnibus quidem eras, sed sine ullius diminutione maior. eandem auctoritatē præsente te quisque, quam absente retinebat: quin etiam plerisque ex eo reuerentia accesserat, quòd tu quoque illos reuerebare. Itaque perinde summis atque infimis carus, sic Imperatorem commilitonemque miscueras, ut studium omnium laborumque, & tanquam exactor intenderes, & tanquam particeps sociumque releuares. Felices illos, quorum fides & industria, non per internuncios & interpretes, sed ab ipso te, nec auribus tuis, sed oculis probabantur. Consecuti sunt, ut absens quoque de absentibus, nemini magis, quàm tibi crederes.

[DEDIGNATIONE PARENDI.] Quod malum ipsi Principes augebant, quibus nec gratum, nimis audientes Ducibus milites esse. Imò nec tutum erat, ut addit, reuerentiam mereri. AUT NON AMARI.] Acutè. Securi duces nunc, inquit, vel in odio militum, vel in amore. Cur in odio? quia delationibus non apud te locus. In amore? quia nec tua virtuti ab aliena times. INSTANT OPERIBVS.] Quæ res odia gignere solet, si duces nimis operum & munium exactiores, præsertim auro & militiâ iam molliore. At sub Traiano faciebant, disciplinam & morem veterem instaurantes. ADSUNT EXERCITATIONIBVS.] Nam & ea sub Tyrannis omisse, aut remisse, cum segnitia pro sapientiâ esset.

[MOENIA.] Castrorum, aut urbium in limitibus. An munia placet legi? Inde Munifices milites, qui facere ea cogebantur; Imunes, qui exempti. Nam quòd vir doctus armainenta iunctim hic legit, cui docto probabit? PRINCIPVM INSIDIAS.] Qui vel per calumnias in Senatu, vel per submissos percussores in castris tollebant. Ideò subiungit, commilitonum manus timuisse: & est in Tacito, de sublato Ciuidæ, struente Domitiano, exemplum. Quid, quòd ipse Agricola veneno sublatus à suspicio, o atque inuido Principe putabatur? At Traianus noster liber purusque horum scelerum: qui, ut Dio ait, ὅτι ἰπὸ δόσε, ὡς καὶ δὴ περὶ τὴν, ἀλλὰ καὶ περὶ πᾶντας τοὺς ἀγαθοὺς ἱστῶν καὶ ἱεροδωμῶν: neque inuidit cuiquam, neque occidit, sed planè omnes bonos & honestabat, & dignitate augebat. LEGATORVM.] Hic Consulares intellegit, & prouinciarum copiarumque præfectos. Nam Legati isto auro duplices: Consu-



lares, iam dicti, loco Praesidium; & Praetorij, minores, qui sub illis, singulis legionibus Praefecti. Sunt ista ab ordinatione Augusti, quae Dionis optimè expressa in Oratione Maecenatis, libro LII. MISCVERAS.] Auctoritate, & comitate. tum etiam, quòd exigebas opera siue exercitia, & idem obibas.

IAM tecinivm desideria reuocabant, amoremque castrorum superabat caritas patriae. Iter inde placidum ac modestum, vt planè à pace redeuntis. Nec verò ego in laudibus tuis ponam, quòd aduentum tuum non pater quisquam, non maritus expauit. affectata aliis castitas, tibi ingenita & innata, interque ea quæ imputare non possis. Nullus in exigendis vehiculis tumultus, nullum circa hospitia fastidium, annona, quæ ceteris. Ad hoc comitatus, accinctus, & parens. diceres magnum aliquem ducem, ac te potissimum, ad exercitus ire: ad eò nihil aut certè parum intererat, inter Imperatorem factum, & futurum. Quàm dissimilis nuper alterius Principis transitus, si tamen transitus ille, non populatio fuit, cum abactus hospitum exerceret, omniaque dextrâ laevaque perusta & attrita, vt si vis aliqua, vel ipsi illi Barbari, quos fugiebat, inciderent. persuadendum prouinciis erat illud iter Domitiani fuisse, non Principis. Itaque non tam pro tuâ gloriâ, quàm pro vtilitate communi, edicto subicisti, quid in vtrumque vestrum esset impensum. Adsuescat Imperator cum imperio calculum ponere; sic exeat, sic redeat, tanquam rationem redditurus; edicat quid absumperit. ita fiet vt non absumat, quod pudeat edicere. Præterea futuri Principes velint nolint, sciant tanti tuum constare: propositisque duobus exemplis, meminerint perinde coniecturam de moribus suis homines esse facturos, prout hoc vel illud elegerint. Nonne his tot tantisque meritis, nouos aliquos honores, nouos titulos, merebare? At tu etiâ nomen Patris patriæ recusabas. Quàm longâ

longa nobis cum modestiâ tuâ pugna? quàm tardè vicimus? Nomen illud quod alij primo statim principatus die vt Imperatoris & Cæsaris receperunt, tu vsque eò distulisti, donec tu quoque beneficiorum tuorum parcissimus aestimator, iam te mereri fatereris. Itaq; soli onanium contigit tibi, vt Pater patriæ es, antè quàm fieres. eras enim in animis, in iudiciis nostris, nec publicæ pietatis intererat quid vocarere; nisi quòd ingrata sibi videbatur, si te Imperatorem potius vocaret & Cæsarem, cùm patrè experiretur. Quod quidem nomen quâ benignitate, quâ indulgentiâ exerces? vt cum ciuibus tuis, quasi cum liberis parens, viuis? Vt reuersus Imperator, qui priuatus exieras, agnoscis, agnosceris? eosdem nos, eundè te putas, par omnibus, & hoc tantum cæteris maior, quò melior.

NON PATER.] *Qui filie suæ timeret: NON MARITVS, qui uxori.*

CASTITAS TIBI INGENITA.] *Excipe, quòd tibi usque ingenuitatis dæus, vt ait ille: circa puerorum amores hæsit. QVAE IMPVTARE NON POSSIS.] Ut benè facta, aut virtutes. Vix enim iudicio vsurpas, sed natura instinctu. EXIGENDIS VEHICVLIS.] Quæ etsi publica vbique per vias disposita: non tamen comitatui Principis sufficiebant. Erat itaque Palatinum munus in hanc rem, vt in lapide: M. VLPIVS. AVG. L. CRESCENS. AB. VEHICVLIS: fueritque profectò huius Vlpij Traiani. Est & in Nerue nummis inscriptio: VEHICVLATIONE. ITALIAE. REMISSA: sed ea ad publicum cursum spectat, cuius onus in se transtulit (quod ad Italiam attinet) Princeps.*

ANNONA, QVAE CETERIS.] *Spartianus in Hadriano: Libenter cibis castrensibus in propatulo utebatur, hoc est, larido, caseo, poscâ, exemplo Scipionis Emiliani, & Metelli, & auctoris sui Traiani. Auctorem vocat, quia Hadrianum Principem fecit, & quasi condidit: ipse eius (vt hodie loquimur) creatura. ACCINCTVS.] Metaphorâ. non fluens aut solutus, verè adstrictus, & vt milites tuos docebat. ABACTVS HOSPITVM.] Quomodo? hospites abegit, an res atque animantes eorum? Istud potest, sed & illud: vt velis tam violentum & fastidiosum in hospitibus fuisse, vt solus ea occuparet, abactis dominis pulsisque. VIS ALIQVA.] Hostilis, an & caelestis?*

QVOS

QVOS FVGIEBAT.] *Adde quæ suprà, de falsis eius victoriis. Acerbè enim & hac in Domitianum, totâ hac oratione materiem iëlibus Plinianis, & sagittis scopum. EDICTO SVBIECISTI.] Quod edictum reuersus proposuit in publico, de hostibus pacatis, limite defenso: & denique in ino (hoc est, subiecisti) de impendis vie. TANTI TVVM.] Rectum est, nec patienter audio qui conantur, tanti itum. Quis finis Criticæ pruriginis? Rectum & clarum est, ut dixi. sciant, inquit, posterì, tanti tuum iter constituisse, tanti, alterius. ALII PRIMO STATIM.] Non omnes, ne hoc per sua, urum te puta, Pluri. Nam nec Augustus quidem, nisi serè recepit, & Tiberius oblatum, per modestiam distulit; Nero, per aetatem. quæ singula in Suetonio ita leges. Quin tamen plerique alij statim, non inius negatum, aut Plinio hoc ereptum. An non tamen Capitolinus, qui sic in Pertinace? Prius sanè omnium, eâ die quâ Augustus est appellatus, etiam Patris patriæ nomen recepit. Aperiè, ut videtur, & nostri\* Philarchi hic obherent. Expediam, fauete. Aio totum locum & concipiendum aliter, & ordinandum, hoc modo: Eâdem die quâ Augustus est appellatus, & Flauia Titiana eius vxor Augusta est appellata, eis horis quibus ille in Capitolio vota soluebat: prima sanè omnium eâ die, quâ Augustus est appellatus. Etiam Patris patriæ nomen recepit. Quàm leui aut nullâ mutatione cula sententiam totam mutamus? & verè, quamuis audacter dico. Non de Augusto, sed Augustâ hoc adfirmat, primam eodem die hoc nomen sumpsisse, quo & maritus Examina priorem historiam, ita reperies. Liua illa, post mortem denique mariti, testamento in nomen Augustæ adsumpta: quod Tacitus & Dio adfirmant. Agrippina Claudij, longulè post nuptias augetur cognomento Augustæ: Tacitus. & Domitianus ille superbus, tamen suam altero denique anno consalutauit Augustam: Suetonius. Antoninus Pius, aliquamdiu post imperium, Faustina Augustam appellari à Senatu permisit. Notes igitur hoc postea, & serè à Senatu factum. neque aliud Spartianus voluit, quàm hunc gratificandi studio properum, dum Pertinax in Capitolio est, eum titulum accensuisse vxori. QVI DIES ILLE.] Quem votis aduocat Martialis, lib. X. epigr. VI. & VII. AGNOSCIS, AGNOS CERIS.] Nihil in factum mutatus, comiter appellas, salutas ciues; & ab iis vicissim idem ille agnosceris, quod ad mores. Imperium accessis, modestia non abscessit.*

\* Amatores  
antiquitatis.

Ac pri-

Ac primum, quid dies ille, quo expectatus desideratusque urbem tuam ingressus es? Iam hoc ipsum, quod ingressus es, quam mirum letumque? nam priores inuehi, & importari solebant, non dico quadriiugo curru, & albeantibus equis, sed humeris hominum, quod arrogantius erat. Tu sola corporis proceritate elatior aliis & excelsior, non de patientia nostra quendam triumphum, sed de superbia Principum egisti. Ergo non ætas quencquam, non valetudo, non sexus retardauit, quod minus oculos insolito spectaculo impleat. Te paruuli noscere, ostentare iuuenes, mirari senes. ægri quoque neglecto medentium imperio, ad conspectum tui, quasi ad salutem sanitatemque prorepere. Inde alij se satis vixisse te viso, te recepto; alij, nunc magis esse viuendum, prædicabant. Feminas etiam tunc fecunditatis suæ maxima voluptas subiit, cum cerneret cui Principi ciues, cui Imperatori milites peperissent. Videres referta tecta, ac laborantia, ac ne eum quidem vacantem locum, qui non nisi suspensum & instabile vestigium caperet; oppletas vndique vias, angustumque tramitem relictum tibi; alacrem hinc atque inde populum, ubique par gaudium paremque clamorem. Tam æqualis ab omnibus ex aduentu tuo lætitia percepta est, quam omnibus venisti: quæ tamen ipsa cum ingressu tuo creuit, ac prope in singulos gradus adaucta est. Gratum erat cunctis, quod Senatum osculo exciperes, ut dimissus osculo fueras. Gratum, quod equestris ordinis decora honore nominum, sine monitore, signares. Gratum, quod tantum non ultro clientibus salutatis, quasdam familiaritatis notas adderes. Gratius tamen, quod sensim & placide, & quantum respectantium tui ba pateretur, incederes; quod occurrentium populus te quoque, te imò maxime altaret; quod primo statim die latus tuum crederes omnibus. Neque enim sti-

patus satellitum manu, sed circumfusus undique nunc Senatus, nunc equestris ordinis flore, prout alterutrum frequentiae genus inualuisset, silentes quietosque lectores tuos subsequere. nam milites nihil à plebe habitu, tranquillitate, modestiâ differebant.

HYMERIS HOMINVM.] Succollati in lecticis. Imitatur Pacatus, in Theodosianâ laude, ut plerique eminentiores (semel monitum esto) locos: Quin si quando in luccin venire, & diem ferre possissent, lecticis thensisque subuecti, & densissimâ suprà circumque cooperti virorum animotumque testudine, sensim atque ad numerum inoueantur: & plura, sodes, adde vel cum Pliniani argutus & Venerere certantia. Porro à nostro Domitianum precipue tangi, certum est.

FECUNDITATIS SVAE.] Seneca, de felicitate sub bono Principe: Tollere filios cupiunt, & publicis malis indicta sterilitas reducit. REFERTA TECTA.] Claudianus, Scilicet ingressus:

Nónne vides, & plebe vias, & tecta latere  
Matribus?

Iterum, in Honorij:

— quantum licuit confurgere tectis

Vna re letuit facies, vndare videres

Ima viris, alias effulgere matribus ades.

Itaque altiora ad iun feminis, in spectaculis, dicata: ut & in theatris

SUSPENSVM ET INSTABILE.] Ut in suogrundiis aut proiecturis parietum. OMNIBVS VENISTI.] Nempe, equaliter venisti, cuique ordini bonus, & benignus. IN SINGVLIS GRADV.] Tuos, nec aliter acceperis. Te procedente, magis magisque ipse placuisse, & instantium lacrimis auxis. Nam semper aliqui radii virtutis sparsis sunt.

NATVM OSCVLO.] Pacatus, de Theodosio: Ille cohonestatus, ille mensâ beatus, ille osculo cōsecratus est. Et digniores vitæ oscula sunt excipere: etsi prauis aut superbi Principes fastidierunt. De Caligula Dio: Paucissimos osculatus est, plenisq; autē, etiam Sarmatam, vel manum vel pedem praebebat osculandum. De Nerone, Tranquillus: Neque adueniens, neque proficiens, quemquam osculatus est. Quid Domitianus? ille, necdum Princeps, Cæsar, iure incubine, osculum, ut solet, offerenti, manum praebebat. Copta, quid in Principatu. Nempe his talibus illud, apud Arrianum (lib. 11. c. 17.)

Alexan-

Alexandri) in se lerat: Τὸ μὲν δὲ ὁρῶντες οὐκ ἔστιν ἀπὸ τοῦ κοινῆς τὸ  
 διὰ τὸν δῆμον τοῦ ἰσχυροῦς, ἀλλὰ τὸ ἰσχυρὸν διὰ τὸν δῆμον. Εἰς τοῦτο δὲ τῶν ἀποκρινόμε-  
 νων (1). Homnibus osculum à salute nobis dant; at numina in sa-  
 to polita, quia contingere non licet, adoratione coli. Et isti profectò  
 inter numina se censibant. De toto ritu pluscula c. 11. Flektorum, suo  
 capite. DIMISSVS O CVLO. ] Adhuc illis par, & pro communi  
 more. EQVESTRIÛ ORDINIS DECORA. ] Nota. non verò totum  
 ordinem multa in eo nullia) sed decora & apices. Et satis mirum de Ne-  
 rone feri i, à Tranquillo: Omnes ordines subinde, ac meminit sa-  
 lutauit. Trésne omnes ordines? populum, equitem, Senatum? infinitum  
 m, & nulla memoria feceris. Sine cauillo igitur aut calumnia acceperis,  
 O mnes, quasiesset, singulos ordines, cum res ferret salutauit: aut ut ex-  
 pressius dicam, omnes quidem ordines, sed non qui in ordinibus. Mens est,  
 uti plebem quidem in salutationibus omissem. Sed vel sic magna & va-  
 ra memoria, quæ in Augusto etiam laudabilis, quod patres in curia salu-  
 tauerit, ledentes, & quidem nominatim singulos, nulli subino-  
 nerit. Ita Suetonius de illo, sed Patres tantum, qui ad trecentos tunc,  
 aut circà. Lusi igitur aliquando in priore loco, & tentauit: Omnes S. or-  
 dines subinde, quod esset, omnes Senatores, & ordine uti sedebant, Au-  
 gusti ex. mpto. SINE MONITORE. ] Nomenclatore, qui inter neces-  
 sarios a consularis olui viris apparebat. GRATIVS QVOD SENSIM. ]  
 Similes affectus aperit Panegyristes Constantini: Felices, qui te propius  
 aspicerent, iunius positi nominabāt, quos præterieris, loci iuam  
 occupauerunt, penitebat. Et statim: Ausi etiam quidam vultu  
 te poscere, & pueri tam citò accessisse palatium: & plura. RE-  
 SPECTANTIVM TVRBA. ] Qui te antecedeabant, per officii speciem, sed  
 & cupidi videndi, idemque respectabant, & ut solet, gradum suum,  
 tuumque vnà, tardabant. MAXIME ADSTARET ] Adjisserat in  
 propinquo, Nam describit cupidè & improbè occurrentes, qui propinqui  
 gradum tunc firmabant, & verimq; Principi immincebant. SILENTES  
 VIETOSQVE ] Duo liكتورum officia: Clamore & Virgâ mouebāt, aut  
 submouebant. De illo, infra etiā: Sollemnis ille liكتورū & prænuncius  
 clamor. Quid prænuncians? Consulem aut magistratum venire, sollemni  
 verba. Annaduertere. De Virgâ, quâ pellebant aut pulsabant, Paneg-  
 yrici. Theodosio: Tum longè populus abigebatur, nec otiosa via-  
 torum manus plebem verberare abigebat. Plura in 1. Flektorum, Capite  
 De Liكتورibus. NAM MILITES. ] Ij quoque supabant Principem,

*Et seroater solent submouere. Non fecit Traianus: nec Pertinax quidem, de quo Herodianus: Εξήλθοι τοὺς στρατῶτας παύσαντες τὸ πρὸς τοὺς δῆμους ὕβριος, & μὴν πάλιν τὰ αὐτῶν παύσαντες: Milites iussit ab omni contumelia in populum, & nec pulsare aliquem aduentium.*

VBI verò cœpisti Capitolium ascendere, quàm lata omnibus adoptionis tuæ recordatio? quàm peculiare gaudium eorum, qui te primi eodem loco salutauerant Imperatorem? quin etiam deum ipsum tunc præcipuam voluptatem operis sui percepisse crediderim. Vt quidem iisdem vestigiis institisti, quibus parens tuus ingens illud decorum prolaturus arcanum, quæ circumstantium gaudia? quàm recens clamor? quàm similis illi dies, qui hunc genuit diem? vt plena altaribus, augusta victimis cuncta? vt in vnus salutem collata omnium vota? cùm sibi se ac liberis suis intelligerent precari, quæ pro te precarentur. Inde tu in Palatium quidem, sed eo vultu, sed eâ moderatione, vt si priuatam domum peteres: ceteri ad penates suos quisque, iteraturus gaudij fidem, vbi nulla necessitas gaudendi est. Onerasset alium huiusmodi introitus, tu quotidie ad mirabilior & melior: talis denique, quales alij Principes futuros se tantùm pollicentur. Solum ergo te commendat augetq; temporis spatium. iunxisti enim ac miscuisti res diuersissimas, securitatem olim imperantis, & incipientis pudorem. Non tu ciuium amplexus ad pedes tuos deprimis, nec osculum manu reddis. manet Imperatori quæ prior humanitas, dexterq; verecundia. Incedebas pedibus? incedis. latabaris labore? lätaris eademq; omnia illa circa te, nihil ipso te fortuna mutauit. Liberum est ingrediente per publicum Principe subsistere, occurrere, comitari, præterire. Ambulas inter nos non quasi contingas: & copiam tui, non vt impute, facis. Hæret lateri tuo quisquis accellit. finemque sermoni suus cuique pudor, non tua superbia facit. Regimur qui-

dem



dem à te, & subiecti tibi, sed quemadmodum legibus sumus. nam & illarum cupiditates nostras, libidinesque moderantur; nobiscum tamen, & inter nos, versantur. Emines, excellis, ut honor, ut potestas, quæ super homines quidem, hominum sunt tamen. Ante te Principes, fastidio nostri & quodam æqualitatis metu, usum pedum amiserant. illos ergo humeri, ceruicesque seruatorum super ora nostra; te fama, te gloria, te cinium pietas, te libertas super ipsos Principes vehunt: te ad sidera tollit humus, ita communia & confusa Principis vestigia.

NIHIL A PLEBE HABITV.] *Quæne togati erant: Capitolinum, in M. Antonino: In Italiam veniens togam & ipse sumpsit, & togatos iussit esse milites: nec vnquam sagati fuerunt sub eo. Quod honori Italiae & urbis datum. in qua ipsa custodia Principis togata. Tacitus: Nec vna cohors togata defendit nunc Galbam, sed decinet.*

CAPITOLIVM ASCENDERE.] *Præsertim pietate & ritu, Deus in abitu vota nuncupare, in reditu soluere. IISDEM VESTIGIIS.] In suggestu aut editiore loco, ut ex Cedreno dixi in adoptione à Neruæ filium. Sed cur ille, hoc clarum: cur nunc Traianus? neque enim ibi concio. Puto aliter utrum. siue ut louem eminentior, & conspicuus omnibus, saluaret siue ut populum ipsum. Nam & hunc venerari in publico Principes solent. QVAM RECENS CLAMOR.] An repens & subitus? Sed nil muto. tota nempe via clamauerant sauciantque, tamen nunc alacri erant & fortiter iterum, quasi recentes. AVGVSTA VICTIMIS.] Vt moris in aduentu & auspiciis noui Principis, quem Deus commendabant. Tacitus 11. Histor. Exstructis altaribus, calisque victimis, regium in morem: Vitellio scilicet aduentante. Quid, quod in Caligula, optati ssimi heu vana spe! Principi inuius, supra centum sexaginta millia victimarum causa? Suetonius tradit: Ergo plura, ad Tacitum dictum locum.*

IN VNIVS SALVTEM.] *Infra: Non distinguimus te (Iupiter) votis. simplex, cunctaque ista complexum, vnum omnium votum est, Salus Principis. RES OLIM DIVERSISSIMAS.] Phrasi paræ & acumine, Tacitus: Res olim dissociabiles miscuit, Principatum & Libertatem: de Neruæ Patatus: Res diuersissimas iunxi, metum & temeritatem. SECVRITATEM.] Qui*



diu imperarunt, fidunt iam sibi, ac potius sua sunt securi, qui incipiunt, metum aliquem & pudorem, in rebus ardua, habent. At tu, inquit, utrumque iungis & tibi res securus, ut vitus & ardi, verecundus modestusque, ut tiro. AD PEDES.] Ut Calpurnia, & eiusmodi monstra. MANU REDDIS.] Infrā: Cum velut alii curulibus suis, manum tantum, & hanc cunctanter, & non utanibus similes, promerent. QVAE PRIOR.] Aliquid hic aliorum vul-neris aut defectus, sed ex Cuspiniani libro supplendo. In illo est: quae prioris humanitas dexterae verecundia. Pland legendum: quae prioris humanitas, dexterae verecundia. Ad antecedentia hoc re-fer. Ore osculum reddis, humanitas est, dexteram osculandam non offers, verecundia est. EAD MQVE OMNIA II LA.] Vide ne aratus utriusque: eadem illi oculis. Ita et te, ne dum in ore oscula inmutat. NON QVASI CONTINGAS.] Infrā: Quis inter nos, itos quasi contingas, qui vni sibi est non is. NON UT IMPETES.] Ut quasi beneficium inscribas, in rationibus nostris pias. Igitur, ita hoc facis, tamquam acendum sit, ut non quasi nouum aliquid aut magnum. HAERET LATERTYO.] Quo nunc laudatur & Marcus Imp. ab Herodiano; Πάρις δὲ τοῖς ἀρχαίοις ἰατρὸς ὄντων & μυστὶς Γα-υδίας, τοῖς τὴν ἀποστασίαν διέχοντες, & καὶ τὸν τοῖς ἀπὸ τῶν ἀποστειλόμενων ἐκείνῳ τοῖς ἐν τῷ ἀποστειλόμενῳ: Exhibuit se suuilitis, comeni & commodum Principem, cum quodam cedentes exiperet, & vetaret sti-patores quemquam adueniunt se repellere. SVVS CVIQVE PVdor.] Qui sermonem magnum breuiusque faciat, ut ipse talis.

HYMERI CERVICES VBE.] Nempe in lecticiis. Sed quid? nonne vulgo et in usu? nonne non diuini Senatoris, sed equites, & omnes paulo honestiores iis utebantur? Factum, & docuit. Electorum. Quae situr hic superbia culpata? Quod vbi Princeps, & maior illa persona, utrumque in publicis conuentibus, aut pompis, alij abstinerent à lecticiis, & pedibus graderentur. At illi, ut eminent, assumebant, & quod hic addit, super ora & capita aliorum ferebantur. SVPER ORA NOSTRA.] Inue-nalis: —turba cedente vehetur

Diues, & ingenti curret super ora Liburno. Seneca: Quos supra capita hominum lectica suspendit. ITA COMMVNIA.] Iam olim emendauimus, ita communis: de humo scilicet, quam tu Tulliane nobiscum calcas, & vestigia cum noster misas.

Nec vereor P. C. ne longior videar, cum sit maxime optandum, ut ea pro quibus aguntur Principi gratia, multa sint: quæ quidem reuerentius fuerit integra, illibataque cogitationibus vestris referuari, quam carptim, breuiterque perstringi. quia ferè sequitur ut illa quidem, de quibus taceas, tanta quanta sunt, esse videantur. Nisi verò leuiter attingi placet, locupletatas tribus, datumque congiarium populo, & datum totum, cum donatiui partem milites accepissent. An mediocris animi est his potius repræsentare, quibus magis negari potest? Quamquam in hac quoque diuersitate æqualitatis ratio seruata est. æquari sunt enim populo milites, eò quod partem, sed priores: populus militibus, quod posterior, sed totum statim accepit. Enimuerò quā benignitate diuisum est? quantæ curæ tibi fuit, ne quis expers liberalitatis tuæ fieret? Datum est his qui post edictum tuum, in locum erasorum, subditi fuerant: æquati que sunt ceteris illi etiam, quibus non erat promissum. Negotiis al. quis, valetudine alius, hic mari, ille fluminibus distinebatur, expectatum est, prouisumque ne quis æger, ne quis occupatus, ne quis denique longè fuisset. veniret quisque cum vellet, veniret quisque cum posset. Magnificum Cæsar, & tuum, diuisum illas terras munificentia ingenio velut adinuenire, immensa que spatia liberalitate contrahere, intercedere casibus, occurrere fortunæ, atque omni ope adniti, ne quis è plebe Romanâ dante congiarium te, hominem magis sentiret fuisse, quam ciuem. Aduentante eorum die, obseruare Principis egressum in publicum, insistere vias examina infantium, futuris que populus solebat: labor parentibus erat ostentare paruulos, impositosque ceruicibus adulantia verba blandasque voces edocere: reddebant illi quæ monebantur, ac plerique iratis precibus surdas Principis aures adlixeabant; ignari que

rique quid rogassent, quid non impetrassent, donec plane scirent, differebantur. Tu ne rogari quidem sustinui-  
sti. & quanquam lætissimum oculis tuis esset, conspectu  
Romanæ sobolis impleri, omnes tamen antequam te vi-  
derent, adirētve, recipi, incidi iussisti: ut iam inde ab in-  
fantiā parentem publicum munere educationis experi-  
rentur. crescerent de tuo, qui crescerent tibi; alimentisq;  
tuis ad stipendia tua pervenirent; tantumque omnes uni  
tibi, quantum parentibus suis quisque, deberent.

CONGIARIVM POPVLO.] Id est plebi, nec nisi ulli parti ferè (ita  
obserues) quæ frumentum è publico capiebat. *Martialis*:

Dat populus, dat gratus eques, dat thura Senatus.

Ita Popularia in theatris, plebi loca: & Populares, homines è plebe.  
*Suetonius* voce Populicerebrò sic utitur, et alibi. CVM DONA-  
TIVI PARTEM.] Hæc res ita fuit. Promissum erat plebi, donativum  
militi, eodem tempore (nam sic fere solet) *Traiano*. At cum ærarium utri-  
que largitioni simul non sufficeret, dimidium promissi militibus statim de-  
dit: populo, totum, sed paulò serius. Ita illi in tempore prælati, hi in sum-  
ma. *REPRÆSENTARE.*] Totum in præsentia luere. *MAGIS*  
*NEGARI POTEST.*] Quidni? aut quid à populo, præter voculas, &  
querelas timeas? Sed miles & facta addere potuit, tamen illi totum datum,  
huic negatum aut dilatum: quod magnitudinem anni iure interpretatur.

EDICTVM TVVM.] Quo proscripti, & pronuntiasti publicè, te  
daturum. *IN LOCVM RA TORVM.*] In locum, ubi civium nomina,  
qui frumentum capiebant. Siqui morerentur, & morarent, eas no-  
minibus alij sub-  
stuebantur, vel per *Antoninæ* Prætorum, & per ci-  
videndæ Curatores. Nuncigitur dicit, Siqui prætorum prætorum & subscrip-  
ti, iure non ius debebatur. neque enim prætorum tam erat, nisi qui tunc es-  
sent. at *Traianus* tamen benignus, etiam in prætoribus. Alter atque *Augu-*  
*stus*, qui, cum congiatio proposita, multos manumissos inestot-  
que civium numero comperisset, nec sinit accepturos, quibus pro-  
missum non esset. *VELVT ADMOVERE.*] Quia absentes habitū  
pro presentibus, & mox inestot casibus, adæro-  
stat vel ab-  
sentes. *DONEC PLANE SCIENT.* Quiaque igitur, ad un-  
um annum, ex his *Suetonij*, in *Augusto* Congiatio populo frequen-

ter dedit, ac ne minores quidem pueros praterit, quamuis antè non nisi ab vndecimo ætatis anno accipere consueissent. *Maiores igitur pueri, sed tamen adhuc pueri capubant.* INCIDI.] *In tabulas. Seneca 1111. De Benefic.* Fruuentum publicum tam fur quàm per- iurus accipiunt, & sine discrimine morum, quisquis ciuis est. *Ali- quot ibi scripti libri, quisquis incisus est.*

RECTE Cæsar, quòd spem Romani nominis sumpti- bustuis suscipis. nullum est enim magno Principe, im- mortalitatemq; merituro, impendij genus dignius, quàm quod erogatur in posteros. Locupletes ad tollendos libe- ros ingentia præmia, & pares pœnæ, cohortantur; pau- peribus educandis vna ratio est, bonus Princeps. Hic fi- duciâ sui procreatos, nisi largâ manu fouet, auget, ample- ctitur; occasum imperij, occasum Reipublicæ accelerat. frustra que procures Princeps, plebe neglectâ, vt defe- ctum corpore caput, nutaturumque instabili pondere, tuetur. Facile est coniectare, quod perceperis gaudium, cùm te parentum, liberorum, senum, infantium, puero- rum clamor exciperet. Hæc prima paruulorum ciuium vox aures tuas imbuit, quibus tu daturus alimenta, hoc maximum præstitisti, ne rogarent. Super omnia est ta- men, quòd talis es, vt sub te liberos tollere libeat, expé- diat. Nemo iam parens filio, nisi fragilitatis humanæ vi- ces horret, nec inter insanabiles morbos Principis ira nu- meratur. Magnum quidem est educandi incitamentum, tollere liberos in spem alimentorum, in spem congiario- rum; maius tamen in spem libertatis, in spem securitatis. Atque adèò nihil largiatur Princeps, dum nihil auferat, non alat dum non occidat: nec deerunt qui filios concu- piscant. Contrâ, largiatur & auferat, alat & occidat; næ ille in tam breui tempore effecerit, vt omnes non poste- rorum modò, sed sui parentumque pœniteat. Quocirca nihil magis in tuâ totâ liberalitate laudauerim, quàm

H

quòd

quod congiarium das de tuo, alimenta de tuo: neque à te liberi civium, ut ferarum catuli, sanguine & cædibus nutriuntur. quod quæ gratissimum est accipientibus, sciunt dari sibi, quod nemini est ereptum; locupletatisque tam multis, pauperiorem esse factum Principem tantum. quanquam nec hunc quidem: nam cuius est quidquid est omnium, tantum imple, quantum omnes habet.

INGENTIA PRÆMIA.] Ex lege Iulia & Papiæ: de quibus affertur 111. *Annalium Taciti.* DATVRVS ALIMENTA.] Atque de Congiario dixit *Varium*, quod sine diuersum ab istis: & infra bis terque distinguit: In spem congiariorum, in spem alimentorum. *Literam:* Congiarium das de tuo, alimenta de tuo. *Diuersa hac igitur. sed opinari licet, quod qui ad congiaria admissi, iudei ad frumenta. Nam sic Alimenta interpretari Capitolinus videtur in Antonino: Pueros & puellas novorum hominum frumentaria perceptioni adscripsit: ut puto, exemplo isto Traiani, sed & Hadriani, de quo Spartianus: Pueris ac puellis, quibus etiam Traianus alimenta detulerat, incrementum liberalitatis adiecit. Atque hac nunc à Traiano Roma: postea per Italiam hanc liberalitatem sparsit. Quæ in eo tam benigna (verba Dionis) de istis & de istis: & Italiae quæ de istis & de istis: & de istis: & de istis: ut etiam opidis Italix multa, ad puerorum alimenta, contulerit. Hoc nummi ita edunt: IMP. TRAIANO. AVG. GFR. DAC. P. M. TR. P. EOS. V. PP. S. P. Q. R. OPTIMO. PRINCIPI: parte versâ, ALIM. ITAL. cum figurâ viri alimenta in pueros distribuentis. Mansit institutum; & Cura alimentorum in Italiâ, inter honestissima munera fuit, atque adeo post regimen Provinciarum suscepta. Vide in vitâ Perinacis, & Iuliani.*

ALIO me vocat numerosâ gloria tua. alio antè: quasi vero iam satis veneratus. mirantique sim, quod tantam pecuniam profudisti, non ut fugitij tibi conscius ab insectatione eius auerteres famam; nec ut tristes hominum morsosque serpentes latiore materiâ detineres: nullam congiario culpam, nullam alimentis crudelitatem redemisti, nec tibi bene faciendi sunt causa, ut quæ male fecer

ras,

ras, impune fecisses: amor impendio isto, non venia quaesita est, populusque Rom. obligatus à tribunali tuo, non exoratus recessit. Obtulisti enim congiarium gaudentibus gaudens, securusque securis: quodque antea Principes ad odium sui leniendum tumentibus plebis animis obiectabant, id tu tam innocens populo dedisti, quam populus accepit. Paullò minus P. C. quinque millia ingenuorum fuerunt, quæ liberalitas Principis nostri conquisiuit, inuenit, adsciuit. hi subsidium bellorum, ornamentum pacis, publicis sumptibus aluntur, patriamque non ut patriam captum, verum utatricem amare discunt. Ex his castra, ex his tribus replebuntur, ex his quandoque nascentur, quibus alimentis opus non sit. Dent tibi Cæsar ætatem dii, quam mereris, seruentque animum quem dederunt; & quanto maiorem infantium urbem iterum atque iterum iubebis Incidi. augetur enim quotidie & crescit, non quia cariores parentibus liberi, sed quia Principi ciues. dabis congiaria si voles, illi tamen propter te nascuntur.

AVERTERES FAMAM.] *Et Nero, qui sublato Britannico, possimos amicorum largitione auxit, ait Tacitus; & post eadem matris, donatus, congiaria, ludos dedit, frigerando rumori.* QVAM POPVLVS ACCEPIT.] *Nam ut Claudianus cecinit:*

Non tibi vanales captant ætaria plausus  
Corruptura fidem, meritis offertur incemptus,  
Pura mente, fauor.

*At innoxia populus videtur, cum noxiis, lucelli caussæ, blanditur & fauet.* QVINQVE MILLIA INGENVORVM.] *Numerus haud grandis (pro opibus Romanis, aut copia aliâ frumētis antiqui: ) sed notandum, quod ingenuorum dicit. Non passim conquisiuit liberos aut libertos, sed ingenuos dumtaxat, & sanguinis purioris, ex quibus miles, & alibi utiles ciues, legerentur.* PROPTER TE NASCVNTVR.] *Inuita cause secunditatem virtute tuâ, & felici hoc imperij statu.*

\* **INSTAR** ego perpetui congiarij reor affluentiam annonæ. Huius aliquando cura Pompeio non minùs addidit gloriæ, quàm pulsus ambitus campo, exactus hostis mari, Oriens triumphis, Occidensq; lustratus. Nec verò ille ciuiliùs, quàm parens noster, auctoritate, consilio, fide, reclusit vias, portus patefecit, itinera terris, litoribus mare, litora mari reddidit, diuersasq; gentes ita commercio miscuit, vt quod genitum esset vsquam, id apud omnes natum esse videretur. Nónne cernere datur, vt si-  
ne vllius iniuriâ omnis vsibus nostris annus exuberet? quippe non vt ex hostico raptæ, perituraq; in horreis mæsses, nequidquam quiritantibus sociis auferuntur. Deuicunt ipsi quod terra genuit, quod sidus aluit, quod annus tulit; nec nouis indictionibus pressi, ad vetera tributa deficiunt. Emit fiscus, quidquid videtur emere. inde copiæ, inde annona, de quâ inter licentem, vendentemq; conueniat: inde hîc satietas, nec fames vsquam.

\* **INSTAR** EGO.] *Suspicio de hiatu aliquo, nec satis habent. et si fa-*  
*teor tamen appositè Congiaris Annonam subtexi, vt que pariter libera-*  
*litatem tangit: sed verba tamen aliqua absunt, quibus decore ed transfe-*  
*rit.* **HUIUS CURA POMPEIO.]** *Cn. Pompeius, anno vrbis DCXCVI.*  
*Præfecturam annonæ in quinquennium accepit, cum xv. Legatis at tribu-*  
*tis, et imperio in maria, portus, insulas, vt bello Piratico habuerat. Id*  
*sc. factum in sententiam Ciceronis, recenct ab exsilio redacti, cum ple-*  
*bem timerent, annonæ prætextu, motus turbasq; daturam.* **PVLVS**  
**AMBITVS.]** *In tertio eius Consulatu, cum legem de Ambitu pertulit, et*  
*iudicia ea seueriter exerceuit.* **ILLE CIVILIS.]** *Diligentia enim et*  
*auctoritate, non armis, copia annonæ parta. Factum eius, quod laudem*  
*plausumq; meruit, scriptores ita narrat. Missis Legatorum aliis aliis,*  
*ipse in Siciliam, Sardiniam, Africam iuit. ac magnâ iam vis frumenti, na-*  
*ues conscendit, soluique iussit. Timentibus et cunctantibus gubernatori-*  
*bus, ob vim venti (turbido ita atque infesto mari:) ipse primû oram sol-*  
*uit, et animosè exclamauit, Nauigare necesse est, viuere necesse non*  
*est. Nau. gavit, appulit, horrea frumento, omnes gaudio impleuit.* **LI-**  
**TORIBVS MARE.]** *Quia terra videbatur sine mari iam esse, cuius*  
*vsus*



usum fructumque non habebant. Nihil enim inferebatur. IN HORREIS.] Quæ Romani in prouinciis passim habebant, ubi frumenta conderent, & militares annonæ. NOVIS INDICITIONIBVS.] Proprie. Asconius: Omne genus pensitationum in hoc capite positum est, Canonis, Oblationis, Indictionis. Et Canon, est ordinarium tributum, Oblatio, voluntarium; Indictio, nouum & superadditum.

VIDETVR EMERE.] Vera, & non imaginaria emptio est fisci. Quomodo imaginaria? Apromius ille Tullianus de curie, Frumentarium Verrem. Cogebant socios alteras Decumas addere, sed emendas ex Sc<sup>o</sup>. Ipsi pecunia cedebat, sociis ludibrium, & titulo emendi rapiebant. Vide, sodes, Oratorem dictum. Nihil hic tale, ait noster: fides ubique & veritas. Aberrant mente (Plinij, duo) qui iubetur hic emendare.

ÆGYPTVS, alendis augendisq; seminibus, ita gloriata est, vt nihil imbris cæloque deberet. siquidem proprio semper amne perfusa, nec alio genere aquarum solita pinguescere, quàm quas ipsa deuexerat, tantis segetibus induebatur, vt cum feracissimis terris quasi nunquam cessura certaret. hæc inopinâ siccitate vsque in iniuriam sterilitatis exaruit: quia piger Nilus cunctanter alueo sese ac languidè extulerat, ingentibus quoque tunc quidem ille fluminibus, fluminibus tamen, cōferendus. Hinc pars magna terrarum meigi palanti amne consuecta, alto puluere incanduit. Frustra tunc Ægyptus nubila optauit, cælumque respexit, cum ipse fecunditatis parens contractior & exilior, iisdem vbertatem eius anni angustis, quibus abundantiam suam cohibuisset. Neque enim solùm vagus ille expanditor annis intra vsurpata semper collium substiterat atque hæserat, sed supino etiam ac detinenti solo non placido se molliq; lapsu refugum abstulerat, & necdum satis humentes terras addiderat arentibus. Igitur inundatione, id est, vbertate, regio fraudata, sic opem Cæsaris inuocauit, vt solet amnem suum: nec longius illi aduersorum fuit spatium, quàm dum nunciat. Tam velox Cæsar potentia tua est, tamq;ue



in omnia pariter intenta bonitas & accincta : vt tristius aliquid seculo tuo passis, ad remedium salutemque sufficiat, vt scias. Omnibus equidem gentibus fertiles annos, gratasque terras precor : crediderim tamen, per hunc Ægypti statum, tuas fortunam vires experiri, tuamque vigilantiam expectare voluisse. Nam cum omnia ubique secunda merearis, nonne manifestum est, si quid adneri cadat, tuis laudibus, tuisque virtutibus, materiem campumque præsterni ? cum secunda felices, aduersa magnos probent.

ALENDIS AVGENDISQUE.] Duo in Ægypto laudat, quod bene alat & producat semina, alterum, quod augeat, & cum centesimo sapie (ita alter Plinius) fructuredat. NIHIL IMBIBVS.] Notum, hodieque certum, in ea regione non plueret, stillare interdum roris instar, cetera fluuii irrigationi, debere. Claudianus in Epigrammatibus:

Ægyptus sine nube ferax, imbresque serenos

Sola tenet, secura poli, non indiga venti,

Gaudet aquis quas ipsa vehit, Niloque redundat.

Vbi imbres serenos dicit ipsam irrigationem fluuialem, qua sereno, & in æstate. CAELOQUE.] Neque enim hic, vt ille canit, pluuii suppleat herba Ioui. & vt iter:

Terra suis contenta bonis, nihil indiga meritis

Aut Iouis. in solo tanta est fiducia Nilo.

INDEBATVR.] Audacter satis & poetice, terra segetibus ægi, & quasi vestris videtur. PIGER NILVS.] Non assurgens & expansans, vt solet. cuius iustum incrementum Plinius esse scribit, cubitorum xvi. Minores aquas, non omnia rigare, ampliores, detineri tardius recedendo. Diodorus, atque alij videndi. CAELVM-

QUE RESPEXIT.] In Ægypto (ait Seneca) nemo aratorum aspiciat calum. EXPANDITOR AMNIS.] Vim verbi capio, ipsum vix admitto. Nouum durumque est: & an non magis, expansiator? aut siquis

\*Vulcanus magis affabrè aliquid effingit. SUPINO ETIAM AC DETINENTI.] Supinum solum dicit, molliter altum pendulumque. & fortasse aptius cum ea voce, detinenti hæc iungas. Est detinenti capere licet, solum taceas aut planum, quod soles aquas diutius tenere.

EXSPE-

EXSPECTARE VOLVISSE. ] *Vide an, spectari.* ADVERSA  
MAGNOS. ] *Seneca De Providentiâ: Magnus es vir. sed vnde scio,  
si tibi fortuna non. dat facultatem exhibendæ virtutis? Et toto eo  
libello (censet aureo) argumentum hoc pertrahat.*

PERCREBVERAT antiquitus, urbem nostram, nisi  
opibus Ægypti ali sustentariq̃ue non posse. Superbiebat  
ventosa & insolens natio, quod victorem quidem popu-  
lum, pasceret tamen; quodq̃ue in suo flumine, in suis ma-  
nibus, vel abundantia nostra, vel fames esset. Refudimus  
Nilo suas copias, recepit frumenta quæ miserat, de porta-  
tâsq̃ue messes reuexit. Discat igitur Ægyptus, credatq̃ue  
experimento, non alimenta se nobis, sed tributa præsta-  
re: sciat se non esse populo R. necessariam, & tamen ser-  
uiat. Post hæc, si voler, Nilus amet alucum suum, & flu-  
minis modum seruet. Nihil hoc ad urbem, ac ne ad Ægy-  
ptum quidem, nisi vt inde nauigia inania & vacua, & si-  
milis redeuntibus, hinc plena & onusta, & qualia solent  
venire, mittantur: conuersoq̃ue munere maris, hinc po-  
tius venti ferentes, & brevis cursus optentur. Mirum  
Cæsar, videretur, si defidem Ægyptum, cessantemq̃ue  
Nilum, non sensisset vr̃bis annona. quæ tuis opibus, tuâ  
curâ vsque illuc redundauit, vt simul probaretur, & nos  
Ægypto posse, & nobis Ægyptum carere non posse.  
Actum erat de fecundissimâ gente, si libera fuisset. pu-  
debat sterilitatis insolitæ, nec minùs erubescere fame;  
quàm torquebatur; cùm pariter à te necessitatibus eius  
pudoriq̃ue subuentum est. Stupebant agricolæ plena  
horrea, quæ non ipsi referissent; quibusque de campis  
illa subuecta messis, quæ in Ægypti parte alius amnis.  
Ita beneficio tuo nec maligna tellus, & obsequens Ni-  
lus, Ægypto quidem sæpe, sed gloriæ nostræ nunquam  
largior fluxit. Quàm nunc iunat prouincias omnes in fi-  
dem nostram ditionemque venisse, postquam contigit  
Prin-

Princeps terrarum, qui fecunditatem nunc huc, nunc illuc, ut tempus & necessitas posceret, transferret referretque? qui diremptam mari gentem, ut partem aliquant populi plebisque Romanæ, aleret ac tueretur? Et cælo quidem nunquam benignitas tanta, ut omnes simul terras vberet, foueatque: hic omnibus pariter, si non sterilitatem, at mala sterilitatis exturbat. hic si non fecunditatem, at bona fecunditatis importat. hic æternis com meatibus Orientem Occidentemque connectit: ut quæ vbiq; feruntur, quæq; expetuntur, omnes gentes inuicem capiant, & discant, quantò libertate discordi feruientibus sit utilius, vnum esse, cui seruiant. Quippe discretis quidem bonis omnium, sua cuiusque ad singulos mala: sociatis autem atque permixtis, singulorum mala ad neminem, ad omnes omnia bona pertinent. Sed siue terris diuinitas quædam, siue aliquis amnis genius, & solum illud & flumen ipsum precor, ut hac Principis benignitate contentū, molli gremio semina recondat, multiplicata restituat. Non equidem reposcimus fœnus, putet tamen esse soluendum: fallacemq; vnius anni fidem, omnibus annis, omnibusque postea sæculis, tanto magis, quia non exigimus, excuset.

PERCREBVERAT ANTIQVITVS.] Et sanè benè antiquitas, opem illinc à Romanis reperio petitam. In Polybianis fragmentis: Οἱ Ρωμαῖοι πρεσβυτάς τε ἀτίτυλας ἀρὰς Πτολεμαῖον, βουλόμενοι οἷον χορηγεῖναι, διὰ τὸ μεγαλύνειν αὐτοῖς σπέν: Romani legatos ad Ptolemaum miserunt, petentes frumenti sibi copiam fieri, cuius inopiā premebantur. Hoc factum bello Punico secundo, cum Italia tota vastā ab Annibale fuit. Factum & aliàs: sed Plinij tamen hic dictio, spectat Augusti tempora maxime, & deinceps, cum publica instituta frumentatio fundum & fundamentum haberet in Africā & Egypto. VENTOSA NATIO.] Ipso illo verbo Vopiscus, in Saturnino: Aegyptij, viii ventosi, furibundi, iactantes, inuensi, vani. Atq; alij passim, haud splendide super ipsā gente loquuntur, etsi de terrā. ET TAMEN SERVIAT.]

Inge-

Ingeniosè *Luameius*, tantùm seruiat. CONVERSOQUE MUNE-  
RE.] *Quia mare iam non adfert plenas illuc naues, sed nos illuc mitti-  
mus.* VENTI FERENTES.] *A puppe, & qui impellunt proueunt-  
que.* Seneca: Sic illum afficiunt diuitiæ, vt nauigantem secundus  
ac ferens ventus. *Virgilius:*

Exspectet facilemque fugam, ventosque ferentes.

NON SENSISSET VRBIS ANNONA.] *Quia, vt Iosephus lib. 11.  
Excidij notat, Aegyptus quattuor mensium annonam vrbi sup-  
peditabat, Africa autem octo.* ALIVS AMNIS.] *Nilus, secun-  
ditatis auctor. Sed verior latio, annus: alius alibi prouentus, & messis.*

NEC MALIGNA TELLVS.] *Tu fecisti videri terram fertilem, &  
Nilum euasantem. nam habuerunt quæ illa & ille dare solent. sed benefi-  
cio tuo.* GLORIAE NOSTRAE.] *Traianus sanè hoc in sua posuit,  
& nummos eudit, qui exstant: IMP. CAES. NERVA. TRAIANVS.  
AVG. parte in altera: S.P.Q.R. OPTIMO. PRINCIPI. NILVS. Pi-  
lla effigies Nili recubantis, cum crocodilo suo & hippopotamo.* AE-  
TERNIS COMMEATIBVS.] *An alternis etiam, & deinde, seruntur  
malim.* LIBERTATE DISCORDI SERVIENTIBVS.] *Pugna in  
verbis videtur, si enim in libertate, quomodo seruiunt? Sed nempe vel sic  
regimen aliquod & imperium paucorum, vel plurium: & semper subie-  
ctio ac parsientia. Libertas dumtaxat respectu magis arte seruitutis di-  
citur. Non tamen displicuit aliquando, seruientibus legi: quod ferè assi-  
duum in libertate, vt pars partem premar, & pellant inter se aut seuiant.*

MALA AD NEMINEM.] *Intellige, neminem alium: manent apud  
eum, quem primò preiungunt & tangunt. Totius periodi acumen hoc est: in  
magno & communi imperio, bona sunt communia, & quidquid vsquam  
est, vbique est, translatione & commercio; non ita in malis, quæ manent  
apud possessorem.* TERRIS DIVINITAS.] *A quâ opinione Terra  
mater, sive Ops, & Rhea, inter deas: sed & singulas regiones, vt Gal-  
liam, Aegyptum, Italiam, pingebant habebantque deas.* AMNIBVS  
GENIVS.] *Item opinio prisca, fluuios & fontes minores Deos, id est Ge-  
nios, censentium.*

SATIS factum, quâ ciuium, quâ sociorum vilitati-  
bus. visum est spectaculum inde nō enerue, nec fluxum,  
nec quod animos virorum molliret & frāgeret, sed quod  
ad pulchra vulnera contemptumque mortis accenderet;

cùm in seruorum etiam noxiorumque corporibus amor laudis, & cupido victoriæ cerneretur. Quam deinde in edendo liberalitatem, quam iustitiam exhibuit? omni affectione, aut intactus, aut maior. Impetratum est quod postulabatur, oblatum quod non postulabatur: institit ultro, & ut concupisceremus, admonuit. Ac sic quoque plura inopinata, plura subita. Iam quàm libera spectantium studia, quàm securus fauor? Nemini impietas, ut solebat, obiecta, quòd odisset gladiatorem. nemo spectator spectaculum factus, miseras voluptates vnco & ignibus expiauit. Demens ille, verique honoris ignarus, qui crimina maiestatis in arenâ colligebat, ac se despici & contemni, nisi etiam gladiatores eius veneraremur; sibi maledici, in illis suam diuinitatem, suum numen violari interpretabatur: cùm se idem quod deos, idem gladiatores quod se putabat.

**PVLCHRA VVLNERA.]** Gladiatores intellegit, quibus delectatum Traianum fuisse, Dio scribit. Hic autem color, quo tuebatur Gladiatores: quasi ea spectatio ad militiam ac robur faceret, & vulnera assidue visa ac mortes, contemptum inducerent vtriusque. Cicero ita dixit, fortissimam hanc esse contra dolorem & mortem disciplinam.

**SERVORVM ETIAM NOXIORVMQUE.]** Duo genera hominum ad hos ludos, Serui aut Noxij. Illi, vel bello capti, vel pretio à lanistis empti: isti, qui ob facinus aut scelus damnati in hos ludos. Ego fusius de vtrisque, 11. Saturn. cap. III. **IN EDENDO LIBERALITATEM.]** Referne ad copiam & numerum largiter præbitum: an ad misilia & dona interiecta? Vtrumque potest. Traianus quidem ita largus in istis, ut aliquando ad decem millia (Dionis assertio est) gladiatorum dederit, in vnis ludis. etsi hoc post victorias de Barbaris partas, & ex his plerosque fuisse opinamur. De misilibus autem, nimis etiam res nota: quæ in cuneos spectatorum spargebant, ingenti pecuniarum iacturâ. **IUSTITIAM.]** Ut leges Arene seruaret: itemque præmia promissa fideliter præstaret: sed nec in hos aut illos (ita subdit) affectum inclinaret. **OMNI AFFECTIONE.]** Vide. rarum est, vbi certamen & commissio, ut editor aut spectator non des se in partes. Hæc est inclinatio humani ingenij, pugnare,

gnare, aut pugnantis fauere. Itaque non dicam vulgus, sed Principes ipsi huic aut illi generi (puta Threëibus, aut Myrmillonibus) fauebant, & vincere illos iure vel iniuriâ volebant: atque fraude aded, vel imperio, rem ed trahebant. Suetonius in Tito, cap. viiii. ostendit, & in Domitiano, & dicam. QVOD POSTVLABATVR.] Liberalitas laudata est, & iustitia, addit comitatem. Quidquid turba petebat, fiebat, & eorum voluntati sese aptabat. Volebant hos & illos notos, vel Aulicos, gladiatores: veniebant. Illos dimitti, hunc iugulari: impetrabant. Adi me, de Postulaticus gladiatoribus, lib. ii. cap. xvi. & de Populi petitionibus, cap. xxii. INSTITIT VLTRO.] Planè, vt olim Tuus. de quo Tranquillus: Populum tantâ comitate tractauit, vt proposito gladiatorio munere, non ad suum, sed ad spectantium arbitrium, se editurum professus sit. Et planè ita fecit. nam neque negauit quidquam petentibus; & vt quæ vellent peterent, vltro adhortatus est. Sunt non gemina, sed eadem, bis nostris. SPECTANTIVM STVDIA.] Quæ metu, clamore, sponsione indicabant. Vide me, ii. Satur. cap. xxiiii.

NEMINI IMPIETAS.] Quod sub Caio, & Domitiano factum ibidem notauimus. Quare autem impietas? quia contra studium Principis fauebant: atque ita læsa maiestas, quod Impietatem appellant (& Greci πασιμ ἀνίεμα) quia publicus ille parens volutus; vel quia & diuinitas, quam sibi duo iam dicti vindicabant. GLADIATOREM ODISSET.] Tale genus, Principi carum. SPECTACVLVM FACTVS.] Qui spectabat, spectandus datus, & in Arenam productus. Id quoque duo dictis ego, loco dicto. VNCO ET IGNIBVS.] Nam occisi aut læsi grauiter gladiatores, vnco impacto in Spoliarium trahebantur. In acclamationibus Senatorius, post Commodi mortem: Gladiatoris cadaver vnco trahatur. Gladiatoris cadaver in spoliario ponatur: vbi vulgus & pueri illudebant. De Ignibus autem ita habuit. adhibebant eos, vel in principio pugne, cum timidus in ferrum tremit, & à sergo flagellis aut facibus exstimulabant: vel in fine, cum mortui iam, aut iacentes in mortuum, ignibus & ferro explorabantur. Simulabant enim quidam mortem, vt sic efficerentur morti. Tertullianus: Risimus inter meridianorum crudelitates, Mercurium mortuos cauterio examinantem. Quod scilicet aptatum ad poeticam etiam fabulam fuit. Subit & de Ignibus posse accipi, vt ipsi ad stipitem affixi arserint in arena: quod item scimus factum. IDEM QVOD DEOS.] Palàm de Domitiano, qui Deus censebatur & audire voluit.

At tu Cæsar, quàm pulchrum spectaculum pro illo nobis execrabili reddidisti? vidimus delatorum agmen inductum, quasi grassatorum, quasi latronum. non solitudinem illi, non iter, sed templum, sed forum in seclerat. nulla iam testamenta secura, nullius status certus, non orbitas, non liberi proderant. Auxerat hoc malum Principum auaritia. Aduertisti oculos, atque vt antè castris, ita postea pacem foro reddidisti: excidisti intestinum malum, & prouidâ seueritate cauisti, ne fundata legibus ciuitas, euersa legibus videretur. Licet ergo cùm fortuna, tum liberalitas tua visenda nobis præbuerit, vt præbuit, nunc ingentia robora virorum, & pares animos; nunc immanitatem ferarum, nunc mansuetudinem incognitam; nunc secretas illas & arcanas, ac sub te primùm communes opes; nihil tamen gratius, nihil sæculo dignius, quàm quod contigit desuper intueri delatorum supina ora, retortasque ceruices. Agnoscebamus & fruebamur, cùm velut piaculares publicæ sollicitudinis victimæ, supra sanguinem noxiorum, ad lenta supplicia grauioreſq; pœnas ducerentur. Congesti sunt in nauigia raptim conquisita, ac tempestatibus dediti. abirent, fugerentq; vastatas delationibus terras: ac si quem fluctus ac procellæ scopulis reseruassent, hic nuda saxa & inhospitale litus incoleret: ageret duram & anxiam vitam, relictaque post tergum totius generis humani securitate, mœreret.

AGMEN INDUCTVM.] *In Amphitheatrum, & per arenam mediam traductum: exemplo Titi de quo Suetonius: Delatores mandatorumque in foro fustibus & flagellis caesos, nouissimè traductos per Arenam, partim subiici ac venire imperauit, partim in asperitinas insularum auehi. SED TEMPLVM.] Quod illud? Curiam? an ararium: De isto magis placeat, quod in æde Saturni, & circa pecuniâ grandis vel præcipua materia calumniarum. NULLA IAM TESTAMENTA.] Dixine de pecunis? en exempla Delationes aut calumnie circa testamenta primùm: & audi Suetonium, in Domitiano. Confiscabantur*



bantur alienissimæ hereditates, vel existente vno qui diceret, audisse ex defuncto cum viueret, heredem sibi Casarem esse. NVLLIVS STATUS CERTVS.] Et hic calumnia, cum lucro. nam liberi in seruitutem, ingenii in libertinitatem trahebantur, bono fisci. NON LIBERI.] Ex legibus Papii, orbitas damnoſa: at liberi prodesse debebant, præsertim terni. Omnia autem nunc sub vnam, quod dicitur, Myconum: & crimen, ubi opes. ANTE CASTRIS.] Disciplinâ correctâ. EVERSA LEGIBVS.] Tacitus, de Papiâ hac ipsâ, semper calumniarum segete: Omnes domus delatorum interpretationibus subuertebantur, vique antehac flagitiis, ita tunc legibus laborabant.

FERARVM.] Venationes, quas ipsas ita largiter præbuit, ut aliquando (in Dione) mille feræ caſe, interdum ad decem millia fuerint. Ego, cum talia ista, & sæpius sub vno Principe, assidue sub variis lego: admiratione cunctior & hæreo, unde hæc copia ferarum parari potuerit? nec videtur vna aut triplex Africa, cum Asiâ & Europâ, sufficere. NVNC MANSVETVDINEM.] Nam & ea spectaculo, atque assuefaciebant feræ, præter ingenium, vel parcere paratæ prædæ, vel iugum ferre, ac talia, quæ per naturam verabantur. Ita in Martialis pluscula epigrammata de Leone in Arenâ, qui lepulos ferebat, non dicam prætercurrentes, sed insultantes, sed in apertum os, ut in caueam, se condentes. Sic & vno epigrammate feræ aliquot domitas, ac verè subuiges, comprehendit, lib. 1.

Picto quod iuga delicata collo

Pardus sustinet, improbaque tigres

Indulgent patientiam flagello:

& adiungit Ceruos, Leones, Apros, Bifontes: quid nisi, ut ipse dicit, spectacula deorum? Ac plura eiusmodi nouitia assidue in Arenam produita. COMMVNES OPES.] Opes Palatinas quas theatris vulgari, & templis dedicauit Traianus. Idem Martialis lib. XII.

Quidquid Parthasî nitebat aulâ,

Donatum est oculis deisque nostris.

Miratur Scythicas virentis auri

Flammas Iupiter, & stupet superbas

Regis delicias grauesque luxus.

Omnes cum loue nunc sumus beati,

At nuper, pudet ac piget fateri,

Omnes cum Ioue pauperes eramus.



*Est ipsum hoc, quod tangit Plinius. sed primò scilicet in ludis hæc ostensa, tum denique consecrata. DESYPER INTVERI.] E speſtatorum gradibus, cum ij per arenam duccrentur. SUPINA ORA.] Ut conſpici ab omnibus, & agnoſci poſſent. Sic milites Vuellum erigere os, & præbere contumeliis coëgerunt, ut breuiter Tacitus: ut Suetonius: quaſi interpretans, reducto comâ capite, ceu nôxi ſolent, atque etiam inento mucrone gladij ſubrecto, ut viſendam præberet iaciem. Nam in ignominia & ſupplicio, naturâ os oculosque ſubmittimus: erigebant igitur, reducto comâ capite (ut Suetonius) id eſt, capillo manu arrepto, & retrorſum cum capite tracto. PIACVLARES.] Viſtimæ ſic dicuntur, quæ ob culpam, & ad piandum purgandumque dantur. Noſter lib. 111. epiſt. 11. Ne potentiſſimi, viliſſimo quoque quaſi piaculari dato, elaberentur. Plautus: Men' piacularem oportet fieri ob ſtulticiam tuam? Viſtimæ igitur tales aliena mala excipiebant, & in poenam ſuccedebant. Ita iſti, ad expianda ſcelera præterita, & detergendam ſollicitudinem omnium, in mare mittebantur. NOXIORVM.] Super cadauera aut veſtigia gladiatorum. GRAVIORESQUE POENAS.] Nam gladiatores breui morte deſuncti, ipſi ſint abeſcere poenis ſuis deſtinati. RAPTIM CONQVISITA.] Ergo parua aut praua.*

*SECVRITATE.] Quæ ſub bonis Principibus. & idè nummi plures inſcripti, SECVRITAS. PVBLICA. Abeant igitur, & ceteris ſecuris (quos inquietabant) ſoli mereant.*

MEMORANDA facies, delatorum claffis permiſſa omnibus ventis, coactaque vela tempeſtatibus pandere, iratoſque fluctus ſequi, quoscuque in ſcopulos detuliſſent. Iuuabat proſpectare ſtatim à portu ſparſa nauigia, & apud illud ipſum mare agere Principi gratias, qui clementiâ ſuâ ſaluâ, vltionem hominum terrarumque diis maris commendaffet. Quantum diuerſitas temporum poſſet, tum maximè cognitum eſt: cum iſſdem quibus antea cautibus innocentiffimus quiſque, tunc nocentiſſimus adfigeretur; cumque in ſulas omnes, quas modò Senatorum, iam delatorum turba compleret. quos quidem non in præſens tantùm, ſed in æternum repreſſiſti nulle poenarum indagine incluſos. Ereptum alienas pecunias

cunias eunt? perdant quas habent. expellere penatibus gestiant? suis exturbentur. neque, ut antea, ex sanguinem illam & ferream frontem, nequidquam conuulnerandam præbeant punctis, & notas suas rideant: sed spectent paria præmio damna, nec maiores spes quàm metus habeant, timeantque quantum timebantur. Ingenti quidem animo diuus Titus securitati nostræ vltioniq; prospexerat, ideoque numinibus æquatus est: sed quanto tu quandoq; dignior cælo, qui tot res illi adieccisti, propter quas illum deum fecimus? Id hoc magis arduum fuit, quòd Imperator Nerua te filio, te successore dignissimus, perquam magna quædã edicto Tiri adstruxerat, nihilq; reliquisse tibi videbatur: qui tam multa excogitasti, ut si ante te nihil esset inuentum. Quæ singula quantum tibi gratiæ dispensata adiecissent? at tu simul omnia profudisti, ut sol & dies non parte aliquâ, sed statim totus, nec vni aut alteri, sed omnibus in commune profertur.

CAVTIBVS.] *Scopulis, siue insulis saxosis. ut Gyarus, Seriphus, similes: quibus exsules solent includere. INDAGINE INCLVSOS.] Variarum legum laqueis retibusque cinctos, ut seras, ne possint perumpere.*

EXTVRBENTVR.] *In exsilium pellantur. Martialis: Et delator habet, quod dabit, exsilium. Apparet ex istis, parem poenam delatoribus positam, quam ibant irrogatum. Quod Theodosius & Honorius statuerunt, vel restituerunt, lege lata: Quisquis crimen intendit, non impunitam fore nouerit licentiam inveniendi, cum calumniantes ad vindictam poscat similitudo supplicij. Origo autem ab Augusto videtur, qui diuturnorum reorum nomina aboleuit, conditione propositâ, ut si quis quem repetere vellet, par periculû poenæ subiret: Suetonius, cap. xxxii. EXSANGVEM.] *Sine rubore, cuius causa sanguis. PUNCTIS.] Litteris stigmate inustis. Nam vetus poena calumniarum à lege Rhemnâ fuit, frõtem inuri x. litterâ, quæ Calumniam (ita olim scribebant) notat. Cicero pro Roscio Amerino aperit: Et Papiniano, homo integre frontis, opponitur calumniæ damnato.**

NOTAS SVAS.] *Stigmata, ut dixi. An eadem nota intellecta Capitolino, cum scribit in M. Antonino: Calumniis quadruplatorum intercessit,*

tercessit, appositâ falsis delatoribus notâ? an infamiae notam magis est accipi? Nam & ea delatores sequebatur, ut Valens ac Valentinianus Inopp. rescribunt. TITVS.] Tangit Suetonius in Tito, cap. viii.

DEVM FECIMVS.] Atqui antè dixit, à Domitiano Deum factum, ut ipse Dei frater videretur: hic à Senatu. Pro insigni pugna hæc habet vir doctus: quam ego nullam video, aut sibi huius breui motu componam. Domitianus Deum dici voluit & curauit, sed ob suum finem Senatus censuit & libens paruit, quia meritis erat, & maxime ob securitatem hanc Senatus bonis quæ par tam. EDICTO.] De calumniatoribus. Apud Dionem aliquid in Neruâ: Scruos eum & libertos punisse, qui dominis aut patronis periculum fecissent; nè in posterum liceret. Item nequis impietatis aut ritus Iudaici (Christiani)metiam, opinor) accusaretur. VT SOL.] Aptâ imago, & similis in Symmachii epi i. a. libri ix. Sicut omnibus in hac vitâ positis ac locatis communis est cæli spiritus, lux diei: ita clementiam maximi Principis sentiant vota & facta cunctorum.

QVAM iuvat cernere ærarium silens & quietum, & quale ante delatores erat? nunc templum illud, nunc verè deus, non spoliarium ciuium, cruentarumque prædaram seuum receptaculum, ac toto in orbe terrarum adhuc locus vnus, in quo, optimo Principe, boni malis impares essent. Manet tamen honor legum, nihilque ex publicâ utilitate conuulsum: nec pœna cuiquam remissa, sed addita est ultio, solumque mutatum quòd iam non delatores, sed leges timentur. At fortasse non eadem seueritate fiscum, quâ ærarium cohibes. Indò tanto maiore, quanto plus tibi licere de tuo, quàm de publico credis. Dicitur actori atque etiam Procuratori tuo, in ius veni, sequere ad tribunal. nam tribune nã quoque excogitatum cruciatus est par ceteris, nisi illud lingatoris amplitudine metiaris Sors & vrna fisco iudicem assignat. Licet reiicere, licet exclamare, hunc nolo, timidus est, & boni sæculi parum intelligit: illum volo, quia Cæsarem foriter amat. Eodem foro vtuntur, Principatus & libertas. Quæ præcipua

cipua tua gloria est, sepius vincitur fiscus, cuius mala causa nunquam est, nisi sub bono Principe. Ingens hoc meritum, maius illud, quod eos Procuratores habes, ut plerumque ciues tui non alios iudices malint: liberum est autem disceptanti dicere, nolo eum eligere: neque enim ullam necessitatem muneribus tuis addis, ut qui scias hanc esse beneficiorum Principalium summam gratiam, si illis & non uti licet.

SILENS.] Sine strepitu, sine litibus. Nam & apud Praefectos ararij querele, & causae. TEMPLVM.] Ergo supra bene interpretatus sum, Templum infedisse delatores: nempe hoc ipsum. DEVS.] Saturnus, in cuius tutelâ ararium. SPOLIARIVM.] Locum in Amphitheatro parte, ubi veteres occisorum & arma disponebantur, atque alia ornamenta. Vnde Saturnalia nostra, lib. 1. cap. XVIII. PRAEDARVM.] Quae in iudiciis occisus parte. Claudianus similia in Honorij laudibus:

Nullæ nobilium caedes, non crimina vulgò  
Texuntur, patriâ maestas non truditur exsul.  
Non infelices tabulae, non hasta refixas  
Vendit opes, auidusque emptor non voce citatur,  
Nec tua priuatis crescunt araria damnis.

LOCVS VNVS.] Mirifica laudatio, & arguta. In toto orbe vnum hoc ararium est, sub bono Principe, in quo boni à malis vincuntur. Quid hoc est? istud, qui boni & iusti sunt, voluntque patrocinari arario, impares sunt malis & fraudatoribus, aut etiam triconibus: quia, ut mox addit: sepius vincitur fiscus. Sanè salubris imperij signum, lientem hunc in corpore non crescere. Nisi hac sententia loci, alius me aliosque doceat.

ADDITA EST.] Pœna manet, si quis in leges fiscales peccat, sed additum hoc, ne temerè exigatur, ut vlcisci liceat delatores. Quomodo? talione, ut opinor. Ereptum incas pecunias eunt? perdunt, quas habent: supra. Itaque vltio addita in calumniantes, pœna tamen manente in fontes. ACTORI.] Actor infamilis, qui res rationesque heri administrat: idem in republicâ, qui & Actor publicus Tacito dicitur 11. Annalium, atque ibi explicauit. Actor Cæsaris, de quo hic, differt ab illo, & in lapidibus etiam nominatur. PROCVRATORI.] Nondum autem A luocatus fisci, quem primus instituit Hadrianus. EXCOGITATVM.] Ab ipso se. nouitatem ostendit. CRUCIATV.] Obiter olim

*dixeram, curâ tuâ: sed neque tunc perplacuit, & nunc sperno In melioribus libris, cruciatus: puto verum, Principatus. Ita statim: Eodem sorto vtuntur Principatus & libertas. PAR CETERIS.] In quo eadem omnia aliis iudiciis. Ammianus lib. xxv. Iulianum sic laudat, quod sub eo æquata fisci iurgia cum priuatis. LITIGATORIS.] Cesaris, nam eius ibi res, sed & nomen, versatur. SORS ET VRNA.] Quod iam in vniuersis omnibus fere iudiciis. Itaque nemo subornatus, & fautor Cesaris. Quid sit tunc? licet inquit REICERE.] Nam & id moris prisii, vt sortitione facta, & cum iudices iam sedissent, accusator & reus, quisque sibi suspectos, possent reicere, & iubere surgere. In eorum locum alios sub sortiebantur. Lex Pompeia huic rei modum & numerum dedit.*

*BONA SÆCVLI.] Quanta libertas sit sub optimo Principe.*

*FORTITER.] Non tenerè aut timidè, vt aduantes, aut metuentes offendere. Seneca De Providentia: Patrium habet Deus creâ bonos viros animum, & illos fortiter amat. QVÆ PRÆCIPVA.] Malim, quæque præcipua. MALA NVNQVAM.] Transmissis Casiodorus, lib. i. epist. xxi. ad Fisi aduocatum: Tunc fama nostra proficit, quando se commoditas iniusta subducit. Quapropter fit interdum causa mala fisci, vt bonus Princeps esse videatur. MVNERIBVS.] Inter quæ, & boni Administri. NON VTI.] Quod haud ita sub Tyranno: qui intus suum fastidire te (ait Seneca) iniuriâ iudicaturus est.*

*ONERA imperij pleraque vectigalia institui, vt pro utilitate communi, ita singulorum iniuriis coegerunt. His Vigesima reperta est, tributum tolerabile & facile hereditibus dumtaxat extraneis, domesticis graue. Itaque illis irrogatum est, his remissum. videlicet quod manifestum erat, quanto cum dolore latui seu potius non latui homines essent, destringi aliquid & abradi bonis, quæ sanguine, gentilitate, sacrorum denique societate meruissent; quæque nunquam vt aliena & speranda, sed vt sua semperque possessa, ac deinceps proximo cuique transmittenda cepissent. Hæc mansuetudo legis veteribus scilicet seruabatur: noui, seu per Latium in ciuitatem, seu beneficio Principis venissent, nisi simul cognationis iura impu-*

impetrassent, alienissimi habebantur quibus conjunctissimi fuerant. Ita maximum beneficium vertebatur in grauissimam iniuriam, ciuitasque Romana instar erat odij, & discordiæ, & orbitatis, cum carissima pignora, saluâ ipsorum pietate, distraheret. Inueniebantur tamen, quibus tantus amor nominis nostri inesset, ut Romanam ciuitatem non Vigestimæ modò, verum etiam affinitatum damno bene compensari putarent: sed his maximè debebat gratuita contingere, à quibus tam magno æstimabatur. Igitur pater tuus sanxit, ut quod ex matris ad liberos, ex liberorum bonis peruenisset ad matrè, etiam si cognationum iura non recepissent, cum ciuitatem adipsicerentur, eius Vigestimam ne darent. Eamdem immunitatem in paternis bonis filio tribuit, si modò reductus: esset in patris potestatem: ratus improbè & insolenter, ac poenè impicè, his nominibus inseri publicanum, nec sine piaculo quodam sanctissimas necessitudines velut intercedente Vigestimâ scindî: nullum esse tanti vectigal, quod liberos ac parentes facerèt extraneos.

**SINGVLORVM INIURIIS.]** *Id est, in còmmune bonum, sed cum noxâ & detrimento priuatorum. Aufertur enim iis aliquid & abraditur: quæ iniuria aut eius species, vtilitate publica rependitur. Dissolutio enim imperij sequitur (verba Taciti) si fructus quibus res publica sultinetur, diminuantur: quid, si tollantur? His.] Oneribus.*

**VIGESIMA.]** *Vulgò & plenè dicta, Vigesima hereditarium: cui Augustus inuentor ad Ærarium militare. De quâ ego in Admutandis nuper, lib. ix. cap. iiii. & olim ad xiii. Annalem Taciti. TOLERABILE.]* *Quidnis? cum gaudio enim semper fructuque iunctum. Et ubi largiter, sepe inopinatò, acquirebas; quid acerbi aliquid detrabi? Mihi sæpe morum hodie, cum tam multa quaruntur, odiosa magis, fructuosa minus; hoc tam promptum & obuium vsque adhuc neglectum. EXTRA-NEIS.]* *Nam Augustus ipse etiâ exceperat totè & divi orygentè, à xj. vintat, planè còiunctos sanguine, aut pauperes. SACRORVM SOCIETATE.]* *Nam & sacra priuata sua familiis eràs, atq; ea pro notâ, & vinculo.*

*Inde Transire in gentem & sacra: itemque, Hereditas cum sacris, aut sine sacris in Plauto. Sine inquam, cum in gentem adoptione non transitur. VETERIBVS.] Qui, tempore eius tributi inuictis fuissent. NOVI.] Deinceps facti. PER LATIVM.] Quibus Latinitas data, ut plerisque coloniis, ij plenè ciues fieri poterant tribus ferè modis. vel si magistratû domi gessissent, siue stirpe domi relicta, Romam migrassent; siue denique naue, pistrino, edificio. Nam de lege Seruilia, ut euentu iam raro, omitto. Qui igitur, inquit Plinius, ex Latio ciues facti erant, ij non fruebantur hoc indulto. BENEFICIO PRINCIPIS.] Nam iam olim liberâ rep. Imperatores ciuitatē dabant, sed ut populus firmaret; qui non magis nunc Princeps? Crebrū erat, & Plinij aliquot epistola sunt lib. x. quibus ciuitatem amicis aut clientibus suis petit à Traiano, impetratque.*

*COGNATIONIS IVRA.] Quia illa transiione in ciuitatem diuulsi à suis videbantur, qui nondum ciues: atque ita alieni extranei que habebantur, nisi Princeps seorsim tribuisset. ORBITATIS.] Quia pater à filiis, filij à patre abiungebantur, nec cognati censebantur. REDUCTVS ESSET.] Exierat enim, si ipse donatus ciuitate, siue etiam, si pater. Nam diminutione hac capitis, id est status, ciuis illa potestas soluebatur. Festus: Diminutus capite appellatur, qui ciuitate mutatus est. PVBLCANVM.] Nota per eos igitur exactum collectumque hoc veltigal.*

HACTENVS ille, parcius fortasse quàm decuit optimum Principem, sed non parcius quàm optimum patrem. qui optimum adoptaturus, hoc quoque parentis indulgentissimi fecit, quod delibasse quædam seu potius demonstrasse contentus, largam ac propè intactam benefaciendi materiam filio reservauit. Statim ergo munceri eius liberalitas tua astruxit, ut quemadmodum in patris filius, sic in hereditate filij pater esset immunis, nec eodem momento quo pater esse desisset, hoc quoque amitteret quod fuisset. Egregiè Cæsar, quòd lacrymas parentum veltigales esse non pateris. Bona filij pater sine diminutione possideat, nec socium hereditatis accipiat, qui non habet luctus: nemo recentem & attonitam orbitatem ad computationem vocet, cogatque patrē quid relique-



reliquerit filius scire. Augeo P. C. Principis munus, cum ostendo liberalitati eius ineffabilem rationem: ambitio enim, & iactantia, & effusio, & quidam potius quam liberalitas existimanda est, cui ratio non constat. Dignum ergo Imperator mäsuetudine tuä, minuere orbitatis iniurias, nec pati quemquam filio amisso insuper affici alio dolore. Sic quoque abundè misera res est, pater filio solus heres: quid si coheredem non à filio accipiat? Adde, quòd cum diuus Nerua sanxisset, vt in paternis bonis liberi necessitate Vigesima soluerentur, congruens erat eandem immunitatem parentes in liberorum bonis obtinere. Cur enim posteris amplior honor, quàm maioribus haberetur? cürve non retrò quoque recurreret æquitas eadem? Tu quidem Cæsar illam exceptionem remouisti, si modò filius in potestate patris fuisset, intuitus opinor vim legemque naturæ, quæ semper in ditione parentum esse liberos iussit, nec vt inter pecudes, sic inter homines potestatem & imperium valentioribus dedit. Nec verò contentus primum cognationis gradum abstulisse Vigima, secundum quoque exemit, cavitque vt in sororis bonis frater, & contra in fratris soror, vtque auus, auia in neptis nepotisque, & inuicem illi, seruarentur immunes. His quoque, quibus per Latium ciuitas Romana patuisset, idem indulgit: omnibusque inter se cognationum iura commisit, simul & pariter, & more naturæ, quæ priores Principes à singulis rogari gestiebant, non tam præstandi animo, quàm negandi. Ex quo intelligi potest quantæ benignitatis, quanti spiritus fuerit sparsas, atque, vt ita dicam, laceras gentilitates colligere atque connectere, & quasi renasci iubere: deferre quod negabatur, atque id præstare cunctis, quod sæpe singuli non impetrassent: postremò ipsum sibi eripere tot beneficiorum occassiones, tam numerosam obligandi imputandique materiam.



riam. Indignum credo ei v. sum, ab homine peti, quod dii dedissent. Sorores estis & frater auus & nepotes: quid est ergo, cur egetis? ut sitis, vobis estis. Qui pro cetera sua moderatione, non minus inuidiosum putat dare hereditatem, quam auferre. Latet ergo adite honores, capeffite ciuitatem, neminem hoc necessitudinis abruptum, velut truncum amputatumque destituet: iisdem omnes quibus ante pignoribus, sed honestiores perfruentur. Ac ne remotus quidem iamque deficientis affinitatis gradus, à qualibet quantitate Vigessimam inferre cogetur. Statuit enim communis omnium parens summam, quæ publicanum pati possit. Carebit onere Vigessimæ parua & exilis hereditas: & si ita gratus heres volet, tota sepulchro, tota funeri seruetur, nemo obseruator, nemo castigator adstiter. Cuiuscunque modi ea pecunia ex hereditate alicuius obuenerit, securus habeat quietusque possideat. Ea lex Vigessimæ dicta est, ut ad periculum eius perueniri, nisi opibus non possit. conuersa est iniquitas in gratulationem; iniuria in votum; optat heres ut Vigessimam debeat. Additum est, ut qui eiusmodi ex causis in diem edicti Vigessimam deberent, nondum tamen intulissent, non inferrent. At in præteritum subuenire, ne dii quidem possunt. tu tamen subuenisti cauitique, ut desineret quisque debere, quod non esset postea debiturus. Idem fecisti ne malos principes habuissemus: quo ingenio, si natura pateretur, quam libenter tot spoliatis, tot trucidatis sanguinem & bona refudisses. Vetuisti exigi, quod deberi non tuo sæculo cœperat. Alius ut contumacibus irasceretur, tarditatemque soluendi dupli, vel & quadrupli irrogatione mulcicaret: tu nihil referre iniquitatis existimas, exigas quod deberi non oportuerit, an constituas, ut debeat.

FILII PATER.] *Cur non autem hoc etiam Nerua? ille natura ordinem*

divem vidit secutusque est, ex qua magis iustum, certe votivum, filium patri succedere, quàm contrà. Itaque quia hoc & variis, nec ita ex natura ordine, id nelexit. QVOD FVISSET.] Traianus nature vinculum intuitus, quod putavit civili constitutione non solus. Itaque et civiliter de sinebat pater esse, attamen quia antè civiliter fuerat, & nunc quoque naturaliter erat, habuit immunem. VECTIGALES.] Subiectas vectigali, obnoxias Vicefima. QVI NON HABET.] An, quicui non habet? Nam potest sanè in filij morte consortes habere lucius, etsi non Fiscum. A FILIO.] Nec testamento eius datum, nec ei iunctum, qualis est Fiscus, quem lex ingerit. SEMPER.] Etiam grandes & adultos, etiam patre digniores, potentiores. Huc enim sequens comparatio spectat. PER LATIVM.] Non solum, qui beneficio Principis. An hoc dicit, qui tantum Latini cives? PRIORES PRINCIPES.] Suetonius in Tiso: Cum ex instituto Tiberij, omnes dehinc Principes beneficia à superioribus concessa Principibus, non aliter rata haberent, quàm si eadem iisdem & ipsi dedissent; primus præterita omnia vno confirmavit edicto, nec à se peti passus est. SPARSAS.] Transitione hac in civitatem. IMPUTANDI.] Ut suprà, inscribendi beneficij, demerendi. CVR EGRETIS.] Omnino verum, cur togetis, Luineio quoque visum. Distingue autem, cur togetis, ut sitis? vobis estis. Quasidicat, & estis fratres, & vobis estis tantum; non fisco, qui niliam decerpit. QVI PRO.] Lege, Qui. DARE.] Non petitione, quam sustulit, & semel vniuersi dedit. ADITE HONORES.] In colonis vestris Hoc enim ad Latinos pertinet, qui (ut dixi civitatem Romanam adipiscebantur, domi honoribus gestis. CIVITATEM.] Nostram. ABRVPTVM.] Abruptio & disjunctio. Dissociabantur enim, qui civitatem mutabant. VELVT TRVNCVM.] Tanquam à patre iam abscisum, aut contrà à filio patrem. Hærent & morient tales, interpretatione Traiani. HONESTIORES.] Civitate autem.

A QUALIBET.] Altera moderatio Traiani, qui non in gradibus solum dispensavit, sed in modo Hereditatis. Si ea modica, & intra talem summam non est expressa visum; nihil deliberatur. CIVISCVMOVE MODI.] Quidam lib. 1. Cuiuscumque modica pecunia. quod amplector, statim tamen legendo alicui, pro alicuius. Sententia est: Cuiuscumque ea parva pecunia fuerit, agnati vel extranei, non refert: nihil perdit. OPTAT.] Nec enim dabit, nisi dives. NE DII QVIDEM.] Plinius anulus: Ne Deum quidem posse omnia. namque nec

renocare defunctos, nec facere ut qui vixit, non vixit; qui honores gessit, non gesserit: nullumque habere in præterita ius, præterquam obliuionis. *Agathon Comicus, apud Aristotelem:*

*Μόνη δὲ δυνάμις ἔστι θεῶν σελόνα,*

*Αἰνία μὲν ὅς' αὖ ἢ ἀπογίγναται*

Vnum hoc nec ipse præpotens habet Deus,

Quæ facta sunt, infecta posse reddere.

POSTEA.] *Post diem tui edicti.* IDEM.] *Liuius, id est: rectè, ut si sequentia non benè ordinat.* NON TVO SAECVLO.] *Vno verbo, remisit reliqua eius rectigatis, in causis dictis. Hoc est, quod Ausonius in Laudatione Gratiani tangit: Vel illud vnum cuiusmodi est, de condonatis residuis tributorum? Quis vaquam Imperatorum hoc prouincis suis vberiorem indulgentiam dedit? Fecerat & Traianus olim: sed partibus retentis. Non habebat tantam oblectationem concessi debiti portio, quanta suberat amaritudo seruati. Omnino hoc faciunt, nec de aliâ Traiani remissione legas. Qui enim e nummis adferunt: RELIQUA. VETERA. HS. NOVIËS. MILL. AC OLITA: falli credo, nec Traiani, sed Traiani Hadriani (ita communè dicitur) nummos istos vidi. Ita enim exstant hodieq; in Consulatu eius III. Et inscriptio Romæ: IMP. CAESARI. DIVI. TRAIANI. PARTHICI. F. TRAIANO. HADRIANO. AVG. PONT. MAX. TR. POT. II. COS. II. QVOD. OMNIYM. PRINCIPIVM. ET. SOLVS. REMITTENDO. HS. NOVIËS. MILLIES. CENTENA. MILLIAR. DEBITVM. FISCO. NON. PRAESENTES. MODO. SED. ET. POSTEROS. SVOS. PRAESTITIT. HAC. LIBERALITATE. SECVRVS. Farenissio grandis, & nostrâ assinatione & locutione valeat, viginti duos millione Philippicorum & semis. At Traiani liberalitas minor, & in partibus tantum, ut dixit Ausonius. SOLVENDI DVPEL.] Ita, nam pœna etiam mora solet aduci. quo sensu Visellor, de Neruâ: Quidquid antea pœnæ nomine tributis, cesserat, indulgit. Itaq; exemplum aliquod à paternâ indulgentia habuit, et se sperauit. NON OPORTVERIT.] Illud vetus, in causis quas abrogasti edicto. Aequè iniquum censet, exigere talia iam debita, & constituere ut debeantur.*

FERES Cæsar curam & sollicitudinem Consulare. nam mihi cogitanti eundem te collationes repississe, donati-

natium reddidisse, congiarium obtulisse, delatores abegisse, vectigalia temperasse, interrogandus videris, satisfine computaueris imperij redditus? an tantas vires habeat frugalitas Principis, vt tot impendiis, tot erogationibus sola sufficiat? Nam quid est causæ, cur aliis quidem cum omnia raperent, & rapta retinerent, vt si nihil rapuissent, nihil detinuissent, defuerint omnia? tibi cum tam multa largiaris, & nihil auferas, omnia supersint? Nunquam Principibus defuerunt, qui fronte graui & tristi supercilio, ytilitatibus fisci contumaciter adessent: & erant Principes ipsi sua sponte auidi & rapaces, & qui magistris non egerent, plura tamen semper a nobis contra nos didicerunt: sed ad tuas aures, cum ceteris omnibus, tum vel maximè auaris adulationibus obstructus est aditus. Silent ergo & quiescunt, & postquam non est cui suadeatur, qui suadeant non sunt. quò euenit, vt tibi cum plurimum pro tuis, plus tamen pro nostris moribus debeamus. Locupletabant & fiscum & ærarium non tam Voconia & Iulia leges, quàm Maiestatis singulare, & vnicum crimen eorum, qui crimine vacarent: huius tu metum penitus sustulisti, contentus magnitudine, quàm nulli magis caruerunt, quàm qui sibi maiestatem vindicabant. Reddita est amicis fides, liberis pietas, obsequium seruis: verentur, & parent, & dominos habent. non enim iam serui Principis nostri amici, sed nos sumus; nec pater patriæ alienis se mancipiis cariorem, quàm ciuibus suis credit; omneis accusatore domestico liberaisti, vnoque salutis publicæ signo illud, vt sic dixerim, seruale bellum sustulisti. In quo non minus seruis, quàm dominis præstitisti: hos enim securos, illos bonos fecisti. Non vis interea laudari, nec fortasse laudanda sint, grata sunt tamen recordantibus Principem illum in capita dominorum seruos subornantem, monstrantemque crimina, quæ tan-

L

quam

quam delata puniret. magnum & inevitabile, ac toties cuique experiendum malum, quoties quisque similes Principi seruos haberet.

CONSVLAREM.] Quia ergo iam Consul, curare reip. debeo. COL-  
LATIONES REMISISSE.] Spectat cum alia prouincialium in auspiciis  
Imperij dona, tum Coronarium aurum maxime, quae specie Collatio-  
nis exhauriebantur. Itaque boni Principes remittebant. ut hic Traianus:  
ut Iulianus, inter cuius liberalitatis testimonia Ammianus recenset, Co-  
ronarium indultum, & remissa debita multa diuturnitate conge-  
sta. TEMPERASSE.] Illud Vigefima, ad modum iam dictum.

\*Vide II.  
Admur.  
cap. IX.

TOT IMPENDIIS.] In milites, magistratus, ludos, opera: atq. alia,  
quorum specimen in nostris Admirandis, libro II. RAPERENT.] Ad  
Domitianum pertinent. Adi Suetonium, cap. XII. NOSTRIS MORI-  
BVS.] Qui bonos nos facis, qui ab adulationibus sic arces. VOCO-  
NIAE.] Lex Voconia vetus, nequis heredem feminam, vel vnicā etiam  
filiam faceret, ultra quadrantem hereditatis. IULIAE LEGES.] Mul-  
tae sunt ab Augusto, hoc nomine: sed nunc Iuliam de maritandis ordi-  
nibus, quae Papia iungi aut cum ea misceri solet, intellegi clarum est.  
Nam has Augustus, ut Tacitus loquitur, arario augendo sanxerat, ob  
multiplices ibi multas. VNICVM CRIMEN.] In Tacito passim do-  
cetur. ubi quibus nihil obici potest, Maiestatis crimen impingitur. Nero  
etiam statuit, ut lege maiestatis, omnia dicta factaque, quibus mo-  
do delator non deesset, tenerentur. AMICIS.] Qui nunc amicum  
nois deserunt. LIBERIS.] Qui & ipsi armabantur in parentes.

SERVIS.] Passim in dominos insurgebant, & territabant accusatu-  
ri Maiestatis. SALVTIS PVBL.] Velut formula erat, in laudem bo-  
norum Principum: & in numinis passim insculpitur, SALVS. PVBLICA.

SIGNA.] Quasi hac tessera data & edita. SERVILE BELLVM.]  
Allusum ad vetera Seruilia bella, cum marci in Dominos armarunt: at  
hic linguas, Traianus autem haec ista sustulit, aut sublata à Nerua patre  
comprobauit. Nam de eo Dionis compendium: τοὺς τὴν δουλείαν καὶ τὴν ἐλευθερίαν  
ἀντιθέτως τοῖς δυνάσταις ὁποῦν ἐν τῇ δουλείᾳ καὶ τῇ ἐλευθερίᾳ, καὶ τοῖς περὶ τοῦ  
πολέμου καὶ ἀλλοῖς τῇ ἐλευθερίᾳ ἀντιθέτως ἐν τῇ δουλείᾳ ἐστὶν: Seruos & libe-  
ros, quicumque insidiati dominis fuissent, omnes interfecit, atque  
iis nec aliud quoduis crimen inferre, aut accusare dominos per-  
misit. NEC FORTASSE.] Extra culpam enim dumtaxat sunt, at  
laudis finem non attingunt. PRINCIPEM.] Domitianum.

IN eodem genere ponendum est, quòd testamenta nostra secura sunt: nec vnus omnium nunc, quia scriptus heres: non tu falsis, nò tu iniquis tabulis aduocaris. nullius ad te iracundia, nullius impietas, nullius furor confugit: nec quia offendit alius nuncuparis, sed quia ipse meruisti. Scriberis ab amicis, ab ignotis præteritis: nihilque inter priuatum & Principem interest, nisi quòd nunc à pluribus amaris: nam & plures amas. Tene Caesar hunc cursum, & probabitur experimèto, siue feracius, & vberius non ad laudem modò, sed ad pecuniam Principi si herede illo mori homines velint, quàm si cogantur. Donauit pater tuus multa; & ipse donasti: cesserit parùm gratus; manent tamen ij, qui bonis eius fruuntur, nihilque ex illis ad te nisi gloria redit. nam liberalitatem iucundior rem debitor gratus, clariorem ingratus facit. Sed quis ante te laudem istam pecuniæ prætulit? quoruscumque, Principum ne id quidem in patrimoniis nostris suum duxit, quòd esset de suo? nonne ut regum, ita Caesarum munera, illitos cibus hamos, opertos prædâ laqueos, æmulabantur? cùm priuatis facultatibus velut hausta & multiplicata, retrò secum quidquid attigerant referrent.

NUNC QVIA SCRIPTVS.] *Obscura, nec mihi recta. Inflecto: nec vnus omnium, nunquam scriptus heres. Acute & verè, aut fallor. Non tu, inquit, omnium heres nunc es, ut ille Domitianus, qui falsò talem se gerebat nec cogitatum, nec scriptum.* FALSIS.] *Alendacibus & consiliis.* INIQUIVS.] *Ubi propior aut suus heres est.* IRACUNDIA.] *Putaliberti, qui patrono offensus. & ut illum iure successionis priuaret, Principem scribebat.* IMPIETAS.] *Patris, aut filij. Nam, ut Tacitus in Agricola, à bono patre non scribitur heres, nisi malus Princeps.* FUROR.] *Aliquis parum sanæ mentis, qui spretis suis ad Principem vertit.* AB AMICIS.] *Promore, & iure. Atque ita Augustus professus, viginti proximiis annis, quaterdecies mil-*

*\* Sunt tri-  
centaquin-  
que milia  
ocis, n. du.*

LIBVS.] *Ergo & à pluribus scriberis.* PATER TVVS.] *Nerna. Qui*

& bona omnia, quæ exstabant, & Domitianus inique abstulerat, dominis reddidit: & plebi Romanæ agros cinit, ac diuilit: *Dio. Factum eiusdem liberale & memorabile, in Zonarâ & Philostrato scriptum.* Reppererat Herodes Atticus, Sophista pater, domi suæ ingentem thesaurum. Calumnias veritus, ad Principem scripsit, & indicauit. Ille rescripsit, Vtercè. Sed Atticus nec sic securus, iterum scripsit: At enim thesaurus priuati hominis conditionem superat. Nerva iterum animosè, Ergo abutere. *CESSERIT.* ] *Lego, ceperit, & sententia liquet.* Nisi vis tamen pro Decesset accipere: id esset, Age, mortuus ex illis aliquis pietum gratus. *PARVM GRATVS.* ] *Qui te heredem non fecerit. Nam quos promouissent aut distassent, ab iis suo iure gratitudinem exigebant.* Ita Caligula (in Suetonio) Principilarium testamenta, qui neque Tiberium, neque se, heredem fecissent, vt ingrata, rescidit: quia nempe Principum beneficio ad gradum opesque venissent.

*BONIS EIVS.* ] *Nerue, quia tamen & de ipso Traiano prauit, melius forsasse, bonis eis.* *HAVSTA.* ] *Legendum auctâ, si tamen sequens vox multiplicata sedeat.* Pro quâ alij libri, implicita: & mihi non displiceat, apertiusque ita ad Hannos Laqueosq; referas. Bona illa Cesaris velut hausta & absorpta (vt piscibus hami) priuatis facultatibus, iisdemque implicita & innexa (vt feris laquei:) trahuntur vnâ cum istâ ad Principem, specie illâ gratitudinis in testamentis.

QVAM vtile est, ad vsum secundorum per aduersa venisse? Vixisti nobiscum, periclitatus es, timuisti: quæ tunc erat innocentium vita, scis & expertus es, quanto opere detestentur malos Principes, etiam qui malos faciunt. meministi quæ optare nobiscum, quæ sis queri solitus. Nam priuato iudicio Principem geris, meliorem imò te præstas, quàm tibi alium precabere. Itaq; sic imbuti sumus, vt quibus erat summa votorum, melior pessimo Princeps: iam non possumus, nisi optimum, ferre. Nemo est ergo tam tui, tam ignarus sui, vt locum istum post te concupiscat. facilius est, vt esse aliquis successor tuus possit, quàm vt velit. Quis enim curæ tuæ molem sponte subeat? quis comparari tibi non reformidet? Expertus & ipse es, quàm sit onerosum succedere bono Principi: & affere-



afferebas excusationem adoptari. An prona paruaque sunt ad æmulandum, quòd nemo incolumitatem turpitudine rependit? Salua est omnibus vita, & dignitas vitæ: nec iam consideratus ac sapiens, qui ætatem in tenebris agit. Eadem quippe sub Principe virtutibus præmia, quæ in libertate: nec benefactis tantum ex conscientia merces. Amas constantiam ciuium, rectosque ac viuidos animos non (vt alij) contundis ac deprimis; sed foues & attollis. Prodest bonos esse, cum sit satis abundeque si non nocet. His honores, his sacerdotia, his prouincias offers: hi amicitia tuâ, hi iudicio florent: acuuntur isti integritatis & industriæ pretio: similes, dissimiles alliciuntur. nam præmia bonorum malorumque; bonos ac malos faciunt. Pauci adèò ingenio valent, vt non turpe honestumque, prout bene ac secus cessit, expetant fugiantve: ceteri, vbi laboris inertia, vigilantia somno, frugalitatis luxuria merces datur; eadem ista, quibus alios artibus affecutos vident, consecretantur: qualesque sunt illi, tales esse & videri volunt; & dum volunt, fiunt.

PER ADVERSA.] *Pindarus enim verè: ὁ πόντος τε νόσος, καὶ ἀπομόλυντος φέρεται: qui animo exercitus fuit & laborauit, prudentiam fructum tulit.* QVAE TVNC.] *Sub Domitiano. MALOS FACIUNT.] Adulantes, & subseruientes. PRIVATO.] Clarus, si, priuati, legas. Sed sensus ille, Tu ita geris Principem, vti priuatus indcabas esse gerendum. Quod plerumque aliter. & qui extra fortunam, bene de eâ iudicamus; cum in ipsâ, abripimur & serenti vento nos damus.*

ALIVM PRECABARE.] *Tacitus in oratione Galba: Vtilissimus idem ac breuissimus bonarum malarumque rerum dilectus, cogitare quid aut nolueris sub alio Principe, aut volueris.* TAM TVI.] *Virtutis summa tuae, & Prudentia.* TAM SVI.] *Qui ad te non potest accedere.* VT VELIT.] *Sapiens quidem. nam succedere aliquis potest, & debet: par esse, aut similis etiam, non potest.* ADOPTARI.] *Id est, excusatio tibi successio, quia non sponte neque vltro venisti, sed adoptione adscitus, & quasi coëctus. At qui se ingerit, minus*



excusatur, nisi parem se praebeat. TURPITUDINE REPENDIT.] Id est, nemo hoc ipso saluus, quod virtutem non habeat saluam. Sub malis, ea in odio; & qui grati aptique Aula esse voluit, ciurant probitatem. Exempla etiam, ubi obscenitas & profectaturpitudine salutis fuerint: in Suetonij Nerone, cap. XXIX. & Domitiani x. DIGNITAS VITAE.] Licet etiam in dignitate & luce vivere. CONSIDERATVS.] Quod sub improbis Principibus, & sapientia tum, latere. Seneca, de Vitiis: In hac villâ ille Praetorius diues, nullâ re aliâ quàm otio notus, confenuit: & hoc vnum felix habebatur. Nam quoties aliquos Afri-  
nij Galli amicitia, aut Sciani odium, deinde amor, meruerant; exclamabant homines, O Vatia, solus scis vivere. IN TENEBRIS.] Ouidij monito:

Viue tibi, quantumque potes praelustria vita,  
Sæuim praelustri fulmen ab arce venit.

EX CONSCIENTIA.] Vt virtutem habeas, sine fama aut honoris premio. Et sanè eò Philosophi, atque etiam poeta isle vocat, Theognis:

Εὖ ἔρδων, ὁ σπάρτω, τί δ' ἄγχιον ἄλλου ἰδδνεις;

Τῆς διαρρηχῆς ἰνδὴν ἀγγαλῆν.

Si bene agis, bene sit tibi. quid praetoria quaeris?

Virtuti facilis promptaque fama venit.

VIVIDOS.] Altius spirantes. quod genus non dicam minutis, sed modicis Principibus parum grati sunt: qui pares rebus quaerunt, non qui ultra sint. ACVNTVR ISTI.] Imò isto, meo iudicio. & sententia est, qui vident sic attolli à se virtutem, magis acuiuntur & stimulantur; boni quidem eam persequi; & qui non boni, fletere se & sequi.

PRAEMIA.] Sallustius: Gloriâ industria alitur. vbi eam demperis, ipsa per se virtus amara atque aspera est. Idem: Vbi malos praemia sequuntur, haud faciliè quisquam gratuitò bonus est. Linius: Nihil non aggressuri sunt homines, si magna conatis magna praemia proponantur. INGENIO VALENT.] Tam validâ solidâque mente sunt; vs virtutem aut vitium à sese, non à successu aut mercede pendant.

Et priores quidem Principes, excepto patre tuo, praeterea vno aut altero (& nimis dixi) vitiis potiùs ciuium, quàm virtutibus latabantur: primùm, quod in alio sua quemque natura delectat; deinde, quod patientiores seruitutis

uitutis arbitrabantur; quos non deeret esse nisi seruos. Horum in sinum omnia congerebant: bonos autem otio aut situ abstrusos, & quasi sepultos, non nisi delationibus & periculis in lucem ac diem proferebant. Tu amicos ex optimis legis: & hercule, æquum est esse eos carissimos bono Principi, qui inuisi malo fuerint. scis, ut sicut diuersa natura dominatio & Principatus; ita non aliis esse Principem gratiorem, quàm qui maximè dominum grauentur. Hos ergo prouehis & ostentas, quasi specimen & exemplar, quæ tibi secta vitæ, quod hominum genus placeat: & ideo non censuram adhuc, non præfecturam morum recepisti: quia tibi beneficiis potiùs, quàm remediis, ingenia nostra experiri placet. & alioquin nescio an plus moribus conferat Princeps, qui bonos esse patitur, quàm qui cogit. Flexibiles quamcumque in partem ducimur à Principe: atque, ut ita dicam, sequaces sumus. huic enim cari, huic probati esse cupimus: quod frustra sperauerunt dissimiles. eoquæ obsequij continuatione peruenimus, ut propè omnes homines vnius moribus viuamus. porrò non tam sinistrè constitutum est, ut qui malum Principem possumus, bonum non possumus imitari. Perge modò Cæsar, & vim effectumquæ censuræ, tuum propositum, tui actus obtinebunt. Nam vita Principis, Censura est: eaquæ perpetua. ad hanc dirigimur, ad hanc conuertimur: nec tam imperio nobis opus est, quàm exemplo. quippe infidelis recti magister est metus. meliùs homines exemplis docentur, quæ in primis hoc in se boni habent, quòd approbant, quæ præcipiunt fieri posse.

VNO AUT ALTERO.] *Augusto, & Tito. NIMIS DIXI.] Corripit se, nec frustra fortasse in Augusto: qui recta aut cerè erecta non nimis amabat. Suos etiam ludis & voluptatibus molliri atque inflecti, in bono tuncque habebat. DELECTAT.] Ex notissimo verbo, Simile auxilium simili. PATIENTIORES.] *Malos & molles, quibus honesti**

*neſſi æquique nec amor, nec cura eſt.* SERVOS.] *Nam mali digniſſimi ſeruitute, & qui meliorum imperiis cœrceantur, aut emendentur.*

HORVM IN SINVM.] *Iuuenaliſ:*

*Criminibus debent hortos, pratoria, menſas.*

PERICVLIS.] *Noti, non niſi per mala ſua, ſiebant.* DIVERſa NATVRA.] *Tiberij dictum eâ mente: Dominum ſe ſervorum, Imperatorem militum eſſe, Principem ceterorum. Princeps igitur, liberorum.* CENSVRAM.] *Vt Claudius, vt Veſpaſianus, Domiſianus.*

PRAEFECTVRAM.] *Quo titulo C. Caſar, ſi memini, uſus. & Auguſtus (in Suetonio) recepit morum & legum regimen perpetuum, ſiue honore Cenſuræ.* BENEFICIIS.] *Leniter ad bona ducere, & benè ſaciendo, potiùs quàm cenſendo, mulctando, puniendo.* ESSE PATITVR.] *Inopinata & mira ſententia: ſed, vt hic multa, ex abdiſis prudentia & natura. Seneca huic aſſertor & interpres, De Clementiâ 1. cap. xxii. Conſtituit bonos mores ciuitati Princeps, & vitia eius faciliùs compeſcit, ſi patiens eorum eſt. non tanquam probet, ſed tanquam inuitus, & cum magno tormento ad caſtigandum veniat.* QVI COGIT.] *Panegyricus Pacati, ad Theodoſium: Vitiis corrigendis curâ adieciſti, idq; moderatè, vt ſuadere potiùs honeſta, quàm cogere videreris.* VNIVS MORIBVS.] *Principi, quem omnes, vt Solem, ſpectant, & ab eo colorantur.* NEC TAM IMPERIO.] *Idem Pacatus: Sic eſt enim, ſic eſt. exaſperat homines imperata correctio, blandiſſimè iubetur exemplo. Plura huic rei ego, in Politicis, lib. ii.* INFIDELIS.] *Simili gnome Tullius: Malus diurnitatis cuſtos, eſt metus.* EXEMPLIS DOCENTVR.] *Fabius: Quantum Græci præceptis valent, tantum Romani (quod eſt maius) exemplis. APPROBANT.] Reoſcendunt.*

ET quis terror valuiffet efficere, quod reuerentia tui effecit? Obrinuit aliquis, vt ſpectaculum pantomimorum populus Ro. tolli pateretur? ſed non obrinuit vt vellet. rogatus es tu, quod cogebat alius: cœpitque eſſe beneficium, quod neceſſitas fuerat. neque enim à te minore concentu, vt tolleres pantomimos; quàm à patre tuo, vt reſtitueret, exactum eſt. Vtrumque rectè. nam & reſtitui oportebat, quos ſuſtuleraſt malus Princeps; & tolli reſtitu-

stitutos. In his enim quæ à malis benè fiunt, hic tenendus est modus, vt appareat auctorem, nō displicuisse factum. Idem ergo populus ille, aliquando scænici Imperatoris spectator & applausor, nunc in pantomimis quoque aduersatur & damnat effæminatas artes, & indecora sæculo studia. Ex quo manifestum est, Principum disciplinam capere etiam vulgus: cū rem, si ab vno fiat, seuerissimam, fecerint omnes. Maeste hac grauitatis gloriâ Cæsar, quâ consecutus es, vt quod antea vis & imperium, nunc mores vocarentur. Castigauerunt vitia sua ipsi, qui castigari merebantur: iidemque emendatores, qui emendandi fuerunt. Itaque nemo de seueritate tuâ queritur, & liberum est queri. Sed cū ita comparatum sit, vt de nullo minùs Principe queratur homines, quàm de quo maximè licet: tamen in sæculo nihil est, quo non omne hominum genus latetur & gaudeat. Boni prouehuntur, mali (qui est tranquillissimus status ciuitatis) nec timent, nec timentur. Mederis erroribus, sed implorantibus: omnibusque, quos bonos facis, hanc astruis laudem, ne coëgisse videaris.

OBTINUIT ALIQUIS.] *Es Tiberius olim, qui histriones Italiæ pepulit: & Nero, qui factiones Pantomimorum vnâ cum ipsis relegauit: & Domitianus denique, qui interdixit histrionibus scænam, intra domum quidem exercendi artem iure concesso. De isto eum sentire, sequentia docent. PANTOMIMORVM.] Qui gestu, & saltatione motuque corporis, omnia exprimunt & imitantur: vnde Græcum nomen. Latini Histriones, & Saltatores, & Gesticulatores reddunt. VT VELLET.] Animo non assensit, et si factis Principi non dissensit. CONCENTV.] Harmonico clamore, vt suprâ notauimus: an hic magis verum Consensu? MALVS.] Domitianus. TOLLI.] A te iterum. AVCTOREM.] Vt Lacedæmonij, qui bonam sententiam ab improbo homine in Senatu dictam, iusserunt à bono iterum dici, eique inscribi: Agellius, & Plutarchus. SCÆNICI.] Neronis. SÆCULO.] Huic tuo virili, & honesto. AB VNO.] Principe.*

NUC MORES.] Seneca: Desinit esse remedio locus, ubi quæ fuerant vitia, mores sunt. Mores autem, id est, perungata iudicia aut facta, & vno verbo, *Sæculum*. IPSI, QVI.] Nempe, ipse populus. Non enim Caius, aut Nero, ut quidam explicat. TAMEN.] Lucretius tum, ex veteri libro, rectè. NEC TIMENT.] Hæcne probas Plini? malos solutos metu esse? Ita, sed nempe magno metu, qui ad res nouas faciliè impellit. Tutius meliusque, ubi iam multi mali, paulatim pati emendare & ad frugem se recipere; quàm acerbis pœnis concitare. Ut in humano corpore vitiosi humores non impetu purgantur, nisi cum periculo: ita in republicâ. Significat igitur, bonis amicum & bonum Traianum fuisse; nec vialis quidem nimis asperum, & meliores exemplo & morâ fecisse.

TIMENTVR.] A bonis, quia vires non habent. IMPLORANTIBVS.] Cum ipsi qui emendandi, volunt emendari. Qui festinat, & qui aliter, quid nisi intempestiuis remediis delicta accendit? NE COEGISSE.] Ita Agricola, apud Tacitum, cum Britannia præfideret, ratissimâ moderatione in maluit videri inuenisse bonos, quàm fecisse. Denique quid in totâ hac re sit, pulchrè Apuleius: Neminem Proconsulem in provincia Africa magis reuerita est, ininûs verita: nullo, nisi tuo, anno ad coercenda peccata plus pudor valuit, quàm timor. Nemo te alius, pari potestate, sæpius profuit, rariûs terruit.

QVI D vitam? quid mores iuuentutis? quam principaliter formas? quem honorem dicendi magistris? quam dignationem sapientiæ doctoribus habes? ut sub te spiritum, & sanguinem, & patriam receperunt studia: quæ priorum temporû immanitas exsiliis puniebat? cum sibi vitiorum omnium conscius Princeps, inimicas vitii artes, non odio magis, quàm reuerentiâ, relegaret. At tu easdem artes in complexu, oculis, auribus habes. præstas enim quæcumque præcipiunt, tantumque eas diligis, quantum ab illis probaris. An quisquam studia humanitatis professus, non cum omnia tua, tum vel in primis laudibus ferat admissionum tuarum facilitatem? Magno quidem animo parens tuus, hanc ante vos Principes arcem, publicarum ædium nomine inscripserat: frustra tamen, nisi adoptasset, qui habitare ut in publicis posset,

Quam

Quàm bene cum titulo isto moribus tuis conuenit? quamque omnia sic facis, tanquam non alius inscripserit? Quod enim forum, quæ templa, tam reſerata? non Capitoliũ, ipſaque illa adoptionis tuæ ſedes, magis publica, magis omnium. Nullæ obices, nulli contumeliarum gradus: ſuperatiſque iam mille liminibus, vltra ſemper aliqua dura & obſtantia. Magna ante te, magna poſt te, iuxta tamen maxima quies. tantum vbique ſilentium, tam altus pudor, vt ad paruos penates & larem anguſtum, ex domo Principis, modæſtiæ & tranquillitatis exempla referantur.

PRINCIPALITER.] Siue, ut decet Principem; ſiue eximie, & ἑξῆς. Habes hanc curam inter principes. DICENDI MAGISTRIS.] Rhetoribus. Victor de Traiano: Eruditiffimos, quamuis ipſe parca eſſet ſcientiæ, moderateque eloquens, diligebat. Et Dio: παιδείας μὴ γὰρ ἀρετῆς οὐδὲν, ὅσην οἱ ἀνθρώποις, ἢ μετέχει, τὸ γὰρ ἰδίῳ ἔργον αὐτῆς ἐδίδασκετο καὶ ἰπποῖσι. Doctrinæ accuratæ, quæ in verbis conſiſtit, particeps non fuit: at quæ præcipiuntur, ea & nouit & fecit. Summa eſt, ſummè doctum in litterariis artibus non fuiſſe; at in Philoſophicis & moralibus, maximè. Quis enim hoc negauerit, qui vel Plutarchum cogitauerit, eius doctorem? Exſtat epiſtola viri, quam miſit ad Traianum iam recenter Principem, digna quæ apud ipſum legatur. SVB TE SPIRITVM.] Hanc laudem & alij tribuunt Traiano. Iuuenalis:

Et ſpes & ratio ſtudioſorum in Cæſare tantum.  
In epiſtoliſ, noſter: Studiis, quæ propè exſtinctæ reſouentur. Argumentum & à viris doctis, quibus animus illud claruit: & à Bibliothecæ Vlpiæ, quam iis liberaliter ſtruxit, atque inſtruxit. ET PATRIAM.] Nam exſulauerant, vt addit. Suetonius de Domitiano: Philoſophos omnes vrbe Italiaque ſubmouit. QVAM REVERENTIA.] Vt Tacitus, in eodem Domitiani ſaculo, nequid vſquam honeſti oculis occurreret. Et qui illud non amant, aut non habent: quomodo has ament, ſama aut infamiæ publicas tubas? PROBARIS.] Nam ſermonibus aut ſcriptis honeſtant & laudant te totum hoc genus. ADMISSIONVM.] Officium erat Palatinum, Ab admiſſionibus, & Admiſſionales: per quos aditus ad Principem erat. Ij ſæpè duri, molles miſeſque ſub mihi hoc Traiano. ANTE VOS.] Te & Nervam. Sententia eſt,  
M 2 Pala-



clusa, nunc spinuorum sanguinem lamberet, nunc se ad clarissimorum ciuium strages cædesq; proferret. Obuersabantur foribus horror & mine, & par metus admisis & exclusis. Ad hæc ipse occursum quoque visuque terribilis. superbia in fronte, ira in oculis, famineus pallor in corpore, in ore impudentia multo rubore suffusa. non adire quisquam, non adloqui audebat, tenebras semper secretumque captantem: nec vnquam ex solitudine suâ prodeuntem, nisi ut solitudinem faceret. Ille tamen, quibus sibi parietibus & muris salutem suam tueri videbatur, dolum secum & insidias, & ultorem scelerum Deum inclusit. dimouit perfregitque custodias pœna, angustosque per aditus & obstructos, non secus ac per apertas fores & inuitantia limina irrupit: longèque tunc illi diuinitas sua, longè arcana illa cubilia sæuique secessus, in quos timore, & superbiâ, & odio hominum, agebatur. Quanto nunc tutior, quanto securiore ad domum, postquam eius non crudelitatis, sed amoris excubiis, non solitudine & claustris, sed ciuium celebritate defenditur? Ecquid ergo discimus experimento, fidissimam esse custodiam, Principis ipsius innocentiam? hæc arx inaccessa, hoc inexpugnabile munimentum, munimento non egere. Frustra se terrore succinxerit, qui septus caritate non fuerit. armis enim arma irritantur.

VT EXPECTAS?] Non excipis solum comiter, sed in limine velut obuium te das: aut certe inuitas, & vacuum te ostentas. QVASI PER OTIUM.] Vulgando te, audiendo, alloquendo, ut solent feriati. VT ALIAS.] Antè, sub malis Principibus. Sed quidam libri, non alij & attoniti: quod magis probo. Id est, non colore vultuque alio, & à prioribus demutantes: ut est facies metus. TARDITATE.] Quasi periclitaturi, si tardè veniremus. Idèd Satyricus: — raptâ properabat abollâ Pegasus. Sic explicant: at mihi rescribi placeat, tardè ad te. Non, inquit, trepidè & cunctanter te adimus: sed hilares & securi, quia libet, & cum libet. SIBI QVEMQVE.] Non tuâ causâ, nec ut velut officium pra-



*stimus: sed in nostram voluptatem, & ut te fruamur.* LVTATIONES TVAS.] Illas solennes & matutinas, quas & Principi ferebant. TACITUS: Cn. Nouius, in cœtu salutantium Principem. FUGA ET VASTITAS.] Quia iussi statim recedere, nec subsistere ibi fas, aut morari. BELLVA.] Seneca: Non, tanquam in alium aliquod aut noxium animal è cubili prosilierit, diffugiunt. PROPINQVORVM.] Nam Flauios Clementem, & Arretinum, patruales suos occidit.

ADMISSIS.] Ne verbo aut gestu offenderent. EXCLUSIS.] Ne iam offendissent. VISVQVE TERRIBILIS.] Tacitus: Cùm tot hominum palloribus demotandis sufficeret sæuus ille vultus. IRA IN OCVLIS.] Nihil Suetonius, tantùm, grandibus oculis fuisse.

ORE IMPVDENTIA.] Tacitus: Rubor, quo se contra pudorem muniebat. Apparebat igitur verecundus, non erat. SECRETVMQVE.] Cotidie horarium, ut Suetonius cap. 111. scribit. etsi male ibi distinctum, quasi inter initia Principatus tantùm. Ille verò assidue hoc fecit: & ea verba ad superius caput ac periodum pertinent, de Tito. Qui legis, attende. SOLITVDINEM.] Occidendo, pellendo. nam ad scru- tiam exercendam prodibat. Non displiceat tamen solitudinem legi, aptâ allusione, & sententiâ veriore. PARIETIBVS.] Quos etiam Phengite lapide distinxit, ut quidquid à tergo fieret, peruideret, insidiarum metu: Suetonius. DOLVM SECVM.] Insidiatores ipsos domesticos, & è cubiculo. ANGVSTOSQVE.] Aedificij ratione tales, an custodum frequentia? LONGEQVE TVNC ILLI.] Latij quidam idiotismus, quo significatur, hoc aut illud nil iuuare aut prodesse. Nam quæ presentia, auxilio esse solent: longinqua, frustra implores. Itaque & Adesse dixerunt, pro iuuare & patrocinari. Illa phrasis, in Virgilio: Longè illi dea mater erit. In Casare: Longè iis fraternum nomen populi Rom. futurum. In Floro: Longè illi triplex murus, totidemque æcces. SÆVIQVE SECESSVS.] Ubi sæua & tristia machinabatur. Tacitus: Quodque sæuæ cogitationis indicium erat, se- creto suo satiatus. POSTQVAM EIVS.] Legendum, postquam ea: aut vocula deest, dominus eius, talis fuit. INEXPVGNABILE.] Seneca: Vnum est inexpugnabile munimentum, amor ciuium. SEPTVS CARITATE.] Ex Cicerone, in Antonium: Caritate & beni- uolentiâ ciuium septum oportet esse, non armis. ARMA ENIM.] Homerus hoc voluit: — ἄρματα τῶν ἀνδραπόδων & — visusque virum trahit ensis.

NUM autem serias tantum partes dierum, in oculis nostris cœtuque, consumis? num remissionibus tuis eadem frequentia, eademque illa socialitas, interest? Non tibi semper in medio cibus, semperque mensa communis? non ex conuictu nostro mutua voluptas? non prouocas reddisque sermones? non ipsum tempus epularum tuarum, cum frugalitas cōtrahat, extendit humanitas? Non enim ante medium diem distentus solitaria cœnâ, spectator adnotatorque conuiuiis tuis immines: nec ieiunis & inanibus plenus ipse cructans, nō tam apponis quàm obijcis cibos, quos dedigneris attingere; ægreque perpeffus superbam illam conuietus simulationem, rursus te ad clandestinam ganeam, occultumque luxum, refers. Ergo non aurum nec argentum, nec exquisita ingenia cœnarum, sed suauitatem tuam iucunditatemque miramur. quibus nulla satietas adest; quando sincera omnia, & vera, & ornata grauitate. Neque enim aut peregrinæ superstitionis mysteria, aut obscœna petulantia mensis Principis oberrat: sed benigna inuitatio, & liberales ioci, & studiorum honor. Inde tibi parcus & breuis somnus, nullumque amore nostri angustius tempus, quàm quod sine nobis agis.

SERIAS TANTVM.] *Matutinas, & meridianas, nam postea exercitiis & curæ corporis se dabant.* REMISSIONIBVS TVIS.] *Dio Cassius, super istis: Αναπτὸς μὴ πᾶσι, φοβερὸς δὲ παντὶ, πρὸς πολέμους, καὶ γὰρ θῆρας, καὶ συμποσίαι, ἔργων τε καὶ βελούμαται, σκαυμάτων τε συμμιγῆσι σφίσι, καὶ πολλὰς αὖ τίς τερψιζῶντο: Amabilis omnibus, nulli, præterquam hostibus, formidandus. Venationibus, conuiuiis, deliberationibus actionibusque amicorum intererat, atque etiam iocis & dicteriis: & sæpe vel quartus vehebatur. Eutropius planè eadem: Gloriam militarem ciuilitate & moderatione superauit: Romæ, & per prouincias, æqualem se omnibus exhibens: amicos salutandi causâ frequentans, vel ægrotantes, vel cum festos dies habuissent. Conuiuia cum iisdem indiscreta vicissim habens: sæpe in vehiculis*

hiculis eorum sedens : nullum Senatorum lædens. *Atque hic quod de Vehiculis ait, consonat & explicat illud Dionis, quattuor vectum esse, id est cum pluribus : etsi Principes & magnates soli ferre solerent.*

PROVOCAS.] *Suetonius, de Augusto: Cœnam præbebat, ut non nimio sumptu, ita summâ comitate. Nam & ad comunionein sermonis tacentes, vel submissim fabulantes, prouocabat.* FRUGALITAS.] *Hoc & in epistolis adserit lib. vi. ep. xxxi. Adhibebamur cottidie cœnæ. erat inodica, si Principem cogites. interdum acroamata audiebamus, interdum iucundissimis sermonibus nox ducebatur. Nota in noctem ducta, quod hic est, Extensa fuisse.* ANTE MEDIVM.] *Vt Domitianus, de quo Suetonius : Lauabat de die, prandebatque ad satietatem : ut non temerè super cœnam, præter Matianum in alium, & modicâ (sic lego) in ampullâ potiunculam fumeret.* SOLITARIA.] *Ipsam illud plenum prandium, cœnam appellat : quia eius loco.* ADNOTATORQVE.] *Quid dicant, edant, bibant, innuant.* IMMINES.] *Auide spectando. Catullus: Vir tuus, Tyrio in toro, Totus imminet tibi.* ERUCTANS.] *Aptius videbatur, iructans: quasi in os vis ructans.* ARGENTVM.] *Ministeriale, scitum & multiplex.* ORNATA.] *Nescio quid subolet vel vitij, vel defectus. An fuit, ornata comi grauitate?* PEREGRINAE.] *Referunt ad sacerdotes, quos in monte Albano instituit. Sed cur ea peregrina superstitio: aut quid ad mensas? Malim accipere Iliacos, Bellerarios, Gallos matris dœum, qui cum cœtu aut choro demos & conuiuia solent irrumperè. Iuuenalis Sat. vi. dicet, & describet. An & de ludæis vis accipi?* OBSCAENA.] *Psaltriam, cinædorum, puellarum à Gadibus: de quibus scriptores sparsim.* OBERRAT.] *Plinius lib. ix. epist. xvii. Querere tibi tædio fuisse quamuis lautissimam cœnâ, quod scurræ, cinædi, moriones mensis inerrabant.* INVITATIO.] *Ad loquendum, edendum, an & bibendum? ita, ex ingenio Traiani. Nam vini cupidiorum fuisse Dio notat : & Spartianus, Hadrianum vino indulgisse, Traiani moribus obsequente. Id maxime scilicet, & quasi sollemniter, post secundam mensam. Lampridius in Alexandro: Cùm militares amicos habuisset, ut suum Traiani, quem ille post secundam mensam potandi usque ad pocula instituerat, referuaret, vnum tantum poculum exhibebat in honorem Alexandri Magni. Numerus poculorum deest, & video quosdam legisse, usque ad quinque pocula. Si è libris, bene est: si à sese, malim ego, usque ad po-*  
cula

cula III. qui numerus ex initialibus litteris vocis sequentis. Vinofus igitur aliquantulum Traianus: sed & viri alij magni, cum excusatione iussissimâ, ad diluendas curas. De quo Seneca in extremo De Tranquill. videndus. Eutropius & cautionem eius in vino suggerit: Vinolentiam, quo vitio, ut Nerua, tangebatur, prudentiâ molliuerat, curari vetans iussa post longiores epulas. **STVDIORVM.**] De quibus sermo. Nec enim librum lectum super mensam arbitror: etsi id quoque viri magni, & in dignitate, tunc faciebant. Alij comœdum aut lyristen audiebant, iucundo fruens. Plinius lib III. de Spurinnâ: Frequenter comœdis cœna distinguitur, ut voluptates quoque studiis condiantur. At Traiani sermones, Philosophici fuerunt, aut Politici: nec ambigo.

**BREVIS SOMNVS.**] Ex Homérico praecepto:

Οὐ χρεὶν πᾶσι γὰρ ἴδμεν βυλνπόμεν ἀνδρά:

Dedecus est totam rectorem stertere noctem.

**S E D.** cum rebus tuis ut participes perfruamur, quæ habemus ipsi, quam propria, quam nostra sunt? Non enim exturbatis prioribus dominis, omne stagnum, omnem lacum, omnem etiam saltum, immensâ possessione circumuenis: nec vnus oculus flumina, fontes, maria deseruiunt. Et quid Cæsar non suum videat? tandemque imperium Principis, quam patrimonium maius est. multa enim ex patrimonio refert in imperium, quæ priores Principes occupabant, non ut ipsi fruerentur, sed ne quis alius. Ergo in vestigia sedesque nobilium immigrant pares domini, nec iam clarissimorum virorum receptacula habitatore seruo teruntur, aut fœdâ vastitate procumbunt. Datur intueri pulcherrimas ædes, deteriso situ, auctas ac vigentes. Magnum hoc tuum non erga homines modò, sed erga recta ipsa meritum, sistere ruinas, solitudinem pellere, ingentia opera, eodem quo exstructa sunt animo, ab interitu vindicare. Muta quidem illa & animâ carentia: sentire tamen & lætari videntur, quòd niteant, quòd frequententur, quòd aliquando cœperint esse donum scientis. Circumfertur, sub nomine Cæsaris, tabula

N.

ingens

ingens rerum venalium. quò sit detestanda avaritia illius, qui tam multa concupiscebat: cùm haberet superuacua tam multa. tamen exitialis erat apud Principem, huic laxior domus, illi amœnior villa. Nunc Princeps in hac eadem dominòs quærit, ipse inducit, ipsos illos magni aliquando Imperatoris hortos, illud nunquam nisi Cæsaris suburbanum, licemur, emimus, implemus. Tanta benignitas Principis, tanta securitas temporum est, ut ille nos Principalibus rebus existimet dignos, nos non timeamus, quòd digni esse videmur. Nec verò emendi tantum ciuibz tuis copiam præbes, sed amœnissima quæque largiris & donas. Ita inquam, donas in quæ electus, in quæ adoptatus es: transfers quod iudicio accepisti, ac nihil magis tuum credis, quàm quod per amicos habes.

OMNE STAGNUM.] Loquitur de villis priorum Principum, quæ ea specie immensum agrorum tractum decupabant. FLYMINA.] Quid mirum? cùm tunc opes priuata ita magnæ, ut flumina haberent in suo orientia & cadentia. Seneca epist. LXXXIX. Illustrium fluminum per priuatim decursus, & amnes magni, magnarumque gentium termini, vsque ad ostium à fonte, vestri sunt: & plura huic rei vix credenda & admiranda, quæ subiungit. Ideoque & in Admirandis dixi lib. II. cap. vlt. Non audio, qui hæc ad Neronis domum referunt: planissimè contra Plinij verba & mentem. TANDEMQUE IMPERIVM.] Quasi olim Principum possessiones per totum imperium sparse, & illi panè æquales. Nam errant, qui in alium hæc sensum trahunt. quasi idèd maius imperium, quia ciues dicto audientes sunt. Nuge.

PARES DOMINI.] Item nobiles. RECEPTACULA.] Villæ & Prætoria olim illustrium. SERVO.] Qui villicus ibi vel Aëlor sit.

VASTITATE.] Desolata, nec culta. Sed unde, inquires, tam multa hæc ad Principem? Ex iniquis damnationibus cadibusque nobilium, quorum bona ad fiscum. AVCTAS.] Restitutas. nisi cui arridet, lautas.

EODEM.] Magno, & locorum amante. DONVM SCIENTIS.] Libris aliis, domui non seruientis: id esset quod suprà dixit, non habitatore seruo teruntur. Ego negationem reiecerim, scribamque, domini

mini fruentis. TABVLA.] *Villarum fundorumque venalium, qui Principis fuissent. Nam Nerva iamantè vendiderat (in Dione) pecuniæ egens, vestes, vasa, supellectilem, & quidquid non necessarium in Aulâ esset. At Traianus igitur ex ipso patrimonio Principis imminuit: quod immensum creuerat. QVO SIT.] Odor hiatum aliquem, sed leuem. ILLIVS.] Domitiani palam. malè qui ad Nerone[m] trahunt.*

AMOENIOR VILLA.] *Simile in Triumvrali proscriptione Appianus notat, & quendam conspecto nomine suo in Tabulâ, exclamasse; Heu, villa Albana me perdidit! QVAERIT.] Publicâ venditione. MAGNI.] Veteris alicuius Luculli, Pompeij, aut similis.*

NVNQVAM NISI.] *Affidue possessum Caesaribus. Talia autem multa, nec opus ad vnum Albanum Domitiani confugere. IMPLEVVS.] Nostris rebus, seruis, nobis ipsis. ITA INQVAM.] Fortasse, Ista: tua nepe propria, & in qua, ut heres, Nerva successisti. PER AMICOS.] Regis illius nota vox, Vbi thesauri? amicos offendentis.*

IDE[m] tam parcus in ædificando, quàm diligens in tuendo. Itaque non vt antè, immanium transuersione saxorum vrbs tecta quatiuntur: stant securæ domus, nec iam templa nutantia. Satis est tibi nimiumque, cum successeris frugalissimo Principi, magis reuicere aliquid & amputare ex his, quæ Princeps tanquam necessaria reliquit. Præterea pater tuus vsibus suis detrahebât, quæ fortuna imperij dederat, tutius quod pater. At quàm magnificus in publicum es? hinc porticus, inde delubra occultâ celeritate properantur, vt non consummata, sed tantùm commutata videantur. Hic immensum latus Circi templorum pulchritudinem pronocat, digna populo victore gentium sedes, nec minùs ipsa visenda, quàm quæ ex illâ spectabuntur. visenda autem, cum cæterâ specie, tum quòd æquatus plebis, ac Principis locus. Siquidem per omne spatium vna facies, omnia continua & paria, nec magis proprius spectandi Cæsaris suggestus, quàm propria quæ spectet. Licebit ergo ciuib[us] tuis inuicem conueneri, dabitur non cubiculum Principis, sed ipsum Prin-

cipem cernere, in publico, in populo sedentem: populo, cui locorum quinque millia adiecisti. auxeras enim numerum eius congiarij facilitate, maioremq; in posterum suscipi liberalitatis tue fide iusseras.

**ÆDIFICANDO.]** Priuatim scilicet, & in tuos usus. nam publicè contrà, ut subdet. **VT ANTE.]** Sub Domitiano, aulam illam suam Parrhasiam ædificante. **SAXORVM.]** Columnarum, obeliscorum. *luuianalis satyrà 111.*

Nam si procubuit qui saxa Ligustica portat  
Axis, & euersum fudit super agmina montem,  
Quid superest de corporibus?

*Seneca in Epistolis:* In hunc usum pinus aut abies deferrebat, longo vehiculorum ordine, vicis intermentibus? **TVTIVS QVOD.]** Olim emendauius & scripto comunicauimus cum amico: tu tuis, quod pater. Ille detraxit sibi ab imperio relicta, tu magis propriè tua, quæ à patre: id est Nervi. **IN PVBLICVM.]** Multa enim publicè ædificauit, aut reparauit. *Entropius magnificè de illo:* Orbein terrarum ædificasse. *Victor:* Castra suspicionibus atque opportunis locis exstructa, ponsq; Danubio impositus, ac deductæ coloniarum pleræque. Ad hoc, Romæ à Domitiano cœpta fora, atque alia multa, plusquam magnificè coluit ornauitq; *Sed & Dio Cassius,* exstruxisse plurima, & maxime necessaria in viis, portibus, publicis edificiis. *Exstant hodieque aliqua. in primis vestigia admirandi illius in Danubio pontis, super humana ingenia atque opes. Item alter egregius in Hispaniâ, quem Alcantarè vocant, Tago impositus: & plura, monumenta vere laudis. Quà diuerso tamen carpsit & libauit, qui Herba parietariam Traianum dixit, quod nomen ubiq; inscriberet operibus vel nouis, vel nouatis. Quid mali? faciant alij Principes: faciant, & inscribât.* **PORTICVS.]** Quæ, nescio. nec tamen suspicioni Catauæi accedo. *Portus suggestenti. Nam hæc de ipsâ vrbe.* **CONSUMMATA.]** Nouâ structione.

**COMMVTATA.]** Reparatione. **IMMENSVM.]** Sæuè immensum, & longitudine stadiorum trium, ut Plinius scribit, latitudine vnius. **SPECTABVNTVR.]** Circenses siue curules ludi in primis: sed etiam Gladiatores, Venationes, & omne genus solet interim hîc dari.

**SYGGESTVS.]** Editior locus, in quo ipse spectet. Cui honori origo à Iulio Cesare, quem Suetonius notat, inter numeros honores, recepisse Suggestum



gestum in orchestra. Vide me De Amphitheatro, cap. xi. **TVRICVLVM**] ubi velut clausus, tutusque ab iniuriâ cali sedebat. Populariter Traianus hoc struxit, & spectauit ipse, spectatusque est. **QUINQUE MILLIA.**] Hic numerus mihi suspectus, & minutus est. Quid magni, ubi tot millia, quinque dumtaxat adiecisse? At enim suprà dixit: quinque millia ingenuorum conquisita. Ita, sed ad alendum (quod aliud valdè est) non ad spectandum. Denique illi ingenui; spectant verò & libertini. Moueor etiam, quòd in Plinio legam, Circum à Cæsare Dictatore structum, ad sedem CCLX. millium. At postea, in Velleore, cepisse scribitur loca CCLXXXV. millia: siue ut verius in Notitiâ imperij, & integris vocibus perscriptum, quadringenta octogintaquinque. Igitur post Cæsarem, surpicer sanè ei adiectum, & panè duplum. Ac fateor alios Principes potuisse augere, sed publica testimonia inclinant eximium aliquid Traianum patrasse. Basis Romæ exstat huic inscripta: **TRIBVS. XXXV. QVOD. LIBERALITATE. OPTIMI. PRINCIPIS. COMMODA. EARVM. ETIAM. LOCORVM. ADIECTIONE AMPLIATA. SINT.** Et sic ea posita in Consulatu eius v. diutulè post ipsum factum: dum decernitur, dum paratur statua, vt solet. In Dionis etiam compendio: *ἔτιω γάρ πῦρ καὶ μεγαλοῦρον καὶ μεγαλοστομίῳ ἔφθ, ὅτε καὶ τὰς ἐπιποδρόμους ἐπὶ τῆς ἀψίδος, ὅτι ἐξαρκοῦνται αὐτοῖς τὰς τῶν ῥωμαίων δὴμιον ἐποίσσας, ἐπὶ δὲ διαφθαρτέα πῃ καὶ μᾶλλον καὶ περὶ μαλλόντων ἐξυργασατο:* Adeò autem & magni animi & conceptus erat, vt Circo inscripserit, Quòd capacem populi Romani struxisset: quia scilicet corruptum, & maiorem, & elegantiorē fecerat. Ex his, talibusque inclino legere: quinquaginta millium, aut vltra, si quis philoromaios velit. Ad hanc autem Circi reparationem Suetonij illa spectant, Domitiani cap. v. Fecit Odeum, & Naumachiam. è cuius postea lapide maximus Circus, deustis vtrinq̃ue lateribus, exstructus est. Postea, nempe à Traiano. **MAIOREMQUE.**] Ergo non ad solum illud augmentum quinque millium amplitudo accommodata.

**HORVM** vnum si prætstitisset alius, illi iam dudum radiatum caput, & media inter deos sedes, auro staret, aut ebore, augustioribusque aris, & grandioribus victimis, inuocaretur. Tu delubra non nisi adoraturus intras, tibi maximus honor excubare pro templis, postibusque præteti. Sic fit vt dei summum inter homines fastigium ser-

ties, cum deorum ipse non adeptus. Itaque tuam statuam in vestibulo Iouis optimi maximi vnam alteramve, & hanc æream cernimus: at paullo ante aditus omnes, omnes gradus, totaque area, hinc auro, hinc argento relucebat, seu potius polluebatur: cum incesti Principis statuis permixta deorum simulachra sorderent. Ergo istæ quidem æræ & paucæ manent, manebuntque; quamdiu templum ipsum: illæ autem aureæ & innumerabiles, strage & ruinâ, publico gaudio litauerunt. Iuuabat illidere solo superbissimos vultus, instare ferro, scuire securibus, ut si singulos ictus sanguis dolorque sequeretur. Nemo tam temperans gaudij seræque lætitiæ, quin instar vltionis videretur, cernere laceros artus, truncata membra, postremo truces horrendasque imagines abiectas excoctasque flammis: ut ex illo terrore & minis, in usum hominum ac voluptates, ignibus mutarentur. Simili reuerentiâ Cæsar, non apud Genium tuum bonitati tuæ gratias agi, sed apud numen Iouis optimi maximi pateris: illi debere nos quidquid debeamus, illius quod bene facias muneris esse, qui te dedit. Antè quidem ingentes hostiarum greges per Capitolinum iter magnâ sui parte velut intercepti diuertere viâ cogeabantur: cum sæuissimi domini atrocissima effigies, tanto victimarum cruore coleretur, quâ tum ipse humani sanguinis profundebat.

RADIATVM.] *Qui habitus Deorum, aut Diuorum. Lucanus:*

Fulminibus manes, radiis ornabit, & astris.

*Nam hæc insignia Principibus consecratis apposita, ut Nummi etiam docent. ET MEDIA.] Honoris causâ, vel mixtus Diis; vel etiam inter*

*duos medius. Ut Caligula inter fratres Deos (Castores) medium se adorandum aduentibus exhibuit. SEDES.] Nam Iupiter, & isti*

*maiorum gentium, sedentes sæpe pingebantur. GRANDIORIBVS.] Nam Hostia duplices, Maiores Minoresque: atque ille diis maioribus.*

ADORATVRVS.] *Non adorandus ibi in statuâ. EXCVBARE.]*

*Cum vice custodis aut satellitis, statua tuæ ponuntur in vestibulis templorum:*

plorum: ac non in ipsis. **PRAETEXI.]** Apponi, vel opponi ianuarum postibus: quod decorè solet. **DEI SVMMVM.]** Sententia est. ita efficitur, ut dii colantur, ut decet, ab hominibus, summumque sibi honorem vindicent: quia ipse non te is miscet, & sacros sanctosque profanas. Hæc, inquam, è verbis istis sententia. sed quæ ego leuiter refingam: letues, cum Deorum ipse non adoptes. Eo ipso quòd fugis Deus haberi, pro Deo te habemus, aut certè, vices eius in terris gerente. Tertullianus pro hac sententia, ad Scapulam: Sic enim omnibus maior est (Imperator) dum solo vero Deo minor est. Idem in Apologetico: Ideò Imperator magnus est, quia cælo minor est. Pulchrè etiam Athenienses, inter monoficha, quæ aduentanti Pompeio gratæ abundi scripserant:

Εἰ ὅταν αὖ ἀνέσθῃς, ὅτι τοῦτο εἰς τοὺς:

Quatenus te censes hominem, eatenus nobis es Deus.

**OMNES GRADVS.]** Huius atqui centum gradibus adibat. **HINC AVRO.]** Suetonius, Domitiano: Statuas sibi in Capitolio, non nisi aureas & argenteas, poni permisit: easque ponderis certi. *ut ne paruas scilicet, tam magno Deo.* Eutropius idem. **INCESTI.]** Iulii, Titi fratris filii, compressa, & quam uxorem habebat. **SORDERENT.]** Aliquid faciat pro lectione vulgata supra, Dei summum inter homines fastigium seruent: sed leuiter & aliquid. **INNVMERABILES.]** Nec enim in vrbe tantum, sed totus orbis, ait Dio, statuis eius post victos, ut aiebat, Dacos impletus est. **STRAGE ET RVINA.]** Initio à Senatu ipso facto. qui auditâ morte eius (Suetonius) adeò lætatus est, ut scalas etiam inferri, clypeosque & imagines eius eoràm detrahi, & ibidem solo adfligi iuberet. Dio hoc amplius in Nerva: Μῶσις δὲ τὰ ἀρμυρανῶ αὐτοῦ εἰκόνας αὐτοῦ πολλὰ μὴ ἀργυρεῖν, πολλὰ δὲ & χρυσεῖν οὕτω συνελθόντας, καὶ ἐξ αὐτῶν μὲν ἀπὸ χρυμάτων συνελθόν: Odio Domitiani, statuar eius multæ argenteæ, multæ & aureæ, conflatae sunt, atque ingens pecunia ex iis facta. **SECVRIBVS.]** Ita statuas frangebant. Iuuenalis:

— rotas bigarum impacta securis

Cædit, & immeritis franguntur crura caballis.

**SERAEQVE LAET.]** Quæ etsi serò, & diu optata, tamen venit.

**TRVCS.]** An quia superbia in vultu, ira in oculis, ut prædixit? an & in habitum militarem ac minantem, ut triumphales illæ, formata?

**ABIECTAS.]** Siue, obiectas. **SIMILI REVERENTIA.]** Illi, quâ stare inter deos recusas. **GENIVM.]** Singulis hominibus Genium assigna-

assignauit antiquitas : atque is maius & sanctius aliquid ipso homine. Itaque vulgò, per Genium alicuius solent orare, obtestari, iurare. Sed quanto magis Principes quibus etiam modestis, passim statue, aræ, templa, cum inscriptione GENIO. CAESARIS : quod lapides nummiq̃ue docent, & Suetonius in Aug. cap. LX. Hunc ergo colebant, si non ipsum Principem : & Caligula quosdam interfecit ( apud Suetonium ) quòd nunquam per Genium eius deierassent. Minutius Felix : Cæsarium numen inuocant, ad imagines supplicant, Genium, hoc est dæmonem, implorant : & est eis tutius per Iouis Genium peierare, quàm regis. Adde Tertullianum Apolog. cap. XXVIII. APVD NVMEN. ] In Capitolio. MVNERIS. ] Pie, sicut Homerus Odyss. v.

Ζεύς δ' ἀπὸ τῆς ἀνδρῶν οὐλλᾷ τι μὴ δέει τι,

ὅπως καὶ ἐθέλων :

Virtutem Deus in nobis auget minuitq̃ue,  
Vt voluit.

CAPITOLINVM ITER. ] Cùm per forum in Capitolium irent.

INTERCEPTI. ] Abdueti, priusquàm venirent quòd destinati erant.

DIVERTERE. ] Desistere. quòd opinor ad Domitiani statnam, quæ in foro equestris stabat ; Statio curiose descripta.

OMNIA P. C. quæ de aliis Principibus à me aut dicuntur, aut dicta sunt, eò pertinent, vt ostendam quàm longâ cōsuetudine corruptos deprauatosq̃; mores Principatus parens noster reformet & corrigat. alioquin nihil non parum gratè sine comparatione laudatur. Præterea hoc primum erga optimum Imperatorem piorum ciuium officium est, insequi dissimileis. neque enim satis amarint bonos Principes, qui malos satis non oderint. Adice, quòd Imperatoris nostri non aliud amplius ac diffusius meritum est, quàm quòd infectari malos Principes tutum est. An excidit dolori nostro modò vindictus Nero ? permetteret credo famam, vitamq̃ue eius carpi, qui mortem vlciscebatur : nec vt in se dicta interpretaretur, quæ de simillimo dicerentur. Quare ego te Cæsar muneribus omnibus tuis, omnibus comparo, multis antepono, quòd licet nobis & in præteritum de malis Imperato-

peratoribus quotidie vindicari; & futuros sub exemplo præmonere, nullum locum, nullum esse tempus, quo funestorum Principum manes à posterorum execrationibus conquiescant. Quo constantius P. C. & dolores nostros & gaudia perferamus, ingemiscamus illis quæ patiebamur. Simul vtrumque faciendū est, sub bono Principe. Hoc secreta nostra, hoc sermones, hoc ipsæ gratiarum actiones agant, meminerintque sic maximè laudari incolumem Imperatorem, si priores secus meriti, reprehendantur. Nam cum de malo Principe posteri tacent, manifestum est eadem facere præsentem.

COMPARATIONE.] *Quæ, ut Fabius in hac ipsâ re laudationum ait, duplicat materiam, & virtutum vitiorumque non tantum naturam, sed etiam modum tractat.* DOLORI.] *Dolentibus nobis, quid sit ament dolore scribas? esset, cum dolore nostro vindicatus.*

NERO.] *Nam Domitianus Epaphroditum occidit, adiutorem illi in adipiscendâ nece. Ad Suetonium cap. XIII. Domitiani.* EGO TE.] *Illud, te, mihi superfluit: & estne è vobis natum Tr? quod interpretetere, Traiane.*

ET quis iam locus miseræ adulationis manebat, cum laudes Imperatorum ludis etiam & comestationibus celebrarentur, saltarenturque, atque in omne ludibrium effeminatis vocibus, modis, gestibus, frangerentur? Sed illud indignum, quod eodem tempore in Senatu & in scænâ, & histrione & à Consule, laudabantur. Tu procul à tui cultu ludicras artes remouisti. Seria ergo te carmina, honorque æternus Annalium, non hæc brevis & pudenda prædicatio colit: quinetiam tanto maiore consensu in venerationem tui theatra ipsa consurgēt, quanto magis de te scænæ silebunt. Sed quid ego istud admirror, cum eos quoque honores, qui tibi à nobis offeruntur, aut delibare parcissimè, aut omnino soleas recusare? Nihil antè tam vulgare, tam paruum in Senatu agebatur, ut

non laudibus Principum immorarentur, quibuscunque cēlendi necessitas accidisset. De ampliando numero gladiatorum, aut de instituendo collegio fabrorum conluebantur: & quasi prolatis imperij finibus, nunc ingentes arcus, excessurosque templorum fastigium titulos, nunc menses etiam, nec hos singulos, nomini Cæsarum dicabamus. patiebantur illi, & quasi meruissent, lætabantur. At nunc quis nostrum, tanquam oblitus eius de quo refertur, censendi officium Principis honore consumit? Tuæ moderationis hæc laus, constantia nostra, & tibi obsequimur, quod in curiam non ad certamen adulationum, sed ad usum munusque iustitiæ cōuenimus, hanc simplicitati tuæ, veritati que gratiam relaturi, ut te quæ vis velle, quæ non vis nolle credamus. Incipimus inde, desinimus ibi, à quo incipi, in quo desini, sub alio Principe non posset. Nam plerosque ex decretis honoribus & alij non receperunt, nemo antè tantus fuit, ut crederetur noluisse decerni. Quod ego titulis omnibus speciosius reor, quādo non trabibus, aut saxi nomen tuum, sed monumentis æternæ laudis inciditur. Ibit in sæcula, fuisse Principem, cui florenti & incolumi, nunquam nisi modici honores, sæpius nulli decernerentur. Et sanè si velimus cum priorum temporum necessitate certare, vincemur: ingeniosior est enim ad excogitandum simulatio veritate, seruitus libertate, metus amore. Simul cum iampridem nouitas omnis adulatione cōsumpta sit, non alius erga te nouus honor superest, quàm si aliquando de te tacere audeamus.

IMPERATORVM.] *Neronis & Domitiani. Tamen de uno isto hic agi, verius est: atque ita singulariè, Imperatoris scribendum. COM-  
 ESSATIONIBVS.] Olim monui, comissionibus legi posse. Nam eo nomine ludi, & vbi cumque certamen de palma. Tamen posse, non debere. nam Comestrationes retinere licet & tueri, quia comædi, citharædi, &*

id genus in mensâ etiam dabatur. Et qui tñi carmina sibi in laudem Principis, cui hæc placerent? SALTARENTVR.] *A Pantomimis. EFFAEMINATIS.*] Sunt sanè, & quidquid ad histriones. quos idè in molles viros Lilius alibi appellat. A. CONSVLE.] Ipsâ Gratiarum sollemni actione, qualem Plinius nunc habet. ÆTERNVS.] Ita est, scisote hoc Principes. Quos Annalium ille honor honestavit, iam ab orbe condito honesti sunt, & ad desinentem erunt. BREVIS.] Quæ cum voce & plausu perit. Et tamen talem, sunt qui hodie etiam (ô vera fama imperitia!) præ magnâ & diuturnâ petant. PVDENDA.] Ab illis propudis. THEATRA.] Theatricspectatores. CONSVRGENT.] De more Tacitus, aut Fabius in Dialogo: Populus, auditis in theatro Virgilij versibus, surrexit vniuersus, & totè præsentem spectante inque Virgilium veneratus est, sic quasi Augustus. Nota, honor inquam iste (illo ano) serè Principum. ideoque Augustus, Cæsar & Lucius, adhuc prætextatis, assurrectum ab vniuersis in theatro, & à stantibus plausum, grauissimè questus est: quia iuuenes, & quia nimius honos. A NOBIS.] Senatoribus, decreto vel acclamatione. DELIBARE.] Quosdam ex iis decerpere. NECESSITAS.] Quos ordo primo loco sententiam dicere iuberet. nam alij manu, aut pedibus assentiebantur. AMPLIANDO.] Ut plures habere & dare liceret, quàm Sènatuconsultis antè cautum. Nam Principes, coercendo luxui & sanitat, certo numero paria incluserant, & ipsas editiones. Vide me Saturnalium i. cap. xii. FABRORVM.] Iamoltm hæc collegia & corpora artificum: sed sepe abolita, & restituta. Tale sub Domitiano fortasse; aut nouum aliquod etiam adiectū. Nam plura erant, cognominibus distincta ut Fabri Ferrarij, Argentarij, Automatarij, Tignarij, in lipidibus priscis reperiendi. ARCVS.] Fornices triumphales. quos per omnes regiones vrbs sibi struxit. Suetonius Domit. cap. xiiii. EXCESSVROSQVE.] Altitudine super ipsa templa. Nam hoc est, quod ingentes præmisit: & in Suetonio, arcus tantos actor struxit: tantos, ad magnitudinem Describitur vnus talis Martiali, libro viii. epig. lxxv. MENSES.] Duos, Septembrem & Octobrem, à se transnominauit Germanicum & Domitianum: Suetonius, cap. xiiii. Martialis:

Dum Ianus hiemes, Domitianus Autumnos,  
Augustus annis commodabit æstates,  
Dum grande famuli nomen asseret Rhemi  
Germanicarum magna lux Kalendatum.



Adde Macrobius i. Saturn. cap. XII. Tuae moderat.] Quam  
 & in Theodosio Pacatus laudat: Non enim iam cōacta laudatio, &  
 expressæ metu voces, periculum silentij redimunt. Fuerit abierit-  
 que illa tristis facundiae ancillantis necessitas, cum trucei domi-  
 num, auras omnes plausuum publicorum captantem, mendax  
 alientatio titillabat. CONSTANTIA.] Et quæ hic constantia Sena-  
 tus? imò antè docuit, quàm varij & flexiles in omnem partem à Princi-  
 pe essent. Alij libri, constantiae nostrae: ego negatione additâ, non con-  
 stantiae, inclino legere. Tuae, inquit, modestiae hæc laus est, qui renuis: non  
 nostrae constantiae aut grauitatis, qui & antè fecimus, & faciamus nisi  
 nolles. IUSTITIAE.] Vt iusta illic decreta, & vsui publico, faciamus.

VERITATIQUE.] Toti huic rei Epigramma Martialis, lib. X.

Frustrâ blanditiæ venitis ad me,

Attritis miserabiles labellis.

Dicturus Dominum Deumque non sum,

Iam non est locus hac in vrbe vobis.

Non est hic Dominus, sed Imperator,

Sed iustissimus omnium Senator,

Per quem de Stygiâ domo reducta est

Siccis rustica veritas capillis.

NON POSSET.] Quia semper aliquid, extra ordinem, ad honores  
 eorum in sententiâ addendum: vel in fine, in quâ, vel in capite. ALII.]  
 Tiberius, Claudius, Vespasianus: in Tranquillo. TANTVS.] Tam  
 magni animi firmique. NOLVISSE.] Vt non putarent saltem dele-  
 tari eum & tussillari oblatione. TRABIBVS AVT.] Aedificiis, quæ  
 trabibus saxisque constant. Possit & diuisim capi, de Tabulis & Lapi-  
 dibus, in quibus etiam tituli incisi: etsi tabula ista magis arca. MO-  
 NVMENTIS.] Annalibus, & libris. FLORENTI.] Gratiâ, & for-  
 tunâ. INCOLVMI.] Vno, nam mortuos neglegere, facile & tutum  
 est. CERTARE.] Titulis & laudibus. VINCEMYR.] Nam vt  
 Seneca epist. XLV. adulatio amicitiam non imitatur tantum, sed  
 vincit & præterit. INGENIOSIOR.] Vera causa, qui simulant,  
 magis conmittuntur & ingenium intendunt. Idèò delectant nos simulata  
 ira, tristitia, & similia: quæ tamen in respectata, angunt. Vide Plutarchum  
 Quest. Coniun. V. cap. 1. IAMPRIDEM.] Tot nouis Principibus,  
 nouisque honoribus. TACERE.] Pacatus, de Theodosio: Quam  
 promptum laudare Principem, tam tutum siluisse de Principe.

AGE,

AGE, siquando pietas nostra silentium rupit, & ver-  
cundiam tuam vicit, quæ qualiaque decernimus nos, tu  
non recusās? ut appareat, non superbiam & fastidio te am-  
plissimos honores repudiare, qui minores non dedigne-  
ris. Pulchrius hoc Cæsar, quàm si recusares omnes. nam  
recusare omnes, ambitionis; moderationis est, eligere  
parcissimos. Quo temperamento & nobis & ærario pro-  
des: quòd sumptibus eius adhibes modum, ut qui exhau-  
stum non sis innocentium bonis repleturus. Stant igitur  
effigies tuæ, quales olim ob egregia in Remp. merita pri-  
uatis dicabantur: visuntur eadem è materiâ Cæsaris sta-  
tuæ, quâ Brutorum, quâ Camillorum. Nec discrepat  
caussa. illi enim reges hostemque victorem mœnibus de-  
pulerunt: hic regnum ipsum, quæque alia captiuitas gi-  
gnit, arcet ac submouet: sedemque obtinet Principis, ne  
sit domino locus. Ac mihi intuenti sapientiam tuam mi-  
nùs mirum videtur, quòd mortales istos caducosque ti-  
tulos, aut deprecetur, aut temperes. Scis enim vbi vera  
Principis, vbi sempiterna sit gloria: vbi sint honores, in  
quos nihil flâmis, nihil senectuti, nihil successoribus li-  
ceat. Arcus enim & statuas, aras etiam templaque, de-  
molitur & obscurat obliuio, negligit carpitque posteritas:  
contrà contemptor ambitionis, & infinita potestatis  
dõmitor ac frenator animus, ipsâ vetustate florescit, nec  
ab ullis magis laudatur, quàm quibus minimè necesse  
est. Non ergo perpetua Principi fama, quæ inuitum ma-  
net, sed bona concupiscenda est. ea porò non imaginibus  
& statuibus, sed virtute ac meritis prorogatur. Quin-  
etiam leuiora hæc, formam Principis figuramque, non  
aurum melius, vel argentum, quàm fauor hominum ex-  
primit, teneatque: quod quidem prolixè tibi cumulate-  
que contingit, cuius lætissima facies, & amabilis vultus  
in omnium ciuium ore, oculis, animo sedet.

VERECUNDIAM.] *Quæ dedignatur laudes, præferim nimis.*  
*Euripides: Ἀνδρῶν ὅσι ἀγαθὰ, πόρῳ νόμῳ*  
*Μισοῦσι τὰς αἰνέσεις, ἰὺν αἰνέσῃ ἀγῶν:*

Laudati enim viri boni, quodammodo  
 Laudantem odere, laudet ille si nimis.

AMBITIONIS.] *Præposere. & quæ suæ famæ, famam capiat.*

NOBIS.] *Vel quia veros esse patris liberisque, vel quia non periclitamur accusari aut confiscari.* AERARIO.] *Quia è publico statuae,*

*arcus, & talia.* MATERIA.] *Non auro aut argento, sed ære.* BRV-

TORVM.] *M. Iunius Brutus qui reges eiecit, inter illos medios positus in Capitolio fuit, dextrâ gladium tenens. Plutarchus in Bruto.* CAM-

MILLORVM.] *Camilli, qui Gallos Romæ expulit, statua sine tunica in Rostris: Plinius.* REGNUM.] *Vt Brutus.* CAPTIVITAS.]

*Quam Camillus depulit.* DEPRECERIS.] *Prece amolariis.* TEM-

PERES.] *Modicos recipiendo.* VBI.] *In animis hominum, in monu-*

*mentis & predicatione posterorum.* SUCCESSORIBVS.] *Nam & alij Principes aliorum honores aut tollunt, aut minuunt.* DEMOLI-

TUR ET.] *Improprie nec rectè Obliuio dicatur demoliri. Tabescere patitur, & ignorantia sepeliri. Itaque legam, & membrum expleam: demolitur ætas, obscurat obliuio.* CARPITQVE.] *Si non meriti.*

NECESSE.] *Alius Panegyristes imitatur: Neminem inagis laudati Imperatorem decet, quam quem minus necesse est.* AET-

TERNA EST.] *Nam eunt statim in Annales, & capita hæc mundi, mundo ostenduntur.* IMAGINIBVS.] *In clypeis, ex auro, argento,*

*ære: quos solent celeberrimis locis suspendere.* EXPRESSAT.] *In alio Panegyrico: Hic vultus vniuersorum pectoribus infixus est, nec commendatione cæx aut pigmentorum fucis renitet, sed desiderio efflorescit animorum.*

ADNOTASSE vos credo P. C. iamdudum me non cligere quæ referam: propositum est enim mihi Principem laudare, non Principis facta. nam laudabilia multa etiam mali faciunt; ipse laudari, nisi optimus, non potest. Quare non alia maior, Imperator Auguste, gloria tua, quam quòd agentibus tibi gratias nihil velandum est, nihil omittendum est. Quid est enim in Principatu tuo, quod cuiusquam prædicatio vel transilire, vel præteruehi debeat?

debeat? quod momentum, quod inò temporis purctum, aut beneficio sterile, aut vacuum laude? non omnia eiusmodi, vt is optimè te laudasse videatur, qui narrauerit fidelissimè? Quò fit, vt propè in immensum diffundatur oratio mea: & necdum de biennio loquor. Quàm multa dixi de moderatione, & quanto plura adhuc restant? vt illud, quòd secundum Consulatum recepisti, quia Princeps & pater referebat. at postquam ad te imperij summam, & cùm omnium rerum, tum etiam tui potestatem dii transtulerint; tertium Consulatum recusasti; cùm agere tam bonum Consulem posses. Magnum est differre honorem: gloriam maius. Gestum Consulatum mirer, an non receptum? Gestus non in hoc vrbis otio, & intimo sinu pacis: sed iuxta barbaras gentes, vt illi solebant, quibus erat moris, paludamento mutare prætextam, ignotasque terras victoriâ sequi. Pulchrum imperio, gloriosum tibi, cùm te socij atque amici, suâ in patriâ, suis in sedibus adierunt. Decora facies Consulis. multa post sæcula tribunal viridi cespite exstructum, nec fascium tantum, sed pilorum signorumque, honore circumdarum. Augebant maiestatem præsidentis, diuersi postulantium habitus, ac dissonæ voces, raraque sine interprete oratio. Magnificum est ciuibus iura; quid hostibus reddere? speciosum certam fori partem; quid immanes campos sellâ Curuli victorisque vestigio premere? imminere minacibus ripis tutum quietumque; quid spernere barbaros fremitus, hostilemque terrorem, non armorum magis, quàm togarum ostentatione, compescere? Itaque non te apud imagines, sed ipsum præsentem audientemque consalutabant Imperatorem: nomenque quod alij domitis hostibus, tu contemptis merebare.

NON ELIGERE.] Cùm omnia laudanda sint in nostro. PRIN-  
CIPEM.] Ipsum hominem, vndique bonum. OPTIMVS.] Adspicit

ad

ad cognomen Traiani. BENEFICIO STERILE.] *Quæ præcipua laus, & materies virtutis, in Principe. Tui illud innotuit, recordati se nihil eo die benignè fecisse, Amici dicim perdidit: Traiani quæ non maior gloria, nec momentum vacuum à beneficio habentis? Ausonius hunc locum annulatus est: Neque verò vnuin aliquod bonum vno die præstas, sed indulgentias sæculares, per singula horarum momenta multiplicas.* DE BIENNIO.] *Tempus vel hinc liquet Consulatus Plumiani, & dictæ orationis.* SECVNDVM.] *Nam primum Consulatum sub Domitiano gessit, collegâ M. Acilio Glabrione, anno vrbis DCCCXLIII. Hunc secundum, adoptatus à Neruâ, DCCCL. Itaque benè Tacitus, De moribus Germanorum. Cimbrorum arma audita sunt, Cæcilio Metello, ac Papiro Carbone Coss. Ex quo si ad alterum Imp. Traiani Consulatum computemus, ducenti ferinè & decem anni colliguntur. Nam illi Consules, anno vrbis DCXL. TUI POTESTATEM.] *Quia sub patre & Principe Neruâ non esses.* CVM AGERE.] *Melius (me iudice) hæc cum sequenti periodo continuari: reculas. Cum ageretur bonum Consulem posses, magnum est. Nam hoc laudat. iam experimentum tui ceperas & dederas in duplici Consulatu: cum ergo sic pro spe, aut supra spem fuerit, quid renuis tertium, paratâ nouâ segete gloriæ? GESTVM.] *Secundum.* BARBARAS.] *Germanas.* ILLI.] *Veteres Consules.* PALVDAMENTO.] *Qui prætextam Consularem ponebant, & votis nuncupatis, paludati proficiscerantur ad bellum. Paludamentum autem, chlamys (in statuis nummisque Imperatorum apparet) ab humeris dependens, colore cocci, id est sanguinis bellique notâ. Ego De Militiâ, lib. II. Dial. vltimo.* SVA IN TERRA.] *In finibus Germaniæ. intellegit Vbios, Batauos, & limitaneas eas gentes, quæ sociæ potius, quàm subditæ erant: aut dubiæ adhuc fidci.* POST SÆCVLA.] *Vix in Principatu visum.* TRIBVNAL.] *In quo Consul sederet, ius diceret, querelas audiret aut preces.* CESPITE.] *Planè pro more prisco. Nec enim è lapide aut ligno suggestum hunc in castris struebant, sed militari & rudi opere, è terrâ. Notauit & firmavi satis, ad Taciti Annalem I. verbis, Simul aggerunt cespites, construunt tribunal.* FASCIVM.] *Vt in pace, cum lictores apparitoresque tantum circumstabant.* PILORVM.] *Hastarum. Claudianus:***

Dictis antè tamen Princeps confirmat ituros,  
Aggere conspicuus. stat circumfusa iuuentus,  
Nixa hastis, pronasque ferox accomodat aures.

SIGNO-

SIGNORVMQVE.] *Amnianus*: Tribunal inſiſtens, ſignisque  
ambitus & aquilis. Nummi ſape hoc exprimunt, cum verbo, ALLOCV-  
TIO. HONORE.] *Vellem*, horrore. HABITVS.] *In veſte variâ.*

VOCES.] *In linguâ variâ.* INTERPRETE.] *Qui Latine explicaret.*

HOSTIBVS.] *Qui fuiſſent, & recenter tui metu compoſiti ad obſe-  
quiū eſſent.* PARTEM.] *Alij libri, pacē. Ego cum verba video, partem  
verius pronuntiabo. Nam exigua ſori parte ius dicere, conſert cū magnis  
vaſtiſq; illis campi; qui pro ſoro. Si pacē tamen vis: tum ſententia, Pul-  
chrum eſt in togâ Romæ, & togati ius dicere: quid inter ipſa arma, &  
boſtes?* VESTIGIO.] *Pede tuo, victoriſ.* RIPIS.] *Rheni, vel  
Danubij.* TOGARVM.] *Quas in iuriſdictione ſumebant, ſaltem ad-  
uocati, cauſſidici, & id genus. Florus, de Germanis, quibus C. Iunius  
Varus ius dicere tentabat: At illi, vt primū togas, & ſeruiora ar-  
mis iura viderunt.* IMAGINES.] *Nam Principum imagines in ſi-  
gnis, & effigies etiam in caſtris. Atque ad eas exteri ducebantur, & ob-  
ſequij ſignum, venerabantur vel adorabant. Tacitus xv. Annal. Medio  
tribunal, & tribunal effigiem Neronis ſuſtinebat. ad quam pro-  
greſſus Teridates, caſis de more victimis, ſublato capite diade-  
ma imagini ſubiecit. Itaque nota, velut præſentem Imperatorem, in  
tribunali cultum per imaginem fuiſſe.* NOMENQVE.] *Imperatorium.*

CONTEMPTIS.] *Vincere enim poteras, noluiſti.*

HÆC laus acti Conſulatus; illa dilati, quòd adhuc  
initio Principatus, vt iam excuſatus honoribus & exple-  
tus, Conſulatum recuſaſti: quem noui Imperatores de-  
ſtinatum aliis, in ſe transferebāt. Fuit etiam, qui in Prin-  
cipatus ſui fine, Conſulatum quem dederat, ipſe magnā  
ex parte iam geſtum, extorqueret & raperet. Hoc ergo  
honore, quē & incipientes Principes, & deſinentes adeò  
concupiſcunt, vt auferant; tu otioſo ac vacante, priuatis  
ceſſiſti. Inuidioſuſne erat, aut tibi tertius Conſulatus? aut  
Principi primus? nam ſecundum Imperator quidem, ſub  
Imperatore tamen inſiſti: nihilque imputari in eo vel ho-  
nori poteſt, vel exemplo, niſi obſequium. Ita verò, quæ  
ciuitis quinquies atque etiam ſexies Conſules vidit, non  
illos qui exſpirante iam libertate per vim ac tumultum

creabantur, sed quibus sepositis & absentibus, in sua Consulatibus ferebantur; in hac ciuitate tertium Consulatū Princeps generis humani, ut prægrauem, recusasti? Tantone Papiris etiam & Quintis moderatior, Augustus, & Cæsar, & Pater patriæ? At illos resp. ciebat. quid te non eadem Resp.? non Senatus, non Consulatū ipse? qui sibi tuis humeris attolli, & augescere videtur. Non te ad exemplar eius voco, qui continuis Consulatibus fecerat longum quemdam, & sine discrimine annum: hunc te confero, quos certum est, quoties Consules fuerunt, non sibi præstitisse. Erat in Senatu ter Consul, cum tu tertium Consulatū recusabas. Onerosum nescio quid verecundiæ tuæ consensus noster indixerat, ut Princeps totiens Consul esses, quotiens Senator tuus. nimiam modestiam istud, etiam priuatus, recusasses. An Cōsularis viri triumphalisque filius, cum tertio Consul creatur, ascendit? non debitum hoc illi? non vel solā generis claritate promeritum? Contigit ergo priuatis aperire annum, Fastosque referare: & hoc quoque redditæ libertatis indicium fuit, quod Consul alius quā Cæsar esset. Sic exactis regibus cœpit liber annus: sic olim seruitus pulsa, priuata Fastis nomina induxit. Miseros ambitionis, qui ita Consules semper, ut semper Principes erant! quamquam non ambitio magis, quā liuor & malignitas videri potest, omnes annos possidere, summumque illud purpuræ decus, non nisi præceptum præfloratumque transmittere. Tuam verò magnanimitatem, an modestiam, an benignitatem prius mirer? Magnanimitas fuit, expetito semper honore abstinere; modestia, cedere; benignitas, per alios frui.

ACTI.] *Secundū.* DILATI.] *Tertū.* INITIO.] *Nam hæc designatio, & recusatio facta anno senatus.* VT IAM EXCVATVS.] *Tanquam multos, aut diu gestus. id est, vacatio tibi ab honoribus est.*



munis danda. DESTINATVM ALIIS.] Quod Ordo Imp. fecit, quem Tacitus scribit, cum Titiano fratre Consulatu in Kal. Martiis se fecisse: ceteros autem Consulatus, ex Destinatione Neronis aut Galbæ mansisse. Ergo in prioribus mutauit, & designatos locumuit. EVIT ETIAM.] An Nero? de quo Suetonius, cap. XLIII. Consules ante tempus priuauit honore, atque in vtriusque locum solus inuit Consulatum, quasi fatale esset, non posse Gallos debellari, nisi à Consule. IMPVTARI.] Ascribi, & ponere in rationibus honoris gesti. EXEMPLO.] Quod iterasses Consulatum: quia non sponte. NON ILLOS.] Vt C. Marium, qui septies, C. Cæsarem, qui quinque Consules. IN RVRA.] C. Atilium Regulum intellegit, illius Reguli filium, qui capitis occisus quæ à Pœniâ fuit. Huic cognomen Serrano, alij faciunt, & Plinius (lib. XVIII. cap. III.) quod scitentem inuenerunt dati honores. Alij tamen Sarratinum scribunt, quasi T. rium vel Pœnum, quia pater apud eos mortuus. Adde & L. Quinctium Cincinnatum, cui aranti Dictatura delata. Sed tamen hi non toties Consules: itaque dictum est oratorie & ad æmulum, de alijs eiusdem aut & paupertatis. PAPIRIIS.] L. Papius Cursor v. consul fuit: T. autem Cunctius Capitolinus vi. TVIS HVMERIS.] Altior digniorque fieri, te gerente. EIVS.] Domitiani, de quo Suetonius: Consulatus XVII. cepit, quot ante cum nemo. LONGVM.] Nam anni per Consules distingui soliti: cum autem ille vnus semper, videbatur & vnus annus.

HIS TE.] Antiquis. NON SIBI.] Sed reipublicæ. eius causâ, non honoris in se cepisse. TER CONSVL.] Virginius Rufus fuit, sed obiit in Consulatu, Principe Neruâ. Non ergo de illo, an forte de C. Silio capiendum, qui toties item Consul, & tunc viuus? At enim sistit aliquid, quod in Plinii epistola VII. libri III. legitur, ubi mortem huius Silij narrat, & breuiter vitam: Nouissimè, inquit, ita studentibus annis ab vrbe secessit, seque in Campaniâ tenuit: ac ne aduentu quidem noui Principis inde commouit. Magna Cæsaris laus, sub quo hoc liberum fuit, magna illius, qui hac libertate ausus est vi. Inueni-  
ro si in se non commouit, nec in urbem venit: quomodo erat in Senatu, quod Plinius hic affirmat? Dici possit, aliud in Senatu, aliud in Curia esse. In Senatu etiam absens censetur, in Curia non nisi præsens. Sed reuera pars hæc Factorum in suffectis Consulibus tenebrosa, nec acie ingenij (absque monumentis sit facilius illustranda. ONEROSVM.] Ironia.

ETIAM PRIVATVS.] Si nempe Senatus petuisset. PRIVATIS.]

*C. Soffio, & A. Cornelio.* APERIRE ANNUM.] Hoc dicitur, quia non anno isti inibant, & nomina praescribebantur. *Cassiodorus:* Felix à Consule sumat annus auspiciū, portamque dierum tali nomine dicatum tempus introeat. Itaque alibi, Consules dicuntur incohare, & pandere annum: scilicet unā cum Iano, de quo *Ovidius*:

Ergo ubi Iane biceps longuin reseraueris annum.

FASTOSQUE RESERARE.] Causa eadem. quia nouis Fastis praescribuntur. *Ausonius, de Iano*:

— Roma illa, domusque Quirini,

Hoc capite aeternis signat sua nomina Fastis.

Hae autem omnia ad primos & Ordinarios Consules spectant (in quo maior honor:) non ad illos suffectos, à quibus anni auspiciū non erat. *Seneca, De Ira*: Dedit duodecim fasces, sed non fecit Ordinariū consulem. A me numerari voluit annum, sed deest mihi ad sacerdotiū. *LIVOR.*] Ita & *Ausonius* interpretatur, ad *Gratianum*: Scis septem & decem Consulatus Domitiani, quos ille, inuidiā alteros prouehendi, continuando conseruit. *PURPUREAE.*] Quia Consules in togā praetextā, id est cui limbus purpureus adtextus esset. Eadem & aliis magistratibus quidem: sed idē addit suū inuicem decus, quia isti summi inter illos. *PRAECERPTVM.*] Delibatum in iūo anni. Nam *Domitianus* atque alij, annum ferē aperiebant: & tunc sufficiebant.

PER ALIOS.] Quomodo? nam & ipsi nihilominus in Senatū veniebat, & omnia publica munia usurpabat, et si non Consul. Itaque Consulatum quasi gerebat, eoque fruebatur, in aliis. Subibat tamen, an non pati alios, legendum esset.

SED iam tempus est te ipsi Consulatu praestare, ut maiorem eum suscipiendo gerendoque facias. Nam sapius recusare, ambiguam ac potius illam interpretationem habet, tāmquam minorem putes. Tu quidem ut maximum recusasti, sed hoc persuadere nemini poteris, nisi aliquando & non recusaueris. Cum arcus, cum trophaea, cum statuas deprecari; tribuenda est verecundiæ tuæ venia: illa enim sanē tibi dicantur: cum verò postulamus, ut futuros Principes doceas inertiae renunciare, paulisper delicias differre, paulisper & saltem ad breuissimū tempus

pus ex illo felicitatis somno, velut excitatos induere prætextam, quam cum dare possent, occuparint, ascendere curulem quam detineant, esse denique quod concupierunt, nec idèd tantum velle Consules fieri ut fuerint. Gessisti alterum Consulatum, scio: illum exercitibus, illum prouinciis, illum etiam ceteris gentibus poteris imputare, non potes nobis. Audiuius quidem te omne munus Consulis obiisse, sed audiuius. Diceris iustissimus, humanissimus, patientissimus fuisse: sed diceris. æquum est aliquando nos iudicio nostro, nostris oculis, non famæ semper & rumoribus credere. Quousque absentes de absente gaudebimus? liceat experiri, an aliquid superbiæ tibi ille ipse secundus Consulatus attulerit. Multum in commutandis moribus hominum, medius annus valet, in Principum plus. Didicimus quidem, cui virtus aliqua contingat, omnes inesse; cupimus tamen experiri, an nunc quoque una eademque res sit, bonus Consul, & bonus Princeps. Nam præter id quod est arduum, duas, easque summas, simul capere potestates: tum inest utrique nonnulla diuersitas, cum Principem quam dissimilium Consuli deceat.

AMBIGVAM.] *Recuses per modestiam, an per fastum spernas.*

CVM VERO.] *Textus requirit, Nunc vtrò. PRAETEXTAM.] Consularem. OCCVPARINT.] Non passi alios vti. CURVLEM.] Nam Consules in Senatu, sublimiori suggestu, in sella curuli præsidebant. Inde Cassiodoro, Infulæ curules, pro Consulatu; lucretials,*

— summas donare curules, *idem. Et Lucanus:*

Lentulus è celsâ sublimis sede profatur.

Idèd in Plinio hîc, ascendere: & adde, si lubet, notata mihi ad 1111. *Annalem Taciti, in verbis, Consules sede vulgari, per speciem inæstilitiæ, sedentes. DETINEANT.] Nequis alius ascendat. Omnia èd spectant, ut ostendat alios titulo Consules; hunc re fuisse, & fore. ESSE.] Reuera Consules. VT FVERINT.] Dicantur scribanturque fuisse.*

MEDIVS ANNVS.] *Qui iam effluxit à tuo Consulatu. Quid sibi*

vident, quibus tricantur de quinque tantum mensibus, inter Traiani adoptionem & Neruae mortem, nescio in tota re errant nec quidquam hic de illo tempore, sed de Consulatu, ut iam dixi. Certe autem, Kalendis Ianuarii misse secundum Consulatum, deposuisse de more post duos menses: atque ita paullo plus quam annus medius, ad hoc tempus.

DIDICIMVS.] Philosophatur, in dō Stoicissat. quorum hoc dogma: Ταῖς ἀρεταῖς ἀνθρώπων οὐκ ἀλλήλων, καὶ τὸ ἑαυτοῦ ἐχόντα, πᾶσι ἐχόν: Virtutes inter se consequi, & qui vnā habeat, omnes habere. DISSE-MILLIMUM CONSULI.] Trunca sunt. Cuspimiani editio refert. Principem quā simillimum esse priuato, Consulēquē quā dissimillimum deceat. Approbo. Principis laus est. submittere se, & ciuiler gerere: at Consul aliter, attollere se & habitum animosque sumere pro magistratu.

ATQVE ego video proximo anno Consulatus recusandi hanc præcipuam fuisse rationem, quod eum absens gerere non poteras. sed iam vrbi votisque publicis redditus: quid est, in quo magis sis approbaturus, quæ quantaq; fuerint quæ desiderabamus? Parum esset in curiam venias, nisi & conuocas: ut intersis Senatui, nisi & præsidēs: ut censentes audias, nisi & pertogas. Vis illud augustissimum Consulū aliquando tribunal, maiestate suæ reddere? ascende. Vis constare reuerentiā magistratibus, legibus auctoritatē, modestiam petulantibus? adi. Quod enim interesset Reipub. si priuatus esses, Consulē te haberet tantum, an & Senatorē; hoc nunc scito interesse, Principem te habeat tantum, an & Consulē. His tot tantisque rationibus, quanquam multum reluctata verecūdia Principis nostri, tandem tamen cessit. At quemadmodum cessit? non se ut priuatis, sed ut priuatos pares sibi faceret. Recepit enim tertium Consulatum, ut daret. Nouerat moderationem hominum, nouerat pudorem, qui non sustinerēt tertio Consules esse, nisi cum ter Consule. Bellorum istud sociis olim, periculorum consortibus, parcē tamen tribuebatur; quod tu singularibus vi-

ris, ac de te quidem bene ac fortiter præstitisti, sed in togâ meritis. Vriusque curâ, vtriusque vigilantia obstrictus es Cæsar: sed in Principe rarum, ac propè insolitum est, vt se putet obligatum, aut si putet, amet. Debes ergo Cæsar, & soluis. Sed cùm ter Consules facis, non tibi magnus Princeps, sed non ingratus amicus videris. Quin etiam perquâ modica quædam ciuium merita, fortunæ tuæ viribus in maius extollis. efficis chin, vt tantum tibi quisque præstitisse videatur, quantum à te recipit. Quid isti benignitati precer? nisi vt semper obliges, obligeris, incertumque facias, vtrum magis expediat ciuibz tuis debere tibi, an præstitisse.

NON POTERAS.] *Poterat quidem, per exempla. & multi ita Principes, imò priuati: sed inire absentem, gerere, & finire, hoc indecorum, & præter veterum instituta. Non poterat igitur, id est rectè & ex tuâ mente. VOTISQUE.] Quæ sollemniter concepta Fortunæ reduci, aut Ioui ipsi, vt solet. Desiderium autem hoc populi exprimit Martialis libro x. epigr. v. 1.*

Quando erit ille dies, quo campus, & arbor, & omnis

Lucebit Latia cuncta fenestra nura?

Quando morè dulces, longusque à Cæsare puluis?

Totaque Flaminia Roma videnda via?

CONVOCAS.] *Nam hoc officium Consulare, Senatui habere & vocare, cùm opus. Quæ potestas etiam Principi tributa, inter singulares. Tabula de imperio Vespasiani: VTIQUE. EI. SENATVM. HABERE. RELATIONEM. FACERE. LICEAT. ITA. VTI. LICVIT. DIVO. AVGVSTO. PRAESIDES.] In sublimi sella, vt dixi, Senatus rector.*

PERROGAS.] *Nam Consul sententias ordine rogabat, & perrogabat. PETVLANTIBVS.] Alij libri, postulantibus. nec male. nam litigatores & causidici (immodè tuum sepe genus) tribunalia Consulum adibant, vsu petitori. ADI.] Atqui iamantè dixit, ascende. Frigidum schema sit, & malum, audi. magis quidè, si postulantibus legamus.*

CONSVLEM TE.] *Vir doctus hæc ait nugæ esse, nec quemquam Consullem posse esse, qui non Senator. Itaque se rescribere, Consullem habere te, an tantum Senatorcin. Ego subsisto, imò resisto. Nam Plinij*

*verba*

verba examinata ostendunt, comparationem sub hypothesi hanc esse. Sicut veteri rep. si esses, non Consulem te solum appetere vult (et si summa ea dignitas) sed etiam Senatorem, ut in sententiis dicendis utilior resp. esses. ita nunc, et si tu Princeps, id est summa potestas; tamen cupiunt & Consulem, ut in Senatu munia obeas, quæ tam decorè & utiliter potes. Atqui, ait, nemo olim Consul, nisi Senator. Nihil ad rem, ut dem ita esse: quia conditionalis modò est sermo. Sed non do, & priscis temporibus, ante annales leges, etiam iuvenes, nec Senatores, ad Consulatum electi. PRIVATIS.] Ita sub Principibus dicuntur, quicumque non Principes: ipsi etiam magistratus. TER CONSVLE.] Ipso Principe, ne aliter viderentur super eum scandere. SOCIIS.] Vipsanius Agrippa intelligitur, de quo totidem verbis & Seneca apud Tacitum (Annali XIII.) Quorum alter bellorum socius. SINGVLARIBVS.] Alter innotuit M. Cornelius Fronto, oratoriâ laude clarus: quem collegam sibi Traianus assumpsit. Alter qui designatus in Kal. Martius fuit, ignotus nobis: nisi quod Onufrius diuinat de Sex. Pompeio Collegâ. FORTITER.] Sanè vox repetenda, quæ mox subicitur, fortiter meritis præstiti.

AMET.] Princeps potens beneficiorum omnium, ipse extra sortem sapiendi videtur. quid si tamen ceperit, aut cepisse putet? non amat, inquit: id est, odit eos quibus putat se debere. Nam destrui per hæc fortunam suam arbitrantur, (ait quispiam:) & alium auctores, quasi exprobrantes cernuntur. FORTVNÆ TVÆ.] Nam tu magna retribuendo, efficiis ut magna videantur quæ tribuere. DEBERE TIBI.] Acutè, id est, utrum utilius sit nobis, cepisse à te beneficium (quod est debere): an dedisse, quia hoc præsentem mox fructum & remunerationem trahit. Deditse autem, hic est præstitisse.

EQVIDEM illum antiquum Senatum contueri videbar, cum ter Consule assidente, tertio Consulem designatum rogari sententiam cernerem. quanti tunc illi, quantusque tu? Accidit quidem, ut corpora quamlibet ardua & excelsa, procerioribus admota decrescant; item ut altissimæ ciuium dignitates, collatione fastigij tui, quasi deprimantur, quantoque propius ad magnitudinē tuam ascenderint, tantò etiam à suâ descendisse videantur. Illos tamen tu, quanquam non potuisti tibi æquare cum velles,

velles, adeò in edito collocaſti, vt tantum ſuper ceteros, quantum infra te cernerentur. Si vnus tertium Conſulatum eundem in annum, in quem tuum, contuliſſes: ingentis animi ſpecimen haberetur. vt enim felicitatis eſt, quantum velis poſſe; ſic magnitudinis, velle quantum poſſis. Laudandus quidem & ille, qui tertium Conſulatum meruit: ſed magis, ſub quo meruit. Magnus memorandusque, qui tantum præmium cepit: ſed maior, qui capienti dedit. Quid? quòd duos pariter tertio Conſulatu collegas tui ſanctitate decoraſti? vt ſit nemini dubium, hanc tibi præcipuam cauſam fuiſſe extendendi Conſulatus tui, vt duorum Conſulatus amplecteretur, & collegam te vni daret. Vterque nuper Conſulatum alterum geſſerat à patre tuo, id eſt, quanto minùs quàm à te datum: vtriuſque adhuc oculis paullo antè dimiſſi faſces oberrabant: vtriuſque ſolennis ille liكتورum & prænuncijs clamor auribus inſederat: cùm ruruſ curulis, ruruſque purpura. vt olim, cùm hoſtis in proximo, & in ſummum diſcrimen adducta Rẽspub. expertum honoribus viuũ poſceret, non Conſulatus hominibus iſdem, ſed iſdem homines Conſulatibus reddebantur. Tanta tibi benefaciendi vis, vt indulgentiam tuam neceſſitas amuletur. Modò prætextas exuerant, reſumant. modò liكتورes abire iuſſerant, reuocent. modò gratulantes amici receſſerant, reuertantur. Hominiſne iſtud ingenium eſt? hominis poteſtas? renouare gaudia, redintegrare lætitiã, nullamque requiem gratulationis dare: neque alia repetendis Conſulatibus interualla permittere, niſi dum finiuntur? Facias iſta ſemper, nec vnquam in hoc opere, aut animus tuus aut fortuna laſſetur: des quàm plurimis tertios Conſulatus, & cùm plurimis tertios Conſulatus dederis, ſemper tamen plures quibus debeas dare, ſuperſint.



ANTIQUVM.] Ante Principes. cum multis Consulatus sic aucti.  
 ASSIDENTE.] Iuxta tuam sellam. DESIGNATVM.] Pompeium  
 Collegam, ut iam dixi, aut alium. ROGARI.] A te ter Consule. Præter  
 autem rogari solent Consules designati. CVM VELLIS.] Ter Consu-  
 les tecum faciendo. EVMDEM IN ANNUM.] Non etiam menses,  
 quod fecisti. QVANTVM VELIS.] Quod Principi euenit: qui Iupi-  
 ter alter in terris. Seneca in persona eius: Qualem quisque sortem  
 statumque habeat, in mea manu positum est. quid cuique mor-  
 talium Fortuna datum velit, meo ore pronunciat. CETER.] Ca-  
 pax eius, & dignus fuit. COLLEGAS.] Melius, cense apertius, col-  
 legij tui. EXTENDENDA.] Ecce pro more, post duos menses de-  
 buisses cedere Consulatui Traianus: nunc non fecit, sed gessit Consulatuum  
 & produxit in Kal. Maias, atque ita collegam habuit, in Frontonis ab-  
 euntis locum, Pompeium Collegam. VNI DARET.] Imò non uni:  
 siquid ego video. \* PRAENUNCIO CLAMOR.] Quo significant  
 Consules venire, darent locum. Clamor erat, Animaduerte. Suprà, si-  
 lentes quietosque, lictores daxis. NON CONSVLATVS.] Sic in omni  
 munere deberet, non illud hominibus, sed homines ipsi dari. id est, non ut  
 ij per officium auctiores, sed ut illi prospectum cautumque, per ipsos. Simi-  
 lis sententia Seneca scripsit, Consol. ad Heluiam, cap. xiii. Quis M. Ca-  
 tonis ignominiam putet fuisse, duplicem in petitione Præturæ &  
 Consulatus repulsam? ignominia illa Præturæ & Consulatus fuit,  
 quibus ex Catone honor habebatur. NECESSITAS.] Quæ ne-  
 cessitas olim erat, & iubebas Consules saepe eosdem creari, rerum exper-  
 tos: at nunc ea nulla est, sola benignitas tua hoc facit, & inducit. AMV-  
 LETVR.] Imitetur, non quòd illi prius potuerint scire quid Traianus  
 facturum, minùs imitari: sed dictum voluit, Quod tua benignitas facit,  
 hoc idem apud alios necessitas, non tam imitatur, quam paria usurpat.  
 HOMINISNE.] An alicuius dei? DVM FINIUNTVR.] Haud  
 verè omnino. nam annus, & ultra, interfuit: Onusfrum vide. Sed ora-  
 toricè hec dicuntur.

OMNIUM quidem beneficiorum, quæ merentibus  
 tribuuntur, non ad ipsos gaudium magis quam ad simi-  
 les redundat: præcipuè tamen ex horum Consulatu, non  
 ad partem aliquam Senatus, sed ad totum Senatum tan-  
 ta lætitia peruenit, ut eundem honorem omnes sibi &  
 dedisse,



dedisse, & accepisse videantur. Nempe enim hi sunt, quos Senatus, cum publicis sumptibus minuendis optimum quemque præficeret, elegit & quidem primos. Hoc est igitur, hoc est quod penitus illos animo Cæsaris insinua-uit. An parum sæpe experti sumus, hanc esse rerum conditionem, ut Senatus fauor apud Principem aut profit, aut noceat? Nonne paullo antè nihil magis exitiale erat, quàm illa Principis cogitatio? hunc Senatus probat, hic Senatui carus est. Oderat quos nos amaremus, sed & nos quos ille. Nunc inter Principem Senatumque dignissimi cuiusque caritate certatur, demonstramus inuicem, credimus inuicem, quodque maximum amoris mutui signum est, eosdem amamus. Proinde P. C. fauete apertè, diligite constanter. Non iam dissimulandus est amor, ne noceat; non premiendum odium, ne profit. Eadem Cæsar, quæ Senatus, probat improbatque: vos ille præsentis, vos etiam absentes in consilio habet. Tertio Consules fecit, quos vos elegeratis: & fecit hoc ordine, quo electi à vobis erant. Magnus vterque vestrum, siue eosdem maximè diligit, quos seitis vobis esse carissimos; siue illis nomen præfert, quamuis aliquem magis amet. Proposita sunt senioribus præmia, iuuenibus exempla: adèant, frequentent securas tandem ac patentes domos. quisquis probatos Senatui viros suspicit, hic maximè Principem promeretur. sibi enim accrescere putat quod cuique adstruatur: nullamque in eo gloriam ponit, quod sit omnibus maior, nisi maximi fuerint quibus maior est. Persta Cæsar in ista ratione propositi, talesque nos crede, qualis fama cuiusque est. Huic aures, huic oculos intende. ne respexeris clandestinas existimationes, nullisque magis, quàm audientibus insidiantes susurros. Melius omnibus, quàm singulis creditur. singuli enim decipere & decipi possunt: nemo omnes, neminem omnes sefellerrunt.

PUBLICIS SUMPTIBUS.] Quia per Domitianum exhausto erario, par non erat rei Respublica. Itaque factum hoc statim sub Neruâ. de quo Dio: Καὶ πολλὰς οὐκ θυσίας, πολλὰς δὲ ἱπποδρόμους, ἀλλὰς τε πωλὲς θίας κατέλυσε, συνέλθαι ὥς οἷον τε διαπανήματα: Multa sacrificia, multos Circenses, atque alia spectacula, dissoluit & sustulit, contrahens quantum poterat impendia publica. HOC EST.] Talis illa electio, & quod probati Senatus. QVOS ILLE.] Domitianus. nam mali Principes semper Senatum oderant, ne recti bonique præceptorem, & frenum aut obicem consiliis factisque prauis: vicissim autem, & Senatus talem. DEMONSTRAMUS.] Qui digni honore & prouectione sint.

NE PROSIT.] Sensus. non amorem erga bonos iam dissimulens. ut ne apertus, illis noceat apud Principem: non odium erga malos, ne contra prosit. Nam si aperimus hoc odium & reuelamus, eo ipso prouelimus, & iuuamus. quia Princeps malus, quos nos odimus, amat: quos amamus, odit. ELEGERATIS.] Ad publicos sumptus tolerandos. VTERQUE VESTRVM.] Quasi ad Frontonem, & Collegam: quod non probo, nec sententia satis connexa. Quidam libri: Magnus uterque honor vester ex quibus legam, utique honor: ad Senatum. Enimvero, inquit, magnus hic honor, quem Cæsar vobis deseruit. siue & amat, quos vos, siue cum non amat, tamen iudicio vel affectui vestro cedit, & honorat quos ipsi amatis. ADEANT.] In salutationibus, in officiis cultuque alio. ostendant se tales reuereri & amare. Hoc autem in inuidiosum, unò permixtum sub malis, insignem aliquem virum frequentari aut coli. Itaque Seneca, hoc metu. apud Tacitum, instituta prioris vitæ cominuat, prohibet cætus salutantium, vitat comitantes. MAXIMI EVE- RINT.] Aureum item dogma. Tyrannus vilibus & prauis impetare cupit, securitatis causâ; Princeps bonus, optimis & honestissimis. gloria.

QUALIS FAMA.] Quæ publica quidem, raro mentitur. Idcirco Alexander Severus Imp. ubi aliquos voluisset vel Rectores prouinciis dare, vel Præpositos facere, vel Procuratores ordinare, nomina eorum proponebat, hortans populum, ut si quis quid haberet criminis, probaret manifestis rebus. CLANDESTINAS.] Delatorum, aut paucorum, quibus magno suo periculo Principes credunt.

REVERTOR iam ad Consulatum tuum; etsi sunt quedam ad Consulatum quidem pertinentia, ante Consulatum tamen. in primis, quod comitiis tuis interfuisti, candida-

didatus non Consulatus tantum, sed immortalitatis, & gloriæ, & exempli, quod sequeretur boni Principes, mali mirarentur. Vidit te populus R. in illâ vetere potestatis sue sede: perpeſſus es longum illud carmen comitorum, nec iam irridendam moram: Consulque sic factus es, vt vnus ex nobis, quos facis Cōsules. Quotusquisque Principum antecedentium, honorem istum aut Consulatu habuit, aut populo? Non alij marce di somno hesternâq; cœnâ redundantes, comitorum suorum nuncios operiebantur? Alij sanè peruigiles & insomnes, sed intra cubilia sua illis ipsis Consulibus, à quibus Consules renunciabantur, exsilia & cœdendi machinabantur. O praua & infœcia veræ maiestatis ambitio, concupiscere honorẽ quem dedigneris, dedignari quem cōcupieris: cumque ex proximis hortis campum & comitia prospectes, sic ab illis abesse, tanquam Danubio Rhenoque dirimare! A uerſeris tu honori tuo sperata suffragia, renunciarique te Consulem inſuſe contentus, liberæ ciuitati ne simulationem quidem serues? abstineas denique comitiis, abstrusus atque abditus, quasi illic tibi non Consulatus detur, sed abrogetur imperium? Hæc persuasio superbissimis dominis erat, vt sibi viderentur Principes esse desinere; si quid facerent tanquam Senatores. Plerique tamen non tam superbiâ, quam metu quodam submouebantur. An stuprorum sibi incestarumque noctium conscij, auspicia polluere, sacratumque campum nefario auderent contaminare vestigio? non adeò deos hominesque contemplerant, vt in illâ spatiosissimâ sede hominum deorumque, coniectos in se oculos ferre ac perpeti possent. Tibi contrâ, & moderatio tua suaserit, & sanctitas: vt te & religioni deorum, & iudiciis hominum exhiberes. alij Consulatum antè quàm acciperent, tu & dum accipis, meruisti.

REVERTOR.] Nam antè caput ducere de tertio eius Consulatû, apertè. Non ergo audio veterem aliquem codicem, qui PRAEULTOR IM-  
MORTALITATIS.] Metaphora. ut in Tertulliano, de Christianu.  
Candidati eternitatis, & restitutionis. De usdem, Candidati an-  
gelorum: qui honorem locumque ambiens angelorum. VETERE]  
Comitium intelligit, vel ipsa in us Septa. Sedem autem potestatis, idcirco  
quia olim ibi suffragiis magistratus libere creant: leges rogant vel abroga-  
nt, pax & bellum iussit. CARMEN COMIT.] Haud dubie precatus  
præiit in re magnâ ac publicâ, ut in plerisque talibus olim. Et mox ipse  
tanget IRRIDENDAM.] Postquam tu eam passus es, & subisti.

QVOS FACIS.] Ergo Princeps facit Consules: facit, atque ipse desti-  
nat siue designat. Quid igitur de suffragiis Senatus, & Comitibus po-  
puli, quod hic atque infra legas? Respondeo, quod ad Consules ipsos, vide-  
ri rem totam hoc anno à Principibus pependisse: qui nominabant siue de-  
stinabant, hos illosque, in hos & illos menses. Et tamen, ut Patres vide-  
rentur ius aliquod habere, in Senatu proponebantur, atque ibi suffraga-  
bantur: quæ omnia initio anni, aut circâ gesta Tum deinde, quæque paria  
producebantur in Comitium, & dicæ causâ populus coibat ibique enun-  
ciabantur, iurabant, & mox suo quisque mense inibant. Hæc è Plinio se-  
rè, de Consulibus. In Pretoribus, Tribunis, atque aliis plusculum iuris  
Senatus habuit: ad quem à populo comitia translatâ, sub Tiberio. Me vi-  
de, fides, ad 1. Annal. Taciti. HORTIS.] Quibus? Horti Agrippine,  
quos Caius stem coluit, vicini campo Martio: & credam hos intellexisse.  
etsi aliquetiam Caesarum horti propinqui esse potuerunt. NE SIMULA-  
TIONEM.] Ut ipse venias, & ducis causâ populo te sis. INCE-  
STARVMQVE.] De Domitiani incesto, supra. AVSPICIA.] Quia  
comitia non nisi auspiciato habebantur: ut omnis actio cum populo.

SACRATVMQVE.] Marti. SPATIOSISSIMA.] Campus sanè  
magnus, atque adeo Septa in eo comitiorum magna. Ex Ciceronis epi-  
stolâ quadam lib. 1111. ad Atticum colligat: in quâ narrat Casarem de-  
stinasse Septa marimorea facere, eaque excelsâ porticum cingere,  
in ille passuum spatio. Nam è porticu ambiente, vides spatium campum  
includendi. DEORVMQVE.] Quia templa ibi passim: eratque vel  
ornatissima pars (Strabone auctore) totius urbis.

PERACTA erant solennia comitiorum, si Principem  
cogitares, iamque se omnis turba commouerat: cum tu,  
miran-

manantibus cunctis, accedis ad Consulis sellam, adigendum te præbes in verba Principibus ignota, nisi cum iurare cogerent alios. Vides quam necessarium fuit Consulatum non recusare? non putassemus istud facturum te fuisse, si recusasses. Stupeo P. C. necdum satis aut oculis meis, aut auribus credo, atque identidem me, an audierim, an viderim interrogo. Imperator ergo, & Cæsar, & Augustus, Pontifex maximus, iterit antegremium Consulis? seditque Consul, Principe ante se stante: & sedit inturbatus, interritus & tanquam ita fieri soleret? quinetiam sedens præbuit iusiurandum, & ille iuravit. expressit explanauitque verba, quibus caput suum, domum suam, si scilicet fecisset, deorum iræ consecraret. Ingens, Cæsar, & per gloria tua, siue fecerint istud postea Principes, siue non fecerint. Vllane satis prædicatio digna est, idem tertio Cōsulem fecisse, quod primò? idem Principem, quod priuatum? idem Imperatorem, quod sub Imperatore? Nescio iam, nescio pulchriusne sit istud, quod præeunte nullo, an hoc, quod alio præeunte iurasti. In Rōstris quoque, simili religione ipse te legibus subiecasti. legibus Cæsar, quas nemo Principi scripsit. Sed tu nihil amplius vis tibi licere, quam nobis: sic fit, ut nos tibi plus velimus. Quod ego nunc primū audio, nūc primū disco: non est Princeps supra leges, sed leges supra Principem. Idem Cæsari Consuli, quod ceteris non licet: iurat in legem attendentibus diis: nam cui magis quam Cæsari attendant? iurat obseruantibus his, quibus idem iurandum est. non ignarus alioquin, nemini religiosius quod iurauerit custodiendum, quam cuius maximè interest non peierari. itaque & abiturus Consulatu iurasti, te nihil contra leges fecisse. Magnum hoc erat cum promitteres, maius postquam præstiuisti. Iam totiens procedere in Rōstra, in ascensumque illum superbiæ Principum locum terere,

hic

hic suscipere, hic ponere magistratus: quam dignum te, quamque diuersum consuetudine illorum, qui particulis diebus gestum Consulatum, imò non gestum, abieci-  
bant per edictum? Hoc pro concione, pro Rostris, pro iureiurando: scilicet ut primis extrema congruerent; ut-  
que hoc solo intelligerentur ipsi Consules fuisse, quòd alij non fuissent.

COMMOVERAT.] *Abitura, te declarato.* CONSULIS.] *Qui presidebat comitiis.* IN VERBA.] *Sollemnis videlicet iuramenti.* Cassiodorus lib. viii. epist. iiii. de hoc facto, ubi Populo Romano Athalaricus rex scribit: Ecce Traiani vestri, clarum sæculis, reparamus exemplum. Iurat vobis, per quem iuratis; nec potest ab illo quisquam falli, quo inuocato non licet impunè mentiri. ALIOS.] *A se factos Consules.* Nam vetus hoc iuramentum Consulare, & duplex erat. Vnum initio magistratus, de quo hic, cum iurant se leges seruatu-  
ros: alterum cum abirent, iurabantque seruasse. De illo, pauciora testimo-  
nia sunt: sed hoc Liuij in signo, lib. xxxi. C. Valerius Flaccus, quia Fl-  
men Dialis erat, iurare in leges non poterat. magistratum autem  
plus quinque dies, nisi qui in leges iurasset, non licebat gerere.

PRAEUIT.] *Multo melius alij, praeiit: quod sequentia dicunt.* Moris enim, ut sollemniter iurarent, alio verba praeunte. SI SCIEN-  
TER.] *Fortasse, si sciens.* Nam haec iuramenti clausula & sanctio fere  
erat: Si sciens fallo, tum Iupiter dique omnes mihi, in eaque do-  
mum, irati sunt. IRAE CONSECR.] *Plautus Amphitruone.* Si tal-  
lo, tum te fumine Iupiter Quæso, Amphitruoni ut semper iratus  
sies. Brissonius lib. viii. De formulis videtur. PRAEUNTE NVL-  
LO.] *Hoc ad Principes trahendum, non ad verba iuranda.* Captat igitur  
acumen in verbo. & mirum laudandumque, quòd nullo Principum ex-  
emplo praeunte, iurasti: & hoc quoque, quòd alio verba praeunte, quasi  
illo iubente, iurasti. IN ROSTRIS.] *Ergo & hic iterum iuratum:*  
*sed illud à designato Consule, hoc cum iam inisset, primo illo & auspicali*  
*die.* LEGIBVS.] *Verba enim iurandi erant, seruaturum leges.*

PLVS VELIMVS.] *Ambignè, plus licere videlicet: an, plus te nos amemus.* Nam velle alicui *amare*, benè velle & favere significat Lat-  
nis. QVOD EGO.] *Vegeta magis oratio, si Quid ego legas, & in-*  
*terrogando acuas post, dico?* IN LEGEM.] *Palam, in leges.*

OBSER-

**OBSERVANTIBVS.]** Senatoribus, & aliquando Consulibus susur-  
**ris. INTEREST.]** Nam Principum status & salus iuramento nite-  
 batur, quod quotannis, ipsis Kalendis Ianuariis, Senatus præstabat. Scripsi  
 de hoc ritu ad XVI. Annalium, in verba: Principio anni, vitare Thra-  
 scæ: non solumne iusiurandum. Itaque si fides soluitur, labat eorum po-  
 testas. **ABITVRVS.]** Huius moris multa exempla, in Cicerone, Dio-  
 ne, Plutarcho. Bona & prouida institutio, religione iusiurandi incipere  
 magistratum, & finire. **PROMITTERES.]** Initio magistratus: supra.  
**IN ROSTRA.]** Iurandi causa. nam ibi occipiebant magistratum, ibi  
 deponebant: & cum iuramento, ut dixi. **INASCENSVMQVE.]** Mal-  
 lem, inaccessumque. **PAUCVLIS DIEBUS.]** In Domitianum, de  
 quo Tranquillus: Omnes Consulatus patè titulo tenus gessit, nec  
 quemquam ultra Kalendas Maij, plures ad Idus vsque Ianuarias.  
 Si ad Idus, ecce XII. aut XIII. dies. **NON GESTVM.]** Nihil enim  
 publice fecerant, nullæ eius munia obiciant. **EDICTVM.]** Quo publi-  
 cè significabant, se abire eo magistratu, alios sufficere, tales & tales.  
**PRO CONCIONE.]** Quam more prisco habere solent ad Quirites.

NON transiliui Patres Con. Principis nostri Consulâ-  
 tum: sed eundem in locum contuli, quidquid de iure iu-  
 rando dicendum erat: neque enim ut in sterili, ieiunaque  
 materiâ eandem speciem laudis diducere ac spargere, at-  
 que identidem tractare debemus. Illuxerat primus Con-  
 sulatus tui dies, quo tu curiam ingressus, nunc singulos,  
 nunc vniuersos adhortatus es resumere libertatem, ca-  
 pessere quasi communis imperij curas, inuigilare publi-  
 cis vtilitatibus, & insurgere. Omnes ante te eadem ista  
 dixerunt, nemini tamen ante te creditum est. Erant sub  
 oculis naufragia multorum, quos infidiosâ tranquillita-  
 te prouectos, improuisus turbo perculerat. Quod enim  
 tam infidum mare: quàm blanditiæ Principum illorum,  
 quibus tanta leuitas, tanta fraus, ut facilius esset iratos,  
 quàm propitios habere? Te verò, securi & alacres, quò  
 vocas sequimur. iubes esse liberos? erimus. iubes, quæ  
 sentimus, promere in medium? proferemus. Neque enim

R                      adhuc



adhuc ignauia quadam & infito torpore cessauimus: terror & metus, & misera illa ex periculis facta prudentia monebat, vt à rep. (erat autem omnino nulla resp.) oculos, aures, animos auerteremus. At nunc tuâ dexterâ tuis-  
 que promissis freti & innixi, obsepta diutinâ seruitute ora referamus, frænataque tot malis linguam resoluimus. Vis enim tales esse nos, quales iubes: nihilque exhortationibus tuis fucatum, nihil subdolum, denique quod credentem fallere paret, non sine periculo fallentis. neque enim vnquam deceptus est Princeps, nisi qui prius ipse decepit. Equidem hunc parentis publici sensum, cum exhortatione eius, tum pronuntiatione ipsâ perspexisse videtur. Quæ enim illa grauitas sententiarum, quam in affectata veritas verborum, quæ adseueratio in voce, quæ affirmatio in vultu, quanta in oculis, habitu, gestu, toto denique corpore fides? Tenebit ergo semper, quod suaserit: scietque nos, quotiens libertatem quam dedit experiemur, sibi parere. nec verendum est ne incautos putet, si fidelitate temporum constanter vtamur, quos meminit sub malo Principe aliter vixisse.

NON TRANSILIVI.] Oratori se reuocat. quia enim de iuramento duxerat, quod abeuntes præstant: quid ergo? iam abinit? iam de fine, nihil de ipso Consulatu dicis? Dicam, inquit: sed in vnum locum consuli, quod de iuramento dicendū erat. EANDEM SPECIEM.] Vt iurisurandi

INSURGERE.] Animis iterum erectis, quos seruitus depresserat.

OMNES.] Nero etiam, de quo Tacitus initio xlii. Annalium.

NAUFRAGIA.] Opum & vite. INSIDIOSA.] Blandis fallacibusque Principum dictis. PROYECTOS.] Longius in remp. liberiusque se immittentes. FACILIVS.] Friget sententia: animabitur, si legas, felicius. Inopinatum dictum. nam omnes amant volentes habere Principes: at istorum ea fraus vel leuitas, vt iuuaret affligere subito amicos aut propinquos. Spectant in Domitianum, de cuius callidâ inopinateque fixitâ (ita loquitur) Suetonium, sodes, cap. xi. vide, & hæc cape. *ἡμῖν γὰρ οὐκ αὖτεμ πείραν ὅτιναι ἐστὶν, ἀλλὰ πρὸς τοὺς καὶ τὰ κακὰ τοῦτο*: Procul a loue

& ful-



& fulmine. NULLA RESPVBLICA.] *Sed vnus res priuata.*

AVERTEREMVS.] *In quâ nihil honestè, nihil liberè, fas esset dicere, aut facere.* DEXTERA.] *Quam fides cesseram dedisti.* DECEPTVS EST.] *Anobis. neque alios repperit, nisi cum alium ipse se gessit.* EXHORTATIONE.] *Putarem, ex oratione.*

NVNC VPARE vota & pro æternitate imperij & pro salute ciuium, imò pro salute Principum, ac propter illos pro æternitate imperij solebamus. Hæc pro imperio nostro, in quæ sint verba suscepta, operæpretium est adnotare: SI BENE REMP. ET EX UTILITATE OMNIUM REXERIS. Digna vota, quæ semper suscipiantur, semperque soluantur. Egit cum diis, ipso te auctore Cæsar, resp. vt te sospitem incolumemque præstarent. si tu ceteros præstitisses: si contrà, illi quoque à custodiâ tui corporis oculos dimbuerent, teque relinquerent votis, quæ non palàm susciperentur. Alij se superstites reip. optabant, faciebantque: tibi salus tua inuisa est, si non sic cum reip. salute coniuncta. nihil pro te pateris optari, nisi expediat optantibus: omnibusque annis in consiliis de te deos mittis, exisq; vt sententiam suam mutent, si talis esse desieris, qualis electus es. Sed ingenti conscientia Cæsar pacisceris cum diis, vt te si mereberis seruenti cum scias, an merearis, reminesci magis, quàm deos scire. Nonne vobis P. C. hæc diebus ac noctibus agitare secum videtur? Ego quidem in me, si omnium utilitas ita posceret, etiam Præfecti manum armaui: sed ne deorum quidem aut iram, aut negligentiam, deprecor. quæso imò & obtestor, ne vnquam pro me vota resp. inuita suscipiat, aut si susceperit, inuita ne debeat. Capis ergo Cæsar salutis tuæ gloriosissimum fructum, ex consensu deorum. nam cum excipias, vt ita demum te dei seruent, SI BENE REMP. ET EX UTILITATE OMNIUM REXERIS: certus es te benè reimp. gerere, cum seruent. Itaque

securus tibi, & lætus dies erit, qui Principes alios curâ & metu distinebat: cùm suspensi & attoniti, parumq; confisi patientiâ nostrâ, hinc atque inde publicæ seruitutis nuncios exspectarent; ac si fortè aliquos flumina, niues, venti præpedissent, statim hoc illud esse credebant, quod merebantur. nec erat diferimen vllum pauoris: propterea quòd cùm à malo Principe tanquam successor tuncatur, quisquis est dignior, cùm sit nemo non dignior, omnes timentur. Tuam securitatem non mora nunciorum, non litterarum tarditas differt. scis tibi ubiq; iurari: cùm ipse iuraueris omnibus. Nemo hoc sibi nō præstat. amamus quidem te, in quantum mereris: istud tamen non tui facimus amore, sed nostri. nec vnquā illucescat dies, quo pro te nuncupet vota, non vtilitas nostra, sed fides, Cæsar. Turpis tutela Principis, cui potest imputari. Querri libet, quòd in secreta nostra non inquirant Principes, nisi quos odimus. Nam si eadem cura bonis & malis esset; quam vbique admirationem tui, quòd gaudiū exultationemq; deprehenderes? quos omnium cum coniugibus ac liberis, quos etiam cum domesticis aris focusque sermones? scires mollissimis istis auribus parci. & alioquin cùm sint odium amorque contraria, hoc perquam simile habent, quòd ibi intemperantiùs amamus bonos Principes, vbi liberaliùs malos odimus.

VOTA.] *Que tertio Nonas Ianuarias publicè suscipi moris erat, seculâ omnium lætitiâ. De iis scripsi, nec repeto, XVI. Annalium Taciti.*

CIVIVM.] *Aut aliquis ineptam hanc sectionem esse, & fidenter rescribendum Principum. At mihi non probat. & puto Plinium dicere antiqui instituti fuisse, vt vota pro imperio & ciuibz susciperentur; at nunc pro salute Principum. Res sanè ita fuit. & olim Consules Vota nuncupabant. vt Livius XXII. de Varrone: Capitolium, & sollennem votorum nuncupationem, fugisse: quid autem nisi pro rep. & imperio S. P. Q. R.? PRINCIPVM.] *Corrigit dictum, quia illi priores de suâ salute satagebant, securi publicæ. Et alioqui verba ipsa erant de**

**Princeps.** Tacitus 1111. *Annalium* : Pontifices, coruinque exemplo ceteri sacerdotes, cum pro incolumitate Principis vota susciperēt. **Paulus Iuriconsultus** : Post Kalendas Ianuarias, die tertio, pro salute Principis vota suscipiuntur. **Plinius**, in epistolā ad Traianum: Sollenpia vota pro incolumitate tuā, quā publica salus continetur, & suscepiunt Domine, & pariter soluius : precari Deos, ut velint ea semper solui, semperque signari. **SI BENE.**] Clausula est, Traiani iussu addita, ut ex Plinio apparet: clausula, o Deus, egregia, & magno ac salubri illo Principe digna. **RESPUBLICA.**] Quae vota illa suscipit. **NON PALAM.**] Id est, multis noxiisque votis. Nam in tyrannos tacita passim execrationes, mortem & exitum precantium.

**SVPERSTITES.**] Cum perditum eam irent & euersum. **IN CONSILIVM.**] A iudicibus sumptum. qui in consilium à Pratore mittebantur, causā cognitā, sententias laturi. **QUALIS ELECTVS.**] Bonus, utilisque. **INGENTI.**] Egregiis consiliis factisque subnixā. **PACIS CERIS.**] Sub pacto & conditione seruari petis, si merearis.

**PRAEFECTI.**] Factum in signe & immortale tangit : & miror ab Oratore, qui minora diducit, tangi tantum. Dio, Zonaras, Suidas, Victor ita referunt. Cum Praefecto Praetorij gladium traderet, quo accingi cum moris est, strinxit, & nudatum tenens, ait, Cape istum, & si recte impetauero, pro me; sin aliter, contra me vtere. Hic campus, in quo exsultares Plini. decebātne tam auream vocem & sensum, tam arido & prospero sileo stringi tantum? **INVITA.**] Si malē me in eam gesserō. **NE DEBEAT.**] Si vel me mutem, cum iam suscepit **DIES ERIT.**] Placet quod in veteri, exit. **HINC ATQUE INDE.**] Nam in omnibus prouinciis & iurabatur Principi, & vota item fiebant.

**NVNCIOS.**] Quos Praefides aut Proconsules illico mittebant, significantes iurasse, vouisse. In Plinii epistolis ad Traianum, tales istae nuntiationes leguntur. Vide. **IVRAVERIS.**] Vel in Consulatu, vel in ista deorum obsecratione. **SIBI PRAESTAT.**] Suā causā facis, non tuā.

**NON UTILITAS.**] Sensus. numquam sit ille dies, ut vota nostra nuncupemus, solā fide inducī, quam Principibus debemus, sed magis utilitate propriā suā, quam à te capimus. & ideo diuturnum aeternumque, si possit, esse velimus. **CVI POTEST.**] Cui, nempe Principi. hoc argute dicit: Turpis est defensio, aut nuncupatio pro salute eius Principis, cui hanc possis imputare. id est, quam eius causā suscipias, & quam velut beneficium inscribas. At illa tutela pulchra & gloriosa, quam suā causā

*subditi suscipiunt. SECRETA.] Sermones occultos, aut sensus. QVOS  
 ØDIMVS.] Nisi male, nam hi, conscientia suggerente, sciunt malos de se  
 sermones esse. Quid boni? bonos, eadem teste. VBIQVE ADMIR.]  
 Domi, in foro, circulis, conuiuiis. O optabiles fidasque istas primas, super  
 publicas omnes laudationes! Ac Senecam de his affectibus audiamus:  
 Quid pulchrius est, quàm viuere optantibus cunctis, & vota non  
 sub custode nuncupantibus? si paullum valetudo titubauit, non  
 spem hominum excitari, sed metum? nihil esse cuiquam tam pre-  
 ciosum, quod non pro salute præsidis sui commutatum velit? om-  
 ne quod illi euenit, sibi quoque euenire deputer? ARIS FOCIS-  
 QVE.] Apud Lares siue Deos Penates. SERMONES.] Laudes gra-  
 tesque de te dicentium, vota pro te concipientium: MOLLISSIMIS.]  
 Verecundissimis. QVOD IBI.] Domi & in secreto: INTEMPE-  
 RANTIVS.] Vtrumque ibi liberè & effusè, & amor & odium se pro-  
 dit atque erumpit.*

C E P I S T I tamen & affectus nostri, & iudicij, experi-  
 mentum; quantum maximum præsens capere potuisti,  
 illo die, quo sollicitudini pudoriquè candidatorum ita  
 consuluisti, ne vllius gaudium alterius tristitia turbaret.  
 alij cum lætitiâ, alij cum spe recesserunt: multis gratulan-  
 dum, nemo consolandus fuit. Nec idèd' segniùs iuuenes  
 nostros exhortatus es, Consulatum circumirent, Senatu  
 supplicarent: atque ita à Principe sperarent honores, si à  
 Senatu petissent. Quo quidem in loco, si quibus opus ex-  
 emplo, adiceisti, vt te imitarentur. Arduum, Cæsar, exem-  
 plum, & quod imitari non magis quisquam candidato-  
 rum, quàm Principum possit. Quis enim vel vno die re-  
 uerentior Senatus candidatus, quàm tu cum omni vitâ,  
 tum illo ipso tempore, quo iudicas de candidatis? An  
 aliud à te, quàm Senatus reuerentia, obtinuit, vt iuueni-  
 bus clarissimæ gentis, debitum generi honorem, sed an-  
 tequàm deberetur, offerres? Tandem ergo nobilitas non  
 obscuratur, sed illustratur à Principe: tandem illos in-  
 gentium virorum nepotes, illos posteros libertatis, nec  
 terret

terret Cæsar nec pauet. quinimò festinatis honoribus amplificat atque auget, & maioribus suis reddit. siquid vsquam stirpis antiquæ, siquid residuæ claritatis : hoc amplexatur & refouet, & in vsum reip. promit. Sunt in honore hominum, & in honore famæ, magna nomina, ex tenebris obliuionis, indulgentiâ Cæsaris : cuius est, vt nobiles & conferuet, & efficiat.

**DIE QVO.]** Ambigo leuiter, an non hic defectio aliqua; & perierint que de affectus notis. Etsi postea tamen aliquid, sed post hec tardè.

**SOLICITVDINI.]** Dum sit designatio, & dum pendent. **PVDORIQUE.]** Post repulsam. **LAETITIA.]** Quod designat. **CVM SPE.]** Quod designandi. **CONSVLATVM.]** Ineptè cum veteri libro, Senatuin, lego. **PETISSENT.]** Vt is commandaret. **VNO DIE.]** Quo ambit quisque & humiliter petit. **IVDICAS.]** Designas, & eligis, quia nempe sententiâ nostrâ tuam aptas. **GENTIS.]** Magis velum cum libris aliis, clarissimè genitis. **ANTEQVAM.]** Non ad annales leges aut etatem refero, sed quòd in honorem solum nobilitatis eos crearet. Generi eorum hoc das, usque, & quia tali stirpe nati, que meruit, etsi nondum ipsi. **POSTEROS LIBERT.]** Reliquam illam prolem cui liberi, & illorum qui in libertate magni fuerunt : è Castiis, Iunius, Fabiis natos. **TERRET.]** Nam vt ille ait, iam olim monstrum est in nobilitate senectus. **FESTINATIS.]** Etiam ante etatem aut certè maturitatem & merita. **REDDIT.]** Dignos iis facit, titulis & imaginibus suis aequat. **HONORE.]** Ego velim legere, in ore famæ. Sallustius : In ore agens gentibus, populo, ciuitati. Plurcula ego ad III. Histor. Taciti, verbis : Non in ore vulgi agere. **CAESARIS.]** Satis fratre hoc dicitur : videaturque vox deesse, extracta, aut similis.

**EFFICIAT.]** Iure annulorum dato, ingenuos facit, cumulatis honoribus, nobiles.

**PRAEFVERAT** provinciae Quæstor vnus ex candidatis : in quem ea ciuitas amplissima, redditus egregiâ constitutione fundauerat. hoc Senatui allegandum putasti. Cur enim te Principe, qui generis tui claritatem virtute superasti, deterior esset conditio eorum, qui posteros habe-

habere nobiles mererentur, quàm eorum qui parentes habuissent? O te dignum, qui de magistratibus nostris semper hæc nuncies: nec poenis malorum, sed bonorum præmiis, bonos facias! Accensa est iuuentus, crexitque animos ad æmulandum, quod laudari videbat: nec fuit quisquam, quem non hæc cogitatio subiret, cum sciret quidquid à quoque in prouinciis beneficeret, omnia te scire. Vtile est, Cæsar, & salutare Præsidibus prouinciarum, hanc habere fiduciam: paratum esse sanctitati, industriæ suæ, maximū præmium, iudicium Principis, suffragium Principis. Adhuc autem quamlibet sincera rectaque ingenia, & si non detorquebat, hebetabat tamen misera, sed vera reputatio: Vides enim, siquid benè fecero nesciet Cæsar; aut si scierit, testimonium non reddet. Ita eadem illa seu negligentia, seu malignitas Principum, cum malè consultis impunitatem, rectè factis nullū præmium polliceretur: nec illos à crimine, & hos deterrebat à laude. At nunc, si benè aliquis prouinciam rexit, huic quæ sita virtute dignitas offertur. patet enim omnibus honoris & gloriæ campus. ex hoc quisque, quod cupit, petat; & affectus, sibi debeat. Prouinciis quoque in posterum, & iniuriarum metum, & accusandi necessitatem, remisisti. Nam si profuerint quibus gratias egerint, de nullo queri cogentur. & alioquin nihil magis prodest candidato, ad sequentes honores, quàm peractus optimè magistratus. Magistratus magistratu, honore honor petitur. Volo ego qui prouinciam rexit, non tantum codicillos amicorum, nec vrbana coniuratione eblanditas preces: sed decreta coloniarum, decreta ciuitatum alleget. Næ suffragiis consularium virorum, vrbes, populi, gentes inferuntur. efficacissimum pro candidato genus est rogandi, gratias agere.

CANDIDATIS.] *Præture, an Consulatus. IN QVEM EA.] Alius videbit, me hic luscitiosum confiteor, aut cecum. Legerem: inque eâ ciuitatis amplissimæ. Præfuerat provincie, & in eâ reditus ac veltigalia amplissime vnius ciuitatis, pulchrè & prudenter fundauerat. MERERENTVR.] Virtute propriâ. SVFFRAGIVM.] Ad honores.*

VIDES ENIM.] *Et bopæia, quam vocant. SIBI DEBEAT.] Sæc industriæ & virtuti, quam Princeps honoribus remuneratur.*

PROVERINT.] *Si provinciarum iudicia bona & honesta, bonis vsuique fuerint apud Cæsarem: nulla querela expectanda à provincialibus, quia quisque placere iis studebit, & demereri hæc eadem benè agendo: ut Cæsarem amicum habeat, & per eum honores. ET ALIOQVIN.] Iterum cecutio, neque hæc inter se vincit. Lego omnia: & liquebit nihil magis prodesse candidato ad sequentes honores, quàm peractos. Optimè magistratus in magistratu, honore honor petitur. Sententiæ dedi, fortasse & verba. Sciens omnes, inquit, ad futuros honores, priores prodesse: & si ij benè gesti in vrbe aut in prouinciis, gradum ad alios esse.*

CODICILLOS.] *Præstas laudatiunculas. qualis illa Martialis, ad hunc Traianum, lib. xii.*

*Palma regit nostros, mitissime Cæsar, Iberos,*

*Et placido fruitur pax peregrina iugo.*

*Ergo agimus læti tanto pro munere grates,*

*Misisti mores in loca nostra tuos.*

VRBANA CONIVRATIONE.] *Paucorum aliquot ciuium. Quæ in re peccatum sæpe, Thraseas apud Tacitum. xv. Annalium queritur: & censet, ut laus falsa, ac precibus expressa, proinde cohibeatur, quàm malitia, quàm crudelitas. Et decretum mox interpositum: Ne quis ad concilium sociorum referret, agendas apud Senatum Proptætoribus Prouocôsulibus grates, neu quis eâ legatione fungeretur. Et fraudes vetari, bonum est: reuera illa iudicia sperni aut supprimi, non bonum. NAE SVFFRAG.] Assentior Limelio, ut suffragiis: & statim, inserantur. Et si possit etiam legi: Benè suffragiis. CONSVLARIVM.] Qui in Senatu nominant, ac commendant candidatos. Tamen dubito, an non è notis error, veriusque: Clarissimorum virorum, de toto Senatu. Nec enim soli Consulares suffragia dabant.*

*I AM quo ad sensu Senatus, quo gaudio exceptum est, cum candidatis, ut quemque nominaueras, osculo*

S

occur-



occurreres? de nexu quidem in planum, & quasi vnus ex gratulantibus. Te mirer magis, an improbem illos, qui effecerunt, vt istud magnum videretur? cūm vehit affixi curulibus suis, manum tantūm, & hanc cunctanter & pigrè, & imputantibus similes, promerent. Contigit ergo oculis nostris insolita facies, Princeps & candidatus æquales & simul stantes: intueri quæ parem accipientibus honorem, qui dabat. Quod factum tuum à cuncto Senatu, quàm verà acclamatione, celebratum est? TANTO MAIOR, TANTO AVGVSTIOR. Nam cui nihil ad augendum fastigium superest, hic vno modo crescere potest si se ipse submittat, securus magnitudinis suæ. Neq; enim ab vilo periculo fortuna Principum longius abest, quàm ab humilitatis. Mihi quidem non tam humanitas tua, quàm intentio eius admirabilis videbatur. quippe cūm orationi oculos, vocem, manum commodares: vt si alij eadem ista mandasses, omnes comitatis numeros obibas. atque etiam, cūm suffragatorum nomina, honore quo solent, exciperentur: tu quoque inter excipientes eras, & ex ore Principis ille senatorius assensus audiebatur. quod quæ apud Principem perhibere testimonium merentibus gaudebamus, perhibebatur à Principe. Faciebas ergo, cūm diceres, OPTIMOS: nec ipsorum modo vita à te, sed iudicium Senatus comprobabatur: ornari quæ se, non illos magis quos laudabas, latabatur.

NOMINA VERAS.] *Designaueras palam.* OSCVLO.] *Vt solet in gratulatione, & fausta precatione.* DEVEXVS.] *Inclinans, & parvè descendens è tuo tribunali.* Seneca *De Tranquillitate:* Tutores erunt, superbiam detrahendo, & fortunam suam in planum deferendo.

MANVM.] *Superbie, vt antè monui: & vide l. i. Elektorum, cap. proprio De oculis.* IMPVTANTIBVS.] *Quasi beneficium darent eo ipso, quod liceret contingere.* ÆQVALES.] *Hoc mihi placet, & est pro sensu. At libri è amen plerique, equitis, vel equitus simul; habent: vt omnino ceteram fuisse, & candidatus eius, simul stantes. Erant enim candi-*



candidati Cæsaris, & ita in lapidibus nominantur: quos is produceret & commendaret. Nam de candidato equitis, id est, equesstris ordinis (quod quidam suggerunt) alienum, & ineptum est. TANTO MAIOR.] In adhortatione & comprobatione formula. Sic in Seneca, Multoque audire inuult Tanto melior, quàm, Tanto felicior: & alibi in eodẽ.

INTENTIO.] Expressio, cum veritate & acrimonia. ORATIO-  
NI.] Quã gratulabaris honorem candidatis. VOCEM, MANVM.] Seneca, epist. VII. In Senatu candidato vocem & manum coin-  
modate. ALII EADEM.] Priuato, qui tibi obsequeretur. Sed puto  
rectius lectum iri, ut si alius eadem ista mandasset. Tu, inquit, omnia  
ita comiter & benignè faciebas, tanquam si non à te hoc beneficium, sed  
ab alio acceptum gratulareris. Nemo enim nimis gaudet aut exultat in  
eo, quod ipse confert. SUFFRAGATORVM.] Hoc intellegi potest ex  
epistola x. libri I. eiusdem Plinii, ubi rationem hanc comitalem ita  
explicat: Citato nomine candidati, silentium summum. dicebat  
ipse pro se, vitam suam explicabat, testes & laudatores dabat. Ad-  
debat quosdam ex suffragatoribus. illi grauitè & paucis loque-  
bantur. Plus hoc quàm preces proderat. Itaque Suffragatores prodi-  
bant, & loquebantur: apparet quæ cum plausu & favore (ut tunc mores  
ad leuitatem vel adulationem inclinabant) exceptos. Apparet, inquam, vs  
hæc est lectio. quam mihi immutare tamen fuisse animus, ac scribere:  
cùm suffragatores nomina, honore quo solent, exciperent, tu quo-  
que. Ipsi dico Suffragatores nomina excipiebant: quorum nempe candi-  
datorum, qui nomine & ordine (ex verbis iam Plinii) citabantur. Prin-  
ceps igitur ipse, miræ comitate, quasi inter suffragantes laudantesque erat.

OPTIMOS.] Notetur ritus, adhuc inobservatus. Candidati, boni  
vel optimi acclamabantur, ad nomen. Seneca hinc lux, epist. III. Itaque  
verbo illo quasi publico vsus es, & sic amicum dixisti, quomodo  
omnes candidatos viros bonos dicimus. IPSORVM.] Candida-  
torum. Itaque ex his partem est, superiora, vsi dixi, legenda. IUDI-  
CIUM.] Quia, Senatus tales iugerat. ORNARIQUE SE.] Ipsum  
Senatum, cui sic credebas.

NAM quod precatus es, ut illa ipsa ordinatio comitio-  
rum BENE AC FELICITER EVENIRET NOBIS, REIP,  
nonne tibi tale est, ut nos hunc ordinem votorum con-  
uertere debeamus: deos denique obsecrare, ut omnia quæ

facis, quæque facies, prosperè cedant tibi, reip. nobis? vel si brevius sit optandum, ut vni tibi in quo & resp. & nos sumus. Fuit tempus, ac nimium diu fuit, quo alia aduersa, alia secunda, Principi & nobis. nunc communia tibi nobiscum tam lata, quam tristia: nec magis sine te nos esse felices, quam tu sine nobis potes. An si posses, in fine votorum adiecisses, UT ITA PRECIBUS TVIS DII ANNVERENT, SI IUDICIUM NOSTRUM MERERI PERSEVERASSES? Adeò nihil tibi amore civium antiquius, ut antè à nobis, deinde à diis; atque ita ab illis amari velis, si à nobis amaris. Et sanè priorum Principum exitus docuit, ne à diis quidem amari, nisi quos homines ament. arduum erat, has preces tuas laudibus adæquare: adæquavimus tamen. Qui amoris ardor, qui stimuli, quæ faces illas nobis exclamationes subiecerunt? Non nostri, Cæsar, ingenij, sed tuæ virtutis tuorumq; meritorum voces fuerunt: quas nulla vnquam adulatio inuênit, nullus cuiusquam terror expressit. Quem sic timuimus, ut hæc fingeremus? quem sic amauimus, ut hæc fateremur? Nosti necessitatem seruitutis. quando simile aliquid audisti, & quando dixisti? Multa quidem excogitat metus, sed quæ appareant quæ sita ab inuitis. aliud sollicitudinis, aliud securitatis ingenium est; alia tristium inuentio, alia gaudentium: neutrum simulationes expresserint. habent sua verba miseri, sua verba felices: ut quæ iam maximè eadem ab utrisque dicantur.

**ORDINATIO.]** *Sollemnis est vetus illa precatio, quam usurpabas si qui comitiis præerat & moderabatur. Cicero, pro Murenâ: Quæ precatio sum à diis immortalibus, more institutoque maiorum, illo die quo L. Murenam consulem renunciavi, ut ea res mihi, magistratuique meo, populo plebique Romanæ benè atque feliciter eveniret. Et appellat mox Sollemnem comitiuorum precationem. Ordinatio hic igitur, dispositio & creatio magistratuum in hunc annum.*

**NONNE TIBI.]** *Planissimè transpositâ voce legendum: tibi, non-*

ne tale. Nam hæc formula erat, Senatui, reip. mihi *Seſeipſos in eâ conſpiratione ſemper includebant: vſ in Ciceroni illiſ verbis, & alibi. Occurrit hoc Ennii:*

— ca vt mi,

Reiique & fidei, regno, vobiſque Quirites  
Se fortunatim, feliciter, ac benè vortant.

VNI TIBI.] *Infrà: Simplex, cunctaque iſta cõplexum, vnum omnium votum eſt, Salus Principis. Adde Meſſalla verba, in Suetonii Aug. cap. LVIII. FVIT TEMPVS.] Sub malis Principibus.*

ALIA ADVERSA.] *Diffidebant enim. & Princeps Senatum minui vel perire, ipſi Principem optabant. VOTORVM.] Publicorum, de quibus ſuprà: an quæ ipſe Traianus in Senatu nunc concepit? EXITVS.] Violenti, aut ſordi. NOSTI.] Nam & ipſe paullo ante inter ſeruientes. METVS.] Dogma pulcherrimum eſt in Plutarchi Demetrio, Non fidendum honoribus iſtis, qui decemuntur ſic vulgò; Ταῖς δ' αὐτὰς, inquit, καὶ δόξαις καὶ τιμαῖς, καὶ φιλοῖαις: eadem enim & timentes decemunt, & aiñantes. At vnum argumentum eſſe veræ beniuolentiæ, ſi ij quibus dantur, conſeij ſibi ſint, factis & virtute meruiſſe. SIMVLATIONES.] Tibullus:*

— difficile eſt imitari gaudia falſa,

Difficile eſt trifti fingere mente iocum.

Nazarius: Fingit quidem timor gaudium, ſed ita intimos mentis affectus proditor vultus enunciat, vt in ſpeculo frontium imago exſtet animorum. ALITER DICVNTVR.] *Aliâ aſſeruatione, intentione, & vultu.*

TESTIS ipſe eſ, quæ in omnium ore lætitia. non amictus cuiquam, non habitus quem modò extulerat. inde reſultantia vocibus tecta: nihilque tantis clamoribus ſatis clauſum. Quis tunc non è veſtigio ſuo exiluit? quis exiluiſſe ſenſit? Multa fecimus ſponte, plura inſtinctu quodam & imperio. nam gaudio quoque cogēdi vis in eſt. Num ergo modum ei tua ſaltem modieſtia impoſuit? nam quanto magis à te reprimebatur, exarſimus. non contumaciâ Cæſar: ſed vt in tuâ poteſtate eſt, an gaudeamus; ita in quantum, nec in noſtrâ. Comprobaviſti & ipſe

acclamationum nostrarum fidem, lacrymarum tuarum veritate. Vidimus humescentes oculos tuos, demissumque gaudio vultum, tantumque sanguinis in ore, quantum in animo pudoris. Atque hoc magis incensi sumus, ut precaremur, nequando tibi non eadem causa lacrymarum, utque nunquam frontem tuam abstergeres. hoc ipsum, has sedes nos quasi responsuras interrogemus, viderintne vnquam Principis lacrymas? at Senatus saepe viderunt. Onerasti futuros Principes, sed & posteros nostros. nam & hi à Principibus suis exigent, ut eadem audire mereantur: & illi quod non audiant, indignabuntur. Nihil magis possum propriè dicere, quam quod dictum est à cuncto Senatu: O TE FELICEM! quod cum dicemus, non opes tuas, sed animum mirabamur. Est enim demum vera felicitas, felicitate dignum videri. Sed cum multa illo die dicta sunt sapienter & graviter, tum vel in primis, CREDE NOBIS, CREDE TIBI. Magna hoc fiducia nostri, maiore tamen tui diximus. alius enim fortasse alium: ipsum se nemo deceperit. Introspeciat modò vitam, seque quid mereatur interroget. Proinde dabat vocibus nostris fidem apud optimū Principem, quod apud malos detrahebat. quamvis enim faceremus, quæ amantes solent: illi tamen non amari se, credebant sibi. Super hæc precati sumus, ut sic TE AMARENT DIJ, QUEMADMODUM TU NOS. quis hoc aut de se, aut Principi diceret mediocriter amati? Pro nobis ipsis quidem hæc fuit summa votorum: ut nos sic amarent dij, quomodo tu. Estne verū quod inter ista clamauiamus, O NOS FELICES! Quid enim felicius nobis, quibus non iam illud optandum est ut nos diligit Princeps: sed dij, quemadmodum Princeps? Ciuitas religionibus dedita, semperque deorum indulgentiam pie merita, nihil felicitati suæ putat astrui posse, nisi ut dij Cæsarem imitentur.

NON

**NON AMICTVS.]** Mamertinus, Iuliani laudatione : Niuiæ lætitiæ decoris sunt & grauitatis imminores. Illa iactatio togarum, illa exsultatio corporum, nescientibus pænè hominibus exorbitabat. **QVEM MODO.]** Fortè, quem domo. **TECTA.]** Curra.

**TANTIS CLAMORIBVS.]** Pone sexcentos vnà clamantes: & adde Actuarios, & Laticlauios, quibus ius veniendi in Senatum. **IN-  
STINCTV QVODAM.]** Nam animus in gaudio emicans & subsul-  
tans, corpus ignarum & pænè inuitum eò ducit. **TVA POTESTA-  
TE.]** Qui materiem dare potes, non potes. **NEC IN NOSTRA.]**  
Quia à vi gaudiij auferimur, vt à subito torrente. **VERITATE.]** Non  
enim ficta ille, aut expressa. Quid si tamen, vbertate? **DEMISSVM-  
QVE GAUDIO.]** Si sic legas, ad pudorem missum gaudio referendus hic  
gestus. nam ille in laude, quæ titillat & suauiter afficit, vultum tamen  
submatit. At si de gaudio solo; legerem remissumque, id esset, hilarem  
& diffusum gaudio vultum. cuius proprium scilicet dilatare, vnde &  
lætitia: sicut contrahere, & angustare doloris, vnde angor. **VTQVE  
VNQVAM.]** Hac clausula inter mutilas aut corruptas. nam meliores  
libri illud, abstergetes, mox non habent: nec verò eò facit. Quid enim  
absterget? lacrymas? ea in genas delabuntur, non in frontem ascendunt.  
Pudorè, inquit, non solet abstergeri, nec potest: velari in eo frons aut vul-  
tus solet, nec aliter. **HOC IPSVM.]** Pariter corruptum. tentabam,  
hoc templum. Sed profectò defectus est, sine libris non explendus.

**VIDERINTNE VNQVAM.]** Ita, & quidem Augusti ipsius, in  
causâ simili, cùm Pater patriæ dictus. Vide Suetonium, cap. LVIII.

**POSTEROS NOSTROS.]** Senatores, qui post nos erunt. **DI-  
GNYM VIDERI.]** Id est, non est felix, qui in magnâ fortunâ est, sed  
qui habetur & est (ob virtutes) eâ dignus. **CREDE NOBIS.]** Se-  
rè te laudantibus. **CREDE TIBI.]** Cui animus dicit, laude dignum  
esse. **IPSVM SE NEMO.]** Nam simulata virtus alteri imponit, non  
autem simulanti. **DABAT VOCIBVS.]** Quid dabat? nempe, con-  
scientia ipsius Principis, meriti & non meriti testis. **AVT PRINCI-  
PI.]** Malim, Principe, & mox, amante. **PIE MERITA.]** Su-  
spicio, an non pietate fuerit: deprauatum compendii scriptura. Cicero:  
Deorum numine tantum hoc imperium & natum est, & au-  
ctum, & retentum. addit, omnes gentes pietate & religione su-  
peratas.

SED

Sed quid singula confector & colligo? quasi verò aut oratione complecti, aut memoriâ consequi possim, quæ vos P. C. ne qua interciperet obliuio, & in publica acta mittenda, & incidenda in ære censuistis. Antè, orationes Principum tantùm, eiusmodi genere monumentorum mandari æternitati solebant: acclamationes quidem nostræ parietibus curiæ claudiebantur. Erant enim, quibus nec Senatus gloriari, nec Princeps possent. Has verò, & in vulgus exire, & posteris prodi, cùm ex utilitate, tum ex dignitate publicâ fuit. Primùm, ut orbis terrarum pietatis nostræ adhiberetur testis & conscius. deinde, ut manifestum esset, audere nos de bonis malisque Principibus, non tantùm post ipsos, iudicare. postremò, ut experimento cognosceretur & antè nos gratos, sed miseros fuisse: quibus esse nos gratos, probare antea non licuit. At quâ contentione, quo nisu, quibus clamoribus expostulatum est: ne affectus nostros, ne tua merita suppresseres: denique ut in posterum exemplo prouideres. Discant & Principes acclamationes veras falsasque discernere: habeantque muneris tui, quòd iam decipi non poterunt. Non instruendum illis iter ad bonam famam: sed non deferendum. non submouenda adulatio: sed non reducenda est. certum est & quæ facere, & quæ debeant audire, si faciant. Quid nunc ego super ea, quæ sum cum toto Senatu precatus, pro Senatu precer? nisi ut hæreat animo tuo gaudium, quod tunc oculis protulisti. Ames illum diem, & tamen vincas. noua mercaris, noua audias: eadem enim dici, nisi ob eadem facta, non possunt.

PUBLICA ACTA.] Quid? nonne igitur omnia Senatus decreta, aut seria magis dicta, in Acta mittebantur? certè. & erant huic rei Actuarij, & Acta Senatus in Tacito aliisque crebrò leguntur. Sed nota, quòd ait Publica acta: ea autem sunt Populi, quæ alio nomine Urbana. Nempe decretum, ut vulgus quoque ea sciret, & in publicis illis

oFido me io  
v. Ann.  
Tamri.

Actis

*Actis scripta legerentur, præter morem. ANTE ORATIONES.] In dæ non in æ tantum, sed aurum argentumque incise, & lectione publicâ repetitæ. Vide me, si lubet, super hoc more ad XIII. Annalem Taciti, haud pro ul initio. IN VVLGVS.] Quod factum, in Acta publica mittendo. POSTERIS.] Nempe in æ incidendo, & perpetuando.*

*POST IPSOS.] Cùm iam mortui. etsi, ô bone Plini, libertas est tantum sub bonis, & de bonis: in malis, iudicia quidem, sed non libera aut publicata. NOS GRATOS.] Placeat, non ingratos: etsi nec aliter sententiâ valdè dissidente, sed sic clariore. SVPPRIMERES.] Quis volebas publicari vel incidi. OCVLIS PROTVLISTI.] Lacrymando, suprâ. VINCAS.] Maiora faciendo, maiora audiendo.*

I AM quàm antiquum, quàm cõsulare, quòd triduum totum Senatus, sub exemplo tui, sedit? cùm interea nihil, præter Consulem, ageres. Interrogavit quisque quod placuit; dissentire, discedere, & copiâ iudicii sui reip. facere tutum fuit; consulti omnes, atque etiam dinumerati sumus: vicitq. ac sententia non prima, sed melior. At quis antea loqui, quis hiscere audebat, præter miseros illos qui primi interrogabantur? ceteri quidem defixi & attoniti, ipsam illam mutam ac sedentariam assentiendi necessitatem, quo cum dolore animi, quo cum totius corporis horrore, perpetiebantur? Vnus solusque censebat quod sequerentur omnes, & omnes improbarêt; in primis ipse, qui censuerat. Adedò nulla magis omnibus displicent, quàm quæ sic fiunt, tanquam omnibus placeant. Fortasse Imperator in Senatu ad reuerentiam eius componebatur: ceterum egressus, statim se recipiebat in Principem, omniaq; consularia officia abigere, negligere, contemnere solebat. Ille verò ita Consul, vt si tantum Consul foret: nihil infra se putabat, nisi quod infra Consulem esset. Ac primum, ita domo progrediebatur, vt illū nullus apparatus arrogantia principalis: nullus præcursorum tumultus detineret. vna erat in limine mora, consultare aues, reuereri que numinum inonitus. nemo protur-

T

baba-



babatur, nemo submouebatur. tanta viatoribus quies, tantus pudor fascibus, ut plerumque aliena turba subsistere & Consulem & Principem cogeret. Ipsius quidem officium tam modicum, tam temperatum, ut antiquus aliquisque magnus Consul, sub bono Principe incedere videretur.

QVAM ANTIQVVM.] *De eadem re, epistolâ xi. lib. 11.* Iam hoc ipsum, quàm pulchrum & antiquum, Senatui nocte dimitti, triduo vocari, triduo contineri? Ideò autem antiquum, quia olim assidue Senatus habitus, & res omnes in eo agitatae, decreta. at sub Principibus, rariores conuentus, quia illi ad se traherant precipua rerum, & Patres in speciem conuocabant interdum. Atque Augustus dies certos habendo Senatui definiuit: de quibus Tranquillus, cap. xxxv. DISCEDERE.] Non quidem è Curia: sed pedibus ire in hanc illamve sententiam. Cui libertatis mox opponi sedetariam assentiendi necessitatem.

DINVMERATI.] Virapars prapolleret. Neque enim hoc ad infrequentiam Senatus resulerim, cum ad impediendum decretum dicebatur, Numera Senatui: Festus, in iis vocibus. NON PRIMA.] Vide tyrannos. quibus Senatus pro imagine aut umbrâ erat. Vnum dicere ex composito iubeant, & quod ipsi vellent: atque vnum tantum. SEDENTARIAM.] Cum nec interrogarentur, nec surgerent ad dicendum: sed nec (ut in pluribus sententiis) discessio fieret. Sedentes igitur assentiebantur. quomodo? manu, aut voce. Nempe illâ sublatâ, & hâc in vnum verbum soluentes, Assentio, aut, Idem. FORTASSE.] Syllabam retraham, At fortasse. DOMO.] Palatio. PRAECYRSORVM.] Apparitorum, & antecambulorum. CONSULTARE.] Notetur. an de more publico, an Traiani priuato? Nihil sanè rei maioris, nisi auspiciatò Romani aggrediebantur: quod tamen in domus egressu id semper factum, baud subeunt nunc exempla. Nisi istuc facit, quod Victor in regione Palatii, Auguratorium ponit. At potuit priuatum, & ex more sua gentis deditus huic superstitioni esse. nam in Alexandro Lampridij legas: Οἰονομήτης (augur) magnus fuit, ut & Vascones, & Hispanorū, & Panoniorum augures vicerit. SYBMOVEBATVR.] Auctoribus, vel ab ipsâ officij turbâ. Lucanus, seu quis alius, ad Pisonem:

— nec enim tibi dura clientum

Turba rudisque placet, misero quæ freta labore,

Nil



Nil nisi summorum nouit precedere vulgo.

ALIENA.] *Occurrentia diuitis alicuius, aut magistratus.* OFFICIUM.] *Ipsi, qui deducunt, aut comitantur. Ouidius:*

Substitit hic, agmenque suum, turbæque sequentis

Officium, placido visus dimittere vultu.

Suetonius, Seneca, alij. MODICVM.] *Non frequens aut magnum: ut diuites illi agmina tota solent trahere.*

ITER illi sæpius in forum, frequenter tamen & in campum. nam comitia Consulum obibat ipse, & tantum ex renunciatione eorum voluptatis, quantum prius ex destinatione capiebat. Stabant candidati ante curulæ Principis, ut ipse ante Consulis steterat: adigebanturque in verba, in quæ paullò antè ipse iurauerat Princeps: qui tantum putat esse in iureiurando, ut illud & ab aliis exigat. Reliqua pars diei tribunali dabatur. Ibi verò quanta religio æquitatis? quanta legum reuerentia? Adibat aliquis ut Principem? respondebat, se Consulem esse. Nullius ab eo magistratus ius, nullius auctoritas imminuta est: antea etiam. siquidem pleraque ad Prætores remittebat: atque ita, ut collegas vocaret. non quia popolare gratumque audientibus: sed quia ita sentiebat. Tantum dignationis in ipso honore ponebat: ut non amplius esse censeret, quod aliquis collega appellaretur à Principe, quàm quod Prætor esset. Ad hæc, tam assiduus in tribunali, ut labore refici ac reparari videretur. Quis nostrum idem curæ, idem sudoris sumit? quis adeò expetitis honoribus, aut deseruit, aut sufficit? Et sanè æquum est, tantum ceteris præstare Consulibus ipsum, qui Consules facit. quippe etiam fortunæ videbatur indignum, si posset honores dare, qui gerere non posset. Facturus Consules, doceat; acceptumque amplissimum honorem persuadeat, scire se quid sit quod daturus sit. sic fit, ut illi quoque sciant, quid acceperint. Quò iustius Senatus ut susci-

peres quartum Consulatum, & rogauit, & iussit. Imperij hoc verbum, non adulationis esse, obsequio tuo credes: quod non aliâ in re magis aut Senatus exigere à te, aut tu præstare Senatui debes. Vt enim ceterorum hominum, ita Principum, illorum etiam qui dii sibi videntur, æuum omne & breue & fragile est. Itaque optimum quemque niti & contendere decet, vt post se quoque reipublicæ profuit, moderationis scilicet iustitiæq; monumentis, quæ prima statuere Consul potest. Hæc nempe intetio tua, vt libertatē reuoces ac reducas. Quem ergo honorem magis amare? quod nomen vsurpare sapius debes, quàm quod primum inuenit recuperata libertas? Non est minus ciuile, & Principem esse pariter, & Consulem: quàm tantum Consulem. Habe etiam rationem verecundiæ collegarum tuorum. Collegarum inquam: ita enim & ipse loqueris, & nos loqui vis. Onerosa erit modestiæ illorum tertij Consulatus sui recordatio, donec te Consulem videant. Neque enim potest non nimium esse priuatis, quod Principi satis est. Annuas Cæsar optantibus, quibusque apud deos esse consuesti, quorum potes ipse, votorū compotes facias. Fortasse sufficiat tibi tertius Consulatus, sed nobis tanto minus sufficit. ille nos instituit & induxit, vt te iterum iterumq; Consulem habere cupiamus. Remissiùs illud contenderemus, si adhuc non sciremus, qualis esses futurus. Tolerabilius fuit, experimentum tui nobis, quàm vsum negari. Dabitur ne rursus videre Consulem illum? audiet, reddet, quas proximè voces? præstabitque gaudium, quantum ipse percipiet? præsidebit lætitiæ publicæ, auctor eius & causa? tentabitque affectus nostros, vt solet, cohibere, nec poterit pietati Senatus, cum modestiâ Principis, felix speciosumque certamen: seu fuerit victa, seu vicerit. Equidem incognitam quandam, proximaque maiorem, præsumo lætitiâ.

Quis

Quis enim est tam imbecilli ingenio, qui non tanto meliorem Consulem speret, quanto sapius fuerit? Alius labores, si non continuos desidię ac voluptati dedisset, otio tamen & quiete recreasset. hic consularibus curis exolutus, principales resumpsit: tam diligens temperamenti, vt nec Consulis officium, Princeps; nec Principis, Consul appeteret. Videmus vt prouinciarum desideriis, vt singularum etiam ciuitatum precibus occurrat. nulla in audiendo difficultas, nulla in respondendo mora: adeunt statim, dimittuntur statim: tandemque Principis fores exclusa legationum turba non obsidet.

IN FORVM.] *Ad ius dicendum.* DESTINATIONE.] *Designatione. nam Princeps faciebat: & nunc Traianus, vt Consul, ipse renuntiabat.* COLLEGAS.] *Messalle verba vide apud Agellium, lib. xiii. cap. xiiii. quibus docet, Collegam esse Prætorcin Consuli, quod eodem auspicio creantur.* NON AMPLIUS.] *Id est, tanti faciebat honorem Pratura, vt non pluri æstimaret Collegam Principis dici, quàm Prætorcin.* ASSIDVVS.] *Præcomore, & Augusti exemplo, de quo Suetonius: Ipse ius dixit assidue, & in noctem nonnūquam: si parum corpore valeret, lecticā pro Tribunali collocatā, vel etiam domi cubans. Mos in Principe numquā satis laudandus.* DESERVIT.] *Vacat, & se impendit.* SVFFICIT.] *Par est.* DOCEAT.] *Exemplo suo, Consules agere.* OBSEQVIO TVO.] *Crede, inquit, nos iubere, non adulari, quomodo? obsequendo. Si facis & suscipis, ostendis te credere seridū nos sic velle: & volumus certē.* POTEST.] *Malim, potes.* CIVILE.] *Moderatum, equabile, & ciue dignum.* CONSVLEM.] *Quartū.* ESSE CONSVESTI.] *Corrigebam, adesse consueisti: quod & aliis placuit. Sententia est, Tu Casar, qui adesse nobis apud Deos precantibus soles, & vota nostra tuis iuuare: ecce nunc concede, quod à te, non à Diis, petimus, & à te pendet.* ILLE NOS.] *Tam laudabiliter gestus.* VSV.] *Vtilitatem: tam notam.* AVDIET.] *A Senatu acclamationes similes: atque ipse respondebit.* PIETATI.] *Omni reuocanda vox, è sine prioris: erit pietati: & interrogatione effrenda clausula.* CONTINVOS.] *Scribe, continuo se.* AVDIENDO.] *Fortasse, ad cundo: et si illud que que similem habere possit? sensum.*

TANDEMQUE.] *Ut sub Domitiano solet, sese includente.*

QVID, in omnibus cognitionibus, quàm mitis severitas, quàm nō dissoluta clementia? Non locupletando fisco sedes, nec aliud tibi sententiæ tuæ pretium, quàm benè iudicasse. Stant ante te litigatores, non de fortunis suis, sed de tuâ existimatione solliciti, nec tam verentur, quid de causâ suâ, quàm quid de moribus sentias. O verè Principis, atq; etiam Consulis, reconciliare emulas ciuitates; tumētēsque populos non imperio magis, quàm ratione, compescere; intercedere iniquitatibus magistratuū, insectumque reddere, quidquid fieri non oportuerit, postremò, velocissimi sideris more, omnia inuisere, omnia audire, & vndecunque inuocatum statim, veluti numen, adesse & assistere. Talia esse crediderim, quæ ipse mundi parens temperat nutu, siquando oculos demisit in terras, & facta mortalium inter diuina opera numerare dignatus est. quibus nunc per te liber solutusque, cælo tantum vacat: postquam te dedit, qui erga omne hominum genus vice suâ fungereris. Fungeris enim, sufficitque; mandanti: cum tibi dies omnis, summâ cum vtilitate nostrâ, cum tuâ laude, condatur.

LOCUPLETANDO.] *Non, ut tyranni, idè iudicas ut damnes, & bona ad fiscum tuum trahas. non fructus, sed equitas sola tibi finis*

SEDES.] *Pro tribunali.* EXISTIMATIONE.] *Tam te scilicet reuerentur, tuamque virtutem: ut malint opum satellitam, quàm sanam apud te facere.* ÆMVLAS CIVITATES.] *Qui morbus, etsi in publicâ illâ seruiente, ciuitates tenebat: queriturque de suâ Græciâ Plutarchus. Sed & Tacitus notat, quasdam ad exitium inter se discordes.*

INTERCEDERE.] *Irrita iniqua decreta facere, & nulla.* SIDERIS MORE.] *Solem intellege.* SIQUANDO OCULOS.] *Ille verò semper ô Plini, & tu hic cum auunculo tuo Epicurissas, cui irridendum videtur, agere curam rerum humanarum illud, quidquid est, summum. Sed prudentiam, eloquentiam, & omnia alia à vobis haurimus, quàm pietatem.* CAELO TANTVM.] *Ut poeta: Iupiter in cælis, Cæsar regit omnia terris.* VICE SVA.] *Seneca De Clement. ubi*

*Nero*

*Nero.* Ego ex omnibus mortalibus placui electusque sum, qui deo-  
rum vice fungerer in terris.

QUOD si quando cum influentibus negotiis paria fecisti, instar refectionis existimas mutationem laboris. Quæ enim remissio tibi, nisi lustrare saltus, excutere cubilibus feras, superare immensa montium iuga, & horrentibus scopulis gradum inferre, nullius manu, nullius vestigio adiutum: atque inter hæc, piâ mente adire lucos, & occurfare numinibus? Olim hæc experientia iuuentutis, hæc voluptas erat: his artibus futuri duces imbuebantur, certare cum fugacibus feris cursu, cum audacibus robore, cum callidis astut: nec mediocre pacis decus habebatur, submota campis irruptio ferarum, & obsidione quadam liberatus agrestium labor. Vsurpabant gloriam istam illi quoque Principes, qui obire non poterant: usurpabant autem, ut domitas fractasque claustris feras, ac deinde in ipsorum quidem ludibrium emissas, mentitâ sagacitate colligerent. Nunc par capiendi quærendique, sudor, summusque & idem gratissimus labor, inuenire. Enimvero si quando placuit idem corporis robor in maria proferre, non ille fluitantia vela, aut oculis sequitur, aut manibus: sed nunc gubernaculis assidet, nunc cum valentissimo quoque sodalium certat frangere fluctus, domitare ventos reluctantes, remisque transire obstantia freta. Quantum dissimilis illi, qui non Albani lacus otium, Baiani que torporem & silentium ferre, non pulsum saltem fragoremque remorum perpeti poterat, quin ad singulos ictus turpi formidine horresceret. itaque procul ab omni sono, inconcussus ipse & immotus, religato reuincloque nauigio, non secus ac piaculum aliquod, trahebatur. Fœda facies, cum populi Romani Imp. alienum cursum, alienumque rectorem, velut captâ naue, sequeretur. Nec deformitate ista saltem flumina carebant,

bant, atque amnes. Danubius ac Rhenus tantum illud nostri dedecoris vehere gaudebant, non minore cum pudore imperij, quod hæc Romanæ aquile, Romana signa, Romana denique ripa, quam quod hostium prospectarent. hostium, quibus moris est, eadem illa nunc rigentia gelu flumina, aut campis superflua, nunc liquida ac deferentia lustrare nauigis, nandoque superare.

INFLVENTIBVS NEGOTIIS PARIA.] *Id est, si exhausti omnia negotia, quæ magnâ copâ velut inundant. Paria facere, est reliqui nihil habere: à ratiociniis unptum.* LYSTREARE SALTVS.] *Venationis in eò studium commendat: quidquid mox dicit, rarum tamen, nec in magno, prisus Romanis. At alia gentes amarunt, & ab Hispanis suis traxis Trasanius. Ab eo Hadrianus, qui vsque ad infaniam & periculum eo detentus scribitur. Sed & M. Antoninus. piscando & venando multum se oblectauit. Quis carpere possit? vsu habet, si modum: & Plauto, Xenophon, alij laudarunt.* NVLLIVS VESTIGIO.] *Præcursus, opinor, & viam facientis aut monstrantis.* ADIRE LVCOS.] *Veterum opinione sacros.* OLIM HÆC EXPERIENTIA.] *Dubit an non. experimenta. Sed quando olim? vix sanè veteres Romanos factitasse legas, qui à primâ adolescentiâ in militiâ, aut eius exercitiis, erant. Sed & Sallustius, agrum colere, & venari, seruililibus officiis adscribit. Licet tamen opinari, haud neglexisse prius, et si in laude aut curâ non habuisse. Postea inualuisse haud nego, adeò vt Maximinus (sed Thraex ille, & barbarus) solis venationibus legiones frequenter exerceret: in eius vitâ.* OBSIDIONE QVADAM.] *Vene ipsi objederint, & indagine feras cinxerint? an vt liberarint ferarum obsidione agrestes?*

MENTITA SAGACITATE.] *Quò hæc spectent, quæro. Domitianum scio, sagittarum vel præcipuo studio tentum, & centenas varij generis feras sæpe in Albano secessu confecisse: ex Suetonio. An igitur vult Plinius, feras istas claustris cauei quæ emissas, & tum quasi sagacitate eius indagatas percussas quæ esse? potest: sed magis credam, apros, ceruos, aut id genus emissos: & captos deinde, quasi verâ venatione & sagacitate quæsitos.* LABOR, INVENIRE.] *Quasi dicat, Tu quærebas reuera feras, & eas ipsâ quæsitone delectabaris (ita est in venatoribus: ) finis quæ tuus erat præcipuus inuenisse. Quis enim vir magnus ob prædam quærit? OCVLIS SEQVITVR.] *Quietus & sedens. ac pulchre**

*chrè à moribus & ingenio nauigantium sumptum : quia reuera oculi ed  
feruntur. AVT MANIBVS.] An demonstrando, huc aut illuc, ecce,  
fert ventus? an, nauibus, legi verius? Mihi verius: & ignavia tangi-  
tur illorum, qui ne remos strepitusque alios nauticos audirent, naue aliâ  
religati nauem præducentem sequebantur. Mox palàm dicit. SODA-  
LIVM.] Qui Socij nauales dicuntur. FRANGERE.] Remis.*

*DISSIMILIS ILLI.] Domitiano. AC PIACVLVM.] Hostia,  
quæ scelera piabant, siue purgabant. Ea procul, nequis deuotam & ma-  
lis publicis onustam tangeres, traheretur, & in mare deuectam merge-  
bant. Græcorum κατάρυα, κάλυμα. CAPTA NAVE.] Iseratritus,  
Liuio expressus libro XXI. Romani naues omnes (captas) religatas  
puppibus in altum extrahere. NOSTRI.] Liber scriptus, monstri  
dedecus: quod nescio an edito præferam. DEFERENTIA.] Prono  
& suo cursu euntia. Quidam libri deferentia: quod esset, in se redeun-  
tia, ommissis campis. Possis &, deferuentia, legi.*

N E C verò laudauerim per se magnopere dūritiam  
corporis ac lacertorum: sed si his validior toto corpore  
animus imperitet, quem non fortunæ indulgentiæ mol-  
liant, non copiæ principales ad segnitiam luxumque de-  
torqueant; tunc ego, seu montibus, seu mari exerceatur,  
& lætum opere corpus, & crescentia laboribus membra,  
mirabor. Video enim iam inde antiquitūs, maritos dea-  
rum, ac deorum liberos, nec dignitate nuptiarum magis,  
quàm his artibus inclaruisse. Simul cogito, cū sint ista  
ludus & auocamentum huius, quæ quantæque sint illæ  
seriæ & intentæ, & à quibus se in tale otium recipit, volu-  
ptates. Sunt enim voluptates, quibus optimè de cuiusque  
grauitate, sanctitate, temperantiâ creditur. Nam quis adeò  
dissolutus, cuius non occupationibus aliqua species seue-  
ritatis insidat? otio prodimur. An non plerique Princi-  
pes hoc idem tempus in aleam, stupra, luxum confere-  
bant? cū seriarum laxamenta curarum, vitiorum con-  
tentione supplerent. Habet hoc primū magna fortu-  
na, quòd nihil tectum, nihil occultum esse patitur: Prin-



cupum verò nō modò domus, sed cubicula ipsa intimos-  
que secessus recludit, omniaque arcana noscenda famæ  
proponit, atque explicat.

NYPTIARVM.] *Pars membri altera deest, & natalium: ac pluscula  
hic obseruanda, aut fœdatis. SERIAE ET INTENTAE.] Sequitur  
mox voluptates: & nisi literarias aut illas animi interioris intellegat,  
quid velut ignoro. Imò placebat legere: quæ quantaque sint illa seria &  
intēta, & a quibus se in tale otium recipit. Voluptates sunt enim,  
voluptates, quibus: oratoriâ & efficaci repetitione. PRODIMVR.]  
Mens retegatur. quæ neque per remissiones intenta est ad velandam, &  
ipsas naturæ aptus moribusque appetit. CONTENTIONE.] Laxa-  
bant se à curis, ut in vitia animum intenderent. Quò sensu nec male, con-  
tentiones. MAGNA FORTVNA.] Iuuenalis: — secretum di-  
uitis vllum Esse putas? homines taceant, iumenta loquentur.*

PRINCIPVM.] *Seneca pulcherrimè, ad Neronem: Tibi non ma-  
gis, quàm Soli, latere contingit. multa contra te lux est: omnium  
in istam conuersi sunt oculi. Prodire te putas? oriris. loqui non  
potes, nisi ut vocem tuam, quæ vbique sunt gentes, excipiant.  
Claudianus, ad Honorium, patris nomine:*

Hoc te prætereà crebro sermone moncho,  
Ut te totius medio telluris in orbe  
Viueræ cognoscas: cunctis tua gentibus esse  
Facta palam; nec posse dari regalibus vsquam  
Secretum vitis. nam lux altissima fati  
Occultum nihil esse finit.

S E D tibi, Cæsar, nihil accommodatius fuerit ad glo-  
riam, quàm penitus inspicere. sunt quidem præclara, quæ  
in publicum profert; sed non minora ea, quæ limine te-  
nes. Est magnificum, quòd te ab omni contagione vitio-  
rum reprimis ac reuocas, sed magnificentius quòd tuos.  
Quanto enim magis arduum est alios præstare quàm se;  
tanto laudabilius, quòd cum ipse sis optimus, omnes cir-  
ca te similes tui effecisti. Multis illustribus dedecori fuit,  
aut inconsultius vxor assumpta, aut retenta patientius.  
ita foris claros domestica destruebat infamia: & ne maxi-

mi ciues haberentur, hoc efficiebat, quod mariti minores erāt. Tibi vxor in decus & gloriam cedit. Quid enim illā sanctius? quid antiquius? nōne si Pontifici maximo deligenda sit coniunx, aut hanc, aut similem (vbi est autem similis?) elegerit? Quā illa nihil sibi ex fortunā tuā, nisi gaudium vindicat? quā constanter, non potentiam tuam, sed ipsum te reueretur? Idem estis inuicem quod fuistis, probatis ex æquo, nihilque vobis felicitas addidit, nisi quod scire cœpistis, quā bene vterque vestrum felicitatem ferat. Eadem quā modica cultu? quā parca comitatu? quā ciuilis incessu? mariti hoc opus, qui ita imbuuit, ita instituit: nam vxori sufficit obsequij gloria. An cū videat, quā te nullus terror, nulla comitetur ambitio: non & ipsa cum silentio incedat, ingredientemque pedibus maritum, in quantum patitur sexus, imitetur? Decuerit hoc illam, etiam si diuersa tu facias. Sub hac verò modestiā viri, quantam debet verecundiā vxor marito, femina sibi? Soror autem tua, vt se sororem esse meminit? vt in illā tua simplicitas, tua veritas, tuus candor agnoscitur? vt si quis eam vxori tuæ conferat, dubitare cogatur, vtrum sit efficacius ad rectē viuendum benē institui, aut feliciter nasci. Nihil est tam proum ad simultates, quā æmulatio, in feminis præsertim. ea porrò maximē nascitur ex coniunctione, alitur æqualitate, exardescit inuidiā, cuius finis est odium. Quo quidem, admirabilius existimandum est, quod mulieribus duabus in vnā domo, pari que fortunā, nullum certamen, nulla contentio est: suspiciunt inuicem, inuicem cedunt, cumque te vtraque effusissimē diligat, nihil suā putant interesse, vtram tu magis ames. idemque vtrique propositum, idem tenor vitæ, nihilque ex quo sentias duas esse. Te enim imitari, te subsequi student. idē vtraque mores eosdem, quia vtrāque tuos habet. Inde moderatio,

inde etiam perpetua securitas. neque enim unquam periclitabuntur esse priuatae, quae non desierunt. Obtulerat illis Senatus cognomen Augustarum, quod certatim deprecatae sunt, quamdiu appellationem patris patriae tu recusasses: seu quod plus esse in eo iudicabant, si vxor & soror tua, quam si Augustae dicerentur. Sed quaecumque illis ratio tantam modestiam suaserit, hoc magis dignae sunt, quae in animis nostris & sint & habeantur Augustae, quia non vocantur. Quid enim laudabilius feminis, quam si verum honorem non in splendore titulorum, sed in iudiciis hominum reponant, magnisque nominibus pares se faciant, etiam dum recusant?

PENITVS INSPICI.] *Proprium omni verae virtuti, quae vult tractari. LIMINE.] Domestica & penetrales tuae virtutes, pares publicis aut publicatis. CIRCA TE.] Domesticos & familiares. Suetonius Iulio: Omnibus circa eum obstrictis. In Domitiano: Omnes circa se largissimè profecutus. SIMILES.] Martialis:*

Nemo suos (hæc est aulae natura potentis)

Sed domini mores Cæsarianus habet.

INCONSULTIVS.] *Parum exploratâ pudicitia eius. PATIENTIVS.] Iam infamis. VXOR.] Plotina, cuius memoria in lapidibus & nummis. Vel vno facto integritas & modestia comprobetur. Nam primò Palatium ingressura, cōuertit se ad populum, iam stans in gradibus: καὶ σταῦτον, inquit, αὐτὴς εὐχόμενα, εὐχαίρει καὶ ἡλθὼν αὐτὸν εὐχόμενον. Talis huc ingredior, qualem & exire me optauerim. Liberos non peperit optimo viro: sed satrix Hadriano ad imperium fuit, condigno item successorī. Is eam consecrauit, post maritum mortuam, & Basilicam miro opere, Nemausi in memoriam eius struxit. PONTIFICI.] Qualis ipse Traianus, & omnes Cæsares à Iulio fuerunt. At vxores eorum nec castæ semper, nec inter probas: atque adeò nescio an leges aliqua de Pontificis toro. Scio Tertullianum tale scribere, bis terque: sed viri docti de Flamine relligione interpretati sunt, quem ille Pontificem maximum appellat. At curiosè hæc nunc non quaero: mentem Plinij arbitror, Si Pontifici, pro sacrorum reuerentiâ, condigna vxor legenda sit, hanc illam fore. OBSEQVI.] Quod proprium feminae est, audire maritum & parere. SEXVS.] Inferior,*

*firmiter, & ideo in Sellam aut Lecticam sepe transferendus. FAEMINA SIBI.] Quia huic sexui innata verecundia, præcipuum eius ornamentum. SOROR.] Marciana. quæ tamen ante Consulatum Traiani sextum obiit, ut ex fornice Anconitano constat, in quo legitur: DIVAE. MARCIANAE. AVG. SORORI. AVG. Nam Diux appellatio mortuam notat, & consecratam. INSTITVI.] Quod in vxore euēnit.*

*NASCI.] Quod in sorore. ÆMVLATIO.] Contentio de dignitate. CONIUNCTIONE.] Cum vnâ agunt, & herent. ÆQUALITATE.] Vbi difficile discrimen, vtra prior. NON DESIERVNT.] Seruant modestiam, quam priuata habuerunt. RECVSASSES.] Atquin ille tamen admisit, ut supra vidimus: nondum tamen iste cognomen Augustarum. Et si postea, & in lapidibus, vtraque sic appellatur.*

I AM etiam & in priuatorū animis exoleuerat priscum mortalium bonum, Amicitia: cuius in locum migrauerant assentationes, blanditiæ, & peior odio, amoris simulatio. Etenim in Principum domo nomen tantum amicitia, inane scilicet irrifumque manebat. Nam quæ poterat esse inter eos amicitia, quorum sibi alij domini, alij serui videbantur. Tu hanc pulsam & errantem reduxisti: habes amicos, quia amicus ipse es. neque enim ut alia subiectis, ita amor imperatur: neque est ullus affectus tam erectus & liber, & dominationis impatiens, nec qui magis vices exigit. Potest fortasse Princeps iniquè, potest tamen odio esse nonnullis, etiam si ipse non oderit: amari, nisi ipse amet, non potest. Diligis ergo cum diligaris, & in eo quod vtrique honestissimum est, tota gloria tua est: qui superior factus, descendjs in omnia familiaritatis officia, & in amicum ex Imperatore submitteris. imò tunc maximè Imperator, cum amicum ex Imperatore agis. Etenim cum plurimis amicitis fortuna Principum indigeat, præcipuum est Principis opus, amicos parare. Placeat tibi semper hæc secta, & cum alias virtutes tuas, tum hanc constantissimè teneas: nec vnquam persuadeatur humile esse Principi, nisi odisse. Iucundissimum est in

rebus humanis amari, sed non minùs amare: quorum utroque ita frueris, ut cum ipse ardentissimè diligas, adhuc tamen ardentius diligaris. Primum, quia facilius est unū amare, quàm multos; deinde, quia tibi amicos tuos obligandi adest facultas tanta, ut nemo possit te nisi ingratus, nō magis amare. Operæpretium est referre, quod tormentum tibi iniunxeris, ne quid amico negares. Dimisisti optimum virum, tibiq̃ue carissimum, inuitus & tristis, & quasi retinere non posses. quantum amares eum desiderio expertus es: distractus separatúsque, dum cedis & vinceris. Ita quod fando inauditum, cum Princeps & Principis amicus diuersa vellent, id potiùs factū est quod amicus volebat. O rem memoriæ, litterisq̃ue mandandam! Præfectum prætorij non ex ingerētibz, sed ex subtrahentibus legere; eundemq̃ue otio, quod pertinaciter amet, reddere; cumq̃; sis ipse distentus imperij curis, non quietis gloriam cuiquam inuidere.

ASSENTATIONES.] *Cicero*: Sic habendum est, nullam in amicitia pestem esse maiorem, quàm adulationem, blanditiam, assentationem. PEIOR ODIO.] *Quia falsus amor plus nocet, quàm profectum odium.* IN PRINCIPVM.] *In Panegyrico, qui Theodosio dicitur*: Ecquis Imperatorum unquam putauit amicitie cultum in regiâ laude ponendum? Humilis hæc virtus, dubiumq̃ue an virtus, iudicabatur, nec palatiis digna, sed periculis habebatur. TV HANC.] *Iterum imitatus idem Panegyristes*: Tu amicitiam, nomen antea priuatum, non solum intra aulam vocasti, sed indutam purpura, auro geminisq̃ue redimitam, solio recepisti. LESE AMET.] *Apud Senecam, Hecaton ait*: Ego tibi monstrabo amatorium, sine medicamēto, sine herbâ, sine vilius veneficæ carmine. Si vis amari, ama. DESCENDIS.] *Utsqueo, ut agrotantes amicos viseret*. *Ausonius in Gratiarum actione, & Eutropius, quem supra dedi.* HUMILE ESSE.] *Quod videatur, quia amicitia inter æquales modò est: at ille eminet super omnes. Sed nempe amicitia parem si non accepit, facit.*

NISI ODISSE.] *Quia in odio occultus & degener metus. Generosi autem aliiq̃ue animi, vlcisci eligunt quàm odisse.* OPTIMUM VIR-

RVM.]

RVM.] Licium Suram fuisse volunt: sed quo auctore? Mihi promptura vel ex eo arguere, quod hic Suram bienio post, secundum Consul fuit: iterumque quadriennio interiecto, tertium. Quomodo autem, si nunc abiit, otio & quiete redditus? Sanè alius fuit hic Praefectus, cui & gladium tradidit, cum verbis æternis illis, quæ antè posui: etsi ibi quoque Suram nobis supponunt. Quis igitur alius? ex Victore Saburanum retineo: etsi ignotum mihi hominem, nec in Suranum demuto.

INTELLIGIMVS Cæsar, quantum tibi pro laboriosa istâ statione & exercitiâ debeamus, cum otium à te, tanquam res optima, & petatur & detur. Quam ego audio confusionem tuam fuisse, cum digredientem prosequeris? prosecutus enim, nec temperasti tibi quo minùs exeunti in litore amplexus osculum ferres. Stetit Cæsar in illâ amicitia speculâ, precatusque maria, celeremque (si tamen ipse voluisset) recursum, nec sustinuit recedentem non etiam atque etiam votis, lacrymis, sequi. Nam de liberalitate taceo. quibus enim muneribus æquari hæc cura Principis, hæc patientia potest? quâ meruisti, ut ille sibi nimium fortis, ac propè durus videretur? Nec dubito, quin agitauerit secum an gubernacula retorqueret: & fecisset, nisi quod penè ipsò contubernio Principis felicius iucundiusque est, desiderare Principem. Et ille quidem ut maximâ fructus suscepti, ita maiore depositi officij gloriâ fruitur: tu autem facilitate istâ consecutus es, ne quem retinere videaris inuitum. Ciuile hoc erat, & parenti publico conuenientissimum, nihil cogere: semperque meminisse, nullam tantam potestatem cuiquam dari posse, ut nō sit gravior potestate libertas. Dignus es Cæsar, qui officia mandes deponere optantibus; qui perentibus vacationem inuitus quidem, sed tamen tribuas; qui ab amicis orantibus requiem non te relinqui putes; qui semper inuenias, & quos ex otio reuoces, & quos otio reddas. Vos quoque, quos parens noster familiariter inspicere dignatur, fouete sanctè iudiciū

cium eius, quod de vobis habet, hic vester labor est. Princeps enim, cum in vno probauit amare se scire, vacat culpâ, si alios minus amat. Ipsum quidem quis mediocriter diligit? cum leges amandi non det, sed accipiat. hic præsens, ille mauult absens amari: vterque ametur, ut mauult. nemo in tedium præsentiâ, nemo in obliuionem absentiâ veniat. tenet quisque locum quem semper meruit, faciliusque est, ut oculis eius vultus absentis, quam ut animo charitas excidat.

RES OPTIMA.] *Quidni optima? meo intimo animo, & Socratis dicto, ὁδὸς ἀδελφῶν κτμικτόν*: Quies, optima rerum. *Adi Senecam nostrum De Breuit. cap. v.* CONFUSIONEM.] *Triuitiam, animi turbationem. vtiturque plus semel ita Plinius, & eius aui scriptores.* IN LITORE.] *Hic ergo homo trans mare secessum querebat, aut in aliquâ insularum.* AMICITIAE SPECVLA.] *In litore eminentiore, vnde amicum videres & prosequeretur abeuntem.* DESIDERARE PRINCIPEM.] *Tali virtute & benignitate, ut suavi semper cogitatione delictet. Sed plenius tamen argutiusque, quod in aliis: desiderare Principem desiderantem. Lucundum in amore, et sicum morfu, desiderare abfentem, à quo scias & te desiderari.* MAXIMA.] *Legendum, ut Livineius, maximo fructu. Quo illo? quod ex Praefecturâ illâ susceptâ, & flaqué, & opes, & tuam amicitiam, rettulit.* VOS QVOQUE.] *Amici & familiares eius.* SANCTE.] *Ego vellem, facite.*

QVEM SEMPER.] *Videbatur aptius, quem semel promeruit.*

PLERIQUE Principes cum essent ciuium domini, libertorum erant serui: horum consiliis, horum nutu regabantur, per hos audiebant, per hos loquebantur, per hos præturae etiam, & sacerdotia, & consulatus, imò & ab his petebantur. Tu libertis tuis summum quidem honorem, sed tanquam libertis habes: abundeque sufficere his credis, si probi & frugi existimentur. Scis enim præcipuum esse indicium non magni Principis, magnos libertos. Ac primùm neminem in usu habes, nisi aut tibi, aut patri tuo, aut optimo cuique Principum dilectum, statimque



timque hos ipsos quotidie, deinde ita formas, vt se non tuâ fortunâ, sed suâ metiantur. & tanto magis digni, quibus honor omnis præstetur à nobis, quia non est necesse.

PLERIQUE PRINCIPES.] *Vt Claudius Galba, Vitellius. SYMMVM QVIDEM.] Apoge. si summum, quid abit à Claudio? Rescribe, suum. PROBI ET FRVGI.] Quæ nota & laudes boni serui aut liberti. NON MAGNI.] Quomodo enim ille magnus, aut sibi fidens, qui tam vilibus se subiicit? IN VSU HABES.] Rebus tuis, aut prouerationibus præficiis. STATIMQUE HOS.] Corruptum est. Forrè, dilectum habitumque. Hos ipsos cotidie deinde ita formas.*

IVSTIS NE de causis S. P. Q. R. OPTIMI tibi cognomen adiecit? Paratum id quidem, & in medio positum: nouum tamen. scias neminem antè meruisse, quod non erat excogitandum, si quis meruisset. An satius fuit Felicem vocare? quod non moribus, sed fortunæ datum est. Satius Magnum? cui plus inuidiæ, quàm pulchritudinis inest. Adoptauit te optimus Princeps in suum, Senatus in Optimi nomen. Hoc tibi tam proprium, quàm paternum: nec magis definitè distincteque designat, qui Traianum, quàm qui Optimum appellat: vt olim frugalitate Pisones, sapientiâ Lælij, pietate Metelli monstrabantur. quæ simul omnia vno isto nomine continentur: nec videri potest optimus, nisi qui est omnibus optimis, in suâ cuiusque laude, præstantior. Meritò tibi ergo, post ceteras appellationes, hæc est addita, vt maior. Minus est enim Imperatorem, & Cæsarem, & Augustum, quàm omnibus Imperatoribus, & Cæsaribus, & Augustis, esse meliorem. ideoque ille parens hominum deorumque OPTIMI prius, deinde MAXIMI nomine colitur: quod præclarior laus tua, quem non minùs constat optimum esse, quàm maximū. A secutus es nomen, quod ad alium transire non possit, nisi vt appareat in bono Principe alienum, in malo falsum: quod licet omnes postea vsurpent,

semper tamen agnosceretur ut tuum. Etenim ut nomine Augusti admonemur eius, cui primum dicatum est: ita hac Optimi appellatio, nunquam memoriae hominum sine te recurret, quotiesque posteri nostri optimum aliquem vocare cogentur, toties recordabuntur, quis meruerit vocari. Quanto nunc diu Nerua gaudio frueris, cum vides & esse optimum, & dici, quem tanquam optimum elegisti? quam lætum tibi, quod comparatus filio tuo vinceris? Neque enim alio magis approbatur animi tui magnitudo, quam quod optimus ipse, non timuisti eligere meliorem. Sed & tu pater Traiane (nam tu quoque, si non sidera, proximam tamen sideribus obtines sedem) quātam percipis voluptatē, cum illum Tribunum, illum militem tuū, tantum Imperatorem, tantum Principem cernis: cumque eo qui adoptauit amicissimè contendis, pulchrius fuisse genuisse talem an elegisse? Maeste vterque ingenti in rempublicam merito, cui hoc tantum boni contulistis! Licet alteri vestrum filij virtus triumphalia, cælum alteri dederit: non minor tamen vestra laus, quod ista per filium, quam si ipsi meruissetis.

FELICEM VOCARE.] *Senecam vide, De Clem. l. cap. XIII.*

ALIENVM.] *Quia à te transsumptum scilicet. PROXIMAM TAMEN.] Supremum aërem, ubi heroës: Lucanus.*

Quodque patet terras inter, Lunæque meatus,  
 Seinidei manes habitant. quos ignea virtus,  
 Innocuos vitæ, patientes ætheris uni  
 Fecit.

*Stoicorum opinio est, ἡρώας εἶναι τὰς ὑπολειμμένας τῶν σπινθῆρων ψυχὰς: Heroas esse, animas, relictis corporibus, sapientum. Ad Senecam plura. TRIBVNVM.] Ergo sub patre Legato (in Iudæa fortasse) Tribunus filius fuit. PVLCHRVS FVISSE.] Vellem, fueritne.*

TRIVMPHALIA.] *Initio: Cum puer admodum Pardiçæ lauro gloriā patris augens.*

Scio

Scio Patres Conscripti, cum ceteros ciues, tum præcipuè Consules oportere sic affici, vt se publicè magis quam priuatim obligatos putent. Vt enim malos Principes rectius pulchriusque est ex communibus iniuriis odisse, quam propriis: ita boni speciosius amantur, ob ea quæ generi humano, quàm quæ hominibus præstant. Quia tamen in consuetudinem vertit, vt Consules publicâ gratiarum actione perlata, suo quoque nomine quantum debeant Principi, profiteantur; concedite nunc non pro me magis, munere isto, quàm pro collegâ meo Cornuto Tertullo C. V. fungi. Cur enim non pro illo quoque gratias agam, pro quo non minus debeo? præsertim cum indulgentissimus Imp. in concordia nostrâ ea præstiterit ambobus, quæ si tantum in alterum contulisset, ambos tamen æqualiter obligasset. Vtrumque nostrum ille optimi cuiusque spoliator & carnifex, stragibus amicorum & in proximum iacto fulmine afflauerat: iisdem enim amicis gloriabamur, eosdem amissos lugebamus: ac sicut nunc spes gaudiumque, ita tunc communis nobis dolor & metus erat. Habuerat hunc honorem periculis nostris diuus Nerva, vt nos & si minus, vt bonos, tamen promouere vellet: quia mutati sæculi signum & hoc esset, quod florent, quorum præcipuum votum antè fuerat, vt memoriæ Principis elaborerentur. Nondum biennium compleueramus in officio laboriosissimo & maximo, cum tu nobis optime Principum, fortissime Imperatorum, Consulatum obtulisti, vt ad summum honorem gloria celeritatis accederet. Tantum inter te & illos Principes interest, qui beneficiis suis commendationem ex difficultate captabant, gratioresque accipientibus honores arbitrabantur, si prius illos desperatio & tadium, & similis repulsæ mora, in notam quandam pudoremque vertissent. Obstat verecundia, quò

minus percenseamus, quo vtrumque nostrum testimonio ornatis, ut amore recti, amore reipublicæ, priscis illis Consulibus æquaueris: merito necne, neutram in partem decernere audeamus, quia nec fas est affirmationi tuæ derogare, & onerosum confiteri vera esse, quæ de nobis præsertim tam magnifica dixisti. Tu tamen dignus es, qui eos Consules facias, de quibus possis ista prædicare. Tribuas veniam, quod inter hæc beneficia tua gratissimum est nobis, quod nos rursus collegas esse voluisti. Ita caritas mutua, ita congruens tenor vitæ, ita vna eademque ratio propositi postulabat: cuius ea vis, ut morum similitudo concordie nostræ gloriam minuat, ac perinde sit mirum, si alter nostrum à collegâ, ac si à seipso dissentiat. Non ergo temporarium & subitum est, quod vterque collegæ Consulatu, tanquam iterum suo gaudet; nisi quod tamen qui rursus Consules fiunt, bis quidem, sed temporibus diuersis obligantur: nos duos Consulatus accipimus simul, simul gerimus, alterque in altero Consules, sed iterum & pariter sumus.

COLLEGA MEO.] *Vide epistolam xv. libri v. AMICORVM.] Heluidij, Rustij, Senecionis, Maurici, plurium: quos in Epistolis ipse nominat, caesos aut pulsos à Domitiano. IACTO FULMINE.] Ipse pariter: Tot circa me iactis fulminibus quasi ambustus, mihi quoque, impendere idem exitium certis quibusdam notis augurabar.*

ETSI MINVS.] *Hæc in vitio sunt, ægrè sine libris tollendo. Nitebar: etsi minus notos, ut bonos. Pro virtute, non ex amicitia promouit. Quibusdam etiam libris mox illud, tamen, abest. ELABERENTVR.] Ne notis & cogitatis, peribantur. NONDVM BIENNIVM.] Quando igitur, aut à quo, electus ad hoc officium? Vt hæc verba palam volunt, à Nervâ. Atquin epistolam Plinij video, quæ repugnat, & ad Traianum ipsum refert. Ita enim tertia epistola, lib x habet: Ut rimem me domine indulgentia vestra promouit ad Præfecturam ærarij Saturni. Satin hoc clarè ad Traianum? Respondeo, vestram indulgentiam ipsi legi, non Tuam: itaque ad vtrumque referendum,*

& Neruam & Traianum. Sic enim & in epist. viii. Postea curis delegati à vobis officij retentus: de ipso hoc officio, & de viroque illo auctore. Neque enim aliter hoc numero ad Traianum solum vti solet. Meo igitur iudicio, electus Plinius cum Tertullo ad hoc munus, adoptato iam Traiano & imperij consorte: atque ita utrumque (et si Traianus absens) promotorem agnoscit. Hoc euenit paucis ante Neruæ obitum septimanis, an mensibus: nec opinor, et si designatos, munus obuisse ante Ianuarium mensē. Benè ergo hīc, nondum biennium in officio expletum: quia Consulatus ei oblatus (ita & hic loquitur) ante Ianuarium mensē. Oblatus inquam à Principe, qui reuera solus faciebat Consules: sed postea tamen in Senatu suffragiorum aliqua species, & in campo comitiorum. vt sequentia declarant; quæ vide ne aliter acceperis, & ne te fallant.

OFFICIO LABORIOSISSIMO.] De quo ipse ep. x. lib. i. Distringor officio, vt maximo, sic molestissimo. Sed eo pro tribunali, sub noto libellos, conficio tabulas, scribo plurimas, sed illitteratissimas, litteras. Post quam epistolam tamen mortem Virginiū Rufi memorat: quæ diu anterior. vt appareat, seriem temporum, in disponendis, non ubique seruata. EX DIFFICULTATE.] Ars nec ignota nostris Aulicis. quibus hoc vitium est (cum Seneca dicam) ambitione praua differendi promissa, ne minor sit rogantium turba. Plura ille de hoc genere, II. De Ben. f. cap. v. IN NOTAM.] Ignominiam. ITERVM SVO.] Non quòd alteruter antè Consul: sed acumen est, quòd vterque in college Consulatu videatur sibi Consul. Itaque bis, & eundem tempore atque anno.

ILLVD verò quàm insigne? quòd nobis Præfæctis ætario Consulatum antè, quàm successorem dedisti. Aucta est dignitas dignitate, neque continuatus tantum, sed geminatus est honor: finemque potestatis alterius, tãquam parum esset excipere, præuenit. Tanta tibi integritatis nostræ fiducia fuit, vt non dubitares te saluâ diligentie tuæ ratione esse facturum, si nos post maximum officium priuatos esse non sineres. Quid, quòd eundem in annum Consulatum nostrum contulisti? Ergo non alia nos pagina, quàm te Consulem accipiet, & nostra quoque nomina addentur Fastis, quibus ipse præscriberis. Tu comi-

tiis nostris præsidere, tu nobis sanctissimum illud carmen præire dignatus es, tuo iudicio Consules facti, tuâ voce renunciati sumus: ut idem honoribus nostris suffragator in curiâ, in campo declarator existeres. Nam quòd eum potissimum mensem attribuisti, quem tuus natalis exornat, quàm pulchrum nobis! quibus edicto, quibus spectaculo celebrare continget dignum illum, triplici gaudio latum: qui Principem abstulit pessimum, dedit optimum, meliorem optimo genuit. Nos sub oculis tuis augustior solito currus accipiet, nos inter secunda omina & vota certantia, quæ præsentì tibi conferentur, vehemur alacres, & incerti ex utrâ parte maior auribus nostris accadat clamor. Super omnia tamen prædicandum videtur, quòd pateris Consules esse quos fecisti. quippe nullum periculum, nullus ex Principe metus, consulares animos debilitat & frangit: nihil inuitis audiendum, nihil coactis discernendum erit. Manet manebitque honori veneratio sua, nec securitatē auctoritate perdemus. Ac siquid fortè ex Consulatus fastigio fuerit diminutum, nostra hæc erit culpa, non sæculi: licet enim quantum ad Principem, licet tales Consules agere, quales ante Principes erant. Vllâ mne tibi pro beneficiis referre gratiâ parem possumus? nisi tamen illam, ut semper nos meminerimus Consules fuisse, & Consules tuos. Ea sentiamus, ea censeamus, quæ consularibus digna sunt. Ita versemur in repub. ut credamus esse rem publicam. non consilium nostrum, non operâ subtrahamus: nec disiunctos nos, & quasi demissos Consulatu, sed quasi astrictos & deuinctos putemus: eundemque locum laboris & curæ, quem reuerentiæ dignitatisque, teneamus.

PRAEVENIT.] Non ipse Consulatus, quem tardius gesserunt: sed ipsa designatio. PRIVATOS ESSE.] Non quòd reuera designati magistratus, iam magistratus sint: sed quodammodo, & quia dignitatē suæ

iam securi & certi. EVNDEM IN ANNUM.] Nihil deest, nec muto. Emendem in annum, nempe in quem tuum contulisti. PAGINA.] Fastorum. PRAESCRIBERIS.] Benè. in eius nempe capite, ut primus anni Consul: & nos suffecti tum, ex ordine. PRAESIDERE.] Hæc iam post oblatum Consulatam facta, ut tetigi: & dicis causâ, concessa velut habita: præsedet quæ iis Consul Traianus. CARMEN.] De quo supra: Perpeßus es longum illud comitiorum carmen. TV O IUDICIO] Commendatione & suffragio, in Senatu. RENVNCIATI.] Declarati, in campo. Obserua ordinem tunc comitialem. NAM QVOD EVM POTISS.] Nihil nihil clarius aut verius. vir tamen doctus nuper ex vet. codice legit & emendat, nam quod eos, & mox mensi. Eos, inquit, nempe honores. Quid opus est nebulam suffundere? sententia liquida: Dedißi nobis eum mensem (nempe Septembrem) in quo celebritas & decus adici posset nostro Consulatui. Quia ex Kalendis Septembris designati, in Novembres. EDICTO.] Quo festiuitas Natalis tui indicabitur, itémque in eo ludi. SPECTACVLO.] Demerre, iam inde ab Augusto. Nam eius natalem annuis Circensibus, id quæ decreto in perpetuum, celebratum, Dio tradit lib. LIIII. & LV. Suetonius, Tiberium per modestiam omisßisse, & natalem suum, plebeiis Circensibus intercurrentem, vix bigæ vnus adiectione passum honorari. Sed alij deinde fecerunt, & plura exempla. CELEBRARE.] Frequentem reddere. Diuus Maximus, in Natali Dominico: Lætitiæ quanta sit, quantusque concursus, cum Imperatoris mundi istius natalis celebrandus est, benè nostis: & plura, quæ addit. TRIPLICI GAUDIO.] Mirus satis, & à fato concursus.

ABSTVLIT.] Domitianum. qui mortuus XIII. Kal. Octobr.

DEDIT.] Neruam, illo ipso die lectum Principem. GENVIT.] Traianum. SVB OCVLIS.] Cum sis in vrbe, te spectante & sedente. AVGVSTIOR SOLITO.] Quia hætenus Tribuni, inquit, aut Prætores: at nunc Consules in sella altiore, & curulis. Logi, ut statim dicam: nunc illud, videri rescribendum augustiores. Ipsi, qui sic vehuntur, crescere videntur, & maiestatem ab illo splendore assumere. Quod si de curru tamen, & augustior placet: benè, augustior vulgariis, quia triumphalis. CVRRVS.] Ipse currus; non sella curulis, quæ in Capitolium (ita volunt) ad vota nuncupanda ferantur. Mos sic habes. Circenses istos Prætor aut Consul edebat: atque is curru sublimis, & in habitu triumphali. Iuuenalis:

Quid,



Quid, si vidisset Prætozem in curribus altis  
 Exstantem, & medio sublimem in pulvere Circi,  
 In tunicâ Iouis, & pictæ Sarrana ferentem  
 Ex humeris aulæa togæ?

*En Prætozem tibi in curru, in Circo, in veste triumphî. Symmachus lib. VI. epist. XL I. Illud ante omnia interpretatio tristis horrefcit, quòd natali vrbs suffectum Consulem, currus quo vehebatur euoluit, per ferociam bigarum, quæ triumphum vehebant. Tacitus 1. Annal. de Tribunis plebis, qui Augustalia celebraturi: Currus vehi, haud permissum: ne scilicet Consulibus aut Prætoribus æquarentur. Vide me ibi. Possis tamen etiam simpliciter aptari ad ritum, quò primo die Consules in curru vehebantur sublimes. Cassiodorus lib. II. epist. II. Cellos currus (sic legendum) nisi confidentia magna non appetit. Et mox: Respice te supra omnium humeros, atque ora volitate: quæ omnia ad Consulem designatum scribuntur. Ammianus lib. XXV. Adhibito in societatem trabæ Varroniano filio, admodum paruulo. cuius vagitus pertinaciter reluctantis, ne in curuli sellâ verheretur, ex inore; id quod mox accidit, portendebat. SECUNDA OMINA.] Lata tibi nobisque precantium. VTRA EX PARTE.] Ex utro latere Circi. SECVRITATEM AVCTOR.] Id est, nec periclitabimur, si auctoritatem loci magistratusque tenebimus: vt ante sub tyrannia. CONSVLES TVOS.] A te salu creatos, quod est supersum Consulatam. DIMISSOS.] Quasi iam ultra non opus vacare reip. vt emeritos, & rude donatos. quia scilicet culmen honorum scandimus. EVNDEMQUE LOCVM.] Primum. sicut in reuerentiâ & dignitate primi sumus, iam Consulares: ita & in labore cura que sumus.*

IN fine orationis præfides custodesque Imperij deos, ego Consul pro rebus humanis, ac te præcipue Capito-line Iupiter, precor; vt beneficiis tuis faueas, tantisque muneribus addas perpetuitatem. Audisti quæ malo Principi precabamur, exaudi quæ pro dissimillimo optamus. Non te distringimus votis. non enim pacem, non concordiam, non securitatem, non opes oramus, non honores: simplex cunctaque ista complexum vnum omnium votum est, SALVS PRINCIPIS. Nec verò noua tibi iniun-

iniungimus. tu enim iam tūc illum in tutelam recepisti, cum prædonis audidissimi faucibus eripuisti: neque enim sine auxilio tuo, cum altissima quæque quaterentur, hic, qui omnibus excelsior, inconcussus stetit. præteritus est à pessimo Principe, qui præteriri ab optimo non potuit. Tu clara iudicij tui signa misisti, cum proficiscenti ad exercitum tuo nomine, tuo honore cessisti. Tu vocæ IMPERATORIS quid sentires locutus, filium illi, nobis parentem, tibi Pontificem maximum elegisti. Quo maiore fiducia, iisdem illis votis quæ ipse pro se nuncupari iubet, oro & obtestor, si bene remp. si ex utilitate omnium regit, primum ut illum nepotibus nostris ac pronepotibus serues, deinde ut quandoq; successorem ei tribuas quem genuerit, quem formauerit, similemque fecerit adoptato; aut si hoc Fato negatur, in consilio sis eligenti, monstresque aliquem quem adoptari in Capitolio deceat. Vobis P. C. quantum debeam publicis etiam monumentis continetur. Vos mihi in Tribunatu quietis, in Præturâ modestiæ, vos in istis officiis etiam quæ è studiis nostris circa tuendos socios iniunxeratis, cuncti constantiæ antiquissimum testimonium perhibuistis. Vos proximè destinationem Consulatus mei his acclamationibus approbauistis, ut intelligam etiam atque etiam enitendum mihi, ut hunc consensum vestrum complectar & teneam, & in dies augeam. etenim memini tunc verissimè iudicari, meruerit quis honorē, necne, cum adeptus est. Vos modò fauete huic proposito, & credite, si cursu quodam prouectus ab illo insidiosissimo Principe antè quàm profiteretur odium bonorū, postquam professus est, substiti; cum viderem quæ ad honores compendia paterent, longius iter malui; si malis temporibus inter mæstos & pauentes, bonis inter securos gaudentesque numeror; si denique intantum diligo optimum Principem.

pem, inquantum inuisus pessimo fui. Ego reuerentiæ  
vestræ sic semper inseruiam, non vt me Consulē, &  
mox Consularem, sed vt candidatum Cōsulatus putem.

PRINCIPI PRECABAMVR.] *Aptius, imprecabamur, littera fi-*  
*nali geminata. Est autem de Domitiano. VNVM OMNIUM VO-*  
*TVM]* *Vide Suetonium in Aug. cap. LVIII Senecam de Clem. i. cap.*  
*XIX. Martialis illud nec absimile, ad Iouem:*

Nil pro me mihi Iupiter petenti,  
Ne succensueris, velut superbo.  
Te pro Cæsare debeo rogare,  
Pro me debeo Cæsarem rogare.

AB OPTIMO.] *In eligendo, & adoptando. TVO NOMINE.]*  
*Imperatoris, vt explicauit sub initium: Omnis turba, quæ limen in-*  
*federat, te consulatuit Imperatorem. Et Iupiter communiter sic*  
*agnominatus. Plautus: Qui est imperator diuū atque hominū*  
*Iupiter. ADOPTATO.] Sibi. PUBLICIS MONUMENTIS.]*  
*Atque Senatui, ubi elogia super Plinio. E STUDIIS.] Eloquentia, &*  
*forensium causarum. CVM ADEPTVS EST.] Veteri dicto, ἡ ἀρχὴ*  
*τῶν ἀρχῶν δόκοντι: magistratus virum probat. PROVECTVS.] Ad*  
*Tribunatum & Præturam: epist. xi. lib. iii. COMPENDIA.] Per*  
*malas artes, & delationes. PESSIMO FUI.] Videtur pendere tota*  
*hec periodus: nec tamen pendet. Modus ita rogandi est, Si hoc feci,*  
*dixi, &c: faueto & credite. CONSVLEM.] Qui nunc hac dico.*

CANDIDATVM.] *Qui obnoxij semper, reuerentes, supplices.*  
*Finem meum scribendi habeo. Vtinam illum alterum, vt legant, ca-*  
*piant, audiantque hac Principes, cum æterno suo & publico bono: Da*  
*ô tu Æternæ:*

## APPROBATIO.

**D**ISSERTATIONCVLA I. LIPSI apud  
 PRINCIPES, quod erudita sit & Christiana  
 consentanea pietati, quae superiores non potestate domi-  
 nante, sed Charitate seruiente felices vere pradicat, di-  
 gna est quae typis excudatur ac diuulgetur. Item, de  
 Plinij Panegyrico eiusque Commentario: lu-  
 ce hanc lucem dignam censeo.

Gulielmus Fabricius Nouiomagus, Apostolicus  
 ac Archiducalis librorum Censor.

# PRIVILEGIUM CÆSAREVM.

**R**VDOLPHVS SECVNDVS diuina fauente clementia electus Romanorum Imperator semper Augustus, ac Germaniæ, Hungariæ, Bohemiæ, Dalmatiæ, Croatiæ, Sclauoniæ Rex, Archidux Austriæ, Dux Burgundiæ, Stiriæ, Carinthiæ, Carniolæ & Wirtembergæ &c. Comes Tirolis, &c. Nostro & Sacri Imperij fidei dilecto LVSTO LIPSIO gratiam nostram Cæsaream. Postquam inter alia, quæ DE vs immortalis hominibus liberali manu dedit dona, illustria imprimis illa & quasi diuina sunt, quæ in literis liberalibusque disciplinis consistunt, quibus scilicet homines non tantum ab animalibus ceteris rationis expertibus, sed & tudi etiam & imperito hominum vulgo ita distinguuntur, vt tanquam Diu quidam splendescere in terris videantur: rem sanè præclaram seque dignam illi præstant, qui diligentem in ipsis in literis ac disciplinis operam ponunt, præclarissimam verò & Reipub. vtilissimam, qui eas ita excolunt, vt aliorum mentis docendo, scribendo lumina præferant, eosque ex ignorantis tenebris quasi manu educant. Quos excitare, quos amare atque animare ad dignitatis nostræ munus, ad quod Diuino vocati beneficio, concessuque sumus, imprimis pertinere existimamus. Cum itaque ab his, quorum nobis spectata fides, qui que iudicare de Literis possint, acceptimus, insignes te animi ingenique tui dotes tibi à natura insitas à primis temporibus ætatis tuæ ita literarum ac disciplinarum studiis excoluisse atque exornasse, vt olim iuuenilibus adhuc annis præclata florescentis minimeque vulgaris eruditionis specimina præbueris, dum obscura in antiquis scriptoribus loca, quæ quædam tanquam lustra erant, illustrasti, quæque in his iniuria temporum deprauata & corrupta fuerunt, restituisi, dum vetusta Latinæ antiquitatis rudera in nouam subinde structuram singulari artificio eleganter conuertisti: ad exquisitam adeo & taram doctrinam, quæ magnam de te apud doctos quosque viros opinionem excitari, peruenisse, eamque variis abs te libris acri & graui cum iudicio scriptis atque in lucem editis ostendisse, vt in eo quod tam feliciter tractes descriptionis genere paucos tibi pates hodie reperire sit: iam verò matura te ætate virum, viro magis magisque digna, & viris doctis grata ac Reipub. utilia scribere, quæq. à primis illis Romanis olim auctoribus scripta fuerunt, à mendis purgare, & lectissimos quosque ex Musarum hortis, in quibus assidue verseris, flores colligere, concinnare, quibus Lectores mirifice tecres, & eorum pectus ad prudentiam, probitatemque informes: haudquaquam prætermittere volumus, quia Reipub. ad quam hæc abs te ornamenta conferuntur, causa, Cæsareo te nostro elogio decorandum, & quamuis per te satis ipse animatus sis, animadum magis patrociniòq. nostro defendendum pro benigna nostra in te suscipiemus voluntate. Quoniam verò lucubrationibus atque operibus tuis in lucem edendis, pecuniariam te eligere velle Typographum, accepimus, Diplomate hoc nostro priuilegioque te & Typographum tuum aduersus quorumcunque fraudem, qui lucri causa, quod fieri solet, eadem excudere aut typis imitari fortè velint, munitos cupimus. Quamobrem pro auctoritate nostra Cæsarea decernimus, statuimus, veramusque, ne quis Typographorum, Bibliopolarum,

aut aliorum, qui librariam negotiationem exercent, eos libros, quos tu edituruses, quocunque modo, charactere, aut forma, siue integros, siue aliquam eorum partem typis imitari, edere, excudere, aut venundare intra sacri Romani Imperij, Regnorumq. ac Dominiorum nostrorum hæreditariorum fines triginta annis proximis à primo editionis die computandis, absque tuo tuorumve hæredum consensu audeat: Hac autem lege addita, ut tria veniminum cuiusque libri exemplaria, quemadmodum moris est, ad Imperialem nostram Cancellariam mittantur. Si quis verò edictum hoc nostrum transgredi, violare, aut contemnere deprehensus fuerit, cum non solum eiusmodi libris, tibi, hæredibusve tuis, auxilio Magistratus, ubicunq. reperti fuerint, vendicandis, priuari, sed triginta etiam Marcharum auri puri multa, cuius semissis quidem Fiscus nostri Procuratori, fraudis vindici: alter verò semissis, tibi hæredibusve tuis pendatur, puniri volumus. Mandantes vniuersis & singulis nostris & sacri Romani Imperij subditis & fidelibus dilectis, tam Ecclesiasticis quàm Politicis, cuiuscumque status, gradus aut ordinis extiterint, præsertim verò iis, qui in Magistratu constituti, vel suo vel superiorum suorum loco aut nomine, ius dicunt, iusticiamue exercent, ne quemquam hoc Privilegium nostrum impunè violare, spernere aut negligere patiantur: Sed, si quos contumaces compererint, constituta à nobis multa, eos puniri & quibuscunque modis coerceri curent, ni & ipsimet grauissimam nostram in se convertere indignationem velint. Id quod hoc Diplomate, manu nostra subscripto, & Cæsarei nostri sigilli impressione munito, confirmamus. Datum in arce nostra Regia Pragæ, die prima mensis Augusti. Anno Domini Millesimo, Quingentesimo, Nonagesimo secundo: Regnorum nostrorum Romani decimo septimo, Hungaricæ vigesimo, & Bohemicæ item decimo septimo.

RVDOLPHVS.

*Subsign.*

Iacobus Curlius à Senfftenau.

*Ad mandatum sacra Cæsarea M<sup>in</sup> propriam.*

Io. Baruitius.

*additum sigillum Cæs. M<sup>in</sup> in cera rubrâ.*

**P**HILIPPVS Deigratia Hispaniarum, &c. Rex Catholicus, diplomate suo sanxit, nequis, Iusti Lipsij Historiarum in alma Vniuersitate Louanienfi Professoris, & item Historiographi sui libros quoscunque, à Censoribus legitimis approbatos, præter ipsius, heredumve eius, voluntatem, intra triginta annos à prima singulorum librorum editione computandos imprimat, aut alibi terrarum impressos, in has inferioris Germaniæ ditiones importet, venalésve habeat. Qui secùs faxit, præter librorum confiscationem triginta marcharum auri puri illatione mulctabitur. Vt latius patet in litteris, datis Bruxellæ xiv. Feb. M. D. xcvii.

Signat.

*Verreycken.*

**T**ibi JOANNES MORETE, pro amicitia qua mihi cum Plantino (heu, quondam meo) & Plantinianis est ac fuit, tibi, inquam, permitto, uti DISSERTATIONCVLAM meam apud PRINCIPES, unà cum COMMENTARIO in PLINI PANEGYRICVM, typis tuis excudas ac diuulges. Nequis alibi alius præter te, cupio sue iubeo, ex lege quam magnus Caesar & Rex meus dixerunt.

Iustus Lipsius.